








*John Carter Brown*







Wm

copy

This copy Mr. Fisher at Gen. H. S. Fisher's Office  
£ 2.4.0


2.

29.



pan







W.  
IN HOC VOLV MINE HAEC  
CONTINENTVR.

AVRELII CORNELII CELSI MEDICINAE  
LIBRI. VIII. QVAM MEMENDATISSIMI,  
GRAECIS ETIAM OMNIBVS  
DICTIONIBVS RESTI-  
TVTIS.

QVINTI SERENI LIBER DE MEDICINA  
ET IPSE CASTIGATISS.

ACCEDIT INDEX IN CELSV M, ET SERE-  
NV M SANE QVAM COPIOSVS.



**V**enetorum decreto, ne quis aliquo in loco Venetæ ditionis  
hos libros imprimat, impressos'ue alibi  
uendat, cautum est.



AMPLISSIMO, ET MERITISSIMO HERCV-  
LI GONZAGAE .SS. ROMANAE SEDIS  
CARDINALI IOANNES BAPTI-  
STA EGNATIVS VENETVS.

*¶* Vm multa, & ampla sunt ea, quæ Principes viros, tuq;  
similes illustrare maxime solent: tum nihil maius aut  
honestius, quàm cum bonarum artium studiosos homines  
exornant: & bonas literas omni studio, atq; opera in lu-  
cem prodire contendunt siue q; is semper literarum Genius fuit, ut  
augustissimus merito iudicetur: siue q; si doctorum hominum discipli-  
nam negligas: ueluti solem de cælo sustuleris, omnis hominum uita  
in tenebris sit futura. Fecit hoc ipsum patrum nostrorum memoria:  
summa sua cum laude senior Alphonsus, qui cum propria uirtute re-  
gnum Neapolitanum armis sibi quæsisset, ad pacis studia conuersus,  
omnes eius ætatis viros, qui doctrinæ aliquod specimen præferreret,  
mirū in modum est complexus. Eandem propensionem literas fouen-  
di secutus nō multo post Nicolaus Quintus Pont. Max. est. ut incredi-  
bile dictu sit quātum breui licet eius Pōtificatū profecerint bonæ lite-  
ræ: ut si uerū fateri uelis, huic uni plus debeamus Pōtifici, q̃ omnibus  
alijs, qui aut multis ante illū floruerint annis: aut qui ad hūc diē uixe-  
re in Barionæ sede Pontificibus. Cæterum obscurauit penè hanc cla-  
rissimorum Principum beneficentiam Laurentius Medices perpetuus  
Florentinæ Reip. dictator. qui uitam, paternamq; laudem æmula-  
tus prouehendi ueteres disciplinas, & artes, magno studio, & im-  
pensa primū bibliothecam copiosissimam comparandam iussit: quā-  
do sine mutis hisce magistris, qđ aiūt, aut parū, aut certe nihil profici-  
mus: tum doctissimos viros quotquot terra Italia id tēpestatis alebat,  
ad sese euocandos curauit. quos et præmijs longe maximis inuitaret:  
& ad ocium hoc literarium ita inflammaret, ut nihil omnino his  
deesse pateretur. Et quoniam Principum, ac Regum exempla pluri-  
mum in utraq; partem ualent: non defuit eadem tempestate Prin-  
ceps bellicæ gloria clarissimus Fridericus Vrbina, qui Laurētij splē-  
dore uicini, et amicissimi Principis cum exarsisset: eandem æmulatus  
laudem, nō parnam librorum copiam, & præcipue qui ad sacrā rē  
spectant, compararit: & à sole, puluerēq; martio sepe in spacia, atq;  
ambulacra philosophorum diuerterit. Vt quicquid illi à bellicis arti-  
bus erat ocij, id totum familiaribus doctorum hominum sermonibus  
libenter impēderet. Sed enim nec Gonzagæ tui minus operæ semper  
huic uni dedēre rei, quàm bellicis rebus, quibus maxime florere. Nā



sub initia renascentium literarum, quæ sexcentimum iacuerant  
annum in terra Italia, Victorinum Feltrensem sibi adsciuerunt. cuius  
doctrinam regij adulescentes uestri iam tum à primis annis imbibe-  
rent. Tu uero ut uideo cum alijs artibus maiorum tuorum adæquas  
laudem: tum hac una literarum, & doctorum hominum exornandi cura  
superare contendis. qui summo studio iam ab annis adulescentiæ do-  
ctissimum quendam in familiam adsciuisi tuam: magnisque semper  
præmijs ornasti. Nam ut omittam Furnium merito abs te semper ho-  
nestatum: Romulum certe sic complexus ab initio es, ut non prius  
desisteris, quam illum studiorum tibi perpetuum asciueris comitem. quæ  
laus eò maior est, quod & temporum hæc iniquitas etiam ociosissimos  
homines ab literis auocat: & Romulus cum honestissime Bononiæ pro-  
fiteretur, maluit tamen te sequi: & tecum, ut cum optimo Principe,  
conquiescere. non dubitans quin ingrauescens eius ætas sub te Prin-  
cipe uiro efflorescere etiam possit. sed quid ego dicam quanto studio  
Franciscum Asulanum tibi addictissimum feceris? qui hæreditariam  
Aldi laudem secutus, nihil nõ egit ut bonæ literæ cum græcæ, tum la-  
tinæ in dies maiorem recipiant cultum. Et ille quidem cum noctes  
ac dies hanc curam animo coqueret: accessit mox authoritas, ampli-  
tudoque tua: quæ currentem, quod aiunt, equum fortius ad cursum ex-  
citaret. Nam cum alia in tui unius gratiam suscepit: tum Celsi Cor-  
nelij de medicina libros longe utilissimos, & elegantissimos inuulgan-  
dos recepit. quod eo libentius suscepit, quod abs te imprimis codicem sane  
castigatum statim acceperit. id oneris ut scilicet Celsus quæ emendatissimus  
publicum acquireret: non quod ego unus omnium doctissimus, sed quod  
Francisco, & familie, & Aldi præsertim nomini maxime semper fa-  
ui: suscepit non inuitus: idque, uti spero, non atris auibus præstitisse me  
confido: ut docti etiam homines libenter hosce Celsi libros legant: in-  
docti non aspernentur. Quod opus tui unius auspicijs in lucem cum  
prodeat, tuum patrocinium merito exposcit. huic addidimus. Q. Se-  
reni poema non inutile: in quo uates ille non infelicissimus et morbos  
aliquot, & morborum remedia complexus est. hoc ipsum cum legi  
uix posset, legent hodie ni fallor, docti homines & perlibenter, & iucun-  
de. Ego uero quicquid opellæ in Celso emendando impendi, id ipsum  
tibi nuncupo: qui uirtutis tuæ amplificator, omnem meam industriam uni  
tibi perpetuo antea dicaræ. Testatur tamē apud te relinquens, quod si plus  
ocij datum mihi esset, in magnis occupationibus profitēdi uersanti, effica-  
sem ut Cornelius nõ dicā nitidior, certe amabilior omnibus prodiret. quā-  
do breues notulas uocabulorum, sensuum etiam obscuriorum, græcarum  
etiā dictionum interpretamenta institueræ. Quin et ex Galeno, Hip-



pocrateq; multa adtexere decreuerā: ut nostrates medici cum Hippo-  
cratem intelligerent penē à Cornelio in linguam latinam uersum, li-  
bentius multo illum legerent. Cornelij Celsi Fabius, quod sciam, ex  
ueteribus tantum meminit, laudās hominis industriam, q̄ cum Lenate  
rhetoricen multo q̄ ante illum alij accuratius explicarit. sed & idem  
Sceptios imitatus, non parum multa summo cum nitore, & cultu scri-  
psit. artē quoq; militarē, & disciplinas ferē græcas omnes ample-  
xus, eas latine loqui docuit. & ex his medicinam omnium nostratum  
princeps ita absoluit: ut æmulari potius multi, q̄ assequi parem laudē  
possint. Bene, ac feliciter Vale.



# QVAE TOTO OPERE CONTINENTVR.

Prooemium.	pagina.	I	De notis, quas aliquis in singu-	
Quemadmodū sanos agere			lus morborum generibus ha-	
conueniat.		5	bere possit.	15
Quæ stomacho imbecilli ser-			Quæ notæ in quoq; morbi gene-	
uanda sint.		6	re, uel spem, uel pericula o-	
Observationes quædā prout res			stendant.	17
nouæ accidunt: Et prout corpo-			De morborum curationibus.	10
rum genera, Et sexus, Et æta-			De sanguinis detractiōe per	
tes, Et tempora anni sunt.		6	uenas.	10
De his, qui aliqua parte corporis			De sanguinis detractiōe per	
laborant: Et primum de his,			cucurbitulas.	21
quibus caput infirmum est.		9	De deiectione.	22
De his qui lippitudine, grauedi-			De uomitu.	22
ne, destillatione, tonsillisq; la-			De frictione.	22
borant.		9	De gestatione.	23
Ad solutam alium remedia.		9	De abstinentia.	24
Remedia ad coli dolorem.		9	De sudore.	24
Quæ agenda sint stomacho			Qui cibi, potiones'ue, aut ualen-	
laborantibus.		10	tis, aut mediæ, aut imbecillæ	
Quid obseruandum sit dolore			materiæ sint.	25
neruorum laborantibus.		10	Quæ natura, ac proprietas cu-	
Observatio in pestilentia.		10	iusq; rei sit, qua uescimur.	26
			Quæ res boni sicut sint.	26
			Quæ res mali sicut sint.	26
			Quæ res lenes, quæ'ue acres	
			sint.	26
			Quæ res crassiorem, quæ'ue te-	
			nuiolem pituitam faciunt.	26
			Quæ res stomacho idoneæ	
			sunt.	26
			Quæ res alienæ stomacho	
			sunt.	27
			Quæ inflant, aut inflationem	
			leuant.	27
			Quæ res aut calefaciunt, aut	
			refrigerant.	27
			Quæ res intus facile uitiuntur,	
			uel minime corrumpuntur.	27

## LIBER SECVNDVS.

Quæ anni tempora, quæ tempe-				
statum genera, quæ partes æta-				
tis, qualia corpora uel tuta, uel				
morbis opportuna sunt: Et qd				
ualetudinis genus in quoq; ti-				
meri possit.		11		
De notis aduersæ ualetudinis				
futuræ.		12		
Quæ bona in ægrotantibus				
signa sint.		13		
Mala signa ægrotantium.		13		
De signis longæ ualetudinis.		14		
De indicijs mortis.		14		



Quæ res aluum mouent.	27	Curatio tertianæ febris.	37
Quæ res aluum astringant.	27	Curatio quartanæ febris.	37
Quæ res urinam mouent.	28	Curatio duarū quartanarū.	37
Quæ res somnum mouet, aut sensus excitant.	28	Curatio cotidianæ febris, quæ ex quartana facta sit.	38
Quæ res corpus aut erodāt, aut reprimant, aut refrigerent, aut calefaciant, aut durent, aut emolliant.	28	De tribus insanie generibus: & primo de eius curatione, quæ à græcis phrenitis dicitur.	38
		Cardiaci morbi curatio.	40
		De lethargo, & eius curatio= ne.	40
		De aqua inter cutem, hoc est hy= dropico morbo.	41
		De tabe, & eius speciebus, & curationibus.	42
		De comitialis morbi curatio= nibus.	44
		De regij morbi curatione.	44
		De elephantia curatione.	45
		De attonitis, & eorum cura= tione.	45
		De resolutione neruorū: quæ apo= plexia, uel paralysis dicitur.	45
		LIBER QVARTVS.	
De morborum generibus.	29	De humani corporis interio= ribus sedibus.	47
Quomodo morbi cognoscantur: & an increuant, an consistant, an minuantur: & qua ratione ab initio qui languere incipit, curari debeat.	29	De curationibus morborū, qui na= scuntur à capite: & primo de eius dolore: deinde de morbo, q̃ circa faciē nascitur: tum de lin= guæ resolutione: postremo de de= stillatione, ac grauedine.	48
De febrium generibus.	30	De morbo, qui circa faciem nasci= tur: quem græci cynicum spas= mum uocant.	48
De curationum diuersis ge= neribus.	30	De resolutione linguæ.	49
De febrium speciebus, & singu= larum curationibus, & primo quando cibus febricitantibus dandus sit.	32	De destillatione, ac grauedine.	49
Quando potiones febricitanti= bus dari expediat.	33	De cernicis morbis, curationi= -	
Quando pestilentes febres cu= rari debeant.	34		
Curatio semitertianæ febris, quæ hemitritæos dicitur.	35		
Curatio lentarum febrium.	35		
Remedia in febribus ad capitis dolorē, et præcordiorum inflā= mationem, et ariditatem, & sæbritiem linguæ.	35		
Remedia contra frigus, quod febrem præcedit.	36		
Curatio horroris in febribus.	36		
Curatio cotidianæ febris.	37		



busq;.	50
De faucium morbis, ac curationi- bus, et primum de angina, de- inde de difficultate spirandi, ultimo de tussi.	50
De difficultate spirandi.	51
De tussi.	51
De stomachi morbis, & cura- tionibus.	51
De laterum doloribus.	53
De viscerum morbis: et primo de pulmone, deinde de iocinere, tum de liene, postremo de renibus.	54
De iocineris morbo, & cura- tione.	55
De lienis morbo, et curatione.	55
De renum morbis, et curatio- nibus.	55
De intestinorum morbis, & primo de cholera.	56
De coeliaco uentriculi morbo.	56
De tenuioris intestini morbo.	57
De morbo intestini plenioris.	57
De torminibus. i. dysenteria.	57
De leuitate intestinorum.	58
De lumbricis aluum occupan- tibus.	58
De tenasmo intestinorum morbo.	58
De uentris fluxu, et curatione.	59
De uulue morbo, & curatio- nibus.	59
De nimia profusione seminis ex naturalibus.	60
De coxarum morbis, & cura- tionibus.	60
De genuum doloribus, et cura.	60
De articulorum doloribus in manibus, pedibusq;.	61

## LIBER QUINTVS.

De simplicibus facultatibus qua- runcunq; rerum, ex quibus me- dicamenta fiunt: et primo de his, quae sanguinem supprimunt.	62
Quae uulnus glutinant.	62
Quae cocoquunt, et mouent pus.	62
Quae aperiunt uulnera.	62
Quae purgant.	62
Quae rodunt.	62
Quae exedunt corpus.	63
Quae adurunt.	63
Quae crustas ulceribus inducunt.	63
Quae crustas ulceribus resoluunt.	63
Quae discutiant ea, quae in ali- qua parte corporis coierunt.	63
Quae euocant, & educunt.	63
Quae exasperata leuent.	63
Quae carnem nutriunt, & ulcus implent.	63
Quae molliunt.	63
Quae cutem purgant.	63
De mixturis simplicium rerum, & de ratione ponderum, & quid malagma, & emplastrum, et pastillus inter se differat.	63
De malagmatis.	64
Malagma ad materiam extra- hendam.	64
Malagma ad iecur dolens.	64
Malagma ad lienem.	64
Malagma ad laterum dolores.	64
Malagmata ad resoluenda quae astrieta sunt: et mollienda quae dura sunt: et digerenda quae coeunt.	65
Aliud malagma ad eadem.	65
Malagma moschi ad mollien- dum.	65



Malagma medi ad digerenda quæ coeunt.	65	malata, & strumam.	66
Malagma Panthemi ad ea= dem.	65	Malagma ad articulos.	67
Malagma ad strumas.	65	Malagma Aristonis aduersus po dagras, et recentia phyma= ta, & omnis dolores.	67
Aliud malagma ad id ua= lens.	65	Theoni malagma ad pedum dolores.	67
Malagma ad strumam, & phymata.	65	Numenij malagma ad podagrâ cæterisq; articulos indura= tos.	67
Malagma ad strumam, & tubera, & carcinodas.	65	Dexij malagma si quando callus in articulis increuit.	67
Malagma protarchi ad paroti= das, & faum, & mala ul= cera.	65	De emplastris.	67
Malagma aduersus panum, & phymata.	65	Barbarum emplastrum nigrum, quod cruentis protinus vul= neribus iniicitur.	67
Malagma aduersus phyma= ta.	66	Coacon emplastrum nigrum ad idem ualens.	67
Malagma ad supprimendum omne quod abscedit.	66	Basilicon emplastrum nigrum ad idem.	67
Malagma ad sanguinem sup= primendum, & phymata.	66	Smaragdinum emplastrum ad idem.	67
Malagma ad carcinodas, & phymata lenienda.	66	Emplastrum ruffum ad idē.	67
Malagma ad liuorem faciei contuse.	66	Paracolleticum emplastrum ad idem.	67
Malagmata stomachica ad aperiendum.	66	Cephalicum emplastrum Phi= lotæ capiti conueniens.	68
Niconis malagma ad resoluē= dum, aperiendumq; ac pur gandum.	66	Emplastrum uiride ad idem ualens.	68
Malagma ad ossa, & nervos.	66	τεσσαράκμανον emplastrum ad pus mouendum.	68
Malagma Euthyclei ad articu= los, & ad omnem dolorē.	66	Enneapharmacum emplastrum ad pus mouendum, & ad purgandum ualens.	68
Malagma Sasogoræ ad dolo= res articulorum.	66	Attalum emplastrum ad uul= nera.	68
Chrysippi malagma ad idē ualens.	66	Iudæi emplastrum fracto ca= piti accomodatam.	68
Clesipontis malagma ad idem ualens, & ad parotidas, et phy		Diadaphnidon emplastrum ad extrahendum.	68

Aliud



Aliud *δια σαφιδω* ad extra-  
 hendū, & pus mouendum. 68  
 Philocratis emplastrum ad ex-  
 trahendum, & pus mouen-  
 dum. 68  
*ῥοπιδες* emplastrum ad ex-  
 trahendum. 68  
 Emplastrum Hecatei ad ex-  
 trahendum. 69  
 Alexandrinum emplastrum  
 uiride ad extrahendum. 69  
 De emplastris exedentibus. 69  
 Emplastrum quod exest corpus,  
 & ossa resoluit: & super cre-  
 scentem carnem coerct. 69  
 Emplastra aduersus morsus, &  
 alia recentiora uulnera. 69  
*ῥοπιδες* emplastrum rubrum  
 ad idem ualens. 69  
 Aliud emplastrum ad idem  
 ualens. 69  
*αυκη* emplastra non grauibus  
 uulneribus accommodata, et  
 maxime senilibus. 69  
 Elephantinum emplastrū. 69  
 Lenia emplastra. 69  
 Emplastrum lene. 69  
 Archagathi emplastrū lene. 69  
 Emplastra eiusdē generis ad  
 leniendum apta. 70  
 De pastillis, & primo de his, qui  
 ad recentia uulnera glutinan-  
 da, sanandaq; apti sunt. 70  
 Alius pastillus ad glutinanda  
 uulnera. 70  
 De sphragide pastillo, quem Po-  
 lybus confect, ad glutinandū  
 uulnus. 70  
 Pastillus ad ulcera sordida, & ni-  
 gritiem in auribus, naribus, ob-

scenis partibus, inflammatio-  
 nesq; eorum. 70  
 Pastillus andronis ad uiam in-  
 flammata, ad naturalia sordī-  
 da etiā cancro laborantia. 70  
 Pastillus ad fissā ani, uel ora ue-  
 narum fundentia sanguinem,  
 uel cancerum. 70  
 Pastillus ad expellendum calcu-  
 lum cum urina. 70  
 De pessis. 70  
 Ad sanguinem euocandum. 70  
 Ad uulnam molliendam. 70  
 Alia pessi compositio ad idem  
 ualens. 71  
 Ad inflammationes uulnæ  
 Numenij, Pessus. 71  
 Ad eijciendum ē uulua infan-  
 tem mortuum. 71  
 Si mulier uitio locorū concidit,  
 qua curatione utendū sit. 71  
 De medicamentis quibus aridis u-  
 timur, ad carnem supercre-  
 scentem exedendam. 71  
 Ad putrē carnem continendam  
 ne ultra serpat: eamq; leniter  
 exedendam plures compositi-  
 ones. 71  
 Hieræ compositio. 71  
 Iudæi compositio. 71  
 Iolæ compositio. 71  
 Ad sanguinis profluvia, uel ex  
 membrana cerebri, uel alijs lo-  
 cis & ad cancerum, & ad indu-  
 cendam cicatricem, & ad coer-  
 cendam carnem crescentem. 71  
 Timæi compositio ad ignem sa-  
 crum, uel cancerum. 72  
 Ad sternutamenta excitanda. 72  
 Gargarizationes quibus fieri de-



beant.	72	quæ maxime per tela infe-	
De antidotis, & quibus malis		runtur.	74
opitulentur.	72	Quæ vulnere isanabilia sint.	74
Compositio antidoti.	72	Quæ vulnere difficilem cu-	
Aliud antidotum Ambrosiano		rationem habeant.	75
minatum, quod Cypyrus Pto-		Quæ vulnere tutiorem cu-	
lemæo regi composuit.	72	rationem habeant.	75
Antidotum Mithridatis.	72	Observationes quædam & æta-	
De acopis.	72	tis, & corporis, & vitæ, &	
Acopum & odes nervis utile.	72	temporis in vulneribus.	75
Ex ipso ad ulcera purganda,		Signa percussæ cordis.	75
& implenda.	73	Signa pulmonis icti.	75
Ad sacrum ignem.	73	Signa iocineris vulnerati.	75
De catapotijs.	73	Signa percussorum renium.	75
Catapotiū valentis ad somnū.	73	Signa vulnerati lienis.	75
Catapotium ad plurimos dolores		Signa percussæ iulvæ.	75
per somnum leniendos.	73	Signa percussæ cerebri, vel mem-	
Catapotium aliud ad multa		brancæ eius.	76
valens.	73	Signa percussæ stomachi.	76
Catapotiū ad inducendū somnū:		Signa ieiuni intestini, & ventri-	
quod iulva dolens prohibuit.	73	culi vulnerati, & aliorum	
Ad iecur sanandum.	73	intestinorum.	76
Ad finiendos dolores lateris.	73	Signa percussæ medullæ, quæ	
Ad thoracis dolores finiendos.	73	in spina est.	76
Catapotium Athenionis ad		Signa septi transversæ percussæ.	76
tussim.	74	Signa vesicæ vulneratæ.	76
Catapotium Heraclidis tarenti-		De sanguine, & sanie, & pure, et	
ni ad tussim, & somnū.	74	eorum speciebus quando ne me-	
Catapotium ad purganda ulcera		liora, deteriora ne sint.	76
in faucibus tussientibus.	74	Curatio aduersus profusionem	
Collice cassij medici.	74	sanguinis in vulneribus.	76
Ad infantem mortuum, aut se-		Curationes aduersus vulnere	
cundas expellendas.	74	inflammationem.	77
Laborantibus ex partu quid		De glutinatione vulnere.	77
dari debeat.	74	Quomodo vulnus ligari con-	
Ad adiuvandam vocem.	74	ueniat.	78
Aduersus difficultatē urinae.	74	De ratione victus, & notis vul-	
Arteriace compositio quō fiat.	74	nerū, curationibusq; eorū.	78
De quinque generibus noxarū cor-		Curatiōes propriæ articulorū.	78
poris, & primo de vulneribus,		Vulnus quomodo purgandū est.	79



Quò melius implendū est. 79  
 De vulneribus, curationibusq;  
 eorum. 79  
 Curatio ulceris. 79  
 Curatio erysipelarum. 80  
 Curatio Gangrenæ. 80  
 Quomodo cicatrix vulnere indu-  
 cenda, purgandaq; sit. 81  
 De vulneribus, quæ p morsus in-  
 feruntur, eorūq; curationibus. 81  
 Curatio aduersus rabiosi canis  
 morsum. 81  
 Curationes communes aduersus  
 omnes morsus serpentū. 81  
 Speciales curationes aduersus  
 ictus serpētū, et primo aduer-  
 sus ictum Aspidis. 82  
 Aduersus ictum scorpionis. 82  
 Aduersus aranei, & scorio-  
 nis ictum. 82  
 Aduersus Ceraſtis, & Dipsæ, &  
 Hæmorrhoidis ictum. 82  
 Aduersus Chersydri ictum, &  
 ceraſtis. 82  
 Aduersus Phalangij ictum. 82  
 Aduersus ictus italorū anguinū, q  
 minus terribiles pegrīs sunt. 82  
 Remedium generale aduersus  
 omnia uenena. 83  
 Specialia remedia aduersus quæ-  
 dam uenena, & primo ad-  
 uersus cantharidas. 83  
 Aduersus cicutam. 83  
 Aduersus hyoscyamum. 83  
 Aduersus cerussam. 83  
 Aduersus sanguisugam si epota  
 est: & lac quod intus coijt. 83  
 Aduersus fungos inutiles. 83  
 De adustis corporis locis, & quo-  
 modo curari debeant. 83

De carbūculo, et eius curatiōe. 83  
 De carcinomate, et eius cura. 84  
 De Theriomate, et eius cura. 84  
 De sacro igne, & eius cura. 85  
 De Chironeo ulcere, et eius cu. 85  
 De ulceribus, quæ ex frigore in  
 pedibus, & manibus oriuntur,  
 & eorum curationibus. 85  
 De struma, & eius curatiōe. 86  
 De furūculo, et eius curatiōe. 86  
 De phymate, & eius cura. 86  
 De phygetlo, & eius curatiōe. 86  
 De fistulis, & earum generibus,  
 & curationibus. 87  
 De melicera. 88  
 De Acrochordone, et Thymio, et  
 Myrmecio, & Clauo, curationi-  
 busq; eorum. 88  
 De pustularum generibus, &  
 earum curationibus. 89  
 De scabie, & eius curatione. 89  
 De impetignis speciebus, &  
 curationibus. 90  
 De papulis, et earū curatiōe. 90  
 De uirilignis speciebus, idest de  
 Alphi, & Mela, et leuce, &  
 earum curatione. 90

#### LIBER SEXTVS.

De capillis fluentibus. 91  
 De porrigne, et eius curatiōe. 91  
 De sycosi, & eius curatione. 91  
 De Areis, et earū curatiōibus. 91  
 De Vasis, & Lenticulis, et Ephe-  
 lide, & eorū curationibus. 91  
 De oculorum morbis, curationi-  
 busq; eorum: & primo de his  
 morbis, qui lenibus medicamen-  
 tis curantur. 92



De diuersis oculorū collirijs.	93	curationibus.	96
Philonis collirium.	93	Hermionis collirium.	96
Dionysij collirium.	93	De cataractibus oculorum, quæ ex	
Cleonis collirium.	93	ulceribus factæ sunt: & quomo	
Theodoti collirium, Archari-		do curari debeant: & de Ascle	
stum appellatum.	93	pia, & Canopite, & Pyxino	
Cythion, uel tephriion colliriū.	93	collirijs.	96
Euelpidis collirium, trygodes		De alio genere inflammatio-	
nominatum.	93	nis oculorum.	96
Nilei collirium omnium opti-		Cæsarianum collirium.	97
mum.	94	Hieracis collirium.	97
De carbunculis oculorum, &		De Xerophthalmia.	97
eorum curatione.	94	Rhinon collirium.	97
De pustulis oculorum, & cu-		Ad oculos scabros colliria.	97
ratione earum.	94	Ad caligationem oculorum, quæ	
παραλινθού's collirium ad pu-		propter lippitudinem oritur	
stulas oculorum.	95	remedia, & colliria.	97
De ulceribus oculorū, & eorū		διὰ πρόνου collirium.	97
curatione, & de διὰ βαλλάνου		Ad caligationem oculorum, quæ	
collirio.	95	propter senectutem, aut aliā	
Curatio oculorum aliquo ca-		imbecillitatem fit.	98
su immunitorum.	95	De suffusione oculorum.	98
De pediculis palpebrarū.	95	De resolutione oculorum, quæ	
De oculorum grauioribus mor-		paralysis dicitur.	98
bis, qui ex inflammationibus oriū		De mydriasi oculorum.	98
tur: & ualidioribus medicamen		De imbecillitate oculorum.	98
tis curantur, & de Andree col		Ad oculos qui extrinsecus offen-	
lirio, & de διὰ νέπτως.	95	duntur: cum sanguine suffu-	
Memigmenon Euelpidis colli-		si sunt.	98
rium.	95	De aurium morbis, & cura-	
De oculorum ulceribus supercre-		tionibus.	99
scitibus, sordidis, canis, ueteri-		Aduersus aurium uermes.	100
bis, & de curationibus singu-		Ad compressa aurium fora-	
lorum.	96	mina.	100
σφαιρίον collirium.	96	Ad grauem auditum.	100
Phynon collirium Euelpidis.	96	Ad sonitum aurium intra se	
Sphæriion collirium Euelpi-		ipsas.	100
dis.	96	Ad ea, quæ in aurem inciderunt	
Liquidum Euelpidis colliriū.	96	extrahenda.	100
De canis oculorum ulceribus, &		De narium morbis, & curatio-	



nibus.	101
De dentium dolore, & cura- tionibus.	101
De tonsillis, & earum cura.	102
De oris ulceribus, & curationi- bus, & quæ anihæ sint.	102
De gingivarum ulceribus.	103
De uulvæ morbo, et curatione.	103
De cancro oris.	104
De parotibus, quæ sub auribus oriuntur.	104
De umbilici prominentis cura- tione.	104
De obscenarum partium uicijs, et curationibus.	104
De colicis morbis, & curatio- nibus.	104
De cancri, qui in colle nasci- tur, curatione.	105
De phagedænæ in cole nascentis curatione.	106
De carbunculo, qui in cole na- scitur.	106
De testiculorum morbis, & eo- rum curatione.	106
De rhagadijs, & Condylomate, & hæmorrhoidibus, alijsq; ani morbis, & curationibus eorum, & primo de rhagadijs.	106
De condylomate.	106
De hæmorrhoidibus.	107
Si anus, uel os uulvæ procidit, qua curatione utendum sit.	107
De ulcere fungo simili i ano.	107
De digitorum ulceribus.	107

## LIBER SEPTIMVS.

De chirurgica, & qui in ea cla- ruerint: & qualis esse chirurgi- cus debeat: & quid in hoc li- bro describatur.	108
De luxatis.	108
De his, quæ per se intumescunt quomodo excidenda, & curan- da sunt.	108
De bonis, malis uel signis exulce- ratorum.	109
De fistulis.	109
De ani fistulis.	110
De telis e corpore extrahendis	110
De ganglijs, & meliceride, & a- theromate, & steatomate capi- tis tuberculis.	111
De oculorum uicijs quæ scalpel- lo, & manu curantur.	112
De crithe tuberculo palpebra- rum.	112
De chalaſia palpebrarum.	112
De ungue oculorum, quod <i>meperu-</i> <i>riov</i> à græcis uocatur.	112
De enchanti tuberculo.	113
De ancyloblepharo oculorum uicio.	113
De ægylopa fistula oculorum.	113
De pilis palpebrarum oculum irritantibus.	113
De lagophthalmo oculorum.	114
De ectropio.	114
De staphylomate oculi.	114
De clauis oculorum.	115
De natura oculorum, & eorum suffusione.	115
De pituita oculorum.	116
De aurium morbis, qui manu, et scalpello curantur.	116







De iuguli fracti curatione.	139
De costarum fractarum curatione.	139
De spine curatione.	140
De humerorum, brachiorum, femorum, crurum, digitorum fractorum, uel euulsorum, communibus curationibus.	140
De fracti humeri curatione.	141
De brachij fracti curatione.	141
De crurum, femorumq; fractorum curatione.	142
De fracti digiti curatione.	142
Comunes curationes ad humeros, brachia, crura, femina, digitosq; confractos pertinentia.	142
De luxatis ossibus.	143
De maxillæ luxatæ curatione.	144
De capite luxato.	144
De spina luxata.	144
De humero luxato.	144
De cubiti luxati curatione.	145
De manu luxata.	145
De palma.	145
De digitis.	146
De femore.	146
De genu.	146
De talo.	146
De planta.	147
De digitis.	147

## INDEX QUINTI SERENI.

Capiti medendo.	149
Hemocraneo medendo.	149
Porrigini depellendæ.	149
Capillo tingendo.	149
Phthiriasi arcendæ.	149
Prurigni, papulis, & scabiei arcendis.	150
Frenesi, ac capiti purgando.	150
Fluori capillorum, & maculis capitis tollendis.	150
Frigori sedando.	150
Elephanti, si propellendæ.	150
Cutis, & faciei uitij propellendis.	150
Aurium uitij succurrendis.	151
Oculorum dolori mitigando.	151
Dentium uitio, & oris foetori medendo.	152
Vuæ faucibus, & quæ mollienda sunt medendis.	152
De rigore ceruicis.	152
Tussi, & coleribus medendis.	152
Digestioni, & stomacho.	153
Felli uomitu, uel phthisi arcendis.	153
Mammis sanandis, uel stringendis.	153
Reiectioni cibi, aut sanguinis abstinentiæ.	153
Iecoris, & lateris uitij medendis.	154
Spleni curando.	154
Præcordijs sanandis.	154
Lûbis, & renibus sanandis.	154
Ventris dolori mitigando.	155
Hydropisi depellendæ.	155
Ventri molliendo.	155



Solutioni uentris, & dysenteriae compescendae.	156	Comiciali morbo medendo.	162
Lumbricis, & tineis purgan- dis.	156	Regio morbo expellendo.	162
Colo sedando.	156	Dentibus, uel strigis inquietatis infantibus.	162
Vesicae, & calculo purgando: & urinae prouocandae.	156	Combusturis igne, uel frigore factis.	162
De conceptione, & partu.	157	Venenis prohibendis.	162
Profluvio cuiusq; sanguinis, & matrici.	157	Venenis datis.	162
Pilis quibuscunq; internecandis, quae oculos impediunt.	157	Vulneribus, & rei dubiae cu- randis.	163
Omnibus obscenis medendis.	157	Verrucis tollendis.	163
Scies, & articulari morbo.	158	Haemorrhoidis medendis.	163
Furunculo medendo.	158	Paralysi depellendae. primo die ita agendum.	163
Carboni medendo.	158	Secunda ita medendum est.	163
Pani, uomicae, & strumae depel- lendis.	158	Tertia die ita curandum est.	163
Igni sacro medendo.	159	Quid quarta die, & reliquis peragendum sit.	164
Podagrae depellendae.	159		
Vulneribus ferro, aut uerberi- bus factis.	159		
Vulneribus quibuscunq; casibus actis.	159		
Ab homine, uel simia morsus	159		
Serpentum morsibus, & uenenis pellendis.	159		
Ictibus scorpj, & morsibus mu- ris caeci, uel aranei.	160		
Subitaneo dolori, feбри, atq; ostho- ropo.	160		
Ad Typum quartanae.	160		
Ad Typum tertianae.	161		
Ad Typum quotidianae.	161		
Hemitritaeo depellendo.	161		
Fracturis, & luxis sanandis.	161		
Nervis incis, & dolentibus, atq; contractis.	161		
Aegris somno asciscendo.	161		
Lethargiae expellendae.	162		



I  
AVRELII CORNELII CELSI ARTIVM  
LIBER SEXTVS, IDEM MEDI-  
CINAE LIBER PRIMVS.

¶ *T* alimenta sanis corporibus agricultura, sic  
sanitatem aegris medicina promittit. hæc qui-  
dem nusquam non est. Siquidem etiam im-  
peritissimæ gentes herbas, aliq; prompta in  
auxilium vulnerum, morborumq; nouerunt.  
Veruntamen apud Græcos aliquanto magis,  
quàm in cæteris nationibus exulta est. ac ne  
apud hos quidem à prima origine, sed paucis ante nos sæculis: ut po-  
te cū uetustissimus author Aesculapius celebretur. qui quoniam adhuc  
rudem, & uulgarem hanc scientiam paulo subtilius excoluit, in deo-  
rum numerum receptus est. huius deinde duo filij Podalirius, & Ma-  
chaon bello troiano ducem Agamemnonem secuti, non mediocrē opē  
commilitonibus suis attulerunt. quos tamen Homerus non in pestilen-  
tia, neq; in uarijs generibus morborum aliquid attulisse auxilij: sed  
vulneribus tantūmodo ferro, & medicamentis mederi solitos esse pro-  
posuit. ex quo apparet has partes medicinæ solas ab his esse tentatas:  
easq; esse uetustissimas. Eodemq; authore disci potest morbos tum ad  
iram deorum immortalium relatos esse: & ab iisdem opem posci so-  
litam. ueriq; simile est inter nonnulla auxilia aduersæ valetudinis,  
plerunq; tamen eam bonam contigisse ob bonos mores, quos neq; desē-  
dia, neq; luxuria tentarant. si quidem hæc duo, corpora prius in Græ-  
cia, deinde apud nos afflixerunt. Ideoq; multiplex ista medicina neq;  
olim apud Græcos, neq; apud alias gentes necessaria, uix aliquos ex  
bonis ad senectutis principia perducat. Ergo etiam post eos, de quibus  
retuli, nonnulli clari uiri medicinam exercuerunt, donec maiore stu-  
dio literarum disciplina agitari cœpit. quæ ut animo præcipue omnium  
necessaria, sic corpori inimica est. Primoq; medendi scientia sapientiæ  
pars habebatur. ut & morborū curatio, & rerum naturæ contem-  
platio sub iisdem authoribus nata sit. scilicet his hanc maxime requi-  
rentibus, qui corporū suorū robor a quieta cogitatione, nocturna q; ui-  
gilia minuerant. Ideoq; multos ex sapientiæ professoribus peritos, eius  
fuisse accepiamus. clarissimos uero ex his Pythagorā, et Empedoclem,  
& Democritum. huius autem, ut quidā crediderunt, discipulus Hip-  
pocrates Cōus: primus quidē ex omnibus memoria dignus, ab studio  
sapientiæ disciplinam hanc separauit: uir & arte, & facundia insi-  
gnis. Post quem Diocles Carystius, deinde Praxagoras, et Chrysippus,  
Aurelij Cor.



tum Herophilus, et Erasistratus sic artem hanc exercuerunt, ut etiā in diuersas curandi vias processerint. Iisdemq; temporibus in tres partes medicina diducta est, ut una esset quæ uictu, altera quæ medicamentis, tertia quæ manu mederetur. Primā διατριτικὴν, secundā παρμανοτικὴν, tertiam χειρουργικὴν Græci nominauerunt. Eius autē quæ uictu morbos curat longe clarissimi authores etiam altius quædam agitare conati, rerum quoq; naturæ sibi cognitionem uendicauerunt, tanquam sine ea trunca, et debilis medicina esset. Post quos Serapion primus omnium nihil hanc rationalem disciplinam pertinere ad medicinā professus, in usu tantum, et experimentis eam posuit. quem Apollonius, et Glaucias, et aliquanto post Heraclides Tarentinus, et aliqui non mediocres uiri secuti, ex ipsa professione se ἐμπειρικοὺς appellauerunt. Sic in duas partes ea quoq; quæ uictu curat, medicina diuisa est: alijs rationalem artem, alijs usum tantum sibi uendicantibus. nullo uero quicq; post eos, qui supra comprehēsi sunt, agitante, nisi quod acceperat: donec Asclepiades medendi rationē ex magna parte mutauit. Ex cuius successoribus Themison nuper ipse quoq; quædam in senectute deflexit. Et per hos quidem maxime uiros salutaris ista nobis professio increuit. Quoniam autem ex tribus medicinæ partibus ut difficillima, sic etiam clarissima est ea, quæ morbis medetur: ante omnia de hac dicendum est. Et quia prima in ea dissensio est, quod alijs sibi experimentorum tantummodo notitiā necessariam esse contendunt: alijs nisi corporum, rerumq; ratione comperta, non satis potentem usum esse proponunt: indicandum est quæ maxime ex utraq; parte dicantur: quo facilius nostra quoq; opinio interponi possit. Igitur hi qui rationalem medicinā profitentur, hæc necessaria esse proponunt. abditarum, et morbos continentium causarū notitiā, deinde euidentium: post hæc etiam naturalium actionum nouissime partiū interiorū. Abditas causas uocant in quibus requiritur ex quibus principijs nostra corpora sint: quid secundam, quid aduersam ualeitudinem faciat. Neq; enim credunt posse eum scire quomodo morbos curare conueniat, qui unde hi sint, ignoret. Neq; esse dubiū, quin alia curatione opus sit, si ex quatuor principijs uel superans aliquid, uel deficiens aduersam ualeitudinem creat: ut quidam ex sapientiæ professoribus dixerunt. Alia si in humidis omne uitium est, ut Herophilo uisum est. alia si in spiritu, ut Hippocrati. alia si sanguis in eas uenas, quæ spiritui accommodatæ sunt, transfunditur: et inflammationem quam Græci πλεγματικὴν nominant, excitat: eaq; inflammatio talem motum efficit, qualis in febre est: ut Erasistrato placuit. alia si manantia corpuscula per inuisibilia foramina subsisten-



do iter claudunt: ut Asclepiades contēdit. Eum uero recte curaturū, quem prima origo causæ non fefellerit. Neq; uero inficiantur experi-  
menta quoq; esse necessaria. sed ne ad hæc quidē aditum fieri potuisse, nisi ab aliqua ratione contendunt. Non. n. quidlibet antiquiores uiros ægrus inculcasse: sed cogitasse qd maxime conueniret: et id usu explo-  
rasse, quod ante coniectura aliqua duxisset. neq; interesse an initia ple-  
raq; explorata sint, si à consilio tamen coeperunt. et id quidē in mul-  
tis ita se habere. Sæpe uero ēt noua incidere genera morborū, in qui-  
bus nihil adhuc usus ostenderit. et ideo necessariū sit animaduvertere  
unde ea coeperint, sine quo nemo mortaliū reperire possit, cur hoc,  
quā in illo potius utatur. et ob hæc quidē in obscuro positas causas per-  
sequuntur. Euidentes uero has appellant, in q; bus querunt iniciū mor-  
bi calor attulerit, an frigus. fames, an satietas. et quæ similia sunt. Oc-  
cursum enim uitio dicunt eum, qui originē non ignorarit. Naturales  
uero corporis actiones appellāt, per quas spiritū trahimus, et emitti-  
mus cibum: potionemq; et assumimus, et concoquimus. Iiēq; per quas  
eadē hæc in omnes membrorū partis digeruntur. tum requirunt ēt  
quare uenæ nostræ modo submittant sese: modo attollant. quæ ratio  
sōmni, quæ uigiliæ sit. sine quorū notitia neminem putant uel occurrere,  
uel moderi morbis, inter hæc nascentibus, posse. Ex quibus quia  
quā maxime pertinere ad rem concoctio uidetur. Huic potissimū in se-  
stum: et duce alij Erasistrato atteri cibū in uentre contendunt. alij Pli-  
stonico Praxagoræ discipulo putrescere. Alij credunt Hippocrati p-  
calorem abos cōcoqui. A creduntq; Asclepiadis æmuli, q; omnia ista na-  
na, et supuacia esse proponunt. Nihil enim concoqui, sed crudā mate-  
riā, sicut assumpta est, in corpus omne diduci. Et hæc quidē inter eos  
parū constant. Illud uero cōuenit, alium dandū cibum laborātibus, si  
hoc: alium si illud uerū est. Nam si teritur intus, eum quærendū esse,  
qui facillime teri possit. Si putrescit, eū in quo hoc expeditissimū est.  
Si calor concoquit, eū qui maxime calorem moueat. At nihil ex his eē  
quærendū, si nihil cōcoquitur. Ea uero sumunda, quæ maxime manēt,  
qualia assumpta sunt. Eadēq; ratione cū spiritus grauis est, cū sōmnus  
aut uigilia urget, eū moderi posse arbitrantur: q; prius illa ipsa, quali-  
ter eueniant, præperit. Præter hæc cū in interioribus ptibus et dolores,  
et morborū uaria genera nascātur, neminē putant his adhibere posse  
remedia, quæ ipse ignoret. Necessariū ergo esse incidere corpora mor-  
tuorū: eorūq; uiscera, atq; intestina scrutari. Lōgeq; optime fecisse Hero-  
philū, et Erasistratū, q; nocētes homines à regibus ex carcere acceptos,  
uiuos inciderint: cōsiderarintq; ēt spiritu manente, ea quæ natura an-  
te clausisset: eorūq; positurā, colorem, figurā, magnitudinē, ordinem,



duritiem, molliem, leuorem, contactum: processus deinde singulorū,  
 & recessus: & siue quid inseritur alteri: siue quid partē alterius in  
 se recipit. Neq; enim cum dolor intus incidit, scire quid doleat eum,  
 qui qua parte quodq; uiscus intestinumue sit, non cognouerit. Neq; cu-  
 rari id quod aegrū est, posse ab eo, qui quid sit, ignoret. Et cum p. uul-  
 nus alicuius uiscera patefacta sunt, eum, qui sanæ cuiusq; colorē par-  
 tis ignoret, nescire quid integrū, quid corruptum sit. Ita ne succurre-  
 re quidem posse corruptis. aptiusq; extrinsecus imponi remedia, cō-  
 pertis interiorum, & sedibus, & figuris. Cognitaq; eorū magnitudi-  
 ne, similesq; omnia, quæ posita sunt, rationes habere. Neq; esse crude-  
 le, sicut pleriq; proponunt, hominū nocentium: & horum quoq; pau-  
 corum supplicij remedia populus innocentibus seculorum omnium quæ-  
 ri. Contra hi, qui se ἐμπειρὺς ab experientia nominant: euidentes  
 quidē causas ut necessarias amplectuntur. Obscurarū uero causarum,  
 & naturalium actionum quæstionem ideo superuacuanam esse conten-  
 dunt, quoniam incōprehensibilis natura sit. non posse uero cōprehē-  
 di, patere ex eorum, qui de his disputarunt, discordia: cum de ista re,  
 neq; inter sapiētiae professores, neq; inter ipsos medicos conueniat. Cur  
 enim potius aliquis Hippocrati credat, q̄ Herophilo? Cur huic potius,  
 q̄ Asclepiadi? si rationes sequi uelit, omnium posse uideri non impro-  
 bables. Si curatiōes, ab omnibus his ægros perductos esse ad sanitatē.  
 Ita neq; disputationi, neq; authoritati cuiusq; fidē derogari oportuisse.  
 Etiam sapientiæ studiosos maximos medicos esse, si ratioinatio hoc fa-  
 ceret. nunc illis uerba superesse, deesse medendi scientiam. Differre  
 quoq; pro natura locorū genera medicinae: & aliud opus esse Romæ:  
 aliud in Aegypto: aliud in Gallia. Quod si morbos eadem causæ fa-  
 rent ubiq; remedia quoq; ubiq; eadē esse debuissent. sæpe ēt causas ap-  
 parere: ut puta lippitudinis, uulneris, neq; ex his patere medicinam.  
 Quod si scientiā hanc non subiiciat euidentis causa, multo minus eam  
 posse subijcere, quæ in dubio est. Cū igitur illa incerta incōprehēsi-  
 bilisq; sit, à certis potius, et exploratis petendū esse præsiidiū. i. his, quæ  
 experiētia in ipsis curationibus docuerit, sicut in cæteris omnibus ar-  
 tibus. Nam ne agricolam quidem, aut gubernatorem disputatione, sed  
 usu fieri. ac nihil istas cogitationes ad medicinam pertinere. Eo quoq;  
 disci, quod qui diuersa de his scripserint, ad eandē tamen sanitatē ho-  
 mines perduxerint. id enim fecisse, q̄ nō ab obscuris causis, neq; à na-  
 turalibus actionibus, quæ apud eos diuersæ erant: sed ab experimen-  
 tis pro ut cuiq; responderant, medendi uias traxerint: ne inter initia  
 quidem ab istis quæstionibus deductā esse medicinam, sed ab experi-  
 mentis. Aegrorum enim, qui sine medicis erāt, alios propter auaritiā



primis diebus protinus cibum assumpsisse: alios propter fastidiū absti-  
 nuisse: leuatumq; magis eorū morbum esse, qui abstinerant. Itemq;  
 alios in ipsa febre aliquid edisse: alios paulo ante eā: alios post remissio-  
 nem eius. optime deinde his cessasse, qui post finē febris id fecerint. Ea  
 deq; ratione alios inter principia protinus usos esse cibo pleniore: alios  
 exiguo: grauioreq; eos factos, qui se implerent. Hæc similiaq; cū coti-  
 die inciderent, diligentes homines notasse, quæ plerumq; melius respon-  
 derent: deinde ægotatibus ea præcipere cœpisse. sic medicinam ortā,  
 subinde aliorū salute, aliorū interitu: perniciofa discernentē à salutaribus.  
 Repertis deinde medicine remedijs, hoīes de rationibus corū disse-  
 rere cœpisse: nec post rationē medicinam esse inuentam, sed post inue-  
 tam medicinā rationē esse quæsitam. Requiritur et si ratio idē doceat  
 quod experientia, an aliud. Si idē, superuacua esse. si aliud, et con-  
 trariam. Primo tamen remedia explorāda summa cura fuisse. nunc  
 uero iam explorata esse: neq; ulla, aut noua genera morborū reperiri,  
 aut nouam desiderari medicinā. Quod si iā incidat mali genus ali-  
 quod ignotū: non ideo tamen fore medico de rebus cogitandū obscu-  
 ris: sed eū protinus uisurū, cui morbo id proximū sit: tentaturūq; re-  
 media similia illis, quæ uicino malo sæpe succurrerint: & per eius si-  
 militudinē opem reperturū. Neq; n. se dicere consilio medicū non ege-  
 re: & irrationale animal hanc artē posse præstare. sed has latentium  
 rerū coniecturas ad rē non pertinere: quia non intersit, quid morbu  
 faciat, sed quid tollat. Neq; ad rē pertineat quomodo, sed qd optime  
 digeratur: siue hac de causa cōcoctio inadat, siue de illa. & siue cō-  
 coctio sit illa, siue tantū digestio. Neq; quæredū esse quomodo spiremus:  
 sed quid graue, tardumq; spiritū expediat. neq; quid uenas moueat:  
 sed quid quæq; motus genera significant. Hæc aut cognosci experimē-  
 tis, & in omnibus eiusmodi cogitationibus in utrāq; partē differi pos-  
 se. Itaq; ingeniū & facundiam uincere: morbos aut non eloquentia,  
 sed remedijs curari. Quæ si quis elinguis usu discreta bene norit: hūc  
 aliquanto maiore medicum futurū: q̄ si sine usu linguā suā excolue-  
 rit. Atq; ea quidē, de quibus est dictū, superuacua esse tantummodo.  
 Id uero quod restat et crudele: uiuorū hominum aluū, atq; præcor-  
 dia incidere: & salutis humanæ præsidē artem non solū pestem alicui,  
 sed hanc et atrocissimam inferre: cū præsertim ex his, quæ tanta uio-  
 lentia quærantur, alia non possint omnino cognosci: alia possint et  
 sine scelere. nā colorem, leuorē, mollitiem, duritiem, similiaq; omnia  
 nō esse talia in cōso corpore, qualia integro fuerint. q̄a cū corporibus in-  
 uiolatis, hæc tamen metu, dolore, inedia, cruditate, lassitudine, mille alijs  
 mediocribus affectibus sæpe mutantur: multo magis uerisimile est inte-



## LIBER

viora, quibus maior mollities lux ipsa nova sit, sub gravissimis ulneribus et ipsa trucidatione mutari: neque quicquam esse stultius, quam quale quodque uiuo homine est, tale existimare esse moriente, immo iam mortuo. Nam utrum quidem, qui minus ad rem pertineat, spirante homine posse diduci? simulatque uero ferrum ad praecordia accessu: et discissum transuersum septum est: quod membrana quadam superiores partes ab inferioribus diducit, (διάσπαρμα graeci uocant) hominem protinus animam amittere. Ita demum mortui praecordia, et uiscus omne in conspectum latrocinantis medici dari: quod necesse sit tale esse, quale mortui sit: non quale uiui fuit. Itaque consequi medicum ut hominem crudeliter ingulet: non ut sciat qualia uiui viscera habeamus. Si quid tamen sit, quod adhuc spirante homine conspectui subiiciatur, id saepe casum offerre curantibus. Interdum enim gladiatorem in harena, uel militem in acie, uel uiatorem a latronibus exceptum, sic uulnerari: ut eius interior aliqua pars aperiatur: et in alio alia sita: sedem, positum, ordinem: figuram: similiaque alia cognoscere prudentem medicum non cadem, sed sanitatem molientem: idque per misericordiam discere, quod alij dira crudelitate cognouerint. Ob haec ne mortuorum quidem lacerationem necessariam esse: quae et si non crudelis, tamen foeda sit: cum aliter pleraque in mortuis se habeant. Quantum uero in uiuis cognosci potest, ipsa curatio ostendat. Cum haec per multa uolumina, per quae magnae contentionis disputationes a medicis saepe tractata sint, atque tractentur: subiiciendum est, quae proxima uero uideri possint: ea neque addicta alterutri opinioni sunt: neque ab utraque nimium abhorrentia, media quodammodo inter diuersas sententias. Quod in plurimis contentionibus deprehendere licet sine ambitione uerum scrutantibus: ut in hac ipsa re. Nam quae demum cause uel secundam ualitudinem praestent: uel morbos excitent: quomodo spiritus, aut cibus uel detrahatur, uel digeratur: ne sapientiae quidem professores scientia comprehendunt: sed coniectura persequuntur. cuius autem rei non est certa noticia, eius opinio certum reperire remedium non potest. Verumque est ad ipsam curandi rationem nihil plus conferre, quam experientiam. Quamquam igitur multa sint ad ipsas artes proprie non pertinentia: tamen eas adiuvat excitando artificis ingenium. Itaque ista quoque naturae rerum contemplatio quous non faciat medicum aptiorem, tamen medicinae reddit perfectum. Verique simile est Hippocrati, et Erasistrato, et quicumque alij non contenti febres et ulcera agitare, rerum quoque naturam ex aliqua parte scrutati sint: non ideo quidem medicos fuisse: uerum ideo quoque maiores medicos extitisse. Ratione uero opus est ipsi medicinae, et si non inter obscuras causas, neque inter naturales actiones, tamen saepe. Est enim haec ars coniecturalis: neque respondet ei plerumque non solum coniectura,



sed etiam experientia. et interdum non febris, non cibus, non somnus subsequitur sicut assuevit. Rarius, sed aliquando tamen morbus quoque ipse nouus est, quem non incidere, manifeste falsum est: cum ætate nostra quædam ex naturalibus partibus carne prolapsa, et arente, intra paucas horas expirauerit: sic ut nobilissimi medici neque genus mali, neque remedium inuenerint: quos ego nihil ideo tentasse iudico: quia nemo in splendida persona periclitari coniectura sua uoluerit: ne occidisse, nisi seruasset, uideretur. Veri tamen simile est, potuisse aliquid cogitare detracta tali uerecundia: Et fortasse responsurum fuisse id quod aliquis esset expertus. Ad quod medicinæ genus neque semper similitudo aliquid confert: Et si quando confert: tamen id ipsum rationale est inter multa similia genera Et morborum, et remedium cogitare, quo potissimum medicamento sit utendum. Cum igitur talis res incidit: medicus aliquid oportet inueniat: quod non utique fortasse, sed sæpius tamen etiam respondeat. Petet autem nouum quoque consilium non ab rebus latentibus (istæ enim dubiæ, Et incertæ sunt) sed ab his quæ explorari possunt: idest euidentibus causis. Interest enim fatigatio morbum: an sitis, an frigus, an calor, an uigilia, an fames fecerit: an cibi, uinique abundantia: an intemperantia libidinis: neque ignorare hunc oportet, quæ sit ægri natura, humidum magis, an magis siccum corpus eius sit: ualidi nervi, an infirmi: frequens aduersa ualetudo, an rara, ea, quæ cum est, uehemens esse soleat: an leuis. breuis, an longa. Quod is uitæ genus sit secutus, laboriosum, an quietum, cum luxu, an cum frugalitate. ex his enim, similibusque sæpe celandi noua ratio ducenda est. Quamuis ne hæc quidem sic præteriri debent, quasi nullam controuersiam recipiant. Nam et Erasistratus non ex his fieri morbos dixit: quoniam et alij, Et uide alij post ista non febrecitare: Et quidam medici sæculi nostri sub authore (ut ipsi uideri uolunt) Themisone, contendunt nullius causæ notitiam quicquam ad curationes pertinere: satisque esse quædam cõia morborum intueri. si quidem horum tria genera esse, unum adstrictum, alterum fluens, tertium mixtum. Nam modo parum excernere ægros, modo nimium: modo alia parte parum, alia nimium. Hæc autem genera morborum modo acuta esse, modo longa: Et modo increscere, modo consistere: modo minui consueuerunt. Cognito igitur eo quod ex his est, si corpus adstrictum est, digerendum esse: si profluuio laborat, continendum. si mixtum uitium habet, currendum subinde uehementiori malo. et aliter acutis morbis medendum, aliter uetustis. aliter incrementibus, aliter substitentibus. aliter iam ad sanitatem inclinantibus. Horum observationem medicinam esse: quam ita finiunt, ut quasi uiam quandam quam methodos greci nominant: eorumque quæ in



morbis cōia sunt, contemplatricē esse contendunt: ac neq; rationalibus  
 se, neq; experimēta tantum spectatibus annumerari uolunt: cū ab illis  
 eo nomine dissentiant, quod in cōiectura rerū latentium nolunt esse me-  
 dicinā: ab his eo quod parū artis esse in observatione experimentorū  
 credunt. Quod ad Erasistratū pertinet, primū ipsa euidētia eius  
 opinioni repugnat: q̄a raro nisi post horū aliquid morbus uenit. De-  
 inde non sequitur, ut quod aliū non afficit, aut eundē aliās: id ne al-  
 teri quidē, aut eidem tempore alio noceat. Possunt enim quēdā subesse  
 corpori, uel ex infirmitate eius, uel ex aliquo affectu: quæ uel ī alio nō  
 sunt: uel in hoc aliās nō fuerunt. cāq; p se non tanta ui concitant mor-  
 bum: tamen obnoxiiū magis alijs iniurijs corpus efficiunt. Quod si cō-  
 tēplationem rerū naturæ, quā temere medici sibi uendicant: satis cō-  
 prehēdisset: et illud scisset: nihil omnino ob unā causam fieri, sed id pro  
 causa apprehendi: quod cōtulisse plurimū uidetur. Potest aut id dū so-  
 lum est, nō mouere: quod iunctū alijs maxime mouet. Accedit ad hæc,  
 quod ne ipse quidē Erasistratus, qui trāssusio in arterias sanguine, fe-  
 brem fieri dicit: idq; nimis repleto corpore incidere repperit: cur ex  
 duobus æque repletis, alter in morbū inciderit: alter omni periculo  
 uacarit: quod cotidie fieri apparet, nō discreuerit. Ex quo disci pōt, ut  
 uera sit illa trāssusio, tamen illā non p se, cum plenū corpus est, fieri:  
 sed cū horū aliquid accesserit. Themisonis uero æmuli, si ppetua quæ  
 promittunt, habent: magis ē q̄ ulli rationales sunt. Neq; n. si quis nō  
 omnia tenet, quæ rationalis alius probat: protinus alio nouo nomine  
 artis indiget. Si modo, quod primū est: non memoriæ soli, sed rationi  
 quoq; insit. Si quod uero propius est, uix ulla perpetua præcepta  
 medicinalis ars recipit: ydē sunt, quod hi, quos experimenta sola susti-  
 nent. Eo magis qm si cōpresserit aliquē morbus, an fuderit: quilibet  
 ē imperitissimus uidet. Quid aut cōpressum corpus resoluat: quid so-  
 lutū teneat: si à ratione tractū est, rationalis est medicus. Si ut ei, qui  
 se rationale negat, cōfiteri necesse est: ab experiētia empiricus est. Ita  
 apud eū morbi cognitio extra artē, medicina intra usum ē. Neq; ad-  
 iectum quicq̄ empiricorū professioni, sed demptum est: qm illi multa  
 circūspiciunt: hi tantum facillima & non plusq̄ uulgaria. Nā & hi  
 qui pecoribus ac iumentis medentur, cū propria cuiusq; ex multis ani-  
 malibus nosse non possint: cōibus tantummodo insunt. Et extere gē-  
 tes, cum subtile medicinæ rationē non nouerint: cōia tantum uident.  
 Et qui ample ualitudinarios nutriunt, quia singulis summa cura cō-  
 sulere non substinent: ad cōia ista confugiunt. Neq; Hercules istud, et  
 antiqui medici nescierunt: sed his contenti non fuerunt. Ergo et uetu-  
 stissimus author Hippocrates dixit mederi oportere & cōia, & pro-



pria intuentē. Ac ne isti quidē ipsi intra suam professionem consistere ullo modo possunt. si quidē & cōpressorum, & fluentium morborum genera diuersa sunt: faciliusq; id in his quæ fluunt, inspicī pōt. Aliud est. n. sanguinē, aliud bilem, aliud cibū uomere: aliud deiectionibus, aliud torminibus laborare: aliud sudore digeri: aliud tabe cōsumi. Atq; in partes quoq; humor erumpit, ut in oculos, auresq;. quo periculo nullum humanū membrum uacat: nihil aut horū sic, ut aliud curatur. Ita protinus in his à cōi fluentis morbi contēplatione ad propriam medicina descendit. Atq; in hac quoq; rursus alia proprietatis noticia sæpe necessaria est: quia non eadē omnibus et in similibus casibus opitulantur. si quidē certæ quædā res sunt, quæ in pluribus uērem aut astringunt, aut resolunt: inueniuntur tñ in quibus aliter, atq; in cæteris idem eueniat. In his ergo cōmuniū inspectio contraria est: priorū tantū salutaris: et causæ quoq; æstimatio sæpe morbum soluit. Ergo et ingeniosissimus sæculi nostri medicus, quem nuper uidimus, Cassius febricitanti cuidam, & magna siti affecto, cum post ebrietatem eū premi cœpisse cognosceret: aquam frigida ingessit: qua ille epota, cum uini uim miscendo fregisset, protinus febrē somno & sudore discussit. Quod auxilium medicus opportune prouidit, nō ex eo, quod aut strictum corpus erat, aut fluebat: sed ex causa, quæ ante præcesserat. Estq; etiam proprium aliquid & loci, & temporis istis quoq; authoribus: qui cum disputant quemadmodum sanis hominibus agendum sit, præcipiunt ut grauib; aut locis, aut temporibus magis uitetur frigus, æstus, sacietas, labor, libido: magisq; ut conquiescat hisdem aut locis aut temporibus, si quis grauitatem corporis sentit: ac neq; uomitu stomachum, neq; purgatione aluum sollicitet. Quæ uera quidem sunt: à communibus tamen ad quædam propria descendunt. nisi persuadere nobis uolunt, sanis quidem considerandum esse: quod cœlum, quod tempus anni sit, ægris uero non esse: quibus tanto magis omnis observatio necessaria est, quanto magis obnoxia offensis infirmitas est. Quin etiam morborum in hisdem hominibus aliæ, atq; aliæ proprietates sunt: & qui secundis aliquando frustra curatus est: contrarijs sæpe restituitur. Plurimaq; in dando cibo discrimina reperiuntur: ex quibus contentus uno ero. nam famem facilius fert adolescens, quàm puer: facilius in denso cœlo, quàm in tenui: facilius in hyeme, quàm æstate: facilius uno cibo, quàm prandio quoq; assuetus: facilius in exercitatus, quàm exercitatus homo sustinet. Sæpe autem in eo magis necessaria cibi festinatio est, qui minus in diem tolerat. Ob quæ competit eum qui propria non nouit, communia tantum intueri debere: eumq; qui nosse propria potest, illa quidem non oportere negli-



gere, sed his quoque insistere. Ideoque cum par scientia sit, utiliore tamen medicum esse amicum, quam extraneum. Igitur ut ad propositum meum redeam, rationalem quidem puto medicinam esse debere: instrui uero ab euidentibus causis, obscuris omnibus non à cogitatione artificis, sed ab ipsa arte reiectis. Incidere autem uiuorum corpora, et crudele, et superuacuum est: mortuorum corpora discantibus necessarium. Nam positum, et ordinem nosse debent, quae cadauera melius, quam uiuus et uulneratus homo representant: sed et cetera quae modo in uiuis cognosci possunt, in ipsis curationibus uulneratorum paulo tardius, sed aliquando mitius usus ipse monstrauit. His propositis, primum dicam quemadmodum sanos agere conueniat: tum ad ea transibo, quae ad morbos, curationesque eorum pertinebunt.

Caput primum quemadmodum sanos agere conueniat.

S
 Anus homo qui et bene ualet, et suae spontis est, nullis obligare se legibus debet: ac neque medico, neque iatrolipta egere. Hunc oportet uarium habere uitae genus: modo ruri esse, modo in urbe: saepiusque in agro. nauigare, uenari, quiescere interdum: sed frequentius se exercere. Siquidem ignauia corpus hebetat: labor firmat. illa maturam senectutem: hic longam adolescentiam reddit. Prodest etiam interdum balneo, interdum aquis frigidis uti. modo ungi, modo id ipsum negligere. nullum cibi genus fugere, quo populus utatur. interdum in conuiuio esse: interdum ab eo se retrahere. modo plus iusto, modo non amplius assumere. bis die potius, quam semel cibum capere, et semper quam plurimum, dummodo hunc concoquat. Sed ut huius generis exercitationes, cibique necessarii sunt, sic athletici superuacui: nam et intermissus propter ciuiles aliquas necessitates ordo exercitationis corpus affligit: et ea corpora, quae more eorum repleta sunt, celerrime, et senescunt, et agrotant. Concubitus uero neque nimis concupiscendus, neque nimis pertimescendus est. Rarus corpus excitat: frequens soluit. Cum autem frequens non numero sit, sed natura: ratione aetatis et corporis: scire licet eum non inutilem esse, quem corporis neque languor, neque dolor sequitur. Idem interdum peior est, nocturnus tutior. ita tamen si neque illum cibus, neque hunc cum uigilia labor statim sequitur. Haec firmis seruanda sunt: cauendumque ne in secunda ualitudine aduersae praesidia consumantur.



*Quæ stomacho imbecillis seruanda sint, Caput secundum.*

*T* imbecillis stomacho, quo in numero magna pars urbanorum, omnesq; penè cupidi literarum sunt: ob-  
a seruatio maior necessaria est. ut quod uel corporis, uel loci, uel studij ratio detrahit, cura restituat. Ex his igitur q; bene concoxit, mane tuto surget. qui parū, quiescere debet. Et si mane surgendi necessitas fuerit, redormire. Qui nō concoxit, ex toto conquiescere: ac neq; labori se, neq; exercitationi, neq; negotio credere. Qui crudū sine præcordiorum dolore ructat, is ex intervallo aquā frigidam bibere: Et se nihilominus continere. Habitare uero ædificio lucido per flatum æstiuum hibernum solem habente. cauere meridianum solem: matutinum, Et uespertinum frigus: itemq; auras fluminum, atq; stagnorum: minimeq; nubilo cælo soli aperienti se committere: ne modo frigus, modo calor moueat. quæ res maxime grauedines, distillationesq; concitat. Magis uero grauib; locis ista seruanda sunt: in quibus et pestilentiam faciunt. Scire aut licet integrum corpus esse, cum cotidie mane urina alba, dein ruffa est. Illud concoquere, hoc concoxisse significat. Vbi experrectus est aliquis, paulum intermittere: deinde nisi hyems est, fouere os multa aqua frigida debet, longis diebus meridiari potius ante cibum, sin minus, post eum. per hyemem potissimum totis noctibus conquiescere. sin lucubrandum est, nō post cibum id facere, sed post concoctionem. Quem interdum uel domesticæ, uel ciuilia officia tenuerunt: huic tempus aliquod seruandum curationi corporis sui est. Prima autem eius curatio exercitatio est: quæ semper antecedere cibum debet: in eo qui minus laborauit, Et bene concoxit, amplior. in eo qui fatigatus est, Et minus concoxit, remissior. Commodè uero exercent clara lectio, arma, pila, cursus, ambulatio: atq; hæc non utiq; plana commodior est. siquidem melius ascensus quoq; Et descensus cum quadam uarietate corpus moueat: nisi tamen id perquam imbecillum est. melior autem est sub diuo, quàm in porticu. melior si caput patitur, in sole, quàm in umbra. melior in umbra, quam parietes, aut uiridaria efficiunt, quàm quæ tecto subest. melior recta, quàm flexuosa. exercitationis autem plerunq; finis esse debet sudor: aut certe lassitudo, quæ citra fatigationem sit: idq; ipsum modo minus, modo magis faciendum est. Ac ne his quidem athletarum exemplo, uel certa esse lex, uel immodicus esse labor debet. Exercitationem recte sequitur modo unctio uel in sole, uel ad ignem: modo balneū, sed conclauī quam maxime, Et alto, Et lucido, et spaciofo. Ex his uero neutrum sepe fieri oportet: sed sepius alterutrum



pro corporis natura. Post hæc paulum conuiescere opus est. ubi ad cibum uentum est: nunquam utilis est nimia sacietas. sæpe etiam inutilis nimia abstinentia. sæpe si qua intemperantia subest: tutior est in potione quàm in esca. Cibus à salsamentis, oleribus, similibusq; rebus melius incipit. Tum caro assumenda est, quæ assa optima, aut elixa est. Condita omnia duabus de causis inutilia sunt. quoniam & plus propter dulcedinem assumitur: et quod modo par est, tamen ægrius concoquitur. Secunda mensa bono stomacho nihil nocet: in imbecillo coacescit. si quis itaq; hoc parum ualet, palmulas, pomaq; et similia melius primo cibo assumit. Post multas potiones, quæ aliquantum sitim excesserunt, nihil edendū est. post sacietatem, nihil agendum. Vbi expletus est aliquis, facilius concoquit: si quicqd assumpsit, potione aquæ frigida includit: tum paulisper inuigilat: deinde bene dormit. Si quis interdum se implebit: post cibum neq; frigori, neq; aestui, neq; labori se debet committere. neq; enim tam facile hæc inani corpore, quàm repleto nocet. Si quibus de causis futura inedia est: labor omnis uitandus est.

Observationes quedam prout res nouæ accidunt: & prout corporū genera, & sexus, & ætates, & tempora anni sunt. Caput tertium.

Tq; hæc quidem penè perpetua sunt. Quasdam autem observationes desiderant & nouæ res, et corporū genera, & sexus, et ætates, & tempora anni. Nam neq; ex salubri loco in grauem, neq; ex graui in salubrem transitus satis tutus est. Ex salubri in grauem prima hyeme, ex graui in eum, qui salubris est, prima æstate transire melius est. Neq; uero ex multa fame nimia sacietas: neq; ex nimia sacietate famas idonea est. Periclitaturq; & qui semel, & qui bis die cibum incontinenter contra consuetudinem assumit. Item neq; ex nimio labore subitum otium: neq; ex nimio ocio subitus labor sine graui noxa est. Ergo cum quis mutare aliquid uolet, paulatim debet assuescere. Omnem etiam laborem facilius uel puer, uel senex, quam insuetus homo sustinet. Atq; ideo quoq; nimis ociosa uita utilis non est, quia potest incidere laboris necessitas. Si quando tamen insuetus aliquis laborauit, aut multo plus quàm solet, etiam si qui assueuit, huic ieiunio dormiendum est: multo magis si etiam os amarum est: uel oculi caligant: aut uenter per turbatur. Tum enim non dormiendum tantummodo ieiunio est, sed etiam in posterum diem permanendum: nisi cito id quies sustulit. Quod si factum est: surgere oportet, & lente paululum ambulare. At si somni necessitas non fuit, quia modice magis



aliquis laborauit, tamen ingredi aliquid eodē modo debet. Cōmunia  
deinde omnibus sunt post fātigationem cibum sumpturis, ubi paulum  
ambulauerunt, si balneum nō est, calido loco uel in sole, uel ad ignem  
ungi: atq; sudare. si est, ante omnia intepidario residere. Deinde ubi  
paulum conquiuerunt, intrare, et descendere in soliu. tum multo oleo  
ungi, leniterq; perfricari: iterum in solium descendere. Post hēc os  
aqua calida fouere, deinde frigida. Balneum his feruens idoneū non  
est. Ergo si nimium alicui fātigato penē febris est, huic abunde est loco  
tepido demittere se inuinibus tenuis in aquam calidam, cui paulū olei  
adiectum: deinde totum quidē corpus, maxime tamen eas partes, quæ  
in aqua fuerunt, leniter perfricare ex oleo, cui uinum, et paulum con  
triti salis sit adiectum. Post hēc omnibus fātigatis, aptum est cibum  
sumere, eoq; humido uti. aqua, uel certe diluta potione esse contentos, ma  
ximēq; ea, quæ moueat urinam. Illud quoq; nosse oportet, quod ex la  
bore sudanti frigida potio perniciosissima est. atq; etiam cum sudor se  
remisit, itinere fātigatis inutilis. A balneo quoq; uenientibus Asclepia  
des inutilem eam indicauit. quod in his uerum est, quibus alius faci  
le nec tuto resoluitur: quiq; facile inhorrescunt. perpetuū in omnibus  
non est, cum potius naturale sit potione æstuantem stomachum refri  
gerari: frigentem calefieri. quod ita præcipio, ut tamen fatear ne ex  
hac quidem causa sudanti adhuc frigidum bibendum esse. Solet etiā  
prodesse post uariū cibum, frequentesq; dilutas potiones, uomitus, &  
postero die longa quies, deinde modica exercitatio. Si assidua fātigatio  
urget, inuicem modo aqua, modo uinum bibendum est: raroq; balneo  
utendum. Leuatq; lassitudinem etiam laboris mutatio: eumq; quem  
nouum genus eiusdem laboris pressit, id quod in consuetudine est, re  
ficit. Fātigato cotidianum cubile tutissimū est: insolitum contra lassat.  
quod enim contra consuetudinem est, nocet, seu molle, seu durum est.  
proprie quedam ad eum pertinent, qui ambulando fātigatur. Hunc  
reficit in ipso quoq; itinere frequens frictio: post iter, primum sedile,  
deinde unctio: tum calida aqua in balneo magis superiores partes, q̄  
inferiores foueat. Si quis uero exustus in sole est, huic in balneum pro  
tinus eundum est: persundendumq; oleo corpus, & caput. deinde in  
solium bene calidum descendendum est. tum multa aqua per caput in  
fundēda prius calida, deinde frigida. At ei qui perfrigit, opus est in  
balneo primū inuoluto sedere, donec insudet: tum ungi, deinde lau  
ri. cibum modicum, deinde potiones meras assumere. Is uero qui na  
uigauit, & nausea pressus est, si multam bilem euomuit, uel abstinere  
cibo debet: uel paulum aliquid assumere. Si pituitam acidam effu  
dit, utiq; sumere cibum: sed assueto leniorem. Si sine uomitu nausea



## LIBER

fuit, uel abstinere, uel post cibū uomere. Qui uero toto die, uel in uehiculo, uel in spectaculo sedet, huic nihil currendū, sed lente ambulandum est. Lenta quoque in balneo mora, dein coena exigua prodisse consueuerunt. Si quis in balneo aestuat, reficiat hunc ore exceptum, & in eo retentum acetum. si id non est, eodem modo frigida aqua assumpta. Ante omnia autem norit quisque naturā sui corporis: quoniam alij graciles, alij obesi sunt. alij calidi, alij frigidiores. alij humidi, alij siccī. alios astricta, alios resoluta aluus exercet. raro quisquam non aliquam partem corporis imbecillam habet. Tenuis uero homo implere se debet: plenus extenuare: calidus refrigerare: frigidus calefacere: madens siccare: siccus madefacere. itemque aluum firmare is, cui fusa soluere is, cui astricta est. Succurrendumque semper parti maxime laboranti est. Implet autem corpus modica exercitatio, frequentior quies, unctio. & si post prandium est balneum, contracta aluus, modicum frigus hyeme, somnus & plenus, & non nimis longus. molle cubile, animi securitas, assumpta per cibos, & potiones maxime dulcia & pingua cibus & frequentior, & quantus plenissimus potest concoqui. Extenuat corpus aqua calida, si quis in eam descendit, magisque si salsa est. in ieiunio balneū, inures sol, et omnis calor, cura, uigilia, somnus nimium uel breuis, uel longus. lectus per astatem terra, hyeme durum cubile. cursus, multa ambulatio, omnisque uehemens exercitatio, uomitus, deiectio, acida res et austeræ, & semel die assumptæ epulæ, & uini non perfrigidi, ieiunio potio in consuetudinem adducta. Cum uero inter extenuantia posuerim uomitum, & deiectionem, de his quoque proprie quædam dicenda sunt. Eiectum esse ab Asclepiade uomitum in eo uolumine, quod de tuenda sanitate composuit, uideo. neque reprehendo, si offensus eorum est consuetudine, qui cotidie eijciendo uorandi facultantem moliantur. paulo etiam longius prociessit, idem purgationes quoque eodem uolumine expulit. & sunt hæc perniciosæ, si nimis ualentibus medicamentis fiunt. sed hæc tamen submouenda esse, non est perpetuum. quia corporum, temporumque ratio potest ea facere necessaria, dum & modo, & non nisi cum opus est, adhibeantur. Ergo ille quoque ipse, si quid iam corruptum esset, expelli debere confissus est. Ita non ex toto res condemnanda est. sed esse eius etiam plures causæ possunt. estque in ea quædam paulo subtilior observatio adhibenda. Vomitus utilior est hyeme, quam æstate. Nam tum & pituitæ plus, & capitis grauitas maior subest. inutilis est gracilibus, & imbecillum stomachum habentibus. utilis est plenis & biliosis omnibus, si uel nimium se repleverunt: uel parum concoxerunt. nam siue plus est, quam quod concoqui possit, periclitari ne corruptum-



patur, non oportet. Si uero corruptum est, nihil commodius est, quam id, qua uia primum expelli potest, eijcere. Itaq; ubi amari ructus cū dolore, & grauitate præcordiorum sunt, ad hunc protinus confugiendum est. Itē prodest ei, cui pectus aestuat, & frequens salina uel nauſea est: aut cui sonant aures: aut madent oculi: aut os amarum est. Similiterq; ei, qui uel cœlum, uel locum mutat: hisq; quibus, si per plures dies non uomuerunt, dolor præcordia infestat. Neq; ignoro inter hæc præcipi quietem. quæ non semper contingere potest agendi necessitatem habentibus: nec in omnibus idem facit. Itaq; istud luxuriæ causa fieri non oportere confiteor. interdum ualeitudinis causa recte fieri experimentis credo. Commoneo tamen ne quis, qui ualere et senescere uolet, hoc cotidianum habeat. Qui uomere post cibum uolet, si ex facili facit, aquam tantum tepidam ante debet assumere. si difficilius, aquæ, uel salis, uel mellis paulum adijcere. At qui mane uomiturus est, ante bibere mulsum, uel hyssopum, aut esse radicula debet. deinde aquam tepidam, ut supra scriptum est, bibere. Cætera quæ antiqui medici præceperunt, stomachum omnia infestant. Post uomitum, si stomachus infirmus est, paulum cibi sed huius idonei, gustandum: et aquæ frigide cyathi tres bibendi sunt. Si autem uomitus fauces exasperauit, q̄ uomuit, si mane id fecit, ambulare debet: tum ungere, deinde coenare. si post cœnam, postero die lauare: & in balneo sudare: hinc proximus cibus, mediocris utilior est: isq; esse debet cum pane hesterno, uino austero meraco, & carne assa, cibisq; omnibus quam sicissimis. Qui uomere bis in mense uult, melius consulet, si biduo continuarit, quam si post quintum decimum diem uomuerit: nisi hæc mora grauitatem pectori faciet. deiectio autem medicamento quoq; petenda est, ubi uenter suppressus parum reddit. ex eoq; inflammationes, caligines, capitis dolores, aliaq; superioris partis mala increſcunt. Quid enim inter hæc adiungere possunt quies, & inedia quæ per illas maxime eueniunt? Qui eijcere uolet, primum cibis, uinisq; utetur his, quæ hoc præstant. dehinc si parum illa proficient, aloen sumat. sed purgationes quoq; ut interdum necessariae sunt, sic ubi frequentes sunt, periculum afferunt. Assuescit. n. non ali corpus: & ob hoc infirmum erit, cum omnibus morbis obnoxia maxime infirmitas sit. Calefacit autem unctio, aqua salsa, magisq; si calida est. omnia salsa, amara, carnosæ. si post cibum est balneum, uinum austerrum. Refrigerat in ieiunio & balneum, & somnus nisi nimis longius est: & omnia acida, aqua q̄ frigidissima, oleum si aquæ misceatur. Humidū autem corpus efficit labor maior q̄ ex consuetudine, frequens balneum, cibus plenior, multa potio, post hac ambulatio



Et uigilia. Per se quoque ambulatio multa, et uehemens, et matutina  
 exercitatio, et non protinus cibus adiectus, ea genera escæ quæ ue-  
 niunt ex locis frigidis, et pluuijs, et irriguis. Contra fiat modica  
 exercitatio, fames, unctio sine aqua, calor, sol modicus, frigida aqua, ci-  
 bus exercitationi statim subiectus, et is ipse ex siccis, et æstiosis locis  
 ueniens. Alium astringit labor, sedile, creta figularis corpori illita, ci-  
 bus imminutus, et is ipse semel die assumptus ab eo, qui bis solet. exi-  
 gua potio, neque adhibita nisi cum cibi quis quantum assumpturus est, ce-  
 pit. post cibum quies. Contra soluit aucta ambulatio, atque escæ post mo-  
 tus, qui post cibum est. subinde potiones cibo immixtæ. Illud quoque scire  
 oportet, quod uentræ uomitus solutum comprimit: compressum soluit.  
 Itemque comprimit is uomitus, qui statim post cibum est: soluit is qui tar-  
 de superuenit. Quod ad ætates uero pertinet, in ediam facillime susti-  
 nent mediæ ætates: minus iuuenes: minime pueri, et senectute conse-  
 cti. quò minus fert facile quisque, eò sæpius debet cibum assumere: ma-  
 ximeque eo eget, qui increscit. Calida lauatio et pueris, et senibus  
 apta est. Vinum dilutius pueris, senibus meracius. neutri ætati quæ  
 inflationes mouent. Iuuenum minus quæ assumant, et quomodo cu-  
 rentur, interest. quibus iuuenibus fluxit aluus, plerumque in senectu-  
 te contrahitur. Quibus in adolescentia fuit astricta, sæpe in senectute  
 soluitur. Melior est autem in iuvene fusior: in sene astrictior. Tempus  
 quoque anni considerare oportet. hyeme plus esse conuenit. minus, sed  
 meracius bibere. multo pane uti. carne potius elixa. modice oleribus. se-  
 mel die cibum capere: nisi si nimis uenter astrictus est. Si prandet ali-  
 quis, utilius est exiguum aliquid, et ipsum siccum sine carne, sine po-  
 tione sumere. Eo tempore anni calidis omnibus potius utendum est,  
 uel calorem mouentibus. Venus tum non æque perniciosa est. At uere  
 paulum cibo demendum, adiendumque potioni: sed dilutius tamen bi-  
 bendum est. magis carne utendum. magis oleribus: transeundum pau-  
 latim ad assa ab elixis. Venus eo tempore anni tutissima est. Aestate  
 uero et potione, et cibo corpus sæpius eget. ideo prandere quoque con-  
 modum est. Eo tempore aptissima sunt et caro, et olus. potio quamdi-  
 lutissima, ut et sitim tollat: nec corpus incēdat. Frigida lauatio, caro  
 assa, frigidi cibi, uel qui refrigerent. Ut sæpius autem cibo utendum,  
 sic exiguo est. Per autumnum propter coeli uarietatem periculum ma-  
 ximum est. Itaque neque sine ueste, neque sine calciamentis prodire oportet,  
 præcipueque diebus frigidioribus. neque sub diuo nocte dormire: aut  
 certe bene operiri. Cibo uero iam paulo pleniore uti licet. minus, sed  
 meracius bibere. Poma nocere quidam putant, quæ immodice toto die  
 plerumque sic assumantur, ne quid ex densiore cibo remittatur. Ita non  
 hæc, sed



hæc, sed consumatio omnium nocet. Ex quibus in nullo tamẽ minus q̃ in his noxæ est. Sed his uti non sæpius quàm alio cibo conuenit. Deniq; aliquid densiori cibo, cum id accedit, necessarium est demi. Neq; æstate uero, neq; autumnno utilis uenus est: tolerabilior tamen per autumnum: æstate uero & toto (si fieri potest) abstinendum.

De his, qui aliqua parte corporis laborant: et primum de his, quibus caput infirmum est. Caput. iiii.

Roximũ est ut de his dicã, qui parters aliquas corporis imbecillas habent, cui caput infirmum est: is si bene concoxerit, leniter perfricare id mane manibus suis debet. nũquam id, si fieri potest, ueste uelare: aut ad cutem tonderi. Vtileq; lunam uitare, maximeq; ante ipsum lunæ, solisq; concursus. sed nusquam post cibum progredi. Si cui capilli sunt, eos cotidie pectere: multum ambulare. sed si licet, neq; sub tecto, neq; in sole. Vbiq; autem uitare solis ardorem, maximeq; post cibum, & uinum. potius ungi, q̃ lauari. nunq̃ ad flammam ungi: interdum ad prunam. Si in balneum uenit: sub ueste primum paulum in tepidario insudare: ibi ungi: tum trãsire in calidarium: ubi sudabit, in solum non descendere: sed multa calida aqua per caput se totũ perfundere: tum tepida uti, dein frigida: diutiusq; ea caput, quàm cæteras partes perfundere: deinde id aliquãdiu perfricare: nouissime detergere, & ungere. Capiti nihil æque prodest atq; aqua frigida. Itaq; is, cui hoc infirmum est, per æstatem id bene largo canali cotidie debet aliquandiu subijcere. Semper autem etiam si sine balneo unctus est, neq; totum corpus refrigerare sustinet: caput tamen aqua frigida perfundere. sed cum cæteras partes attingi nolit: demittere id ne ad ceruices aqua descendat: eamq; ne quid oculis, alijs uel partibus noceat, defluentem subinde manibus ad os regere. huic modicus cibus necessarius est, quem facile concoquat. isq; si ieiunio caput læditur, assumendus etiam medio die est. si non læditur, semel potius. Bibere huic assidue uinum dilutum, leue, quàm aquam magis expedit: ut cum caput grauius esse cœperit, sit quò confuget: eiq; ex toto neq; uinum, neq; aqua semper utilia sunt. nudamentum utrumq; est, cum inuicem assumitur. Scribere, legere, uoce contendere, huic opus non est utiq; post cœnam: post quam ne cogitatio quidem ei satis tuta est: maxime tamen uomitus alienus est.

Aurelij Cor.

6



## LIBER

De his q̄ lippitudine, grauedine, destillatione, tonsillisq̄ laborat. Cap. V.

n  
 Eque uero his solis, quos capitis imbecillitas torquet, usus aquae frigidae prodest: sed his etiam, quos assidue lippitudines, grauedines, destillationes, tonsillaeq̄ male habent. his autem non caput tantum cotidie perfundendum est: sed os quoque multa frigida aqua fouendum est. praecipueq̄ omnibus, quibus hoc utile auxilium est: eo utendum est, ubi grauius coelum Austri reddiderunt. cumq̄ omnibus inutilis sit post cibum aut contentio, aut cogitatio animi: tum his praecipue, qui uel capitis, uel arteriae dolores habere consuerunt, uel quolibet alios oris affectus. Vitari etiam grauedines, destillationesq̄ possunt: si quamminime eum, qui his oportunus est, aerem, uel loca, aquasq̄ mutet. si caput in sole protegit, ne incendatur: ne ue subitum ex repentino nubilo frigus id moueat. Si post concoctionem ieiunus caput radit. Si post cibum neq̄ legit, neq̄ scribit.

Ad solutam aluum remedia. Caput VI.

q  
 Vem uero frequenter citata aluus exercet, huic opus est pila, similibusq̄ superiores partes exercere: dum ieiunus est, ambulare: uitare solis nimium ardorem, continua balnea, ungi citra sudorem: non uti cibis uarijs, minimisq̄ iurulentis, aut leguminibus, oleribusue his, quae celeriter descendunt: omnia deniq̄ fugere, quae tarde concoquuntur. Venatio, durisq̄ pisces, et ex domesticis animalibus assa caro maxime iuuant. Nunquam uinum salsum bibere expedit: ne tenue quidem, aut dulce, sed austerum, et plenius, neq̄ id ipsum peruectus. Si mulso uti uolet, id ex decocto melle faciendum est. Si frigidae potiones uentrem eius non turbant, his utendum potissimum est. Si quid offensa in coena sensit, uomere debet: idq̄ postero quoque die facere. tertio modici ponderis panem ex uino esse, adiecta uina, uel olea, uel ex defruto, similibusq̄ alijs: deinde ad consuetudinem redire. Semper autem post cibum conuiescere: ac neq̄ intendere animum: neq̄ ambulatione quamuis leui dimoueri.

Remedia ad coli dolorem. Caput VII.

a  
 T si laxius intestinum dolere consuevit, quod κῶλον nominant: cum id nihil nisi genus inflationis sit: id agendum est, ut concoquat aliquis, ut lectione et alijs generibus exerceatur: utatur balneo calido: cibis quoque, et potionibus calidis: deniq̄ omnimodo frigus euitet. item dulcia omnia, leguminaq̄, et quicquid inflare consuevit.



Quæ agenda sint stomacho laborantibus.

Caput octauum.

*s* I quis uero stomacho laborat, legere clare debet: post lectionem ambulare, tum pila, uel armis, alio'ue quo genere, quo superior pars mouetur, exerceri. Non aquam, sed uinum calidum bibere ieiunus. Tum cibum bis die assumere: sic tamen ut facile cōcoquat.

Vti uino tenui, & austero: & post cibum frigidis potionibus potius. Stomachum autem infirmum indicant pallor, macies, præcordiorum dolor, nausea, & uolentium uomitus. in ieiuno dolor capitis: quæ in quo non sunt, is firmi stomachi est. Neq; credendum utiq; nostris est: qui cum in aduersa ualitudine uinum, aut frigidam aquam concupierunt, deliciarum patrociniū in accusationem non merentis stomachi habent. At qui tarde concoquunt, & quorum ideo præcordia inflantur, quæue propter ardorem aliquem noctu sitire consuerunt, antequā conquiescant, duos tres'ue cyathos per tenuem fistulā bibant. Prodest ēt aduersus tardam concoctionem clare legere: deinde ambulare: tum uel ungi, uel lauari assidue: uinum frigidū bibere: et post cibum magnam potionem, sed, ut supra dixi, per syphonem. deinde omnes potiones aqua frigida includere. Cui uero cibus acescit, is ante eum bibere aquā egelidam debet, et uomere. At his, cui ex hoc frequēs deiectione incidit, quotiens aluus ei consiterit, frigida potione potissimū utatur.

Quid obseruandū sit dolore neruorū laborantibus. Caput nonum.

*s* I cui uero dolere nerui solent, quod in podagra, chiragra'ue esse consuevit, huic quantū fieri potest, exercendum id est quod affectum est: obijciendumq; labori, & frigori, nisi cum dolor increuit. Sub diuo quies optima est. Venus semper inimica est. Concoctio, sicuti in omnibus corporis affectibus, necessaria est. Cruditas enī id maxime lædit: & quotiens offensum corpus est, uiciosa pars maxime sentit. Vt concoctio autem omnibus uitijis occurrit: sic rursus alijs frigus, alijs calor. Quæ sequi quisq; pro habitu corporis sui debet. Frigus inimicū est seni, tenui, uulneri, præcordijs, intestinis, uesicæ, auribus, coxis, scapulis, naturalibus, ossibus, dentibus, neruis, uulvæ, cerebro. Idē summam cutem facit pallidam, aridam, durā, nigram. ex hoc horrores, tremoresq; nascuntur. At prodest iuuenibus, & omnibus plenis. erectiorq; mens est, & melius concoquitur, ubi frigus quidem est, sed auetur. Aqua uero frigida infusa præter quam capiti, etiam stomacho



## LIBER

prodest. Item articulis, doloribusq; qui sunt sine ulceribus. item rubicundis nimis hominibus, si dolore uacant. Calor aut adiuvat omnia, quæ frigus infestat. itē lippiētes: si nec dolor, nec lachrymæ sunt. Nervos quoq; q contrahuntur, præcipueq; ea ulcera, quæ ex frigore sunt. Idem corporis colorem bonum facit: urinā mouet. si nimius est, corpus effoeminat: nervos emollit: stomachum soluit. Minime uero aut frigus, aut calor tuta sunt: ubi subita insuetis sunt. Nam frigus lateris dolores, aliq; uitia, frigida aqua strumas excitat. Calor cōcoctionem prohibet: somnum aufert: sudorem digerit: obnoxium morbis pestilentibus corpus efficit.

### Observatio in pestilentia. caput. x.

St etiā observatio necessaria, quā quis in pestilentia utatur adhuc integer: cum tñ securus esse non possit. Tum igitur oportet peregrinari: navigare. Vbi id nō licet, gestari: ambulare sub diuo ante æstum leniter: eodemq; modo ungi: Et ut supra cōprehensum est, vitare fatigationem, cruditatem, frigus, calorem, libidinem: multoq; magis se continere, si qua grauitas in corpore est. Tū neq; mane surgendum, neq; pedibus nudis ambulandum est. minimēq; post cibum aut balneum. neq; ieiuno, neq; cœnato uoendum est. neq; mouenda aliuis: atq; etiam si per se mota est, cōprimenda est. Abstinentium potius si plenius corpus est. Itemq; uitandum balneum, sudor, meridianus somnus utiq; , si cibus quoq; antecessit: qui tamen semel die tunc commodius assumitur: insuper etiā modicus, ne cruditatem moueat. Alternis diebus inuicem modo aqua, modo uinum bibendum est. quibus seruatis, ex reliqua uictus cōsuetudine quā minimum mutari debet. Cum uero hæc in omni pestilentia facienda sint: tum in ea maxime, quam Austri excitariunt. Atq; etiam peregrinantibus eadem necessaria sunt, ubi graui tempore anni discesserunt ex suis sedibus: uel ubi in graues regiones uenerunt. Ac si cætera res aliqua prohibebit: utiq; abstinere debebit. Atq; ita à uino ad aquam, ab hac ad uinum eo, qui supra positus est modo, transitus ei esse.



## LIBER SECVNDVS.

i

Nstantis autem aduersæ valetudinis signa complura sunt: in quibus explicandis non dubitabo authoritate antiquorum uirorum uti, maximeq; Hippocratis: cum recentiores quoq; medici, quamuis quædam in curationibus mutarint: tamen hæc illum optime præsa-  
gisse fateantur. Sed antequam dico quibus præcedentibus mor-

borum timor subsit: non alienum uidetur exponere, quæ tempora anni, quæ tempestatum genera, quæ partes ætatis, qualia corpora maxime tuta, uel periculis opportuna sint: quod genus aduersæ valetudinis in quoq; timeri maxime possit. Non quo non omni tempore, in omni tempestatum genere, omnis ætatis, omnis habitus hominum per omnia genera morborum & ægrotent, & moriantur: sed quod frequentius, tamen quædam eueniant. Ideoq; utile est scire unumquemque quid, & quando maxime caueat.

Quæ anni tempora, quæ tempestatum genera, quæ partes ætatis, qualia corpora uel tuta, uel morbis oportuna sunt: & quod valetudinis genus in quoq; timeri possit. Caput. I.

i

Gitur saluberrimum uer est: proxima deinde ab hoc hyems: periculosior æstas. autumnus longe periculosissimus. Ex tempestatibus uero optimæ æquales sunt, siue frigida, siue calida: pessimæ, quæ uariant maxime. quo fit ut autumnus plurimos opprimat.

Nam ferè meridianis temporibus calor: nocturnis atq; matutinis, simulq; etiam uespertinis frigus est. Corpus ergo & æstate, & subinde meridianis caloribus relaxatum, subito frigore excipitur. Sed ut eo tempore id maxime fit: sic quodcumq; euenit, noxium est. Vbi æqualitas aut est: tamen saluberrimi sunt sereni dies: meliores pluuij, quam tantum nebulosi, aut nubili: optimiq; hyeme, q omni uento uacant: æstate, quibus Fauonij perflant. Si genus aliud uentorū est, salubriores septentrionales, q̄ subsolani, uel austri sunt. sic tamē ut hæc interdum regionum sorte mutantur. Nam ferè uentus ubiq; à mediterraneis regionibus ueniens salubris, à mari grauis est. Neq; solū in bono tempestatum habitu certior valetudo est: sed priores morbi quoq; si qui inciderunt, leniores sunt: & promptius finiuntur. Pessimum ergo cælū est, q̄ ægrum fecit: adeo ut in id quoq; genus, quod natura peius est in

Aurelij Cor.

b iij



## LIBER

hoc statu, salubris mutatio sit. At ætas media tutissima est: quæ neque iuuentæ calore, neque senectutis frigore infestatur. Longis morbis senectus, acutis adolescentia magis patet. Corpus autem habilissimum quadratum est, neque gracile, neque obesum. Nam longa statura ut in iuuenta decora est: sic matura senectute conficitur. gracile corpus, infirmum, obesum, hebes est. Vere tamen maxime quæcunque humoris motu nouantur, in metu esse consueverunt. ergo tum lippitudines, pustulae, profusio sanguinis, abscessus corporis, quæ ἀποστήματα græci nominant: bilis atra, quam μέλαν χολήν appellant: insania, morbus comitialis, angina, grauedines, destillationes oriri solent. hi quoque morbi, qui in articulis, nervisque modo urgent, modo quiescunt: tum maxime et inchoantur, et repetunt. At æstas non quidem uacat plerisque ab his morbis: sed adiungat febres, uel continuas, uel ardentes, uel tertianas, uomitus, alui deiectiones, auricularum dolores, ulcera oris, cancri, et in cæteris quidem partibus, sed maxime obscenis: et quicquid sudore hominem resoluit. uix quicquam ex his in autumnum non incidit: sed oriuntur eo quoque tempore febres incertæ: lienis dolor, aqua intercutem, tabes, quam græci φθίσις nominant: urinæ difficultas, quam σπάρουσις appellant: tenuioris intestini morbus, quem ἰλεον nominant. Fit item lenitas intestinorum, quæ λειψτερία uocatur: coxæ dolores: morbi comitiales. Idemque tempus, et diutinis malis fatigatos, et ab æstate tantum proxima pressos interimit: et alijs nouis morbis conficit: et quosdam longissimis implicat, maximeque quartanis: quæ per hyemem quoque exerceant. Neque aliud magis tempus pestilentiae patet: cuiuscunque ea generis est, quamuis uarijs rationibus nocet. Hyems autem capitis dolores, tussim, et quicquid in faucibus, in lateribus, in uisceribus mali contrahitur, irritat. Ex tempestatibus Aquilo tussim mouet: fauces exasperat: uentrem astringit: urinam suppressit: horrores excitat: item dolores lateris, et pectoris. Sanum tamen corpus spissat, et mobilius, atque expeditius reddit. Auster aures hebetat: sensus tardat: capitis dolores mouet: aluum soluit: totum corpus effiat hebes, humidum, languidum. Cæteri uenti quo uel huic, uel illi propiores sunt: eo magis uicinos his, illis uel affectus faciunt. Denique omnis calor, et iecur, et lienem inflammat: mentem hebetat: ut anima deficiat, ut sanguis prorumpat, efficit. Frigus, modo neruorum distentionem, modo rigorem infert. Illud σπασμός, hoc τένανος græce nominatur: nigritiem in ulceribus, horrorem in febribus excitat. In siccitatibus acutæ febres, lippitudines, tormina, urinæ difficultas, articulorum dolores oriuntur. Per imbres longæ febres, alui deiectiones, angina, cancri, morbi comitiales, resolutio neruorum, quam παράλυ-



siv græci nominant. Neq; solum interest quales dies sint: sed etiam  
 quales ante præcesserint. Si hyems siccæ septentrionales uentos ha-  
 buit, uer autem austros, & pluuias exhibet: ferè subeunt lippitudi-  
 nes, tormina, febres, maximeq; in mollioribus corporibus: ideoq;  
 præcipue in mulieribus. Si uero Austri, pluuiæq; hyemem occupa-  
 runt: uer autem frigidum, & siccum est: grauidæ quidem foemi-  
 næ, quibus tum adest partus, abortu periclitantur. hæ uero quæ  
 gignunt, imbecillos, uixq; uitales edunt. cæteros lippitudo arida,  
 & si seniores sunt, grauedines, atq; destillationes male habent. At  
 si à prima hyeme Austri ad ultimum uer continuarunt: laterum do-  
 lores, & insania febricitantium, quam *περιτιν* appellant, quam ce-  
 lerrime rapiunt. Vbi primo calor à primo uere orsus, æstatem quoq;  
 similem exhibet, necesse est multum sudorem in febribus subsequi. At  
 si siccæ æstas Aquilones habuit: autumno uero imbres, Austriq; sunt:  
 tota hyeme, quæ proxima est, tussis, destillatio, raucitas, in quibus-  
 dam etiam tabes oriuntur. Sin autem autumnus quoq; æq; siccus  
 hisdem Aquilonibus perflatur: omnibus quidem mollioribus corpo-  
 ribus, inter quæ muliebria esse proposui: secunda ualetudo contin-  
 git. durioribus uero instare possunt & aridæ lippitudines, & fe-  
 bres partim acutæ, partim longæ, & hi morbi: qui ex atra bile na-  
 scuntur. Quod ad ætates uero pertinet: pueri, proximiq; his, uere op-  
 time ualent: & æstate prima tutissimi sunt. Senes æstate, & autumnū  
 prima parte: iuuenes hyeme: quiq; inter iuuetam, senectutemq; sunt.  
 inimicior senibus hyems: æstas adolescentibus est. Tum si qua imbe-  
 cillitas oritur, proximum est ut infantes, tenerosq; adhuc pueros ser-  
 pentia ulcera oris, quæ *ἀφθαῖ* græci nominant, uomitus, nocturnæ ui-  
 gilæ, aurium humor, circa umbilicum inflammationes exerceant.  
 Propria etiam dentientium, gingivarūq; exulcerationes, distinctio-  
 nes neuorum, febriculæ interdum, alui deiectiones, maxillæq; caninis  
 dentibus orientibus male habent. quæ pericula plenissimi cuiq; sunt:  
 & cui maxime uenter astrictus est. At ubi ætas paulum processit:  
 glandulæ, & uertebrae, quæ in spina sunt: aliquæ inclinationes,  
 strumæ, uerrucarum quædam genera dolentia, (*ἀνποχονδρία* græ-  
 ci appellant) & plura alia tubercula oriuntur. Incipiente uero iam  
 pube ex hisdem multæ, & longæ febres: sanguinis ex naribus cur-  
 sus. maximeq; omnis pueritia primum circa quadragesimum diem,  
 deinde septimo mense, tum septimo anno, postea circa pubertatem  
 periclitatur. Si qua etiam genera morborum in infantem incide-  
 runt: ac neq; pubertate, neque primis coitibus, neq; in foemina pri-



## LIBER

in mensuris finita sunt: ferè longa sunt. Sæpius tamen morbi pueriles, q̄ diutius manserunt: terminantur. Adolescentia morbis acutis, itē comitialibus, tabiq̄ maxime obiecta est: ferèq̄ iuuenes sunt, qui sanguinem expuunt. Post hanc ætatem laterum, & pulmonis dolores, lethargus, cholera, insania, sanguinis per quædam etiam uelut ora uenarum (αἱμορροΐδας græci appellant) profusio. In senectute spiritus, & urinae difficultas: grauedo articularum, & renum dolores: neruorum resolutiones: malus corporis habitus (ναχέϊα græci appellant): nocturnæ uigiliae: uitia longiora aurium, oculorum, etiam narium, præcipueq̄ soluta aluus: et quæ sequuntur hæc tormina: uel leuitas intestinorum, cæteraq̄ fusi uentris mala. Præter hæc graciles: tabes, deiectiones, desillationes, item uiscerū, & laterum dolores fatigant. Obesi plerunq̄ acutis morbis, & difficultate spirandi strangulantur: subitoq̄ sæpe moriuntur. quod in corpore tenuiore uix euenit.

### De notis aduersæ ualeitudinis futuræ. Caput. II.

Nte aduersam autem ualeitudinē, ut supra dixi, quædam notæ oriuntur, quarū omnium commune est, aliter se corpus habere, atq̄ consuevit: neq̄ in peius tantum, sed etiam in melius. Ergo si plenior aliquis, & speciosior, & coloratior factus est, suspecta habere bona sua debet. quæ quia neq̄ in eodem habitu subsistere, neq̄ ultra progredi possunt: ferè retro quasi ruina quadam reuoluntur. Peius tamen signum est ubi aliquis contra consuetudinem emacruit, & colorem, decoremq̄ amisit. quoniam in his quæ superant, est quod morbus demat: in his quæ desunt, non est quod ipsum morbum ferat. Præter hæc protinus timeri debet, si grauiora membra sunt: si crebra ulcera oriuntur: si corpus supra consuetudinem incaluit: si grauior somnus pressit: si tumultuosa somnia fuerunt: si sæpius expergiscitur aliquis q̄ assuevit: deinde iterū soporatur. si corpus dormientis circa partes aliquas contra consuetudinē insudat: maximèq̄ circa pectus, aut ceruices, aut crura, uel genua, uel coxas. Itē si marcet animus: si loqui, & moueri piget. si corpus torpet: si dolor præcordiorū est, aut totius pectoris: aut qui in plurimis euenit capitis: si salinae plenum est os: si oculi cum dolore uertuntur: si tēpora astricta sunt: si membra inhorrescunt: si spiritus grauior est: si circa frontem intentæ uenæ mouentur: si frequentes oscitationes: si genua quasi fatigata sunt: totum uel corpus lassitudinē sentit. Ex quibus sæpe plura, nunq̄ non aliqua fe-



brem antecedunt. In primis tamen illud considerandū est, nunquid  
 sæpius horum aliquid eueniat: ac ideo neq; corporis ulla difficultas  
 subsequatur. Sunt enim quedam proprietates hominum, sine quarū  
 notitia non facile quicquam in futurum præagiri potest: Facile itaq;  
 securus est in his aliquis, quæ sæpe sine piculo euasit. Ille solitari de-  
 bet, cui hæc noua sunt: aut q̄ ista nunq̄ sine custodia sui, tuta habuit.

Quæ bona in ægrotantibus signa sint. Caput III.

¶ Bi uero febris aliquem occupat: scire licet non peri-  
 clitari, si in latus, aut dextrum, aut sinistrum, ut ipsi  
 uisum est, cubat: cruribus paulū reductis: qui ferè sani  
 quoq; iacentis habitus est: si facile conuertitur: si nocte  
 dormit: si interdum uigilat: si ex facili spirat: si nō cō-  
 fluctatur: si circa umbilicum, & pubem cutis plana est: si præcordia  
 eius sine ullo sensu doloris æqualiter mollia in utraq; pte sunt. quod  
 si paulo tumidiora sunt: sed tamen digitis cedunt, & nō dolent: hæc  
 ualetudo, ut spaciū aliquod habebit: sic tuta erit. Corpus quoq; quod  
 æqualiter molle, & calidum est: quodq; æqualiter totum insudat: &  
 cuius febricula eo sudore finitur: securitatem pollicetur: quando iam  
 ad sanitatem uenit corpus. Sternutamentum etiā inter bona indicia est.  
 Et cupiditas cibi uel à primo seruata, uel etiam post fastidium orta.  
 neq; terrere debet ea febris, quæ eodem die finita est: ac ne ea quidē,  
 quæ quamuis longiore tempore euauit: tamen ante alterā accessio-  
 nem ex toto quieuit sic, ut & corpus integrum, quod εἰς ἀνίπνως græci  
 uocant, fieret. Si quis aut incidit uomitus, mixtus esse et bile, & pitui-  
 ta debet: & in urina subsidere album: leue, æquale sic, ut etiam si  
 quæ quasi nubeculæ innatarint: in imum deferantur. At uenter ei qui  
 à periculo tutus est, reddit modo mollia figurata eodē ferè tempore,  
 quo secunda ualetudine assueuit: modo conuenientia his quæ assumun-  
 tur. peior cita aluus est. Sed ne hæc quidem terrere protinus debet: si  
 matutinis temporibus coacta magis est: aut si procedente tempore pau-  
 latim contrahitur, & ruffa est: neq; foeditate odoris similem aluum  
 sani hominis excedit. Ac lumbricos quoq; aliquos sub fine morbi de-  
 scendisse nihil nocet. Si inflammatio in superioribus partibus dolorē,  
 tumoremq; fecit, bonum signum est. sonus uentris inde ad inferio-  
 res partes euolutus, magisq; etiam si sine difficultate cum stercore  
 excessit.



Contra grauis morbi periculum est: ubi supinus æger  
 iacet porrectis manibus, & cruribus. ubi residere  
 mult in ipso acuti morbi impetu, præcipueq; pulmo  
 nibus laborantibus. ubi nocturna uigilia premitur:  
 etiam si interdiu somnus accedit. Ex quo tamen peior  
 est, qui inter quartam horam, & noctem: q̄ qui matutino tempore ad  
 quartam. Pessimum tamen est si somnus neq; noctu, neq; interdiu acce-  
 dit. id enim ferè sine continuo dolore esse non potest. Aeq; uero signū  
 malum est etiam somno ultra debitum urgeri: peiusq; quo magis se  
 sopor interdiu, noctuq; continuat. Mali etiam morbi testimonium est  
 uehementer, & crebro spirare: à sexto die cœpisse inhorrescere: plus  
 expuere: uix excreare: dolorē habere continuū: difficulter ferre mor-  
 bum: iactare brachia, & crura: sine uoluntate lachrymare: habere  
 humorem glutinosum dentibus inhaerentem: autē circa umbilicum, et  
 pubem macram: præcordia inflammata, dolentia, dura, tumida, inten-  
 ta: magisq; si hæc dextra parte, q̄ sinistra sunt: periculosissimum ta-  
 men est: si uenæ quoq; ibi uehementer agitantur. Mali ēt morbi signū  
 est, nimis celeriter emacrescere: caput, et pedes, manusq; calidas habe-  
 re: uentre, & lateribus frigentibus, aut frigidis extremas partes acu-  
 to morbo urgente: aut post sudorem inhorrescere: aut post uomitū sin-  
 gultum esse: uel rubere oculos: aut post cupiditatē cibi, post uel longas fe-  
 bres hūc fastidire: aut multū sudare, maximēq; frigido sudore: aut ha-  
 bere sudores non per totum corpus æquales, quiq; febrem non fini-  
 ant: & eas febres, quæ cotidie tempore eodē reuertantur: quæ uel sem-  
 per pares accessiones habeant: neq; tertio quoq; die leuentur, quæ uel  
 continuent, ut per accessiones increstant: per discessiones tantum mol-  
 liantur: nec unquam integrum corpus dimittant. Pessimum est si ne le-  
 uatur quidem febris: sed æque concitata continuat. Periculosum est  
 etiam post arquatum morbū febrem oriri, utiq; si præcordia dextra  
 parte dura manserunt: ac dolentibus his leua. Nulla acuta febris leui-  
 ter terrere nos debet. neq; unquam in acuta febre, aut à somno non  
 est terribilis nervorum distentio. timere ēt ex somno, mali morbi est.  
 Itemq; in prima febre protinus mentem esse turbatam: membrum uel  
 aliquod esse resolutum. ex quo casu quauis uita redditur: tamen id  
 ferè membrum debilitatur. Vomitus etiam periculosus est sinceræ pi-  
 tuitæ uel bilis: peiorq; si uiridis, aut niger est. At mala urina est, in  
 qua subsidunt uel rubra, aut liuida, deterior, in qua quasi fila quædā  
 tenuia, atq; alba. pessima ex his, si tanq̄ ex fursuribus factas nubeculæ



las representat. diluta quoq; atq; alba vitiosa ē: sed in phreniticis maxime. Alius aut mala est ex toto suppressa. Periculosa etiā quæ inter febres fluens, conuiescere hominem in cubili non patitur: utiq; si quod descendit est perliquidum, aut albidum, aut pallidum, aut spumans. Præter hæc periculum ostendit id quod excernitur, si est exiguum, glutinosum, leue, album, idemq; subpallidum: uel si est aut liuidum, aut biliosum, aut cruentum, aut peioris odoris, quàm ex consuetudine. Malum est etiam, quod post longas febres sincerum est.

De signis longæ ualitudinis. Caput. V.

Ost hæc inditia notum est longum morbum fieri. sic enim  
 p necesse est: nisi occidit. Neq; ulla alia spes in malis magnis  
 est: q̄ ut impetum morbi trahendo, aliquis effugiat: por-  
 rigaturq; in id tempus, quod curationi locum præstet.  
 protinus tñ signa quædam sunt: ex quibus colligere possumus morbum  
 & si non interemerit: longius tñ tempus habiturum. Vbi frigidus su-  
 dor inter febres non acutas circa caput tantum, & ceruices oritur:  
 aut ubi febre non quiescente corpus insudat: aut ubi corpus modo fri-  
 gidum, modo calidum est, & color alius ex alio fit: aut ubi quod in-  
 ter febres aliqua parte abscessit, ad sanitatē nō peruenit: aut ubi æger  
 pro spacio parum emacrescit. Itē si urina modo liquida, et pura est:  
 modo habet quædā subsidia: si leuia, atq; alba, rubræue sunt, quæ  
 in ea subsidunt: aut si quasdā quasi maculas representat: aut si bullu-  
 las excitat.

De indicijs mortis. Caput. VI.

Ed inter hæc quidem proposito metu spes tamen su-  
 perest. Ad ultima uero iam uentum esse, testantur na-  
 res acutæ, collapsa tempora, oculi concaui, frigida, lan-  
 guidaq; aures, & imis partibus leniter uersæ: cutis  
 circa frontem dura, et intenta: color aut niger, aut per  
 pallidus: multoq; magis si ita hæc sunt: ut neq; uigilia præcesserit,  
 neq; uentris resolutio, neq; inedia. Ex quibus causis interdum hæc spe-  
 cies oritur: sed uno die finitur. Itaq; diutius durans, mortis index est.  
 Si uero in morbo uetere iam triduo talis est: in propinquo mors est:  
 magisq; si præter hæc oculi quoq; lumen refrugunt et illachrymant:  
 quæq; in his alba esse debent, rubescunt: atq; in hisdem uenulæ pallēt:  
 pituitaq; in his innatās nouissime angulis inhaerescit: alterq; ex his  
 minor est: nūq; aut uehementer subsederunt: aut facti tumidiores sunt:



perq; somnum palpebrae non committuntur: sed inter has ex albo oculorum aliquid apparet: neq; id fluens alius expressit: eademq; palpebrae pallent: Et idem pallor labra, et nares decolorat. eademq; labra, Et nares, oculiq; et palpebrae, et supercilia, aliqua'ne ex his peruertuntur: isq; propter imbecillitatem iam non audit: aut non uidet eadem: mors denuntiatur. Vbi aegri supini cubant: hisq; genua contracta sunt: ubi deorsum ad pedes subinde delabitur: ubi brachia, Et crura nudat, Et inaequaliter dispergit: neq; his calor subest: ubi hiat: ubi assidue dormit: ubi his qui mentis suae non est: neq; id facere sanus solet: dentibus stridet: ubi ulcus quod aut ante, aut in ipso morbo natum est: aridum, Et aut pallidum, aut liuidum factum est. Illa quoq; mortis indicia sunt: ungues, digitiq; pallidi: frigidus spiritus: aut si manibus quis in febre, Et acuto morbo uel insania, pulmonis'ue dolore, uel capitis, in ueste floctos legit: fimbrias'ue diducat: uel in adiuncto pariete si quae minuta eminent: carpit. Dolores etiam circa coxas, et inferiores partes orti, si ad uiscera transierunt: subitoq; desierunt: mortem subesse testantur: magisq; si alia quoq; signa accesserunt. Neq; is seruari potest, qui sine ullo timore febricitans, subito strangulatur: aut deuorare saliuam suam non potest. Cui'ne in eodem febris, corporisq; habitu ceruix conuertitur: sic ut deuorare aequae nihil possit: aut cui simul Et continua febris, Et ultima corporis infirmitas est: aut cui febre non quiescente exterior pars friget: interior sic calet: ut etiam sitim faciat: aut qui febre aequae non quiescente: simul Et delirio, Et spirandi difficultate uexatur: aut qui epoto ueratro exceptus distentione neruorum est: aut qui ebrius obmutuit: is enim febre, adiecta neruorum distentione consumitur: nisi aut febris accessit, aut eo tempore, quo ebrietas solui debet, loqui cepit. Mulier quoq; grauida acuto morbo facile consumitur: Et is, cui somnus dolorem augeat: Et cui protinus in recenti morbo bilis atra, uel infra, uel supra se ostendit: cui'ne alterutrum modo se prompsit: cum iam longo morbo corpus eius esset extenuatum, et affectum. sputum est bilicium, Et purulentum, siue separatim ista, siue mixta proueniunt: interitus periculum ostendunt. Ac si circa septimum die tale esse coepit: proximum est ut is circa quartumdecimum diem decedat: nisi alia signa meliora, peiora'ue accesserint. quae quo leniora, grauiora'ue subsequuta sunt: eo uel seriore mortem, uel maturiorem denunciant. Sudor quoq; frigidus in acuta febre pestiferus est. atq; in omni morbo uomitus: qui uariis, Et multorum colorum est: praecipueq; si malus in hoc odor est. Ac sanguinem quoq; in febre uomuisse pestiferum est. Urina uero rubra, Et tenuis in magna cruditate esse consuevit: Et saepe antequam spacio



maturescat, hominem rapit. Itaq; si talis diutius permanet, periculū mortis ostendit. Pessima tamen est, præcipueq; mortifera, nigra, crassa, mali odoris: atq; in uiris quidem, & mulieribus talis deterrima est. In pueris uero, quæ tenuis, & diluta est. Aluus quoq; uaria pestifera est: quæ strigmentū, sanguinem, bilem uiridem, aliquid modo diuersis temporibus, modo simul: & in mixtura quadam discreta tamen re= presentat. Sed hæc quidem potest paulo diutius trahere. In præcipiti uero iam esse denunciat quæ liquida: eademq; uel nigra, uel pallida, uel pinguis est: utiq; si magna foeditas odoris accessit. Illud interroga= ri me posse ab aliquo scio, si certa futuræ mortis indicia sunt: quomo= do interdum deserti à medicis conualescant: quosdamq; fama prodi= derit in ipsis funeribus reuixisse. Quinetiam uir iure magni nomi= nis Democritus, ne finitæ quidē uitæ satis certas notas esse proposuit, quibus medici credidissent: adeo illud non reliquit, ut certa aliqua si= gna futuræ mortis essent: aduersus quos, ne dicam illud quidem, quod in uicino sæpe quædam notæ positæ non bonos, sed imperitos medi= cos decipiunt: quod Asclepiades funeri obuius intellexit eum uiuere, qui efferebatur: ne protinus crimen artis esset, si quod professoris sui: illa tamen moderatius subiiciam. Coniecturalē artem esse medicinam, rationemq; coniecturæ talem esse: ut cum sæpius aliquando responde rit, interdum tñ fallat nos. Si quid itaq; uix in millesimo corpore ali quādo decipit: id notā nō habet, cum per innumerabiles homines re spondeat. Idq; non in his tantum, quæ pestifera sunt, dico: sed in his quoq; quæ salutaria. Si quidem etiam spes interdum frustratur: & moritur aliquis, de quo medicus securus primo fuit. Quæq; medendi causa reperta sunt, non nunquam in peius aliquid conuertunt. Neq; id euitare humana imbecillitas in tanta uarietate corporum potest. Sed est tamen medicinæ fides, quæ multo sæpius, perq; multo plures ægros prodest. Neq; tamen ignorare oportet in acutis morbis fallaces magis notas esse & salutis, & mortis.

De notis, quas aliquis in singulis morborum generibus habere possit.  
Caput sextum.

¶ Ed cum proposuerim signa quæ in omnia aduersa ua= litudine cōia esse consuerunt: ea quoq; trāsibo, ut quas aliquis in singulis morborū generibus habere possit notas, indicē. Quædā aut sunt, quæ añ febres, quæ= dam, quæ inter eas quid aut intus sit, aut uenturum sit, ostendunt. Ante febres, si caput graue est: aut ex somno oculi cali=



gant: aut frequentia sternutamenta sunt: circa caput aliquis pituitæ impetus timeri potest. Si sanguis, aut calor abundat: proximum est, ut aliqua parte profluvium sanguinis fiat. Si sine causa quis emacrescit: ne in malum habitum corpus eius recadat, metus est. Si præcordia dolent: aut inflammatio grauis est: aut non toto die concocta fertur urina: cruditatē esse manifestum est. Quibus diu color sine morbo regio malus est: hi uel capitis doloribus cōsistantur: uel terrā edunt. Qui diu habent faciem pallidam, & tumidam: aut capite, aut uisceribus, aut alio laborant. Si in cōtinua febre puero ueter nihil reddit, mutaturq; ei color: nec somnus accedit: ploratq; is assidue: metuenda neruorū distentio est. Frequens aut destillatio in corpore tenui, longoq; tabem timendam esse testatur. Vbi pluribus diebus non descendit aluus, docet aut subitam deiectionē, aut febriculam instare. Vbi pedes turgent, longæ deiectiones sunt. Vbi dolor in imo uentre et icoxis est, aqua intercutis instat. sed hoc morbi genus ab ilibus oriri solet. Idem propositū periculum est his, quibus uoluntas desidendi est: uenter nihil reddit, nisi & ægre, & durū: tumor in pedibus est. idemq; modo dextra, modo sinistra parte uentris inuicē oritur, atq; finitur. sed à iecinore id malum proficisci uidetur. eiusdem morbi nota est. Vbi circa umbilicum intestina torquentur (σπώπον græci nominant) coxæq; dolores manent: eaq; neq; tempore, neq; remedijs soluantur. Dolor aut articularum, pro ut in pedibus, manibusue, aut alia qualibet parte sic est, ut eo loco nerui contrahantur: aut si id membrum ex leui causa fatigatum, æq; frigido, calidoq; offenditur: podagrā, chiragramue, uel eius articuli, in quo id sentitur, morbū futurum esse denuntiat. Quibus in pueritia sanguis ex naribus fluxit, dein fluere desiit: hi uel capitis doloribus cōsistentur necesse est: uel in articulis aliquas exulcerationes graues habeant: uel aliquo morbo etiam debilitentur. Quibus foeminis menstrua non proueniunt, necesse est capitis acerbissimi dolores sint: uel quælibet alia pars morbo infestetur. Eademq; his pericula sunt, quibus articularum uitia dolores, tumoresq; sine podagra, similibusq; morbis oriūtur, & desinunt. Vtiq; si sæpe tempora hisdem dolent: noctuq; corpora insudant: si frons prurit, lippitudinis metus est. Si mulier à partu uehementes dolores habet: neq; alia præter ea signa mala sunt: circa uigesimum diem aut sanguis per nares erumpet, aut in inferioribus partibus aliquid abscedet. Quicūq; etiam dolorem ingentem circa tempora, & frontem habebit: is alterutra ratione eum finiet, magisq; si iuuenis erit, per sanguinis profusionem: si senior, per suppurationem. Febris aut quæ subito sine ratione sine bonis signis finita est, ferè reuertitur. Cui fauces sanguine, et



interdiu, & noctu replentur sic, ut neq; capitis dolores, neq; præcordiorum, neq; tussis, neq; uomitus, neq; febricula præcesserit: huius aut in naribus, aut in faucibus ulcus reperietur. Si mulieri ex inguine febricula orta est: neq; causa apparet, ulcus in vulua est. Urina autem crassa, ex qua quod desidet, album est: significat circa articulos, aut circa uiscera dolorem, metumq; morbi esse. Eadem uiridis, aut uiscerum dolorem, tumoremq; cum aliquo periculo subesse: aut certe corpus integrum non esse testatur. At si sanguis, aut pus in urina est: uel uestica, uel renes exulcerati sunt. Si hæc crassa arunculas quasdam exiguis quasi capillos habet: aut si bullat, aut si male olet: & interdum quasi harenam, interdum quasi sanguinem trahit: dolent autem coxæ: quæq; inter has, superq; pubem sunt: & accedunt frequentes ructus: interdum uomitus biliosus, extremæq; partes frigescent: urine crebra cupiditas, sed magna difficultas est: & quod inde excrementum est, aquæ simile uel ruffum, uel pallidum est: paulum tamen in eo leuamenti est: aluus uero cum multo spiritu redditur: utiq; in renibus uitium est. Aut si paulatim destillat: uel si sanguis per hanc editur, & in eo quædam cruenta concreta sunt, idq; ipsum cum difficultate redditur, & circa pubem inferiores partes dolent, in eadem uestica uitium est. Calculosi uero his indicijs cognoscuntur. Difficiliter urina redditur: paulatimq; interdum etiam sine uoluntate destillat. Eadem harenosa est: nonnunq; aut sanguis, aut cruentum, aut purulentum aliquid cum ea excernitur. Eamq; quidam promptius recti, quidam resupinati: maximeq; hi qui grandes calculos habent: quidam etiam inclinati reddunt: colemq; extendendo, dolorem leuant. Grauitatis quoq; cuiusdam in ea parte sensus est: atq; ea cursu, omniq; motu augentur. Quidam etiam cum torquentur, pedes inter se subinde mutatis uicibus implicant. Fœminæ uero oras naturalium suorum manibus admotis scilpere crebro coguntur. Nonnunquam si digitum admouerunt, ubi uesticæ ceruicem is urget, calculum sentiunt. At qui spumantem sanguinem excreant, his in pulmone uicium est. Mulieri grauidæ sine modo fusa aluus elidere partû potest. Eidem si lac ex māmīs profluit, imbecillum est, quod intus gerit. duræ māmæ sanum illud esse testantur. Frequens singultus, & præter consuetudinem continuus iecur inflammatum esse significat. Si tumores super ulcera subito esse desierunt, idq; à tergo incidit: uel distentio neruorû, uel rigor timeri potest. At si à priore parte id euenit: uel lateris acutus dolor, uel insania expectanda est. Interdum etiam huiusmodi casum, quæ tutissima inter hæc est, profusio alui sequitur. Si ora uenarû sanguinem solita fundere, subito suppressa sunt: aut aqua



## LIBER

intercutis aut tabes sequitur: eadem tabes subit, si in lateris dolore orta suppuratio, intra quadraginta dies purgari nō potuit. At si longa tristitia cum longo timore, & uigilia est: atra bilis morbus subest. Quibus saepe ex naribus fluit sanguis, his aut lienis tumet: aut capitis dolores sunt: quos sequitur, ut quaedam ante oculos tanquam imagines obuersentur. At quibus magni lienes sunt, his gingivæ malæ sunt: et os olet: aut sanguis aliqua parte prorumpit. quorum si nihil euenit, necesse est in cruribus mala ulcera, & ex his nigrae cicatrices fiant. Quibus causa doloris neq; sensus eius est, his mens labat. Si in uentrē sanguis confluit: ibi in pus uertitur. Si à coxis, et ab inferioribus partibus dolor in pectus transit: neq; ullum signum malum accessit: supurationis eo loco periculum est. Quibus sine febre aliqua ex parte dolor, aut prurigo cū rubore, aut calore est: ibi aliquid suppurat. Vrina quoq; quæ in homine sano parum liquida est, circa aures futuram aliquam suppurationē esse denunciat. Hæc uero cum sine febre quoq; uel latentium, uel futurarum rerū notas habeant, multo certiora sunt, ubi febris accessit: atq; etiam aliorū morborum tum signa nascuntur. Ergo protinus insania timenda est: ubi expeditior alicuius, q̄ sani fuit sermo est: subitaq; loquacitas orta est: & hæc ipsa solito audacior. aut ubi raro quis, & uehementer spirat: uenasq; concitatas habet, præcordiis duris, & tumentibus. Oculorū quoq; frequens motus, & in capitis dolore offusæ oculis tenebræ: uel nullo dolore substante somnus ereptus, continuataq; nocte, & die uigilia: uel prostratum contra consuetudinem corpus in uentrem sic, ut ipsius alui dolor id non coegerit. Item robusto adhuc corpore insolitus dentium stridor, insaniæ signa sunt. Siquid etiam abscessit: & anteq̄ suppuraret, manente adhuc corpore insolita febre subsedit, periculū affert primum furoris, deinde interitus: auris quoq; dolor acutus cū febre continua, uehementiq; saepe mentem turbat: & ex eo casu iuniores interdum intra septimum diē moriuntur: seniores tardius. quoniam neq; æque magnas febres experiuntur: neq; æque insaniunt. ita sustinent, dum his affectus intus uersatur. Suffusæ quoq; sanguine mulieris mammæ, furorem uenturum esse testantur. Quibus autē longæ febres sunt: his aut abscessus aliqui, aut articulorum dolores erunt. Quorum faucibus in febre eliditur spiritus, instat his neruorū distentio. Si angina subito finita est, in pulmonem id malum transit: idq; saepe intra septimum diem occidit: quod nisi incidat, sequitur, ut aliqua parte suppuret. Deinde post alui longam resolutionē, tormina. Post hæc intestinorum leuitas oritur. Post nimias destillationes, tabes. post lateris dolores, uitia pulmonum. post hæc, insania. Post magnos feruores corporis, neruorum rigor, aut distentio. Vbi



distentio. ubi caput vulneratum est, delirium. ubi uigilia torfit, nervorum distentio. ubi uehementer uenæ super ulcera mouentur: sanguinis profluvium erit. Suppuratio uero pluribus morbis excitatur. Nam si longæ febres sine dolore, sine manifesta causa remanent: in aliquâ partem id malum incumbit, in iunioribus tamen: nam in senioribus ex eiusmodi morbo quartana ferè nascitur. Eadem suppuratio fit, si præcordia dura dolentia ante uigesimum diem hominē non sustulerunt: neq; sanguis ex naribus fluxit, maximèq; in adolescentibus. utiq; si inter principia aut oculorū caligo, aut capitis dolores fuerunt: sed cum inferioribus partibus aliquid abscessit. aut si præcordia tumorem mollem habent: neq; habere intra sexaginta dies desinunt: hæretq; per omne id tempus febris. Sed tum in superioribus partibus fit abscessus: ac si inter ipsa ulcera nō fuit: circa aures erumpit. Cumq; omnis longus tumor ad suppurationem ferè spectet: magis se tendit is, qui in præcordiis, q̄ is qui est in uentre: Et is qui supra umbilicū, q̄ is qui infra est. Si lassitudinis etiam sensus in febre est: uel in maxillis, uel in articulis aliquid abscedit. Interdum quoq; urina tenuis, et cruda sic diu fertur: ut alia salutaria signa sint. Ex quo eo casu plerunq; infra transversum septum, quod διαφραγμα græci uocant, fit abscessus. Dolor autem pulmonis si neq; per sputa, neq; per cucurbitulas, neq; per sanguinis detractionem, neq; per uictus rationem finitus est, uomitus aliquas intus excitat aut circa uigesimum diem, aut circa xxx: nonnunq̄ etiam circa sexagesimum. numerabimus autem ab eo die, quo primū febricitauit aliquis, aut inhorruit, aut grauitatem eius partis sensit. sed hæ uomitæ modo à pulmone, modo à contraria parte nascuntur. Quod suppurat ab ea parte, quam afficit: dolorem, inflammationemq; concitat, ipsum calidius est: et si in partem sanam aliquis decubuit: onerare eam ex pondere aliquo uidetur. Omnis etiā suppuratio quæ nondum oculis patet, sic apprehendi potest. Si febris nō dimittit: eaq; interdū leuior est: noctu increscit: multus sudor oritur: cupiditas tussiedī est: et penè nihil in tussi excreatur: oculi cæui sunt: malæ rubent: uenæ sub lingua inalbescunt: in manibus fiunt adunci ungues, digiti, maximèq; summi pallēt: in pedibus tumores sunt: spiritus difficilius trahitur: cibi fastidium est: pustulæ toto corpore oriuntur. Quod si protinus initio dolor Et tussis fuit, Et spiritus difficultas: uomitæ uel ante, uel circa uigesimum diem erumpet. si serius ista cœperint: necesse est quidem increscant. sed quo minus cito affecerint: eo tardius soluentur. Solent etiam in graui morbo pedes cum digitis, unguibusq; nigrescere. quod si non est mors consecuta, Et reliquum corpus immauit: pedes tamen decidunt.



Quæ notæ in quoq; morbi genere, uel spem, uel pericula ostendant.  
Caput. VII.

Equitur ut in quoq; morbi genere proprias notas explicem: quæ uel spem, uel periculum ostendant. Ex uesica do-  
lente si purulenta urina processit: inq; ea leue, & album  
subsedit: metû detrahit. In pulmonis morbo si sputo ipse  
leuatur dolor: quantum id purulentum est: tamen æger facile spirat: fa-  
cile excreat: morbum ipsum non difficulter fert: potest ei secunda ua-  
letudo contingere. Neq; inter initia terreri conuenit: si protinus sputum  
mixtum est ruffo quodam, & sanguine, dummodo statim edatur. La-  
terum dolores suppuratione facta, deinde intra quadragesimum diē  
purgata finiuntur. Si in iecinore uomica est, & ex ea fertur pus pu-  
rum, & album: salus ei facilis. Id enim malum in tunica est. Ex sup-  
purationibus uero hæ tolerabiles sunt: quæ in exteriorem partem fe-  
runtur, et acuiuntur. Et ex his quæ intus procedunt, hæ leniores: quæ  
contra se cutem non afficiunt: eamq; & sine dolore esse, & eiusdem  
coloris, cuius reliquæ partes sunt, sinunt esse. Pus quoq; quacunq; par-  
te erumpit: si est leue, album, & unius coloris, sine ullo metu est: &  
quo effuso febris protinus conquieuit: desieruntq; urgere cibi fastidiū,  
& potionis desiderium. si quando etiam suppuratio descendit in cru-  
ra: sputumq; eiusdem factum pro ruffo purulentum est: periculi mi-  
nus est. At in tabe eius, qui saluus futurus est: sputum esse debet albū,  
æquale totum: eiusdemq; coloris sine pituita: eiq; etiā simile esse opor-  
tet si quid in nares à capite destillat. Longe optimum est febrem omni-  
no non esse. secundum est tantulum esse: ut neq; cibum impediat, neq;  
crebram sitim faciat. Alius in hac ualetudine ea tuta est: quæ cotidie  
coacta: eaq; conuenientia his quæ assumuntur, reddit. Corpus, id quod  
minime tenue, maximēq; lati pectoris, atq; setosi est: cuiusq; cartilago  
exigua, & carnosæ est. Super tabem si mulieri quoq; suppressa men-  
strua fuerunt: et circa pectus, atq; scapulas dolor mansit: subitoq; san-  
guis erupit: leuari morbus solet. Nā & tussis minuitur: et sitis atq; fe-  
briculæ desinūt. sed iisdē ferè nisi redit sanguis, uomica erumpit: quæ  
quo cruentior, eo melior est. A qua autem inter cutem minime terribi-  
lis est: quæ nullo antecedente morbo cœpit. deinde quæ longo morbo  
superuenit. Vtiq; si firma uiscera sunt: si spiritus facilis: si nullus do-  
lor: si sine calore corpus est: æqualiterq; in extremis partibus macrū  
est: si uenter mollis: si nulla tussis: nulla sitis: si lingua ne per som-  
num quidem inarescit: si cibi cupiditas est: si uenter medicamentis mo-  
uetur si per se excernit mollia, & figurata: si extenuatur: si urina &



uini mutatione, & epotis aliquibus medicamentis mutatur: si corpus sine lassitudine est, & morbum facile sustinet. siquidē in quo omnia hæc sunt: is ex toto tutus ē: in quo plura ex his sunt, is in bona spe est. Articulorum uero uitia ut podagræ, chiragræq; si iuuenes tentarunt: neq; callum induxerunt: solui possunt: maximeq; torminibus leniuntur: & ex quocunq; modo uenter fluit. Item morbus comitialis ante pubertatem ortus non ægre finitur: & in quo ab una parte corporis uenientis accessionis sensus incipit. optimum est à manibus, pedibusue initium fieri: deinde à lateribus: pessimum inter hæc à capite. Atq; in his quoq; ea maxime prosunt: quæ per deiectiones excernuntur. Ipsa autem deiectio sine ulla noxa est: quæ sine febre est: si celeriter desinit: si contracto uentre nullus motus eius sentitur: si extremam aluum spiritus sequitur. Acrida tormina quidem periculosa non sunt: si sanguis, & strigmenta descendunt: dum febris, cæteræq; accessiones huius morbi absint: adeo ut etiam grauida mulier non solum reseruari possit: sed etiam partum reseruare. Prodestq; in hoc morbo si iam ætate aliquis processit. Contra intestinorū leuitas facilius à teneris ætatibus depellitur: utiq; si fieri urina, et ali cibo corpus incipit. Eadem ætas prodest, & in coxæ dolore, & humerorum, et in omni resolutione neruorum. ex quibus coxa si sine torpore est: si leuiter friget: quantus magnos dolores habet: tamen & facile, & mature sanatur: resolutumq; membrū si nihilominus aliter fieri sanum potest: oris resolutio, etiam aluo cita finitur: omnisq; deiectio lippienti prodest. At uarix ortus, uel per ora uenarū subita profusio sanguinis, uel tormenta insaniam tollunt. Humerorum dolores, qui ad scapulas uel manus tendunt: uomitu atræ bilis soluantur. et quisquis dolor deorsum tendit: sanabilior est. Singultus sternutamento finitur. Longas deiectiones supprimit uomitus. Mulier sanguinē uomens, profusis mēstruis liberatur. Quæ mēstruis nō purgatur, si sanguinē, ex naribus fudit: omni periculo uacat. Quæ locus laborat: aut difficulter partū edit: sternutamento leuatur. Aestua quartana ferè breuis est. cui calor, & tremor est: saluti deliriū est. Lienosis bono tormina sunt. deniq; ipsa febris, quod maxime mirū uideri potest: sæpe præsidio est. nā & præcordiorum dolores si sine inflammatione sunt, finit: & in iccinoris dolore succurrit: & neruorū distentionem, rigoremq; si postea coepit: ex toto tollit: & ex difficultate urinæ morbū tenuioris intestini ortum, si urinam per calorem mouet: leuat. At dolores capitis quibus oculorū caligo, et rubor cum quadā frontis prurigine accedunt: sanguinis profusione, uel fortuita, uel et petita summoventur. Si capitis, ac frontis dolores ex uento, uel frigore, aut aestu sunt: grauedine, et sternutamentis finiuntur.



## LIBER

Febrem autem ardentem, quam græci *ναύσωρα* uocant: subitus horror  
 exoluit. Si in febre aures obtusæ sunt: si sanguis è naribus fluxit: aut  
 uenter resolutus est: illud malum desinit ex toto. Nihil plus aduersus  
 surditatem, quàm biliosa aluus potest. Quibus in fistula urinae uti ma-  
 nuti apices, quos *θύματα* græci uocant: esse cœperūt: ijs ubi pus ea pte  
 profluxit, sanitas redditur. ex qbus cum pleraq; per se proueniant:  
 scire licet interea quoq; quæ ars adhibet: naturā plurimū posse. Con-  
 tra si caput febre continenti dolet: neq; quicquam reddit: malum atq;  
 mortiferum est: maximeq; id periculum est pueris à septimo anno ad  
 quartum decimum. In pulmonis morbo si sputum primis diebus non  
 fuit: deinde à septimo die cœpit, & ultra septimum mansit: pericu-  
 losum est. Quantoq; magis mixtos, neq; inter se diductos colores ha-  
 bet: tanto deterius. et tamen nihil peius est, quàm sincerum id edi: siue  
 ruffum est, siue cruentum: siue album, siue glutinosum: siue palli-  
 dum, siue spumans. nigrum tamen pessimum est. In eodem morbo peri-  
 culosa sunt tussis, destillatio, etiam quod aliàs salutare habetur, sternus  
 tamētum. Periculosissimumq; est si hæc secuta subita deiectio est. Ferè  
 uero quæ in pulmonis, eadem in lateris doloribus, & mitiora signa,  
 & asperiora esse consueverunt. Ex iecinore si pus cruentum exit: mor-  
 tiferum est. At ex suppurationibus hæc pessimæ sunt: quæ intus ter-  
 dunt sic, ut exteriorem quoq; cutem decolorent. Ex his deinde, quæ  
 in exteriorem partem prorumpūt, quæ maximæ: quæq; planissimæ  
 sunt. Quod si ne rupta quidem uomat uel pure extrinsecus emissio  
 febris quieuit: aut quauis quierit: tamen repetit. item si sitis est: si  
 cibi fastidium, si uenter liquidus, si pus est liuidum, & pallidum, si  
 nihil æger excreat, nisi pituitam spumantem: periculum certum est.  
 Atq; ex his quidem suppurationibus, quas pulmonum morbi concita-  
 runt: ferè senes moriuntur: ex cæteris iuniores. At in tabe sputum  
 mixtum, purulentum, febris assidua, quæ & cibi tempora eripit: &  
 siti affligit in corpore tenui: periculum subesse testatur. Si quis etiam  
 in eo morbo diutius traxit: ubi capilli fluunt: ubi urina quedam ara-  
 neis similia subsidentia ostendit: atq; in his odor fœdus est: maximeq;  
 ubi post hæc orta deiectio est: protinus moritur. Vtiq; si tempus au-  
 tumni est: quo ferè qui cætera parte anni traxerunt: resoluuntur. Itē  
 pus expuisse in hoc morbo, deinde ex toto spueri desisse, mortiferum  
 est. Solent etiam in adolescentibus ex eo morbo uomicae, fistulaeque ori-  
 ri: quæ non facile sanescunt: nisi si multa signa bonæ ualitudinis sub-  
 secuta sunt. Ex reliquis uero minime facile sanantur uirgines, aut hæ  
 mulieres: quibus super tabem menstrua suppressa sunt. Cui uero sano  
 subitus dolor capitis ortus est: dein somnus oppressit, sic ut stertat:

neq;



neq; expergiscatur, intra septimum diem pereundū est: magis si cum alius cita non antecesserit. Si palpebrae dormientis non coeunt: si albus oculorum apparet. quos tamen ita mors sequitur: si id malum non est febre discussum. At aqua inter cutem, si ex acuto morbo coepit: ad sanitatem raro perducitur. utiq; si contraria his, quae supra posita sunt: subsequuntur. aequae in ea quoq; tussis spem tollit. Item si sanguis sursum, deorsumq; erupit: & aqua medium corpus implevit. Quibusdam etiā in hoc morbo tumores oriuntur: deinde desinunt: deinde rursus assurgunt. Hi quidem tutiores sunt: quā qui supra comprehensi sunt, si attenduntur. sed ferē fiducia secundae valetudinis opprimuntur. Illud iure aliquis mirabitur: quomodo quaedam simul & affligunt nostra corpora, & parte aliqua tueantur. Nam siue aqua inter cutem quem implevit: siue in magno abscessu multum puris coijt: simul id omne effudisse aequae mortiferum est: ac si quis sani corporis vulnere factus exanguis est. Articuli uero, qui sic dolent, ut super eos ex callo quaedam tubercula innata sint: nunquam liberantur. quaeq; eorum uicia uel in senectute coeperunt: uel in senectutem ab adolescentia peruenerunt, ut aliquando leniri possint: sic nunquam ex toto finiuntur. Morbus quoq; comitialis post annum quintum & uigesimum ortus aegre curatur: multoq; acrius is, qui post quadragesimum annum coepit, adeo ut in ea aetate aliquid in natura spei, uix quicquam in medicina sit. In eodem morbo si simul totum corpus afficiatur: neq; ante in partibus aliquis uenientis mali sensus est: sed homo ex improviso concidit: cuiuscunq; is aetatis est: uix sanescit. Si uero aut mens laesa est: aut neruorum facta resolutio: medicinae locus non est. Deiectionibus quoq; si febris accessit: si inflammatio iocanoris, aut praecordiorum, aut uentris: si immodica sitis, si longius tempus, si alius uaria, si cum dolore est: etiam mortis periculum subest. maximeq; si inter haec tormina uetera esse ceperunt. Isq; morbus maxime pueros absorbit usq; ad annum decimum. ceterae aetates facilius sustinent. Mulier quoq; grauida eiusmodi casu rapi potest, atq; etiam si ipsa conualuit, partum tamen perdit. Quin etiā tormina ab atra bile orsa, mortifera sunt: aut si sub his extenuato iam corpore subito nigra alius profluxit: aut intestinorum leuitas. Periculosior est si frequens deiectio est: si uenter omnibus horis, & cum somno, & sine hoc profluit: si similiter noctu, & inter diu: si quod excernitur aut crudum est, aut nigrum: & praeter id etiam leue, & mali odoris sit: si sitis urget: si post potionem urina non redditur: quod euenit quia tunc liquor omnis non in uesicam, sed in intestina descendit: si os exulceratur: si rubet facies, & quasi maculis quibusdam colorum omnium distin-



## LIBER

guitur: si uenter est quasi fermentatus, pinguis, atq; rugosus: si & cibi cupiditas non est. Inter quæ cum euidentis mors sit, multo euidentior est: si iam longum quoq; id uitium est: maximeq; si etiã in corpore senili est. Si uero in tenuiore intestino morbus est: uomitus, singultus, neruorum distentio, delirium: mala sunt. At in morbo arquato durũ fieri iecur perniciosissimum est. Quos lienis male habet, si tormina prehenderunt: deinde uersa sunt: uel in aquam inter cutem, uel intestinorum leuitatem uix ulla medicina periculo subtrahit. Morbus intestini tenuioris, nisi resolutus est intra septimum diem, occidit. Mulier ex partu si cum febre uehementibus etiam, & assiduus capitis doloribus premitur: in periculo mortis est. si dolor, atq; inflammatio est in his partibus, quibus uiscera continentur: frequenter spirare signum malum est. Si sine causa longus dolor capitis est: & in ceruices, ac scapulas transit: rursusq; in caput reuertitur: aut à capite ad ceruices, scapulasq; peruenit: perniciosus est: nisi uomitam aliquam excitauit sic, ut pus extussiretur. aut nisi sanguis ex aliqua parte prorupit: aut nisi in capite multa prurigo, toto ue corpore pustulæ ortæ sunt. Aequè magnum malum est, ubi torpor, atq; prurigo peruagantur modo per totum caput, modo in parte: aut sensus alicuius ibi quasi frigoris est: eaq; ad summam quoq; linguam perueniunt. Et cum in hisdem abscessibus auxilium sit: eo difficilior sanitas est: quo minus sæpe sub his malis illi subsequuntur. In coxæ uero doloribus si uehemens torpor est: frigescitq; crus, & coxa: aliusq; nisi coacta non reddit: idq; quod excernitur, mucosum est: iamq; ætas eius hominis quadragesimum annum excessit: is morbus erit longissimus, minimeq; annuus: neq; finiiri poterit nisi aut uere, aut autumno. Difficilis æque curatio est in eadem ætate, ubi humerorum dolor uel ad manus peruenit: uel ad scapulas tendit: torporemq; & dolorem creat: neq; bilis uomitu leuatur. Quacumq; uero parte corporis membrum aliquod resolutum est: si neq; mouetur, & emacrescit: in pristinum habitum non reuertitur: eoq; minus quo uetustius id uitium est: & quo magis in corpore senili est. Omniq; resolutioni neruorum ad medicinam non idonea tempora sunt hyems, & autumnus. aliquid sperari potest uere, & æstate. Isq; morbus mediocris uix sanatur: uehemens sanari non potest. Omnis etiã dolor minus medianæ patet: qui sursum procedit. Mulieri gravidæ, si subito mammæ emacruerunt: abortus periculum est. Quæ neq; peperit, neq; grouida est, si lac habet: à menstruis defecta est. Quartana æstiva breuis: autumnalis ferè longa est: maximeq; quæ coepit hyeme appropinquante. si sanguis profluxit: deinde secuta est demencia cum distentione neruorum periculum mortis est. Itemq; si



medicamentis purgatum, & adhuc inanem, nervorū distentio oppres-  
sit: aut si in magno dolore extremæ partes frigent: neq; is ad vitam  
redit: qui ex suspendio spumante ore detractus est. Alius nigra san-  
guini atro similis repentina siue cum febre, siue etiam sine hac, per-  
niciosa est.

De morborum curationibus. Caput. VIII.

Ognitis inditijs, quæ nos uel spe consolentur: uel metu ter-  
reant: ad curationes morborum transeundum est. Ex his  
quædam cōes sunt: quædam propriæ. cōes, quæ pluri-  
bus morbis opitulantur. propriæ, quæ singulis. ante de  
communibus dicam. Ex quibus tamen quædam non ægros solum, sed  
sanos quoq; sustinent: quædam in aduersa tantum uoletudine adhibē-  
tur. Omne uero auxilium corporis aut demit aliquam materiam:  
aut adiicit: aut euocat: aut reprimit: aut refrigerat: aut calefacit: si-  
mulq; aut durat: aut mollit. Quædam non uno modo tantum, sed et  
duobus inter se non contrarijs adiuvant. Demitur materia sanguinis  
detractione, cucurbitula, deiectione, uomitu, frictiōe, gestatione, omniq;  
exercitatione corporis, abstinentia, sudore: de quibus protinus dicam.

De sanguinis detractiōe per uenas. Caput. IX.

Anguinem incisa uena mitti nouum non est. sed nullum  
penè morbum esse, in quo non mittatur: nouum est. Item  
mitti iunioribus, & foeminis uterū non gerentibus, uetus  
est. In pueris uero idē experiri, & in senioribus, & in  
gravidis quoq; mulieribus, uetus non est. si quidē antiqui primam, ul-  
timamq; ætatem sustinere non posse hoc auxilij genus indicabant: per-  
suaserantq; sibi mulierem gravidā, quæ ita curata esset: abortum esse  
facturā. Postea uero usus ostendit nihil ex his esse perpetuum: aliasq;  
potiores obseruationes adhibendas esse: ad quas dirigi curantis consi-  
lium debeat. interest enim non quæ ætas sit: neq; qd in corpore in-  
tus geratur: sed quæ uires sint. Ergo si iuuenis imbecillus est: aut si mu-  
lier, quæ gruida non est: parum ualet: male sanguis emittitur. E mo-  
ritur enim uis, si quæ his supererat: et hoc modo erepta ē. At firmus  
puer, & robustus senex, & gruida mulier ualens, tuto curantur. Ma-  
xime tamen in his medicus imperitus falli pōt: quia ferè minus robo-  
ris illis ætatibus subest. Mulieriq; prægnati post curationē quoq; uiri-  
bus opus est nō tantū ad se, sed et ad partū sustinendū. Non qd aūt



intentionem animi, aut prudentiam exigit, protinus faciendum est: cum præcipua in hoc ars sit, quæ non annos numeret: neq; conceptionem solam uideat: sed vires æstimet: & ex eo colligat, possit nec ne superesse quod uel puerum, uel senem, uel in una muliere quod duo corpora simul sustineat. Interest enim inter ualens corpus, et obesum: inter tenue, & infirmum. Tenuioribus magis sanguis, plenioribus magis caro abundat. Facilius itaq; illi detractionem eiusmodi sustinent: celeriusq; ea, si nimium est pinguis: quis affligitur. Ideoq; uis corporis melius ex uenis, quàm ex ipsa specie æstimatur. neq; enim solum hæc considerata sunt, sed etiam morbi genus quod sit. utrum superans, an deficiens materia læserit. Corruptum corpus sit, an integrum. Nam si materia uel deest, uel integra est: istud alienum est. At si uel copia sui male habet, uel corrupta est: nullo modo melius succurritur. Ergo uehemens febris ubi rubet corpus, plenæq; uenæ tumēt: sanguinis detractionem requirit. Item uiscerum, morbi, nervorumq; resolutio, & rigor, & distentio, quicquid deniq; fauces difficultate spiritus strangulat: quicquid subito supprimit uocem: quisquis intolerabilis dolor est: & quacunq; de causa ruptum aliquid intus, atq; collisum est. Item malus corporis habitus, omnesq; acuti morbi, qui modo, ut supra dixi, non infirmitate, sed onere nocēt. fieri tamen potest, ut morbus quidem id desideret: corpus autem uix pati posse uideatur. Sed si nullum tamē appareat aliud auxilium: periturusq; sit qui laborat, nisi temeraria quoq; uia fuerit adiutus: in hoc statu boni medici est ostendere: q̄ nulla spes sine sanguinis detractione sit: fateriq; quantus in hac ipsa re sit metus. & tum demum si exigetur, sanguinem mittere. de quo dubitari in eiusmodi re non oportet. satius est enim anceps auxilium experiri, quam nullum. idq; maxime fieri debet ubi nervi resoluti sunt: ubi subito aliquis obmutuit: ubi angina strangulatur: ubi prioris febris accessio penē confecit, paremq; subsequi uerisimile est, neq; eandem uidentur sustinere ægri vires posse. Cum sit autem minime crudo sanguis mittendus: tamen ne id quidem perpetuum est. neq; enim semper concoctionem res expectat. Ergo si ex superiore parte aliquis decidit: si contusus est: si ex aliquo subito casu sanguinem uomit, quamuis paulo ante sumpsit cibum: tamen protinus ei demenda materia est: ne si subsederit, corpus affligat. Idemq; etiam in alijs casibus repentinis qui strangulabunt, dictum erit. At si morbi ratio patietur: tum demum nulla cruditatis suspicionem remanente id fiet. Ideoq; ei rei uidetur aptissimus aduersæ ualitudinis dies secundus, aut tertius. sed ut aliquando etiam primo die sanguinem mittere necesse est: sic nunquam utile post diem quartum est:



tum est: cum iam spatio ipso materia & exhausta est, & corpus corrumpit: ut detractio imbecillum id facere possit: non possit integrum. Quod si uehemens febris urget: in ipso impetu eius sanguinem mittere, hominem iugulare est. Expectanda ergo remissio est, si non decreseat: sed crescere desiit: neque speratur remissio, tunc quoque, quanuis peior: sola tamen occasio non omittenda est. Ferè etiam ista medicina ubi necessaria est: in biduum diuidenda est. satius est enim in primū lenare ægrum: deinde perpurigare: quàm simul omni ui effusa fortasse præcipitare. Quod si in cura quoque aquæ, quæ inter cutem est, ista respondet: quanto magis necesse est in sanguine respondeat. miti uero is debet, si totius corporis atusa fit, ex brachio. si partis alicuius, ex ea ipsa parte: aut certe quàm proxima. quia non ubique mitti potest, sed in temporibus: in brachijs, iuxta talos. Neque ignoro quosdam dicere quamlongissime sanguinem inde, ubi lædit, esse mittendum. sic enim auerti materiæ cursum: at illo modo in id ipsum quod grauat, euocari. sed id ipsum falsum est. Proximum enim locum primo exaruit. Ex ulterioribus autem catenus sanguis sequitur, quatenus emittitur. ubi is suppressus est: quia non trahitur, neuenit quidem. Videtur tamen usus ipse docuisse: si caput fractum est, ex brachio potius sanguinem mittendum esse. Si quod in humero uicium est, ex altero brachio: credo quia si quid parum cesserit, opportuniore hæ partes iniuriæ sunt: quæ quæ iam male habent. auertitur quoque interdum sanguis, ubi alia parte prorumpens: alia emittitur. Desinit enim fluere qua uolumus: inde obiectis quæ prohibeant, alio dato itinere. Mittere autem sanguinem cum sit expeditissimum: usum habenti, tum ignaro difficultimum est. iuncta enim est uena arterijs, his nervi. ita si neruum scalpellus attingit: sequitur neruorum distentio: eaque hominem crudeliter consumit. At arteria incisa neque coit, neque sanescit: interdum etiam ut sanguis uehementer erumpat, efficit. Ipsius quoque uenæ, si forte præcisa est, capita comprimuntur: neque sanguinem emittunt. At si timide scalpellus demittitur: summam cutem lacerat: neque uenam incidit. Nō nunquam etiam ea latet: neque facile reperitur. ita multæ res id difficile inscio faciunt: quod perito facillimum est. Incidenda ad medium uena est: ex qua cum sanguis erumpit, colorem eius, habitumque oportet attendere. Nam si is crassus, & niger est, uitiosus est: ideoque utiliter effunditur. Si rubet, & pellucet, integer est. eaque missio sanguinis adeo nō prodest: ut etiā noceat protinusque is supprimendus est. Sed id euenire non potest sub eo medico, qui scit ex quali corpore sanguis mittendus sit. Illud magis fieri solet, ut æquæ niger assidue ac primo die profluat. quod quanuis ita est, tamen si iam satis fluxit: suppressum



dus est: semperq; ante finis faciendus est, q; anima deficiat. deligan-  
 dumq; brachiū super imposito expresso ex aqua frigida penicillo: et  
 postero die auerso medio digito, non aut scalpello, uena ferienda: ut re-  
 cens coitus eius resoluitur: iterumq; sanguinem fundat. Siue aut pri-  
 mo, siue secundo die sanguis, qui crassus, & niger initio fluxerat: et  
 rubere, & pellucere coepit: satis materiae detractum est: atq; quod  
 superest, sincerum est. Ideoq; protinus brachium deligandum: ha-  
 bendumq; ita est, donec ualens cicatrix sit: quæ celerrime in uena  
 confirmatur.

De sanguinis detractione per cucurbitulas. Caput. X.

Cucurbitularum uero duo genera sunt: æneum, & cor-  
 neum. Aenea altera patet: altera clausa est. Cornea alte-  
 ra parte æque patens, altera foramen habet exiguum. In  
 æneam linamentum ardēs coniicitur: ac sic os eius corpo-  
 ri aptatur: imprimiturq; donec inhæreat. Cornea per se corpori im-  
 ponitur: deinde ubi ea parte qua exiguum foramen est, ore spiritus ad-  
 ductus est: superq; cœra cauum id clausum est: æque inhærescit.  
 Vtraq; non ex his tantum materiae generibus, sed etiam ex quolibet  
 alio recte fit. At si cætera defecerūt: caliculus quoq; aut pultarius oris  
 compressioris ei rei commode aptatur: ubi inhæsit: si concisa ante scal-  
 pello cutis est, sanguinem extrahit. si integra est, spiritum. Ergo ubi  
 materia quæ intus est, lædit: illo modo: ubi inflatio, hoc imponi solet.  
 Vfus autem cucurbitulae præcipuus est: ubi non in toto corpore, sed in  
 parte aliqua uitium est: quam exhauriri ad confirmandam ualetu-  
 dinem satis est. Idq; ipsum testimonium est: etiam scalpello sanguine,  
 ubi membro succurritur, ab ea potissimum parte: quæ iam læsa est: esse  
 mittendum. q; nemo cucurbitulam diuersæ parti imponit: nisi cum  
 profusionem sanguinis eò auertit: sed ei ipsi quæ dolet: quæq; liberā-  
 da est. Opus etiam esse cucurbitula potest in morbis longis: quauis et  
 spacium aliquod accessit: siue corrupta materia, siue spiritui male ha-  
 bente. In acutis quoq; quibusdā si & leuari corpus debet: & ex uena  
 sanguinem mitti: uires non patiuntur. Idq; auxilium ut minus uehe-  
 mens, ita magis tutum. Neq; unquam periculosum est, et si in medio fe-  
 bris impetu et si in cruditate adhibetur. Ideoq; ubi sanguinem mitti  
 opus est: si incisa uena præceps periculum est: aut si in parte corpo-  
 ris etiam uitium est: huc potius confugiendum est. cū eo tamen ut scia-  
 mus, hic ut nullum periculum, ita leuius præsidium esse: nec posse ue-  
 hementi malo, nisi æque uehemens auxilium succurrere.



## De deiectione. Caput. XI.

Eiectionem aut antiqui varijs medicamentis, crebraq; alui  
 d ductione in omnibus ferè morbis moliebantur: dabantq;  
 aut nigrum ueratrū, aut filiculam, aut squamam æris,  
 quam λεπίδος χαλκον græci uocant: aut lactucæ marinæ  
 lac: cuius gutta pani adiecta, abunde purgat: aut lac uel asininum, uel  
 bubulum, uel caprinum: eiq; salis paulum adiciebant: deoquebantq;  
 id: et sublatis his, quæ coierant: quod quasi serum supererat: bibere  
 cogebant. Sed medicamenta stomachū ferè lædunt. ideoq; omnibus ca-  
 tharticis aloë miscenda est. Alius si uehementius fluit: aut sæpius duci-  
 tur: hominem infirmat. Ergo nunquam in aduersa ualetudine medica-  
 mentum eius rei causa recte datur: nisi ubi is morbus sine febre est. Ut  
 cum ueratrū nigrum, aut atra bile uexatis, aut cum tristitia insanien-  
 tibus, aut is quorū nervi parte aliqua resoluti sunt: datur. At ubi fe-  
 bres sunt: satius est eius rei causa cibos, potionesq; assumere: qui simul  
 & alant: et uentrē molliant. Suntq; ualetudinis genera, quibus ex la-  
 cte purgatio conuenit. Plerunq; uero alius potius ducenda est: quod ab  
 Asclepiade quoq; sic uituperatum, ut tamen seruatum sit: uideo ple-  
 runq; sæculo nostro præteriri. Est autem ea moderatio, quam is secu-  
 tus uidetur: aptissima: ut neq; sæpe ea medicina tentetur: & tamen se-  
 mel sumptum uel bis, non omittatur. Si caput graue est: si oculi cali-  
 gant: si morbus maioris intestini est, quod græci ὠλον nominant: si in  
 imo uentre, aut in coxa dolores sunt: si in stomachū quædam biliosa  
 cōcurrunt: uel ēt pituita eò se, humor'ue aliquis aquæ similis confert:  
 si spiritus difficiliter redditur: si nihil per se uenter excernit. utiq; si  
 iuxta quoq; sterqus est, & intus remanet: aut si stercoris odorē nihil  
 deiiciens, æger ex spiritu suo sentit: aut si corruptum est quod excerni-  
 tur: aut si prima inedia febrē non sustulit: aut si sanguinem mitti, cū  
 opus sit: uires non patiuntur: tempus'ue eius rei præterijt. aut si nul-  
 tum ante morbū aliquis portauit: aut si is qui sæpe, uel sponte, uel casu  
 purgatus est: subito habet aluū suppressam. Seruanda uero illa sunt, ne  
 ante diem tertium ducatur: ne ulla cruditate substantive, ne in corpore in-  
 firmo, diuq; aduersa ualetudine exhausto: ne'ue in eo, cui satis alius  
 reddit cotidie, qui'ue eam liquidam habebit: ne in ipso accessionis im-  
 petu, q̄a quod tum infusum est, aluo continetur: regeſtumq; in caput  
 multo grauius piculū efficit. pridie uero abstinere debet æger: ut aptus  
 tali curationi sit. Eodē die ante aliquot horas aquā calidā bibere, ut  
 superiores eius ptes madescat: tum imittēda in aluū est: si leui medici-  
 na cōtēti sumus: pura aqua, si paulo ualētiori: mulsa, si leni, ex aqua in



## LIBER

qua foenum græcum uel ptisana uel malua decocta sit. si reprimendi causa: ex uerbenis. acris autem est marina aqua uel alia, sale adiecto: atque utraq; decocta commodior est. Acrior fit adiecto uel oleo eluetro uel melle quoque. Si acrior est: eo plus extrahit: sed minus faciel sustinetur. Id quod infunditur: neque frigidum esse oportet: neque calidum: ne alterutro modo lædat. Cum infusum est: quantum fieri potest continere se in lectulo debet æger: nec primæ cupiditati deiectionis proinus cedere. ubi necesse est, tum demum residere. fereque eo modo dempta materia superioribus partibus leuatis morbum ipsum molat. Cum uero, quoties res coegit, desidendo aliquis se exhausit: paulisper debet conquiescere, et ne uires deficiant: utique eo die cibum assumere. qui plenior an exiguus sit dandus: ex ratione eius accessionis, quæ expectabitur, aut in metu non erit, æstimari oportet.

### De uomitu. Caput. XII.

**V**omitus ut in secunda quoque ualitudine sæpe necessarius biliosis est: sic et in his morbis, quos bilis concitauit. Ergo omnibus, qui ante febres horrore, et tremore uexantur: omnibus, qui cholera laborant: omnibus et cum quadam hilaritate insanientibus, et comitiali quoque morbo oppressis, necessarius est. Sed si acutus morbus est, sicut in cholera: si febris est, ut inter horrores: asperioribus medicamentis opus non est: sicut in deiectionibus quoque supra dictum est. satisque est ea uomitus causa sumi: quæ sanis quoque sumenda esse proposui. At ubi longi ualentesque morbi sine febre sunt, ut comitialis, aut insania: ueratro quoque albo utendum est: id neque hyeme, neque æstate recte datur: optime uere: tolerabiliter autumno. quisquis daturus erit, id agere ante debet, ut accepturi corpus humidius sit. Illud scire oportet, omne eiusmodi medicamentum, quod potui datur, non semper ægris prodesse: semper sanis nocere.

### De frictione. Caput. XIII.

**E** frictione uero, et gestatione adeo multa Asclepiades tanquam inuentor eius posuit: quod in eo uolumine, quod communium auxiliorum scripsit: cum trium tantum facere mentionem, uinis. s. et aque, et gestationis: tamen maximam partem in hoc consumpserit. Oportet autem neque recentiores uiros in his fraudare: quæ uel reppererunt: uel recte secuti sunt. Et tamen ea, quæ apud antiquiores aliquos posita sunt: authoribus suis reddere. Neque dubitari potest quin latius quidem



Et dilucidius ubi, Et quomodo frictione utendū esset, Asclepiades præ-  
 cepit: nihil tamen reppererit, quod non à uetustissimo authore Hip-  
 pocrate paucis uerbis cōprehensum sit: qui dixit. frictione, si uehementis  
 sit, durari corpus: si lenis, molliri: si multa, minui: si modica, impleri. Se-  
 quitur ergo ut tum utendum sit: cum aut astringendum corpus sit,  
 quod fluēs est: aut moliendū quod induruit: aut digerendū in eo quod  
 copia nocet. aut alendum id q̄ tenue: Et infirmum est. Quas tamen  
 species si quis curiosius æstimet, quod iam ad medicum non pertinet: fa-  
 cile intelliget omnes ex una causa pendere, quæ demit. Nam Et astrin-  
 gitur aliqd eo dempto: quod interpositum, ut id laxaretur, effecerat.  
 Et mollitur eo detracto, quod duriciē creabat: Et impletur non ipsa  
 frictione, sed eo cibo: qui postea usq; ad cutem digestionē quadam rela-  
 xatam penetrat. Diuersarum uero rerū in modo causa est. Inter un-  
 ctionem autem, Et frictionem multum interest. Vngi. n. leniterq; per-  
 tractari corpus ēt in acutis, Et recentibus morbis oportet: in remissio-  
 ne tamen, Et ante cibum. Longa uero frictione uti neq; in acutis mor-  
 bis, neq; in crescentibus conuenit: præter q̄ cum phreniticis somnus ea  
 requiritur. Amat aut hoc auxiliū ualetudo longa, Et ēt à primo im-  
 petu inclinata. Neq; ignoro quosdā dicere omne auxilium necessarium  
 esse incrementibus morbis: non cum iam per se finiuntur. quod non  
 ita se habet. Potest. n. morbus etiam qui per se finem habiturus est: ci-  
 tius tamen adhibito auxilio tolli. quod duabus de causis necessarium  
 est: ut Et q̄ primum bona ualetudo contingat: Et ne morbus qui re-  
 manet, iterum quauis leui de causa exasperetur. Potest. n. morbus mi-  
 nus grauis esse q̄ fuerit: neq; ideo tamen solui: sed reliquiis quibusdā  
 inhærere: quas admotum aliquod auxiliū discutit. Sed ut leuata quoq;  
 aduersa ualetudine recte frictio adhibetur: sic nunq̄ adhibenda est fe-  
 bre incrementē. Verum si fieri poterit, cum ex toto corpus ea uacabit:  
 minus certe cum ea remiserit. Eodem autem modo in tutis corpori-  
 bus esse debet: ut cum infirmus aliquis implendus modo est in par-  
 tibus: aut quia ipsius membri imbecillitas id requirit: aut quia  
 alterius. Nam Et capitis longos dolores ipsius frictio leuat: non in  
 impetu tamen doloris, Et membrum aliquod resolutum ipsius fri-  
 ctione confirmatur. Longe tamen sæpius aliud perfricandum est, cum  
 aliud dolet: maximeq; cum à summis, aut à medijs partibus corporis  
 euocare materiā uolumus: ideoq; extremas partes p̄fricamus. Neq;  
 audiendi sunt, qui numero finiunt quoties aliquis perfricandus sit. Id  
 enim ex uiribus hominis colligēdum est. Et si is qui perinfirmus est:  
 potest satis esse, quinquages. si robustior pōt, ducenties esse faciendum.  
 Inter utrunq; deinde prout uires sunt. Quo fit ut ēt minus sæpe in



muliere, quàm in uiro: minus sæpe in puero, uel sene, quàm in iuvene manus dimouendæ sint. Deniq; si certa membra perfricantur: multa, ualentiq; frictione opus est. Nam neq; totum corpus infirmari cito per partem pôt: & opus est quã plurimũ materiæ digeri: siue id ipsum membrum, siue per id aliud leuamus. At ubi totius corporis imbecillitas hanc curationẽ per totum id exigit: breuior esse debet, & lenior: ut tantummodo summam cutem emolliat: quo facilius capax ex recentis cibo nouæ materiæ fiat. In malis iam ægrum esse testatur: ubi exterior pars corporis friget: interior cum siti calet: ut supra posui. Sed tunc quoq; unicum in frictione præsidium est: quæ si calorem in cutem euocauit: potest alicui medicinæ locum facere.

## De gestatione. Caput. XIII.

g Estatio quoq; longis etiam, & inclinatis morbis aptissima est. utilisq; est & his corporibus, quæ iam ex toto febre carent: sed adhuc exerceri per se nõ possunt: & his: quibus lentæ morborũ reliquæ remanent: neq; aliter eliduntur. Asclepiades etiam in recenti, uehementiq; febre, præcipueq; ardente, ad discutiendam eam, gestatione dixit utendum esse. sed id periculose fit: meliusq; quiete eiusmodi impetus sustinetur. si quis tamen experiri uolet: sic experiatur. si lingua non erit aspera: si nullus tumor, nulla durities, nullus dolor uisceribus, aut capiti, aut præcordijs suberit. et ex toto nunquã gestari corpus dolens debet: siue id in toto, siue in parte est: nisi tamen solis neruis dolentibus, neq; unquam in recenti febre, sed in remissione eius. Genera autem gestationis plura sunt adhibenda: quæ sunt et pro uiribus cuiusq;, & pro opibus: ne aut imbecillum hominem nimis digerant: aut humili obsint. Gestationum lenissima est naui, uel in portu, uel in flumine. uehementior in alto mari naui, uel lectica, aut scanno: acrior uehiculo. Atq; hæc ipsa & intendi, & leniri possunt. si nihil horum est, suspendi lectus debet: & moueri. si ne id quidem est: at certe uni pedi lecti subiiciendus funiculus est: atq; ita lectus huc, & illuc manu impellendus. Et lenia quidem genera exercitationis infirmissimis conueniunt. Valentiora uero his qui iam pluribus diebus febre liberati sunt: aut his qui grauium morborum initia sic sentiunt: ut adhuc febre uacent. Quod & in tabe, et in stomachi uitijs, & cum aqua cutem subijt, & interdum in morbo regio fit: aut ubi quidã morbi, qualis comitialis, qualis insania ẽ sine febre, quanuis diu manent. In quibus affectibus ea quoq; genera exercitationum necessaria sunt, quæ cõprehendimus eo loco: quo quemadmodum sani, neq; firmi homines se gererent: præcepimus.



Abstinentiæ uero duo genera sunt: alterum ubi nihil assumit æger: alterum ubi non nisi quod oportet. Initia morborum primum famem, sitimq; desiderant: ipsi deinde morbi, moderationem: ut neq; aliud quàm expedit: neq; eius ipsius nimium sumatur. Neq; enim conuenit iuxta inediam protinus sacietatem esse. Quod si sanis quoq; corporibus inutile est: ubi aliqua necessitas famem fecit: quanto inutilius est in corpore et ægro? Neq; ulla res magis adiuvat laborantem, q̃ tempestiua abstinentia. Intemperantes homines apud nos, ipsi cibi tempora curantibus dant. Rursus alij tempora medicis pro dono remittunt: sibi ipsis modum uē dicant: Liberaliter agere se credunt qui cætera illorum arbitrio relinquūt: in genere cibi liberi sunt: quasi quærat̃ur qd medico liceat: non quid ægro salutare si: cui uehemēter nocet, quotiens in eius quod assumitur uel tempore, uel modo, uel genere peccatur.

## De sudore. Caput. XVI.

Vdor etiam duobus modis elicitur: aut siccō calore, aut balneo. Siccus calor est, & harenæ calidæ, & laconi ci, & clibani, et quarundam naturalium sudationes. ubi è terra profusus calidus uapor ædificio includitur: sicut sup̃ baias in myrtetis habemus. Præter hæc sole quoq; et exercitatioe is mouetur. Vtiliaq; hæc genera sunt quoties humor intus nocet: isq; digerendus est. Ac neruorum quoq; quædam uitia sic optime curantur: sed cætera infirmis possunt conuenire. solet exercitatio tantum robustioribus, qui tamen sine febre, uel initio morbi, uel et grauibus morbis tenentur. Cauendum autem est nequid horū uel in febre, uel in cruditate tentetur. At balnei duplex usus est. nam modo discussis febribus initium cibi plenioris, uiniq; firmioris ualetudini facit: modo febre ipsam tollit: fereq; adhibetur, ubi summam ciuem relaxari, euocariq; corruptum humorem, & habitum corporis mutari expedit. antiqui timidius eo utebātur. Asclepiades audacius. Neq; terrere autem ea res, si tempestiua est: debet. & ante tempus nocet. Quisquis febre liberatus est: simulatq; ea uno die non accessit: eo, qui proximus est, post tēpus accessionis, tuto lauari potest. At si circuitum habere ea febris solita est, sic, ut tertio, quarto uē die reuertatur: quodcumq; non accessit: balneum tutum est. Manentibus uero adhuc febribus, si hæ sunt lentæ, lienesq; iam diu male habent: recte medicina ista tentatur: cum eo tamen ne præcordia dura sint:



ne'ue ea tumeant: ne'ue lingua aspera sit: ne'ue aut in medio corpore, aut in capite dolor ullus sit: ne'ue tum febris increseat. At in his quidem febribus, quæ certum circuitum habent, duo balnei tempora sunt: alterum ante horrorem, alterum febre finita. In his uero, qui lenis febriculis diu detinentur: cum aut ex toto recessit accessio: aut si id non solet, certe lenita est: iamq; corpus tam integrum est: quàm maxime esse in eo genere ualitudinis solet: imbecillus homo iturus in balneum uitare debet: ne ante frigus aliquod experiatur. Vbi in balneum uenit, paulisper resistere: expeririq; num tempora astringantur: & an sudor aliquis oriatur. Illud si incidit, hoc non secutum est: inutile eo die balneum est: perungendus est is leniter, & auferendus est: uitandumq; omnimodo frigus: & abstinentia utendum. At si temporibus integris primum ibi, deinde alibi sudor incipit: fouendum os aqua calida: tũ in solio desidendum est: atq; ibi quoq; uidendum, num sub primo cõ tactu aquæ calidæ summa cutis inhorrescat: quod uix tamen fieri potest, si priora recte cesserunt. certum id autem signum inutilis balnei est. Ante uero, an posteaquam in aquam calidã se demittat: aliquis perungi debeat: ex ratione ualitudinis suæ cognoscat. Ferè tamen, nisi ubi nominatim, ut postea fiat, id præcipietur: moto sudore leuiter corpus perũgendum: deinde in aquam calidam demittendũ est. atq; hic quoq; habenda uirium ratio est. Neq; committendum ut per æstum anima deficiat: sed maturius is auferendus: curiosèq; in uestimentis inuoluendus est. ut neq; ad eum frigus aspiret: & ibi quoq; antequam aliquid assumat: insudet. Fomenta quoq; calida sunt miliũ, sal, harena, quodlibet eorum calefactum, et in linteum coniectum. Si minore ui opus est: etiam solum linteũ. At si maiore: extincti titiones, inuolutiq; panniculi, & sic circumdati. Quin etiam calido oleo replẽtur utriculi: & in uasa fictilia: ad similitudinem, quas lenticulas uocant: aqua conijcitur: & sal sicco linteo excipitur. demittiturq; in aquam bene calidam. tum super id membrum, quod fouẽdum est: collocatur: iuxtaq; igne ferraamenta duo sunt capitulis paulo latioribus: alterumq; ex his demittitur in eũ salem: & aqua super leuiter aspergitur. ubi frigere cœpit, ad ignem refertur: & idem in altero fit: deinde inuicem in utroq; inter quæ descēdit salsus, & calidus succus: qui contractis aliquo morbo nervis opitulatur. His omnibus commune est digerere id quod uel præcordia onerat: uel fauces strangulat: uel in aliquo membro nocet. Quando autem quoq; utendũ sit, in ipsis morborum generibus dicetur.

Qui abi,



Qui cibi, potiones'ue, aut ualentis, aut mediæ, aut imbecillæ materiæ sint. Caput. XVII.

Utrum de his dictum sit, quæ detrahendo iuuant: ad ea  
 c ueniendum est, quæ nos alunt: idest cibum, & potionem.  
 hæc aut non omnium tantum morborum, sed et secundæ  
 ualeitudinis cōia præsidia sunt. Pertinetq; ad rem  
 omnium proprietates nosse. primum ut sani sciāt quomodo his utan-  
 tur. deinde ut exsequentibus nobis morborū curationem, liceat species  
 rerum, quæ assidue necessariæ erunt: subiungere. neq; necesse est subinde  
 singulas eas nominare. Scire igitur oportet omnia legumina, quæq; ex  
 frumentis panificia sunt, generis ualentissimi esse. Id ualentissimum  
 uoco: in quo plurimum alimenti est: item omne animal quadrupes do-  
 mesticum: omnem grandem feram, quales sunt capreæ, ceruus, aper,  
 onager, omnem grandem auem, quales sunt anser, & pauo & grus:  
 omnes beluas marinas, ex quibus cetos est: quæq; his pares sunt. Item  
 mel, & caseum quo minus mirum est, opus pistorium ualentissimum  
 esse: quod ex frumento, adipe, melle, caseo constat. In media uero mate-  
 ria numerari ex oleribus debere ea: quorum radices uel bulbos assu-  
 minus. Ex quadrupedibus leporem aues omnes à minimis ad phœ-  
 nicopterum. item pisces omnes, qui salem non patiuntur: solidi'ue sali-  
 untur. Imbecillissimam uero materiam esse omne olus: & quicquid  
 in cauliculo nascitur: qualis est cucurbita, & cucumis, & capparitis,  
 omnia poma, oleas, cocleas, itemq; cōchilia. Sed quanuis hæc ita discre-  
 ta sunt: tamen et quæ sub eadem specie sunt: magna discrimina reci-  
 piunt: aliq; res alia, uel ualentior est, uel infirmior. Si quidem plus  
 alimenti est in carne, quàm in ullo alio. Firmius est triticum, quàm mi-  
 lium: id ipsum: quàm hordeum: et ex tritico firmissima siligo: deinde  
 simila: deinde cui nihil ademptum est, quod αὐτόπυρον græci uocant:  
 infirmior est. ex polline infirmissimus cibarius panis. Ex leguminibus  
 uero ualentior faba, uel lenticula, quàm pisum. Ex oleribus ualentior  
 rapa, napiq; & omnes bulbi: in quibus cepam quoq; & allium nu-  
 mero: quàm pastinaca, uel quæ specialiter radricula appellatur. Item  
 firmior brassica, et beta, & porrum: quàm lactuca, uel cucurbita, uel  
 asparagus. At ex fructibus surculorum ualentiores uuae, ficus, nuges,  
 palmulæ: quàm quæ poma proprie nominantur. Atq; ex his ipsis fir-  
 miora, quæ succosa: quàm quæ fragilia sunt. Itemq; ex his auibus, quæ  
 in media specie sunt: ualentior ea quæ pedibus: quàm quæ uolatu ma-  
 gis nititur: & ex his quæ uolatu fidunt: firmiores sunt quæ grãdio-  
 res aues: quàm quæ minutæ sunt, ut ficedula, et turdus: Atq; eæ quoq;



quæ in aqua degunt, leuiorem cibum præstant: quàm quæ natandi  
 scientiam non habent. Inter domesticas uero quadrupedes leuissima  
 suilla est: grauiissima bubula. Itemq; ex feris quo maius quodq; ani-  
 mal, eo robustior ex eo cibus est. Pisciumq; eorum, qui ex media mate-  
 ria sunt, quibus maxime utimur: tamen grauiissimi sunt: ex quibus sal-  
 samenta quoq; fieri possunt: qualis lacertus est. deinde qui quamuis te-  
 neriores: tamen duri sunt, ut aurata, coruus, scarus, oculata, tum plani,  
 post quos etiam leuiiores lupi, muli; , & post hos omnes saxatiles.  
 Neq; uero in generibus rerum tantummodo discrimen est: sed etiã in  
 ipsis: quod & ætate fit, & membro, & solo, et cælo, et habitu. nã qua-  
 drupes animal omne si lactans est, minus alimenti præstat. Item quo  
 tenerior pullus, cohortalis est. In piscibus quoq; media ætas, quæ non  
 dum summam magnitudinem impleuit. Deinde ex eodem sue ungu-  
 læ, rostrum, aures, cerebellum. Ex agno, hedo'ue cum pectiolis totum  
 caput aliquanto quàm cætera membra leuiora sunt: adeo ut in me-  
 dia materia poni possint. Ex auibus pectora, colla, alæ'ue recte infir-  
 mis annumerantur. Quod ad solum uero pertinet: frumentum quoq;  
 ualentius est collinum, quàm campestre. leuior piscis inter saxa edi-  
 tus, quàm in harena: leuior in harena, quàm in limo. Quo fit, ut ex  
 stagno, uel lacu, uel flumine eadẽ genera grauiora sint. Leuiorq; qui  
 in alto, quàm qui in uado uixit. Omne etiam ferum animal dome-  
 stico leuius, & quodcunq; humido cælo, quàm quod sicco natum est.  
 Deinde eadem omnia pingua, quàm macra: recentia, quàm salsa,  
 noua, quàm uetusta plus alimenti habent. Tum res eadem magis alit-  
 iurulenta, quàm assa: magis assa, quàm elixa. Ouum durum ualen-  
 tissimæ materiæ est: molle, uel sorbile, imbecillissimæ. Cum quæ panifi-  
 cia omnia firmissima sint: elota tamen quædam genera frumenti, ut  
 alica, oriza, ptisana, uel ex hisdẽ facta sorbitio, uel pulticula. Et aqua  
 quoq; madens panis imbecillissimis annumerari potest. Ex potioni-  
 bus uero quæcunq; ex frumento facta est: itemq; lac mulsum, defru-  
 tum, passum, uinum aut dulce, aut uehemens, aut mustum, aut magnæ  
 uetustatis, ualentissimi generis est. At acetum, & id uinum: quod pau-  
 corum annorum, uel austerum, uel lenè est: in media materia est.  
 Ideoq; infirmis nunquam generis alterius dari debet. Aqua omniũ  
 imbecillissima est. firmiorq; ex frumento potio est, quo firmitus fuit  
 ipsum frumentum. firmior ex eo uino, quod bono solo, quàm quod  
 tenui: quodq; temperato cælo, quàm quod aut nimis humido, aut ni-  
 mis sicco: nimumq; aut frigido, aut calido natum est. Mulsum quo  
 plus mellis habet: defrutum quo magis incoctum est: passum quo ex  
 sicciorè uia est: eo ualentius est. Aqua leuissima pluuialis est: deinde



fontana: tum ex flumine, tum ex puteo: post hæc ex niue, aut glacie. grauior his ex lacu: grauissima ex palude. Facilis etiam & necessaria cognitio est naturam eius requirentibus. nam leuis pondere apparet: & ex his quæ pondere pares sunt, eo melior quæq; est: quo celerius & calefit, & frigescit: quoq; celerius ex ea legumina percoquantur. ferè uero sequitur ut quo ualentior quæq; materia est: cominus facile concoquatur: sed si concocta est, plus alat. Itaq; utendum est materiae genere pro uiribus: modusq; omnibus pro genere sumendus. Ergo imbecillus hominibus rebus infirmis opus est. mediocriter firmos media materia optime sustinet. & robustis apta, ualidissima est. Plus deinde aliquis assumere ex leuioribus potest, magis in his quæ ualentissima sunt, temperare sibi debet.

Quæ natura, ac proprietas cuiusq; rei sit, quæ uescimur.

Caput. XVIII.

Eq; hæc solo discrimina sunt: sed etiã aliæ res boni succi:   
 n aliæ mali sunt: quas ὀχύλας, uel κακοχύλας græci uocant. Aliæ lenes, aliæ acres: aliæ crassiorem pituitam in nobis faciunt, aliæ tenuiorẽ: aliæ idoneæ sunt stomacho: aliæ alienæ sunt. Itemq; aliæ instant: aliæ ab hoc absunt. aliæ calefaciunt: aliæ refrigerant: aliæ facile in stomacho acescunt: aliæ non facile intus corrumpuntur. aliæ mouent aluum: aliæ supprimunt. aliæ citant urinam: aliæ tardant. Quædam somnum mouent: quædam sensus excitant. Quæ omnia ideo noscenda sunt, quoniã aliud aliter, uel corpori, uel ualitudini conuenit.

Quæ res boni succi sint. Caput. XIX.

Oni succi sunt triticum, siligo, alica, oriza, amilũ. Itẽ et   
 b lenes sunt, & stomacho aptæ: et calefaciunt tragum, ptisanam, lac, caseus mollis, omnis uenatio, omnes aues, quæ ex media materia sunt. Ex maioribus quoq; hæc, quas supra nominauimus. Mediũ inter teneros, durosq; pisces, ut mulus, & lupo, uerna, lactuca, urtica, malua, cucumis, cucurbita, ouũ sorbile, portulaca, cochlea, palmula. ex pomis quodcunq; neq; acerum, neq; acidũ est. Vinum dulce uel lene, passum, de frutum: olæ quæ ex his duobus in alterutro seruatae sunt: uulua, rostra, trunculiq;. In summa omnis pinguis caro, omnis glutinosa, omne iecur.



## LIBER

## Quæ res mali succi sint. Caput. XX.

Ali uero succi sunt milium, panicum, hordeum, legumi-  
 na, caro domestica per macra, omnisq; caro salsa, omne  
 falsamentum, garu: uetus caseus, cicer, radícula, rapa, napi,  
 bulbi, brassica: magisq; est cyma eius, asparagus, beta, cu-  
 cumis, porrum, eruca, nasturcium, thymum, nepeta, satyria, hyssopum,  
 ruta, anethum, feniculum, cuminum, anisum, lapatium, sinapi, et  
 allium, cepa, lienes, renes, intestina, pomum quodcunq; acidum, uel acer-  
 bum est: acetum, omnia acria, acida, acerba, oleum: pisces quoq; saxa-  
 tiles, omnesq; qui ex tenerrimo genere sunt: aut hi qui rursus nimium  
 duri: uirosiq; sunt: ut ferè quos stagna, lacus, limosi uel riuus ferunt:  
 qui uel in nimiam magnitudinem excesserunt.

## Quæ res lenes: quæ uel acres sint. Caput. XXI.

Enes autem sunt sorbitiones, pulicula, laganum, amilum,  
 ptisana, pinguis caro, et quæcunq; glutinosa est. Quod  
 ferè quidem in omni quæ domestica fit: præcipue tamen  
 in ungulis, trunculisq; suum: in pectiolis, capitulisq; he-  
 dorum, et uitulorum, et agnorum: omnibusq; cerebellis. Item si qui  
 proprie bulbi nominantur: lac, defrutum, passum, nuclei pinei. Acria  
 sunt omnia nimis austera: omnia acida, omnia salsa, et mel quidem  
 quo melius est: eo magis. Item allium, cepa, eruca, ruta, nasturcium, cu-  
 cumis, beta, brassica, asparagus, sinapi, radícula, intubus, ocymum, la-  
 ctuca, maximaq; olerum pars.

## Quæ res crassiorè, quæ uel tenuiorem pituitam faciunt. Caput. XXII.

Crassiorè autem pituitam faciunt omnia sorbilia, alicia, oriz-  
 a, amilum, ptisana, lac, bulbi, omniaq; ferè glutinosa.  
 Extenuant eandem omnia salsa, atq; acria, et acida.

## Quæ res stomacho idoneæ sunt. Caput. XXIII.

Stomacho autem aptissima sunt quæcunq; austera sunt:  
 et quæ acida sunt: quæq; contacta sale modico sunt. Item  
 panis sine fermento, et elota alicia, uel oriza, uel ptisana:  
 omnis auis, omnis uenatio, atq; utraq; uel assa, uel elixa.  
 Ex domesticis animalibus bubula. Si quid ex cæteris sumitur, macrum  
 potius,



potius, quàm pingue. Ex sue ungulae, rostra, aures, uuluae, sterilesq;. Ex oleribus intubus, lactuca, pastinaca, cucurbita elixa, sifer. Ex pomis cerasium, morum, sorbum, pirũ fragile, quale crustuminum uel neauianum est. Item pira quae reponuntur tarentina, atq; signina. Malum orbiculatum, aut scandianum, uel amerinum, uel cotoneũ, uel punium absinthium. Vuæ ex olla, molle ouum, palmulae, nuclei pinci, oleæ albæ ex dura muria, eadem aceto intinctæ, uel nigræ, quæ in arbore bene permaturuerunt: uel quæ in passo, defruto ue seruatae sunt. Vinum austerum, licet iam asperum sit: item resinatum. Duri ex media materia pisces, ostrea, pectines, murices, purpuræ, cochleæ, cibi, potionesq; uel frigidae, uel feruentes, absinthium.

Quæ res alienæ stomacho sunt. Caput. XXIII.

Lienæ uero stomacho sunt omnia tepida, omnia salsa, omnia iurulenta, prædulcia, omnia pingua, sorbitio, panis, itemq; uel ex milio, uel ex hordeo, oleum, radices olerũ, et quodcunq; olus ex oleo, garo ue estur: mel, mulsum, defrutum, passum, lac, omnis caseus, una recens, ficus & uiridis, & arida, legumina omnia, quæq; inflare consueuerunt. item thymum, nepeta, satureia, hyssopum, nasturtium, lapatium, lapsanum, iuglandes. Ex his autem intelligi potest non quicquid boni succi est, protinus stomacho conuenire: neq; quicquid stomacho conuenit, protinus boni succi esse.

Quæ inflant, aut inflationem leuant. Caput. XXV.

Inflant autem omnia ferè legumina, omnia pingua, omnia dulcia, omnia iurulenta, mustum, atq; etiam id uinũ, cui nihil adhuc ætatis accessit. Ex oleribus alium, cepa, brassica, omnesq; radices excepto sifere & pastinaca: bulbi, ficus etiam arida, sed magis uirides: unae recentes, nuces omnes exceptis nucleis pineis: lac, omnisq; caseus, quicquid deinde subcrudũ aliquis assumpsit. Minima inflatio fit ex uenatione, aucupio, piscibus, pomis, oleis, conchilijs, ouis uel mollibus, uel sorbilibus, uino uetere. Fœniculum uero, & anetum inflationes etiam leuant.

Quæ res aut calefaciunt, aut refrigerant. Caput. XXVI.

Calefaciunt piper, sal, caro omnis iurulenta, alliũ, cepa, ficus arida, salsamentum, uinum, & quo meracius est, eo  
Aurelij Cor. d iij



## LIBER

magis. refrigerant olera, quorum crudi caules assumuntur, ut intubus, & lactuca. Item coriandrū, cucumis, elixa cucurbita, beta, mora, cerasia, mala austera, pira fragilia, caro elixa, præcipueq; acetū, sine cibis ex eo, sine potio assumitur.

Quæ res intus facile uitiuntur, uel minime corrumpuntur.

Caput. XXVII.

Acile autem intus corrumpuntur panis fermentatus, & f quisquis alius, quàm ex tritico est: lac, mel, ideoq; lactantia, atq; omne pistoriū opus, teneri pisces, ostrea, olera, ca-  
seus & recens, & uetus, crassa uel tenera caro, uinū dulce, mulsum, defrutum, passum, quicquid deinde uel iurulentum est, uel nimis dulce, uel nimis tenue. At minime intus uitiuntur, panis sine fermento, aues, et eæ potius duriores, aurati pisces, neq; solū aurata pura, aut scarus, sed etiā loligo, locusta, polypus. Item bubula, omnisq; dura caro, eademq; aptior est si macra, si salsa est. omniaq; salsamenta, cochleæ, murices, purpuræ, uinum austerum, uel resinatum.

Quæ res aluum mouent. Caput. XXVIII.

T aluum mouent panis fermentatus, magisq; si cibarius, a uel hordeaceus est. brassica, si subcruda est lactuca, anethum, nasturtium, ocymum, urtica, portulaca, radricula, capparis, allium, cepa, malua, lapatium, beta, asparagus, cucurbita, cerasia, mora, uia, omnia mitia, ficus etiam arida, sed magis uiridis, uinæ recentes pingues, minutæ aues, cochleæ, garum, salsamenta, ostrea, pelorides, echini, muscoli, & omnes ferè conchulæ, maximeq; ius earū, saxatiles, & omnes teneri pisces, sepiarū atramentum: si qua caro assumitur pinguis, eadem uel iurulenta, uel elixa: aues quæ natant, mel crudū, lac, lactantia omnia, mulsum, uinum dulce, uel salsum, aqua, tenera omnia tepida, dulcia, pingua, elixa iurulenta, salsa, diluta.

Quæ res aluum astringant. Caput. XXIX.

Contra astringunt panis ex siligine, uel ex simila, magis c si sine fermento est: magis etiam si ustus est: intenditurq; uis eius et si bis coquitur. pulticula uel ex halica, uel ex panico, uel ex milio. itemq; ex hisdem sorbitio, & magis



si hæc ante fricta sunt. lenticula, cui uel beta, uel intubus, uel ambubeia, uel plantago adiecta est, magisq; et si illa ante fricta est: per se etiam intubus uel ex plantagine, uel ambubeia fricta: minuta olera, brassica bis decocta, dura oua, magisq; si assa sunt: minutæ aues, merula, palumbus, magisq; si in posca decoctus est: graues quoq; aues, quæ magis currunt, quàm uolant: lepus, caprea, iecur ex his, quæ seuius habent, maximeq; bubulum, ac seuum ipsum, caseus: qui uehementior uetustate fit, uel ea mutatione quam in caseo transmarino uidemus: aut si recens est ex melle, mulso uel decoctus. Item mel coctum, pira immatura, sorba, magisq; ea: quæ torminalia uocantur, mala cydonia, et punica, oleæ uel albæ, uel permaturæ, myrta, palmulæ purpureæ, murices, uinum resinatum uel asperum: item meracum, acetum mulsum quod inferbuit: item defrutum, passum, aqua uel tepida, uel præfrigida dura, idest ea quæ tarde putrescit, ideoq; pluuia potissimum: omnia dura, macra, austera, aspera, tosta, et in eadē carne: assa potius, quàm elixa.

Quæ res urinam mouent. Caput. XXX.

Urinam aut mouent quæcunq; in horto nascentia boni odoris sunt, ut apium, ruta, anethum, ocymum, menta, hyssopum, anisum, coriandrum, nasturcium, crucca, foeniculum. Præter hæc asparagus, capparitis, nepeta, thymum, satureia, lapsanum, pastinaca, magisq; agrestis, radícula, sifera, cepa. Ex uenatione maxime lepus, uinum tenue, piper et rotundum, et longum, sinapi, absinthium, nuclei pinei.

Quæ res somnum mouent, aut sensus excitant. Caput. XXXI.

Somno uero aptum est papauer, lactuca, maximeq; aestiua, cuius cauliculus iam lacte repletus est: morum, porrum. Sensus excitant nepeta, thymum, satureia, hyssopum, præcipueq; pulegium, ruta, et cepa.

Quæ res corpus aut erodant, aut reprimant, aut refrigerent, aut calefaciant, aut durent, aut emolliant. Caput. XXXII.

Vocare uero materiam multa admodum possunt. sed ea quæ ex peregrinis medicamentis maxime constant: alijsq; magis, quàm quibus ratione uictus succurritur, opitulatur: in præsentia differam. Ponam ea uero quæ propterea, et his morbis de quibus protinus dicturus sum, apta: corpus erodunt:



## LIBER

Et sic eo quod mali est, extrahunt. Habent autem hanc facultatem se-  
 mina erucæ, nasturcij, radiculæ præcipue tamē omnium sinapi. Salis  
 quoq; Et fici eadem vis est. leniter uero simul Et reprimunt, Et  
 molliunt lana succida uel aceto, uel uino: quo oleum adiectum est.  
 contritæ palmulæ: fursures in salsa aqua, uel aceto decoctæ. At si-  
 mul reprimunt Et refrigerant herba muralis, parthenium uel perdi-  
 cium appellant: serpillum, puleium, ocymum, herba sanguinalis, quam  
 græci πολυρόνιον uocant: portulaca, papaueris folia, capreoliq; uitiū,  
 coriandri folia, hyoscyamū, muscus, siser, apiū, solanum, quā σπύλρον  
 græci uocant: brassicæ folia, intubus, plantago, fœniculi semen, contrita  
 pira uel mala, præcipueq; cydonia, lenticula, aqua frigida maximèq;  
 pluuialis, uinum, acetum, Et ex horum aliquo magis, madens uel pa-  
 nis, uel farina, uel spongia, uel cinis, uel lana succida, uel etiam linteo-  
 lum, creta cimolia, gypsum, melinum, myrteum, rosa, acerbum oleum,  
 uerbenarū contusa cum teneris caulibus folia: cuius generis sunt olea,  
 cypressus, myrtus, lentiscus, tamaris, ligustrum, rosa, rubus, laurus, he-  
 dera, punicum malum. Sine frigore autem reprimunt cocta mala cy-  
 donia, malicoriū, aqua calida, in qua uerbenæ coctæ sunt, quas supra  
 proposui: puluis uel ex fece uini, uel ex myrti folijs, amarae nucis. Ca-  
 lefacit uero ex qualibet farina cataplasma, siue ex tritici, siue ex far-  
 ris, siue hordei, siue erui, uel lolij, uel mili, uel panici, uel lenticulæ, uel  
 fabæ, uel lupini, uel lini, uel fœni græci, ubi ea deferbuit, calidāq; im-  
 posita est. Valentior tamen ad id omnis farina est ex mulso, quā ex  
 aqua cocta. Præterea cyprinum, irinum, medulla, adeps, ex felle iun-  
 cta oleo, magisq; si uetus est: sal nigrum, git, piper, quinq; folium, fe-  
 req; quæ uehementer Et reprimunt, Et refrigerant. Durant quæ ca-  
 lefaciunt, Et digerunt, Et emolliunt. Præcipueq; ad emolliendum po-  
 test cataplasma ex lini, uel fœni græci semine. His autem omnibus Et  
 simplicibus, Et permixtis uarie medici utuntur: ut magis quid quisq;  
 persuaserit sibi appareat: quā quid euidenter compererit.



## LIBER TERTIVS.

## De morborum generibus. Caput. I.

Rouisis omnibus, quæ pertinent ad uniuersa  
 genera morborum, ad singulorū curationes ue-  
 niam. Hos autem in duas species græci diuise-  
 runt: aliosq; ex his acutos, alios longos esse di-  
 xerunt. Idq; quoniam nō semper eodem mo-  
 do respondebant: eosdem aliū inter acutos, aliū  
 inter longos retulerunt. Ex quo plura eorū ge-  
 nera esse manifestum est. Quidam enim breues utiq; sunt, qui cito uel  
 tollunt hominem: uel ipsi cito finiuntur. Quidam longi, sub qbus neq;  
 sanitas in propinquo, neq; exitium est. Tertiumq; genus eorum est, qui  
 modo acuti, modo longi sunt. idq; non in febribus tantummodo, in  
 quibus frequentissimum est: sed in alijs quoq; fit. Atq; etiam præter  
 hos quartum est, quod neq; acutum dici potest, quia non perimit: neq;  
 utiq; longum, quia si occurrat, facile sanatur. Ego cum de singulis di-  
 cam: qui cuiusq; generis sit indicabo. diuidam autem omnes in eos, q  
 in totis corporibus consistere uidentur: & eos qui oriuntur in parti-  
 bus. incipiam à prioribus pauca præfatus de omnibus. In nullo quidē  
 morbo minus fortuna sibi uendicare: quàm ars potest: ut pote cum re  
 pugnante fortuna nihil medicina proficiat. magis tamen ignoscendū  
 medico est parum proficienti in acutis morbis, quàm in longis. Hic  
 enim breue spatium est: intra quod, si quod auxilium non profuit:  
 æger extinguatur. ibi & deliberationi, & mutationi remediorū tem-  
 pus patet: adeo ut raro, si inter initia medicus accessit: obsequens æger  
 sine illius uitio pereat. Longus tamen morbus cū penitus insedit: quod  
 ad difficultatem pertinet: acuto par est. & acutus quidē quo uetustior  
 est: longus autem quo recentior: eo facilius curatu. Alterū illud ignora-  
 ri non oportet: quod non omnibus ægris eadem auxilia conueniunt.  
 ex quo incidit, ut alia, atq; alia summi authores quasi sola uendica-  
 rint: prout cuiq; cesserant. Oportet itaq; ubi aliquid non respondit,  
 non tanti putare authore, quanti ægrū: & experiri aliud, atq; aliud:  
 sic tamen, ut in acutis morbis cito mutetur, quod nihil prodest: in lon-  
 gis, quos tempus ut facit, sic etiam soluit: non statim condemnetur, si  
 quid non statim profuit. minus uero remoueat, si quid paulum sal-  
 tem inuat: quia profectus tempore expletur.



Quomodo morbi cognoscantur: & an increſcant, an conſiſtant, an minuantur: & qua ratione ab initio qui languere incipit, curari debeat, Caput. II.

Protinus at inter initia ſcire facile eſt, q̄s acutus morbus, quis longus ſit: non in his ſolis, in quibus ſemper ita ſe habet: ſed in his quoq; in quibus uariat. Nam ubi ſine intermiſſionibus acceſſiones, et dolores graues urgent: acutus morbus eſt. Vbi lenti dolores, lentæ uē febres ſunt: & ſpacia inter acceſſiones porriguntur: acceduntq; ea ſigna, quæ in priore uolumine expoſita ſunt: longum hunc futurū eſſe manifeſtum eſt. Videndum ēt eſt morbus an increſcat, an conſiſtat, an minuat: quia quædam remedia increſcentibus morbis, plura inclinantibus conueniunt. eaq; quæ decreſcentibus apta ſunt, ubi acutus increſcens urget: in remiſſionibus potius experienda ſunt. Increſcit autem morbus dum grauiorē dolores, acceſſionesq; ueniunt: hæq; & antequā proxime reuertuntur: & poſtea deſinunt. Atq; in longis quoq; morbis etiam tales notas non habentibus, ſcire licet increſcere: ſi ſomnus incertus eſt, ſi deterior concoctio, ſi ſœdiores deiectiones, ſi tardior ſenſus, ſi pigrior mens, ſi percurrit corpus frigus, aut calor, ſi idem magis pallet. ea uero quæ contraria his ſunt: decedentis eius notæ ſunt. Præter hæc in acutis morbis ſerius æger alendus eſt: nec niſi iam inclinatis, ut primo dempta materia, impetum frangat. in longis maturius, ut ſuſtinere ſpatium aduenturi mali poſſit. Ac ſi quando is non in toto corpore, ſed in parte eſt: magis tamen ad rem pertinet uim totius corporis molliri, quàm proprie partes ægre ſanentur. Multum etiam intereſt ab initio, quis recte curatus ſit, an perperam. quia curatio minus his prodeſt: in quibus aſſidue fruſtra fuit. ſi quis, temere habitus adhuc integris uiribus uiuit: admota curatione momento reſtituitur. Sed cum ab his cœperim, quæ notas quasdam futuræ aduerſæ ualeitudinis exhibent: curationum quoq; principium ab animaduerſione eiſdem temporis faciam. Igitur ſi quid ex his, quæ propoſita ſunt incidit: omnium optima ſunt quies, et abſtinentia. ſi quid bibendū, aqua. idq; interdum uno die fieri ſatis eſt. Interdū ſi terrentia manent, bi-duo, proximèq; abſtinentiā ſumendus eſt cibus exiguus: bibenda aqua: poſtera die etiam uinum. deinde inuicem alternis diebus, modo aqua, modo uinum, donec omnis cauſæ metus finiatur. Per hæc. n. ſæpe inſtans grauis morbus diſcutitur: plurimiq; falluntur, dum ſe primo die protinus ſublaturōs languorē aut exercitatione, aut balneo, aut coacta deiectione, aut uomitu, aut ſudationibus, aut uino ſperant. non quo nō



interdum id incidat, aut non decipiat: sed quo sæpius fallat, solaq; ab-  
 stinentia sine ullo periculo medeatur. cū præsertim ēt pro modo ter-  
 roris moderari liceat, & si leuiora inditia fuerint: satis sit à uino  
 tātum abstinere: quod subtractū plusquam, si cibo quid dematur: ad-  
 iuuat. si paulo grauiora, satis sit non aquam tantū bibere, sed etiā  
 cibo carnem subtrahere. interdū panis quoq; minus, quā pro consue-  
 tudine assumere: humidoq; cibo esse contentum, et olere potissimum. sa-  
 tisq; sit, tum ex toto à cibo, à uino, ab omni motu corporis abstinere: cū  
 uehementer notæ terruerunt. Neq; dubium est, quā uix quisquam, qui  
 non dissimulauit, sed per hæc mature morbo occurrit: egrotet.

De febrium generibus, Caput. III.

Tq; hæc quidem sanis faciendā sunt tantū causam me-  
 tuentibus. sequitur uero curatio febriū: quod & in toto  
 corpore, et uulgarè maxime morbi genus est. Ex his una  
 cotidiana, altera tertiana, altera quartana est. Interdum  
 etiam longiore circuitu quædā redeunt. sed id raro euenit. In prio-  
 ribus & morbi sunt, & medicinæ. At quartanæ quidē simplices  
 sunt: incipiunt ferè ab horrore, deinde calor erumpit: finitaq; febre  
 biduum integrum est. ita quarto die reuertitur. Tertianarū uero duo  
 genera sunt: alterū eodem modo, quo quartana & incipiens, & desē-  
 nens, illo tantum interposito discrimine, quod unum diem præstat in-  
 tegrum: tertio redit. Alterum longe perniciosius, quod tertio quidem  
 die reuertitur: ex octo autem, & quadraginta horis ferè, sex, & tri-  
 ginta per accessionem occupat: interdum etiā uel minus, uel plus. neq;  
 ex toto in remissione desistit: sed tantum leuius est. id genus pleriq; me-  
 dici ἡμικριταῖον appellant. cotidianæ uero uariæ sunt, & multiplices.  
 Aliæ enim protinus à calore incipiunt, aliæ à frigore, aliæ ab horro-  
 re. Frigus uoco ubi extremæ partes mēbrorū inalgescunt: horrorē ubi  
 totū corpus intremit. Rursus aliæ sic desinunt, ut ex toto sequatur in-  
 tegritas. aliæ sic, ut aliquantū quidem minuat ex febre: nihilomi-  
 nus tamen quædā reliquæ remaneant, donec altera accessio accedat:  
 ac sæpe aliæ uix quicquā aut nihil remittant: sed ita ut continuent.  
 Deinde aliæ feruorē ingentem habent, aliæ tollerabilem: aliæ cotidie  
 pares sunt, aliæ impares. atq; inuicem altero die leniores, altero ue-  
 hementiores: aliæ tempore eodem postridie reuertuntur. aliæ uel se-  
 rius, uel celerius: aliæ diem, noctemq; accessionem, & decessionem  
 implent: aliæ minus, aliæ plus: aliæ cum decedunt sudorem mo-  
 uent: aliæ non mouent. atque aliās per sudorem ad integritatem



uenitur: aliis corpus tantum imbecillius redditur. Accessiones etiam modo singulae singulis diebus fiunt: modo binæ, plures uel concurrunt. ex quo sæpe euenit ut cotidie plures accessiones, remissionesq; sint: sic tamen ut una quæq; alicui priori respondeat. Interdum uero accessiones quoq; confunduntur sic, ut neq; notari tempora earum, neq; spacia possint. Neq; uerum est quod dicitur à quibusdam, nullam febrem inordinatam esse, nisi aut ex uomica, aut ex inflammatione, aut ex ulcere. facilius enim semper curatio foret: si hoc uerum esset. Sed quod euidentes causæ faciunt: facere etiam abditæ possunt. neq; de re, sed de uerbo controuersiam mouent. qui cum aliter, aliterq; in eodem morbo febres accedant: non easdē inordinate redire: sed alias, aliasq; subinde oriri dicunt. quod tamen ad curandi rationem nihil pertineret: etiā si uere diceretur. Tempora quoq; remissionum modo liberalia, modo uix ulla sunt.

## De curationum diuersis generibus, Caput. IIII.

**T** februm quidem ratio maxime talis est. Curationum uero diuersa genera sunt: prout authores aliqui habent. Asclepiades officium esse medici dicit, ut tuto, ut celeriter, ut iocunde curet. id notum est: sed ferè periculosa esse nimium & festinatio, & uoluptas solet. qua uero moderatione utendū sit: ut quantum fieri potest, omnia ista cōtingant: prima semper habita salute in ipsis partibus curationum considerandū erit. et ante omnia quaeritur, primis diebus aeger qua ratione continendus sit. Antiqui medicamentis quibusdam datis, concoctionem moliebantur: eo quod cruditatē maxime horrebant, deinde eam materiam, quæ ledere uidebatur: ducendo sæpius aluum subtrahebant. Asclepiades medicamentā sustulit: aluum non toties, sed ferè tamen in omni morbo subduxit. febre uero ipsa præcipue se ad eius remediū uti professus est. Conuellēdas enim uires aegri putauit, luce, uigilia, siti ingenti, sic, ut ne os quidem primis diebus elui sineret. Quo magis fallūtur qui per omnia iocundam eius disciplinam esse contendunt: et is enim ulterioribus quodam diebus cubantis etiam luxuriæ subscripsit: primis uero tortoris uicem exhibuit. Ego autem medicamentorum dari potiones, et aliū duci non nisi raro debere concedo. et id non ideo tamen agendum, ut aegri uires conuellantur existimo: quoniam ex imbecillitate summum periculum est. minui ergo tantum materiam superantem oportet, quæ naturaliter digeritur: ubi nihil noui accedit. Itaq; abstinentus à cibo primis diebus est: in luce habendus aeger, nisi infirmus interdum est. quo-



niam corpus ista quoque digerit: isque cubare quam maximo conclavi debet. Quod ad sitim uero somnumque pertinet: moderandum est, ut interdum uigilet: nocturnum, si potest, conquiescat. ac neque potet: neque nimium siti crucietur. Os etiam eius elui potest, ubi et sium est, et ipsi foetet. quanuis id tempus aptum potioni non est. Commodumque Erasistratus dixit saepe inferiore parte humorem non requirente, os, et fauces requirere: neque ad rem male haberi aegrum pertinere. Ac primo quidem sic tenendus est. Optimum uero medicamentum est, opportune cibibus datus: qui quando primum dari debeat: quaeritur. Plerique ex antiquis tarde dabant: saepe quinto die, saepe sexto. Et id fortasse uel in Asia, uel in Aegypto coeli ratio patitur. Asclepiades ubi aegrum tri-duo per omnia fatigarat: quarto die cibo destinabat. At Themison nusper non quando coepisset febris: sed quando desisset, aut certe leuata esset, considerabat: Et ab illo tempore expectato die tertio, si non accesserat febris, statim: si accesserat, ubi ea uel desierat: uel si assidue inhaerebat: si certe se inclinauerat, cibum dabat. Nihil autem horum utique perpetuum est. Nam potest primo die primus cibus datus esse: potest secundo: potest tertio: potest non nisi quarto: aut quinto: potest post unam accessionem: potest post duas: potest post plures. Refert enim qualis morbus sit: quale corpus: quale coelum: quae aetas: quod tempus anni. minimeque in rebus multum inter se differentibus quod intermit-tendum non est. perpetuum esse praeceptum temporis potest. In morbo, qui plus uirium aufert: celerius cibus dandus est. itemque eo coelo, quo magis digerit. Ob quam causam in Africa nullo die aeger abstinere recte uidetur. Maturius est puero, quam iuueni: aestate, quam hyeme dari debet. Vnum illud est, quod semper ubique seruandum est: ut aegri uires subinde assidens medicus inspiciat: Et quandiu supererunt, abstinentia pugnet: si imbecillitatem uereri coeperit, cibo subue-niat. Id enim eius officium est, ut aegrum neque superuacua materia one-ret: neque imbecillitatem fami prodat. Idque apud Erasistratum quoque inuenio: qui quanuis parum docuit quando uenter, quando corpus ip-sum exinaniretur, dicendo tamen haec esse uisenda: Et tum cibum dan-dum, cum corpori deberetur: satis ostendit dum uires superessent, dari non oportere: ne deficerent: consulendum esse. Ex his autem intelligi po-est ab uno medico multos non posse curari: eumque, si artifex est: idoneum esse, qui non multum ab aegro recedit, sed qui quaestui serui-unt, quoniam is maior ex populo est, libenter amplectuntur ea prae-cepta: quae sedulitatem non exigunt: ut in hac ipsa re. Facile est enim dies uel accessiones numerare his quoque, qui aegrum raro uident. ille assideat necesse est: qui, quod solum opus est, uisurus est: quando nimis



imbecillus futurus sit, nisi cibum acceperit. In pluribus tamen ad ini-  
 tium cibi dies quartus aptissimus esse consuevit. Est autem alia etiam  
 de diebus ipsis dubitatio, quoniam antiqui potissimum impares seque-  
 bantur: eosque, tanquam tunc de ægris iudicaretur, *κρίσιμος* nomi-  
 nabant. Hi erant dies tertius, quintus, septimus, quartusdecimus, uige-  
 simus primus: ita ut summa potentia septimo, deinde quartodecimo,  
 deinde uni & uigesimo daretur. Igitur sic ægros nutriebant: ut die-  
 rum imparium accessiones expectarent. deinde postea cibum quasi le-  
 uioribus accessionibus instantibus darent: adeo ut Hippocrates si alio  
 die febris desisset: recidivam timere sit solitus. Id Asclepiades iure ut  
 uanum repudiavit. neque in ullo die quæ par, imparue esset: his uel maius,  
 uel minus periculum esse dixit. Interdum enim peiores dies pares fiunt:  
 & oportunius post eorum accessiones cibus datur. Nonnunquam etiã  
 in ipso morbo dierum ratio mutatur: fitque grauior, qui remissior esse  
 consueuerat. atque ipse quartusdecimus par est: in quo esse magnam uim  
 antiqui fatebantur. Qui cum octauum primi naturam habere conten-  
 derent, ut ab eo secundus septenarius numerus inciperet: ipsi sibi re-  
 pugnant non octauum, neque decimum, neque duodecimum diem sumen-  
 dum, quasi potentiorẽ. Plus enim tribuebant nono, et undecimo. Quod  
 cum fecissent sine ulla probabili ratione: ab undecimo non ad tertium  
 decimum, sed ad quartumdecimum transibant. Est etiam apud Hip-  
 pocratem ei, quem septimus dies liberaturus sit: quartum esse grauissi-  
 mum. Ita illo quoque authore in die pari et grauior febris esse potest:  
 & certa futuri nota. Atque idem alio loco quartum quenque diem, ut in  
 utrumque efficacissimum apprehendit: idest quartum, septimum, unde-  
 cimum, quartumdecimum, decimum septimum, in quo & ab impari  
 ad paris rationem transit. & ne hoc quidem propositum conserua-  
 uit, cum à septimo die undecimus non quartus sed quintus sit. adeo  
 apparet quacunque ratione ad numerum respeximus: nihil rationis sub  
 illo quidem authore reperiri. Verum in his quidem antiquos tunc cele-  
 bres ad modum pythagorici numeri fefellerunt: cum hic quoque medicus  
 non numerare dies debeat: sed ipsas accessiones intueri: et ex his con-  
 iectare quando dandus cibus sit. Illud autem magis ad rem pertinet  
 scire: num oporteat dari cum iam bene uenæ conquieuerunt: aut etiã  
 num manentibus reliquijs febris. Antiqui enim quam integerrimis  
 corporibus alimentum offerebant. Asclepiades inclinatus quidem febre,  
 sed adhuc tamen inhaerente. in quo unam rationem secutus est: non  
 quo non sit interdum maturius cibus dandus, si mature timetur al-  
 tera accessio: sed quo scilicet quam sanissimo dari debeat. Minus enim  
 corrumpitur quod integro corpori infertur. Neque tamen uanum est



quod Themisoni uidebatur, si duabus horis integer futurus esset aeger: satius esse tunc dare: ut ab integro corpore potissimum diduceretur. Nam si diduci tam celeriter posset: id esset optimum. Sed cum hoc breue tempus non praestet: satius esse principia cibi à decedente febre, quam reliquias ab incipiente excipi. ita si longius tempus secundum est, quam integerrimo dādus est: si breue, etiam antequam ex toto integer fiat. Quo loco uero integritas est, eodem est remissio: si qua maxime in febre continua potest esse. Atque hic quoque quaeritur utrum tot horae expectandae sint, quot febrem habuerunt: an satis sit primam partem earum praeteriri, ut aegris iocundius insidat, quibus interdum non ualet. Tutissimum est autem ante totius accessionis tempus praeterire. quantum ubi longa febris fuit: potest indulgeri aegro maturius: dum tamen ante minime pars dimidia praetereatur. Idque non in ea sola febre, de qua proxime dictum est: sed in omnibus ita seruandum est.

De febrium speciebus, et singularum curationibus, et primo quando cibus febricitantibus dandus sit. Caput. V.

Aec magis per omnia genera febrium perpetua sunt: nunc ad singulas earum species descendam. Igitur si semel tantum accessit, deinde desit: eaque uel ex inguine, uel ex lassitudine, uel ex aestu, aliaue simili re fuit sic, ut interior nulla causa metum fecerit: postero die cum tempus accessionis ita transijt, ut nihil mouerit: cibus dari potest. At si ex alto calor uenit: et grauitas uel capitis, uel praecordiorum secuta est: neque apparet quid corpus confuderit, quantum unam accessionem secuta integritas est: tamen quia tertiana timeri potest, expectandus est dies tertius: et ubi accessionis tempus praeterijt, cibus dandus est, sed exiguus, quia quartana quoque timeri potest. Et die quarto demum: si corpus integrum est: eo cum fiducia utendum. Si uero postero, tertioue, aut quarto die secuta febris est: scire licet morbum esse. Sed tertianarum, quartanarumque, quarum certus circuitus est: et finis integer: et quia liberaliter quiescentia tempora sunt: expeditior ratio est. De quibus suo loco dicam. Nunc uero eas explicabo, quae cotidie urgent. Igitur tertio quoque die cibus aegro commodissime datur: ut alter febrem minuat: alter uiribus subueniat. Sed his dari debet si quotidiana febris est, quae ex toto desinat: simul atque corpus integrum factum est: si, quantum non accessiones, febres tamen iunguntur: et cotidie quidem crescunt: sed sine integritate tamen remittunt: cum corpus ita se habet, ut maior



remissio non expectetur. Si altero die grauior: altero leuior accessio est post grauiorem. ferè uero grauiorem accessionem leuior nox sequitur. quo fit ut grauiorem accessionem nox quoq; tristior antecedit. At si continuatur febris: neq; leuior unquam fit: & dari cibum necesse est: quando dari debeat, magna quidem dissensio est. Quidam, quia ferè remissius matutinum tempus aegris est: tunc putant dandū. quod si respondet, non quia mane est: sed quia remissior est aeger: dari dabet. Si uero ne tunc quidem ulla requies aegris est: hoc ipso peius id tempus est: quod cum sua natura melius esse debeat: morbi uitio non est. simulq; insequitur tempus meridianū: à quo cum omnis aeger ferè peior fiat: timeri potest ne ille magis etiam quàm ex consuetudine urgeatur. Igitur alij uespere tali aegro cibum dant. Sed cum eo tempore ferè pessimi sint, qui aegrotant: uerendum est, ne si quid tunc mouerimus: fiat aliquid asperius. Ob hæc ad mediam noctem decurro: idest finito iam grauissimo tempore, eodemq; longissime distante; secuturus uero ante lucanis horis, quibus omnes ferè maxime dormiunt: deinde matutino tempore, quod natura sua leuissimum est. Si uero febres uagæ sunt: quia uerendum est: ne cibum statim subsequantur: quancūq; quis ex accessione leuatus est: hunc debet assumere. At si plures accessiones eodem die ueniunt: considerare oportet, pares ne per omnia sint: quod uix fieri potest: an impares. Si per omnia pares sunt: post eam potius accessionem cibus dari debet: quæ non inter meridiem, & uesperum desinit. Si impares sunt: considerandum est quo distent. Nam si altera grauior, altera leuior est: post grauiorem dari debet. si altera longior, altera breuior: post longiorem. si altera grauior, altera longior est: considerandum est utra magis affligit: illa ui, an hæc tempore: & post eam dandus est. Sed planè plurimum interest: quantæ: qualesq; inter eas remissiones sint. Nā si post alteram febrem motio manet: post alteram integrum corpus est: integro corpore cibo tempus aptius est. Si semper febricula manet: sed alterum tamen longius tempus remissionis est: id potius eligendum est: adeo ut ubi accessiones continuantur, protinus inclinata priore dādus cibus sit. Et enim perpetuū est, ad quod omne cōsiliū dirigi potest: cibum quàm maxime semper ab accessione futura reducere: & hoc saluo dare quàm integerrimo corpori. quod non inter duas tantum, sed etiam inter plures accessiones seruariabitur. Sed cū sit aptissimū tertio quoq; die cibum dare: tamē si corpus infirmum est, cotidie dandus est: multoq; magis si continentes febres sine remissione sunt: quanto magis corpus affligunt: aut si duæ, pluresue accessiones eodē die ueniunt. Quæ res efficit, ut & à primo die protinus



die protinus cibus dari cotidie debeat. Si protinus uenæ conciderunt: & sæpius eodem die, si inter plures accessiones subinde uis corpori deest. Illud tamen in his seruandū est: ut post eas febres minus cibi detur, post quas, si per corpus liceret, omnino non daretur. Cum uero febris instet, incipiat, augeatur, consistat, decedat, deinde in decessione consistat, aut finiatur: scire licet optimum cibo tempus esse febre finita. deinde cum decessio eius consistit. tertium si necesse est, quandoque decedit, cætera omnia periculosa esse. Si tamen propter infirmitatem necessitas urget, satius esse consistente iam incremento febris aliquid offerre: quàm incremente. Satius esse instante, quàm incipiente: cum eo tamen ut nullo tempore is qui deficit, non sit sustinendus. Neque hercule satis est ipsas tantum febres medicum intueri: sed etiam totius corporis habitum: & ad eum dirigere curationem, seu supersunt uires, seu desunt: seu quidā mali affectus interueniunt. Cum uero semper ægros securos agere conueniat, ut corpore tantum, non etiam animo laborent: tum præcipue ubi cibum sumpserunt. Itaque si qua sunt quæ exasperatura eorum animos sunt: optimum est eadem ægrotantium noticiæ subtrahere. si id fieri non potest: sustinere tamen post cibum usque somni tempus, & cum experfecti sunt, tunc exponere.

Quando potiones febricitantibus dari expediat. Caput. VI.

Ed de cibo facilior quidem cum ægris ratio est: quorum sæpe stomachus hunc respuit: et si uis concupiscit. De potione uero ingens pugna est: eoque magis, quo maior febris est. Hæc enim sitim accendit: & tum maxime aqua exigit, cū illa periculosissima est. Sed docendus æger est ubi febris conquiuerit, protinus sitim quoque quieturam: longioremque accessionem fore, si quod ei datum fuerit alimentum. ita celerius eum desinere sitire qui non bibit. Necesse est tamen quanto facilius etiam sani famē, quàm sitim sustinent: tanto magis ægris in potione, quàm in cibo indulgere. Sed primo quidem die nullus humor dari debet: nisi subito sic uenæ conciderunt, ut cibus quoque dari debeat. Secundo uero, cæterisque etiam quibus cibus non dabitur: tamen si magna sitis urgebit, potio dari potest. Ac ne illud quidē ab Heraclide Tarentino dictum ratione caret: ubi aut bilis ægrum, aut cruditas male habet: expedire quoque per modicas potiones misceri nouam materiam corruptæ. illud uidendum est, ut qualia tempora cibo leguntur: talia potioni quoque, ubi sine illo datur, delignantur: aut cum ægrum dormire cupiemus. quod ferè sitis prohibet. Satis autem conuenit, cum omnibus febricitantibus

Aurelij Cor.

e



## LIBER

nimius humor alienus sit: tum præcipue esse foeminis, quæ ex partu in febres inciderunt. Sed cū tempora cibo, potioniq; febris et remissionis ratio det: non est expeditissimū scire, quādo æger febricitet: quando melior sit: quando deficiat: sine quibus dispensari illa non possunt. Venis enim maxime credimus fallacissimæ rei: quia sæpe istæ leniores, celeriores'ue sunt & ætate, & sexu, & corporū natura. Et plerunq; satis sano corpore si stomachus infirmus est: nonnunquam et incipiente febre subeunt, & quiescunt: ut imbecillus is uideri possit, cui facile laturo grauis instat accessio. Contra sæpe eas concitat, & resoluit sol, balneum, & exercitatio, & metus, & ira, & quilibet alius animi affectus: adeo ut cum primum medicus uenit, sollicitudo ægri dubitantis quomodo ille se habere uideatur: eas moueat. ob quam causam periti medici est, non protinus ut uenit apprehendere manu brachium. sed primum residere hilari vultu: percontariq; quemadmodum se habeat: & si quis eius metus est, cum probabili sermone lenire. tum deinde eius corpori manum admouere. quas uenas autem cōspectus medici mouet: quā facile nulle res turbant. Altera res est, cui credimus: calor æque fallax. nā hic quoq; excitatur aestu, labore, somno, metu, sollicitudine. Igitur intueri quidē omnia etiam ista oportet. sed his non omnia credere: ac protinus quidem scire non febricitare eum, cuius uenæ naturaliter ordinatæ sunt: teporq; talis est, qualis esse sanis solet. Non protinus autem sub calore, motuq; febre se se concipere: sed ita si summa quoq; arida inæqualiter cutis est: si calor & in fronte est: & ex imis præcordijs oritur. si spiritus ex naribus cum feruore prorumpit: si color aut rubore, aut pallore nouo mutatus est: si oculi graues, & aut persici, aut subhumidi sunt: si sudor cū fit, inæqualis est: si uenæ non æquis intervallis mouentur. Ob quam causam medicus neq; in tenebris, neq; à capite ægri debet residere: sed illustri loco aduersus eum, ut omneis notas ex vultu quoq; cubantis perspiciat. Vbi uero febris fuit, atq; decreuit: expectari oportet nū tempora, partes'ue corporis aliæ paulum madescant: quæ sudorē uenturum esse testentur. ac si qua nota est, tunc demum dare potui calidam aquam: cuius salubris effectus est, si sudorē per omnia membra diffundit. Huius autem rei causa continere æger sub ueste satis multa manus debet: eademq; crura, pedesq; contegere: qua male pleriq; ægros in ipso impetu febris, pessimēq; ubi ardens ea est, male habent. Si sudare corpus coepit, linteam tepefacere oportet: paulatimq; singula membra detergere. At ubi sudor omnis finitus est: aut si is non uenit: ubi quā maxime potuit: idoneus esse cibo æger uidetur: sub ueste leniter ungendus est: tum detergendus: deinde ei cibus dandus. Cibus



autem febricitantius humidus est aptissimus, aut humori certe q̄ proximus: utiq; ex materia quàm leuissima, maximèq; sorbitio. eaq; si magnæ febres fuerunt, quàm tenuissima esse debet. Mel quoq; despumatum huic recte adiçatur: quo corpus magis nutriatur: sed id, si stomachum offendit, superuacuum est: sicut ipsa quoq; sorbitio. Dari uero in uicem eius potest, uel intrita ex aqua calida, uel alicâ elota. Si firmus est stomachus, & compressa aliuis: ex aqua mulsâ. si uel ille languet, uel hæc profluit, ex poscâ. Et primo quidē cibo id satis est. secūdo uero aliquid adiçci potest: ex eodem tamen genere materie, uel olus, uel conchilium, uel pomum. Et dum febres quidē increſcunt, hic solus idoneus cibus est. Vbi uero aut desinunt, aut leuantur: semper quidē incipiendum est ab aliquo ex materia leuissima: adiçciendū uero aliquid ex media, ratione habita subinde & uirium hominis, & morbi. Ponendi uero ægro uarij cibi sicut Asclepiades præcepit: tum demum sunt, ubi fastidio urgetur: neq; satis uires sufficiunt, ut paulum ex singulis degustando famē uitet. At si neq; uis, neq; cupiditas deest, nulla uarietate sollicitandus æger est: ne plus assumat, quàm concoquat. Neq; uerum est, quod ab eo dicitur: facilius concoqui cibos uarios. eduntur enim facilius. ad concoctionem aut materie genus, & modus pertinent. Neq; inter magnos dolores, ut neq; increſcente morbo tutū est, ægrū cibo impleri: sed ubi inclinata iam in melius ualetudo est. Sunt aliæ quoq; observationes in febris neccsariæ. atq; id quoq; uidendū est, quod quidam solum præcipiunt: an astrictum corpus sit: an profluat. quorum alterum strangulat quod continet: alterum digerit. nam si astrictum est, ducenda aliuis est: mouenda urina, eliciendus omni modo sudor. In hoc genere morborum sanguinem etiam misisse, concussisse uehementibus gestationibus, corpus in lumine habuisse, imperasse famem, sitim, uigiliam prodest. Vtile est etiam ducere in balneum: prius demittere in solium: tum ungere: iterum ad solium redire: multa q; aqua fouere inguina: interdum etiam oleum in solio cum aqua calida miscere: uti cibo rarius, & serius tenui, simplici, molli, calido, exiguo, maximèq; oleribus, qualia sunt, lapatium, urtica, malua, uel iure etiam concharum, muscutorum uel locustarum: neq; danda caro nisi elixa est. At potio esse debet magis liberalis & ante cibum, & post hunc: & cum hoc ultra quàm sitis coget. Poterit q; à balneo et pinguius, aut dulcius dari uinum. poterit semel, aut bis interponi græcum salsum. Contra uero si corpus profluit, sudor coercendus: quies adhibenda erit tenebris: somno q; quodocunq; uolet, utendum. non nisi leui gestatione corpus agitandum: & pro genere mali subueniendum. Nam si uenter fluit: aut si stomachus non continet, ubi febris



decreuit, liberaliter oportet aquam tepidā potui dare, & uomere co-  
gere: nisi aut fauces, aut præcordia, aut latus dolet: aut uetus morbus  
est. Si uero sudor exercet, duranda cutis est uel nitro, uel sale: quæ cū  
oleo miscentur. At si leuius id uitium est, oleo corpus ungendum est. si  
uehementius, rosa, uel melino, uel myrteo: cui uinum austerum sit adie-  
ctum. Quisquis autem fluore æger est: cum uenit in balneum, prius  
ungendus: deinde in solium demittendus est. Si in cute uitium est: fri-  
gida quoq; quā calida aqua melius utetur. Vbi ad cibum uentum  
est: dari debet is ualens, frigidus, siccus simplex, qui quam minime  
corrumpi possit: panis tostus, caro assa, uinū asperum, uel certe subau-  
sterum: si uenter profluit, calidum: si sudores nocent, uomitusq; sunt,  
frigidum.

Quomodo pestilentes febres curari debeant. Caput. VII.

Esiderat etiam propriam animaduersionem in febribus  
d pestilentiae casus. In hac minime utile est, aut fame, aut me-  
dicamentis uti: aut ducere aluum. Si uires sinunt, sangui-  
nem mittere optimum est: præcipueq; si cum dolore fe-  
bris est. Si id parum tutum est, ubi febris aut tenuata est, aut leuata  
est: uomitu pectus purgare. Sed in hoc maturius, quā in alijs mor-  
bis ducere in balneum opus est: uinum calidum, & meracius dare,  
& omnia glutinosa. inter quæ quoq; carnem generis eiusdem. Nam  
quo celerius eiusmodi tempestates corripunt: eo maturius auxilia, etiā  
cum quadam temeritate rapienda sunt. Quod si puer est, qui labo-  
rat: neq; tantum robur eius est, ut sanguis mitti possit: siti ei utendum  
est: ducenda aluus, uel aqua, uel ptisanæ cremore: tum demum is leui-  
bus cibis nutriendus. Et ex toto non sic pueri ut uiri curari debent.  
Ergo, ut in alio quoq; genere morborum parcius in his agendum est.  
Non facile sanguinem mittere, non facile ducere aluum, non cruciare  
uigilia, fame uel, aut nimia siti, conuenit. Vomitus post febrem elicien-  
dus est: deinde dandus cibus ex leuissimis: tum is dormiat: postero  
quoq; die si febris manet, abstineatur. Tertio ad similem cibum re-  
deat. Dandaq; opera est quantum fieri potest, ut inter oportunam ab-  
stinentiam cibosq; oportunos, ommissis cæteris, nutriatur. Si uero ardens  
febris extorret: nulla medicamenti danda potio est: sed in ipsis accef-  
sionibus oleo, & aqua refrigerandus est: quæ miscenda manu sunt, do-  
nec albesant: & conclauī tenendus, quo multum, & purum aërem  
trahere possit: neq; multis uestimentis strangulandus, sed admodum le-  
uibus tantum uelandus est. Possunt etiam super stomachum imponi  
folia uitis



folia vitis in aqua frigida tincta. Ac ne siti quidem nimia vexandus est. alendus maturius est: idest à die tertio, & ante cibū. isdē perungendus. Si pituita in stomacho coijt: inclinata iam accessione uomere cogendus est: & tunc dandum frigidum olus: aut pomum ex his, quæ stomacho conveniunt. Si siacus manet stomachus, protinus uel ptisanæ, uel alicæ, uel orizæ cremor dandus est: cū quo recens adeps coctæ sit. Cum uero in summo incremento morbus est: utiq; non ante diem quartum magna siti antecedente, frigida aqua copiose præstanda est, ut bibat et ultra satietatem: & cū iam uenter, & præcordia ultra modū repleta, satisq; refrigerata sunt: uomere debet. Quidā ne uomitū qdem exigunt: sed ipsa aqua frigida, tantū ad satietatem data, pro medicamento utuntur. Vbi utrūlibet factum est: multa ueste operiendus est: & collocandus ut dormiat. Fereq; post longam sitim, & uigiliā, post multam satietatem, post infractum calorē, plenus somnus uenit, per quem ingens sudor effunditur: idq; præsentissimum auxilium est. Sed in his tamen, in quibus præter ardorem nulli dolores, nullus præcordiorum tumor, nihil prohibēs uel in thorace, uel in pulmone, uel in faucibus, non ulcus, non deiectio, non profluvium alui fuit. Si quis autem in eiusmodi febre leuiter tussit, is neq; uehementi siti conflictatur: neq; bibere aquam frigidam debet: sed eo modo curandus est quo in cæteris febribus præcipitur.

Curatio semitertianæ febris quæ hemitritæos dicitur. Caput. VIII.

T ubi id genus tertianæ est, quod ἡμιτριταῖος medici appellant: magna cura opus est, ne id fallat. Habet enim plerunq; frequentiores accessiones, decessionesq; ut aliud morbi genus uideri possit: porrigitq; febris inter horas uigintiquatuor et triginta sex, ut quod idem est: non idem esse uideatur. Et magnopere necessarium est, neq; dari cibum, nisi in ea remissione, quæ uera est: & ubi ea uenit, protinus dari: plurimiq; sub alterutro curantis errore subito moriuntur. ac nisi magnopere aliqua res prohibet, inter initia sanguis mitti debet: tum dari abus, qui neq; incitet febre: & tamen longum eius spatium sustineat.

Curatio lentarum febrium. Caput. IX.

Onnunquam etiam lentæ febres sine ulla remissione corpus tenent: ac neq; cibo, neq; ulli remedio locus est. In hoc casu medici cura esse debet, ut morbū mutet. Fortasse enim curationē



## LIBER

oportunior fiet. Sæpe igitur ex aqua frigida, cui oleum sit adiectum, corpus eius per tractandum est. quoniam interdum sic euenit, ut horror oriatur: et fiat initium quoddam noui motus: ex quo cum magis corpus incaluit: sequatur et remissio. In his frictio quoque ex oleo, et sale salubris uidetur. at si diu frigus est et torpor, et iactatio corporis, non alienum est in ipsa febre dare mulsi tres, aut quatuor cyathos: uel cum cibo uinum bene dilutum. Intenditur enim sæpe ex eo febris, et maior ortus calor, simul et priora mala tolli: et spem remissionis in ea curatione ostendit. Neque hercule ista curatio noua est: qua nunc quidam traditos sibi ægros, qui sub cautiore medicis trahebantur: interdum contrarijs remedijs sanant. si quidem apud antiquos quoque ante Erophilum, et Erasistratum, maximeque post Hippocratem fuit Petro quidam qui febricitantem hominem ubi acceperat, multis uestimentis operiebat: ut simul calorem ingentem, sitimque excitaret. Deinde ubi paulum remitti coeperat febris, aquam frigidam potui dabat: ac si mouerat sudorem, explicuisse se ægrum indicabat. si non mouerat, plus etiam aquæ frigidae ingererat: et tum uomere cogebat. Si alterutro modo febre liberauerat: protinus suillam assam, et uinum homini dabat. si non liberauerat: decoquebat aquam sale adiecto, eamque bibere cogebat, ut mouendo uentrem purgaret. et intra hæc omnis eius medicina erat. eaque non minus grata fuit his: quos Hippocratis successores non refecerant: quam nunc est his, quos Erophili, uel Erasistrati æmuli diu tractos non expedierunt. Neque ideo tamen non est temeraria ista medicina: quia plures, si protinus à principijs excepit: interemit. Sed cum eadem omnibus conuenire non possint: ferè quos ratio non restituit: temeritas adiunat. Ideoque eiusmodi medicameliùs alienos ægros, quam suos nutriunt. Sed est circumspecti quoque hominis et nouare interdum: et augere morbum: et febres accendere: quæ curationem, ubi id quod est, non recipit: potest recipere id, quod futurum est.

Remedia in febribus ad capitis dolorem, et præcordiorum inflammationem, et ariditatem, et sabritiem lingue. Caput. X.

Considerandum etiam est febres ne solæ sint: an alia his quoque mala accedant. id est num caput doleat: num lingua aspera: num præcordia intesta sint. Si capitis dolores sunt, rosam cum aceto miscere oportet, et in id ingerere: deinde habere duo pittacia, quæ latitudinem frontis, longitudinemque æquet. Ex his inuicem alterum in aceto et rosa habere, alterum in fronte: aut intinctam hisdem lanam succidam imponere. Si acetum offendit, pura



rosa utendum est. Si rosa ipsa lædit, oleo acerbo. si ista parum iuuant: teri pōt uel iris arida, uel nuges amaræ, uel quælibet herba ex refrigerantibus. Quorū quidlibet ex aceto impositum dolorē minuit: sed magis aliud in alio. iuuat ēt panis cum papauere iniectus, uel cum rosa, cerussa, spuma uel argenti. Olfacere quoq; uel serpillum, uel anethum non alienum est. At si in præcordijs inflammatio, et dolor est: primo super imponenda sunt cataplasmata reprimentia, ne si calidiora fuerint: plus eò materiæ concurrat. Deinde ubi prima inflammatio se remisit: tunc demum ad calida, & humida ueniendū est: ut ea quæ remanserint, discutiant. Notæ uero inflammationis sunt quatuor, rubor, & tumor cum calore, & dolore. Quo magis errauit Erasistratus, qui febrē nullam sine hac esse dixit. Ergo si sine inflammatione dolor est: nihil imponendum est. Hunc enim statim ipsa febris soluit. At si neq; inflammatio, neq; febris, sed tantum præcordiorum dolor est: protinus calidis, & siccis fomentis uti licet. Si uero lingua siccā est, & scabra: detergenda primum penicillo est ex aqua calida. deinde ungenda mixtis inter se rosa, et melle. Mel purgat: rosa reprimat: simulq; siccescere non sinit. At si scabra non est, sed arida, ubi penicillo deterisa est: ungi rosa debet: cui ceræ sit paulum adiectum.

Remedia contra frigus, quod febrem præcedit. Caput. XI.

¶ Olet ēt ante febres esse frigus, idq; uel molestissimū morbi genus est. Vbi id expectatur, omni potione prohibendus æger est. hæc enim paulo ante data multum mali adiicit. Item maturius ueste multa tegendus est. admouenda partibus his, pro quibus metuimus, sicca & calida fomenta, sic, ne statim uehementissimi calores incipiant: sed paulatim accrescant. Perfricadæ quoq; eæ partes manibus unctis ex uetere oleo sunt: eiq; adiiciendum aliquid ex calefacientibus. Contentiq; medici quidam una frictione ēt ex quolibet oleo sunt. In harū febriū remissionibus nonnulli tres, aut quatuor sorbitionis cyathos etiam num ultra manente febre dant. deinde ea bene finita reficiunt stomachum cibo frigido, et leni. Ego tum hoc puto tentandum, cum parū cibis semel & post febrem datus prodest. sed curiosè perspicendū est, ne tempus remissionis decipiat. Sæpe enim in hoc quoq; genere ualetudinis iam minui febris uidetur: & rursus intenditur. itaq; ei remissioni credendum est: quæ etiam immoratur: & iactationem, fœtoremq; quendam oris, quem ὄζεν græci uocant, minuit. Illud satis conuenit, si cotidie pares accessiones sunt: cotidie paruum cibum dandum. si impares, post grauiorem cibum: post leuiorem, aquam mulsam.



LIBER  
Curatio horroris in febris. Caput. XII.

h Orror autem eas ferè febres antecedit: quæ certū habent circuitum, & ex toto remittuntur. Ideoq; tutissimæ sunt, maximeq; curationes admittunt. Nam ubi incerta tempora sunt: neq; alui ductio, neq; balneum, neq; uinum, neq; medicamentum aliud recte datur. incertū est enim quando febris uentura sit: ita fieri potest, ut si subito uenerit, summa in eo perniciēs sit: quod auxiliij causa sit inuentū. Nihilq; aliud fieri pōt, quā ut primis diebus bene abstineatur æger. deinde sub decessu febris eius, quæ grauissima est: cibūumat. at ubi certus circuitus est: facilius oīa illa tentantur: quia facilius proponere nobis et accessionū, & decessionū uices possumus. In his autem cum ueterauerunt: utilis famis non est. Primis tantummodo diebus ea pugnandum est: deinde diuidenda curatio est: & ante horror, tum febris discutienda. Igitur cum primum aliquis inhorruit, & ex horrore incaluit: dare ei oportet potui tepidam aquam subsalsam, & uomere eum cogere. nam ferè talis horror ab his oritur, quæ biliosa in stomacho resederunt. idem faciendū est, si proximo quoq; circuitu æque cessit: sæpe enim sic discutitur. iamq; quod genus febris sit, scire licet. itaq; sub expectatione proxime accessionis, quæ instare tertia potest: deducendus in balneum est: dādāq; opera est, ut per tempus horroris in solio sit. si ibi quoq; senserit: nihilominus idem sub expectatione accessionis quartæ faciat. si quidem eo quoq; modo sæpe id discutitur. si nec balneū quidem profuit: ante accessionem allium edat: aut bibat calidā aquam cum pipere: si quidem ea quoq; assumpta calorem mouent, qui horrorem nō admittit. Deinde eo modo quo in frigore præceptū est: anteq̃ inhorrescere possit, opiatur. Fomentisq; protinus ualidioribus totum corpus circumdare conuenit, maximeq; inuolutis extinctis testis, & titionibus. Si nihilominus horror pertruxerit, multo oleo calefacto inter ipsa uestimenta perfundatur: cui æque ex calefacientibus aliquid sit adiectum. adhibeaturq; frictio quantam is sustinere poterit, maximeq; in manibus, & pedibus: & spiritum ipse contineat. neq; desistendum est etiam si horror est. Sæpe enim pertinacia iuuantis malum corporis uincit. Si quid euomuit, danda aqua tepida: iterumq; uomere cogendus est: utendumq; eisdē est, donec horror finiatur. Sed præter hæc, ducenda aliud est, si tardius horror quiescit: si quidem id quoq; exonerato corpori prodest. Ultima quoq; post hæc auxilia sunt gestatio, & frictio. Cibus autem in eiusmodi morbis maxime dandus est: qui mollem alui præstet. Care glutinosa, uinum cum dabitur, austerum.

Curatio



## Curatio cotidiane febris. Caput. XIII.

*h* Aec ad omnes circuitus febriū pertinent. discernendæ tñ singulæ sunt: sicut rationē habent dissimilem. si cotidiana est, triduo primo magnopere abstinere oportet: tum cibis altero quoq; die uti. Si res inueterauerit, post febrem experiri balneū, & uinum, magisq; si horrore sublato hæc superest.

## Curatio tertiane febris. Caput. XIII.

*s* I tertiana uero, quæ ex toto intermittit, aut quartana est: medijs diebus & ambulationibus uti oportet, alijsq; exercitationibus, & unctionibus. quidam ex antiquioribus medicis Cleophrantus in hoc genere morborum multo ante accessionem caput ægri multa calida aqua perfundebat: deinde uinū dabat. quod quannus pleraq; eius uiri præcepta secutus est Asclepiades, recte tamen præterijt. Est enim anceps ipse, si tertiana febris est: tertio die post accessionē dicit aluum duci oportere. quinto post horrorem uomitum elicere. deinde post febrem, sicuti illi mos erat, adhuc calidis dare cibum, & uinum. sexto die in lectulo detineri. sic enim fore ne septimo die febris accedat. Id sæpe fieri posse uerisimile est. Tutius tamen est, ut hoc ipso ordine utamur tria remedia, uomitus, alui ductionis, uini potus per triduum: idest die tertio, & quinto, & septimo tentare. nec uinum nisi post accessionem die septimo bibat. Si uero primis diebus discussus morbus non est: inciditq; in uetustatem, quo die febris expectabitur: in lectulo se contineat: post febrem perfricetur: tum cibo assumpto bibat aquā. postero die, quo cibo uacat, & ab exercitatione, unctioneq; aqua tantum contentus conquiescat. Et id quidem optimum est. Si uero imbecillitas urgebit: & post febrem uinum, & medio die paulum cibi debeat assumere.

## Curatio quartane febris. Caput. XV.

*e* Adem in quartana facienda sunt. Sed cum hæc tarde ad modum finiatur, nisi primis diebus discussa est: diligentius ab initio præcipiendū est, quid in ea debeat fieri. Igitur si cui cum horrore febris accessit, eaq; desijt: eodem die, & postero, tertioq; cōtinere se debet: & aquā tantūmodo calidam primo die post febrē sumere: biduo proximo quantū fieri pōt ne hanc quidē. si quarto die cum horrore febris reuertitur, uomere



LIBER

sicut ante præceptum est: deinde post febrem modicum cibum sumere, uini quadrantem. Postero, tertioq; die abstinere: aqua tantummodo calida, si sitiet, assumpta: septimo die balneo frigus præuenire: abstinere, continere se debet: & aqua tantummodo calida si sitiet: ac tum ita nono die balneo frigus præuenire: si febris redierit, ducere alium. ubi ex eo corpus conquieuerit, inunctione uehementer perfricari: eodem modo sumere cibum & uinum: biduo proximo se abstinere frictione seruata. decimo die rursus balneum experiri: & si postea febris accessit, æque perfricari. uinum copiosius bibere. ac si proximum est quies tot dierum, ut abstinentia cum cæteris quæ præcipiuntur, febrem tollant. Si uero nihilominus remanet: aliud ex toto sequendum est curationis genus: idq; agendum, ut quod diu sustinendum est, corpus facile sustineat. Quo minus etiam curatio probari Heraclidis Tarentini debet: qui primis diebus ducenda alium: deinde abstinendum usq; in septimum diem dixit. Quod ut sustinere aliquis possit: tamen etiã febre liberatus, uix refectiõni ualebit. adeo si febris sæpius accesserit: concidet. Igitur si tertio decimo die morbus remanebit: balneum neq; ante febrem, neq; post eam tentandum erit: nisi interdum iam horrore discusso. Horror ipse per eadẽ quæ supra præscripta sunt expugnandus. Deinde post febrem oportebit ungi: & uehementer perfricari: cibum & ualidum, & fortiter assumere. uino uti quantum libebit. postero die cum satis quieuerit, ambulare, exerceri, ungi, perfricari fortiter: cibum accipere sine uino: tertio die abstinere. quo die uero febrem expectabit: ante surgere, & exerceri, dareq; operam non oportet, ut in ipsam exercitationem tempus febris incurrat. sic. n. sæpe illa discutitur. At si in opere occupauit: tum demum se recipere. In eiusmodi ualitudine medicamenta sunt, oleum, frictio, exercitatio, cibus, uinum. si uenter astrictus est, soluendus est. Sed hæc facile ualidiores faciunt. si imbecillitas occupauit: pro exercitatione gestatio est. Si ne hanc quidem sustinet: adhibenda tamen frictio est. si hæc quoq; uehemens onerat: intra quietem, & unctionem, & cibum sistendum est: dandaq; opera est, ne qua cruditas in cotidianam id malum uertat. Nam quartana neminem iugulat. sed si ex ea facta cotidiana est: in malis aeger est. Quod tamen nisi culpa uel ægri, uel curantis nunquam fit.

Curatio duarum quartanarum. Caput. XVI.

¶ si duæ quartanæ sint: neq; hæ, quas proposui, exercitationes adhiberi possunt: aut ex toto quiescere opus est: aut si id difficile est, leniter ambulare: considerare diligenter inno=



latis pedibus, & capite. Quoties febris accessit, & desit, cibum modicum sumere, & uinum. reliquo tempore nisi imbecillitas urget: abstinere. Aut si duæ febres penè iunguntur, post utrâq; cibum sumere. deinde uacuo tempore & moueri aliquid, & post unctionem cibo uti. Cum uero uetus quartana raro, nisi uere soluatur: utiq; eo tempore attendendum est ne quid fiat, quod ualitudinem impediat. Prodestq; in uetere quartana mutare subinde uictus genus: à uino ad aquam: ab aqua ad uinum: à lenibus cibis ad acres: ab acribus ad lenes transire: esse radicem: deinde uomere: iure uel pulli gallinacei uentrem resolueri: oleum ad frictiones adijcere: calefacientia ante accessionem sorbere, uel aceti cyathos duos, uel unū sinapis cum tribus græci uini salsi, uel mixta paribus portionibus, & in aqua diluta, piper, castoreum, laser, myrram. per hæc enim similiaq; corpus agitandum est, ut moueatur ex eo statu quo detinetur. Si febris quieuit, diu meminisse eius diei cōuenit: eoq; uitare frigus, calorem, cruditatē, lassitudinē. Facile enim reuertitur: nisi à sano quoq; aliquandiu timeatur.

Curatio cotidiane febris, quæ ex quartana facta sit. Caput. XVII.

**T** si ex quartana cotidiana facta est: cum id uicio inaderit, per biduū abstinere oportet. frictione uti: aquam tantummodo uesperis potui dare. tertio die sæpe fit ne febris accedat. sed siue fuit, siue non fuit, cibus post accessionis tempus est dandus. at si manet: per biduum abstinentia, quantā maxime imperari corpori potest: frictione cotidie utendum est.

De tribus insanie generibus: & primo de eius curatione, quæ à græcis phrenitis dicitur. Caput. XVIII.

**T** februm quidem ratio exposita est. supersunt uero alij corporis affectus: qui huic superueniunt. ex quibus eos, qui certis partibus assignari non possunt: protinus iungam. Incipiam ab insania: primamq; huius ipsius partē agrediar: quæ et acuta, et in febre est: græci φρενίτις appellant. Illud ante omnia scire oportet, interdū in accessione ægros desipere: et loqui aliena. Quod nō quidē leue est: neq; incidere potest, nisi in febre uehementi: non tamen æque pestiferum est. Nam plerumq; breue esse consuevit: leuatoq; accessionis impetu protinus mens redit. Neq; id genus morbi remedium aliud desiderat: quàm quod in curanda febre præceptum est. Phrenitis uero tum demum est: cum continua demētia esse incipit: aut cum æger quamuis adhuc sapiat: tamen quasdā na-



nas imagines accipit. perfecta est ubi mens illis imaginibus addicta est. Eius autem plura genera sunt: si quidem ex phreniticis alij hilares, alij tristes sunt: alij facilius continentur, et intra uerba desipiunt. alij consurgunt, et uiolenter quaedam manu faciunt. atq; ex his ipsis alij nihil nisi impetu peccant: alij etiam artes adhibent: summamq; spem sanitatis in captandis maiorum operum occasionibus praebent: sed exitu deprehenduntur. Ex his autem eos qui intra uerba desipiunt, aut leuiter etiam manu peccant: onerare asperioribus coercionibus superuacuum est. Eos uero qui uiolentius se gerunt, uincire conuenit: ne uel alteri, uel sibi noceant. Neq; credendum est si uinctus aliquis dum leuari uinculis cupit: sanum iam se fingat, quamuis prudenter et miserabiliter loquatur: quoniam is dolus insipientis est. Ferè uero antiqui tales aegros in tenebris habebant: eo quod eis contrarium esse exterreri: et ad quietem animi tenebras ipsas conferre aliquid iudicabant. At Asclepiades tanquam tenebris ipsis terrentibus in lumine habendos esse dixit neutrum tamen perpetuum est: alium enim lux, alium tenebrae magis turbant. reperiunturq; in quibus nullum discrimen depræhendi uel hoc, uel illo modo possit. Optimum itaq; est utrumq; experiri: et habere eum, qui tenebras horret, in luce: eum q; lucem, in tenebris. At ubi nullum tale discrimen est, aeger si uires habet, loco lucido: si non habet, obscuro continendus est. Remedia uero adhibere ubi maxime furor urget, superuacuum est. simul enim febris quoq; increscit. itaq; tunc nihil nisi continendus aeger est. Vbi uero res patitur, festinanter subueniendum est. Asclepiades perinde esse dixit his sanguinem mitti, ac si trucidentur: rationem hanc secutus, quod neq; insania esset, nisi febre intenta: neq; sanguis nisi in remissione eius recte mitteretur. Sed ipse in his somnum multa frictione quaesivit, cum et intentio febris somnum impediatur: et frictio non nisi in remissione eius utilis sit. Itaq; hoc quoq; auxilium debuit præterire. Quid igitur est? Multa in præcipiti periculo recte fiunt aliàs omittenda. et continuata quoq; febris habet tempora: quibus et si non remittit, non tamen crescit. Estq; hoc ut non optimum, sic tamen secundum remedij tempus. Quod si uires aegri patiuntur, sanguis quoq; mitti debet. Nec minus deliberari potest an alius ducenda sit. tum interposito die conuenit caput ad cutem tondere: deinde aqua fouere. in aqua uerbenaë aliquæ decoctæ sint, uel ex reprimuntibus: aut prius fouere: deinde tondere: et iterum fouere: ac nouissime rosa caput, naresq; implere: offerre etiam naribus rutam ex aceto contritam: mouere sternutamenta medicamentis in id efficacibus. Quæ tamen facienda sunt in his, quibus uires non desunt. Si uero imbecillitas est,



rosa tantum caput adiecto serpillo, similiq; aliquo madesaciendū est. Vtiles etiam in quibuscunq; viribus herbae duae sunt, solanum, & muralis: simul ex utraq; succo expresso caput impleatur. cum se febris remiserit, frictione utendum est. partius tamen in his qui nimis hilares, quā in his qui nimis tristes sunt. Aduersus omnium aut sic insanientium animos, gerere se pro cuiusq; natura necessarium est. Quorundā enim uani metus leuandi sunt: sicut in homine praeduite famē timente incidit: cui subinde falsae hereditates nunciabātur. Quorūdam audacia coercenda est: sicut in his fit, in quibus continēdis plagae quoq; adhibentur. Quorundam etiā intempestiuus risus & obiurgatione, & minis prohibendus est. Quorundam discutiendae tristes cogitationes: ad quod symphoniae, & cymbala, strepitusq; proficiunt. saepius tamen assentiendum, quā repugnandū est. paulatimq; & non euidenter ab his, quae stulte dicuntur, ad meliora mens eius abducenda est. Interdum etiā elicienda ipsius intentio, ut fit in hominibus studiosis literarum quibus liber legitur: aut recte si delectantur: aut perperam, si id ipsum eos offendit. emendando enim conuertere animum incipiunt. Quin etiam recitare si qua meminerunt cogendi sunt. Ad cibum quoq; quosdam non desiderantes reduxerunt hi: qui inter epulantes eos collocauerunt. Omnibus uero sic affectis somnus & difficilis, & praecipue necessarius est. sub hoc enim pleriq; sanescunt. Prodest ad id, atq; etiam ad mentem ipsam componendam crocinum unguentum cum irino in caput datum. si nihilominus uigilant hi, quidam somnum moliantur potui dando aquam, in qua papauer, aut uosnu'x mos decocta sit: alij mandragorae mala puluino subiiciunt: alij uel amomum, uel sicamini lachrymam fronti inducunt. hoc nomen apud medicos reperio. Sed cum graeci morū σινάμιον appellat: mori nulla lacrhima est. sic uero significatur lacrima arboris in Aegypto nascētis: quā ibi μωπόσυον appellāt. Plurimi decoctis papaueris corticibus, ex ea aqua subinde spongia os, & caput fouent. Asclepiades ea superuacua esse dixit, quoniā in Lethargum saepe cōpellerent. Praecipit aut ut primo die à cibo, potione, somno abstineretur: uespere ei daretur potui aqua: tunc frictio admoneretur lenis, ita ut ne manum quidem qui fricaret, uehementer imprimeret. postero deinde die hisdē omnibus factis, uespere ei daretur sorbitio, et aqua: rursusq; frictio adhiberetur. Per hanc enim nos consecuturos, ut somnus accedat. Id interdum fit, & quidem adeo, ut illo confitente nimis frictio etiam lethargi periculum afferat. Sed si sic somnus non accessit, tum demum illis medicamentis accersendus est, habita scilicet eadem moderatione, quae hic quoq; necessaria est: ne quem obdormire uolumus:



excitare postea non possimus. Confert etiam aliquid ad somnum sila-  
nus iuxta cadens: uel gestatio post cibum et noctu, maximeq; suspen-  
si lecti motus. Neque alienum est, si neque sanguis ante missus est:  
neque mens constat: neque somnus accedit: occipitio incho cucurbitu-  
lam ad mouere. quæ quia leuat morbum, potest etiam somnum fa-  
cere. Moderatio autem in cibo quoq; adhibenda est. Nam neq; imple-  
ndus æger est, ne insaniat. neq; ieiunio utiq; uexandus est, ne imbecilli-  
tate in cardiacum incidat. Opus est autem cibo infirmo, maximeq;  
sorbitione, potione aquæ mulsæ: cuius ternos cyathos bis hyeme: quater  
æstate dedisse satis est. Alterum genus insanix est: quod spatium lon-  
gus recipit: quia ferè sine febre incipit: leues deinde febriculas exci-  
tat: et consistit in tristitia, quam uidetur bilis atra contrahere. in hac  
utilis detractio sanguinis est. Si quid hanc prohibet, prima est absti-  
nentia: secunda per album uer atrum, uomitumq; purgatio. post utrū-  
libet adhibenda bis die frictio est. si magis ualet, frequens etiā exer-  
citatio. In ieiuno uomitus: cibus sine uino dandus ex media materia  
est. Quam quotiens posuero, scire licet etiam ex infirmissima dari  
posse: dum ne ea sola quis utatur: ualentissima tantummodo esse remo-  
uenda. præter hæc seruanda aliud est quàm tenerrima. remouendi  
terrores, et potius bona spes afferenda. quærenda delectatio ex fabu-  
lis, ludisq;: quibus maxime capi sanus assueuerat. Laudanda si qua  
sunt ipsius opera: et ante oculos eius ponenda. Leuiter obiurganda  
uana tristitia. subinde admonendus in his ipsis rebus, quæ solitant:  
cur non potius letitiæ, q̃ solitudinis causa sit. Si febris quoq; accessit,  
sicut aliæ febres curanda est. Tertium insanix genus est ex his lon-  
gissimum, adeo ut uitam ipsam non impediat: quod robusti corporis  
esse consuevit. huius autem ipsius species duæ sunt. Nam quidam ima-  
ginibus, non mente falluntur: qualem insanientem Aiacem, uel Ore-  
stem poëtarum fabulæ ferunt. quidam animo desipiunt. Si imagines  
fallunt: ante omnia uidendum est, tristes, an hilares sint. In tristitia ni-  
grum uer atrum deiectionis causa: in hilaritate album ad uomitum  
excitandum dari debet. idq; si in potionem non accepit: pani adijci-  
endum est, quo facilius fallat. nam si bene se purgauerit: ex magna par-  
te morbum leuabit. Ergo etiam si semel datum uer atrum parum pro-  
fecerit: interposito tempore iterum dari debet. Neq; ignorare oportet, le-  
uiorem esse morbum cum risu, quàm serio insanientium. Illud quoq;  
perpetuum est in omnibus morbis: ubi ab inferiore parte purgandus  
aliquis est, uentrem eius ante soluendum esse: ubi à superiore, compri-  
mendum. Si uero consilium insanientem fallit: tormentis quibusdam  
optime curatur. Vbi perperam aliquid dixit, aut fecit, fame, uinctu-



lis, plagis coercendus est. Cogendus est & attendere, & ediscere aliquid, & meminisse. sic enim fiet ut paulatim metu cogatur considerare quid faciat. subito etiam terreri, & expauescere in hoc morbo prodest. Et ferè quicquid animum uehemèter perturbat. Potest enim quædam fieri mutatio: cum ab eo statu mens in quo fuerat, abducta est. Interest etiam si ipse sine causa subinde rideat: an mestus, demissusq; sit. nam demens hilaritas terroribus his, de quibus supra dixi: melius curatur. si nimia tristitia est: prodest lenis, sed multa bis die frictio. Itē per caput aqua frigida infusa: demissumq; corpus i aquā, & oleum. illa communia sunt, insanientes uehementer exerceri debere: multa frictione uti: neq; pinguem carnē, neq; uinum assumere: cibis uti post purgationem ex leui materia quā leuissimis. non oportere esse uel solos, uel inter ignotos, uel inter eos quos aut contemnant: aut negligant. mutare debere regiones: & si mens redit, annua peregrinatione esse iactandos. Raro, sed aliquando tamen ex metu delirium nascitur. Quod genus insanientium specie, similiq; uictus genere curandum est: præterquā quod in hoc insanie genere solo recte uinum datur.

Cardiaci morbi curatio. Caput. XIX.

Vic morbo præcipue contrarium est id genus, quod *ναρδία νόσος* à græcis nominatur: quæ sæpe ad eum phrenitici transeunt. si quidem mens in illis labat: in hoc constat. Id autem nihil aliud est, quā nimia imbecillitas corporis: quod stomacho languente immo dico sudore digeritur. Licetq; protinus scire id esse, ubi uenarū exigui, imbecilliq; pulsus sunt. Sudor autem supra cōsuetudinem et modo, & tempore ex toto thorace, & ceruicibus, atq; etiam capite prorūpit: pedibus tantummodo et cruribus siccioribus, atq; frigentibus. At ubi id morbi genus est: curatio prima ē, supra præcordia imponere quæ reprimant cataplasmata. secunda, sudorē prohibere. id præstat acerbum oleū, uel rosa, uel melinū, aut myrteū. quorū aliquo corpus leuiter perungendū: ceratumq; ex aliquo horum tum imponendum est. Si sudor uincat, delinendus homo est uel gypso, uel argenti spuma, uel cimolia creta: uel etiam subinde horum puluere respergendus. Idem præstat puluis ex contritis aridi myrti, uel rubi folijs: aut ex austeri, et boni uini arida fecē. Pluraq; similia sunt: quæ si desunt, satis utilis est quilibet ex uia puluis iniectus. Sup hæc uero quo minus corpus insudet: leui ueste debet esse cōtectus, loco nō calido, fenestris patentibus



sic, ut per flatu quoque aliquis accedat. Tertium auxilium est imbecillitati iacentis uino, ciboque succurrere. Cibus non multus quidem, sed saepe tamen nocte, ac die dandus est, ut nutriat: neque oneret. is esse debet ex infirmissima materia: et stomacho aptus. nisi autem necesse est, ad uinum festinare non oportet. si uerendum est ne deficiat, tum et in trita ex hoc, et hoc ipsum austerum quidem, sed tamen tenue miraculum. Egelidum subinde et liberaliter dandum est adiecta polenta: si modo is aeger parum cibi assumit. idque uinum esse debet neque nullarum uirium, neque ingentium: recteque tota die, ac nocte uel treis heminas aeger bibet. si uastius corpus est: plus etiam. Si cibum non accipit, perunctum ante perfundere aqua frigida conuenit: et tum dare. Quod si stomachus resolutus parum continet, et ante cibum, et post eum: sponte uomere oportet: rursusque post uomitum cibum sumere. si ne id quidem manserit, sorbere uini cyathum: interpositaque hora sumere alterum. si id quoque stomachus reddiderit: totum corpus bulbis contritis super illinendum est. qui ubi inaruerunt, efficiunt, ut uinum in stomacho contineatur: ex quo eo toti corpori calor, uenisque uis redeat. Vltimum auxilium est, in aluum ptisanae, uel alicuius cremorem ex inferioribus partibus iniungere si quidem id quoque uires tuetur. Neque alienum est naribus quoque estuantis admouere quod reficiat: id est rosam, et uinum. Et si qua in extremis partibus frigent: unctis, et calidis manibus fovere. per quae si consequi potuimus, ut et sudoris impetus minuat: et uita prorogetur: incipit iam tempus ipsum esse praesidio. Vbi in tuto esse uidetur: uerendum est tamen ne ad eandem imbecillitatem cito recidat. Itaque uino tantum remoto, cotidie ualidiores cibum debet assumere: donec satis uirium corpori redeat.

## De lethargo, et eius curatione. Caput. XX.

Alter quoque morbus est aliter phrenitico contrarius. In illo  
 a difficilis somnus, prompta ad omnem audaciam mens est. At in hoc marcor et inexpugnabilis penes dormiendi necessitas, ἀνέκτατος graeci nominant. atque id quoque genus acutum est: et nisi succurritur, celeriter iugulat. Hos aegros quidam subinde excitare nituntur admotis his, quae per sternutamenta euocantur: et his, quae odore foedo mouent, qualis est pix cruda, lana sordida, piper, ueratrum, castoreum, acetum, allium, cepa, iuxta etiam galbanum incendunt, aut pilos, aut cornu ceruinum. si id non est, quodlibet aliud. Haec enim cum comburuntur, odorem foedum mouent. Tharrius uero quidam accessionis esse id malum dixit: lenarique cum ea decessit. Itaque



cessit. Itaq; eos qui subinde excitant, sine usu male habere. Interest aut in decessione expergiscatur aeger: an cum febris non leuetur: aut leuata quoq; ea somnus urgeat. Nam si expergiscitur, adhibere ei ut sopito superuacuum est. neq; enim uigilando melior fit: sed per se, si melior est: uigilat. Si uero continens ei somnus est: utiq; excitandus est. sed his temporibus quibus febris leuissima est, ut et excernat aliqd, & sumat. Excitat aut ualidissime repente aqua frigida infusa post remissionem. Itaq; perunctum oleo multo corpus tribus, aut quatuor amphoris totum per caput perfundendum est. Sed hoc utemur, si aequalis aegro spiritus erit: si mollia praecordia. Sin aliter haec erunt: ea potiora, quae supra comprehensa sunt. Et quod ad somnum quidem pertinet, commodissima haec ratio est. Medendi autem causa caput radendum: deinde postea fouendum est aqua: in qua laurus, aut ruta decocta sit. Altero die imponendum castoreum, aut ruta ex aceto contrita, aut lauri baccæ, aut hedera cum rosa, et aceto. Praecipueq; proficit, & ad excitandum hominem naribus admotum, & ad morbum ipsum depellendum capiti, frontiue impositum sinapi. Gestatio etiam in hoc morbo prodest, maximeq; oportune cibus datus: idest in remissione quanta maxima inueniri poterit: aptissima autem sorbitio est, donec morbus decrescere incipiat: sic ut si cotidie grauis accessio est: haec cotidie detur. Si alternis, post grauiorem, sorbitio: post leuiorem, mulsa aqua. Vinum quoq; cum tempestiuo cibo datum, non mediocriter adiuuat. quod si post longas febres eiusmodi torpor corpori accessit: cetera eadem seruanda sunt. Ante accessionem aut tribus, quattuorue horis castoreum, si uenter astrictus est: mixtum cum scamonea: si non est, per se ipsum cum aqua dandum est. Si praecordia mollia sunt, cibus utendum est plenioribus. Si dura, in hisdem sorbitionibus subsistendum: imponendumq; est praecordijs, quod simul et reprimat, et emolliat.

De aqua inter cutem, hoc est hydropico morbo. Caput. XXI.

Ed hic quidem acutus est morbus. Longus uero fieri potest eorum, quos aqua inter cutem male habet: nisi primis diebus discussus est: ὕδροπα graeci uocant. Atq; eius tres species sunt. Nam modo uentre uehementer intento creber intus ex motu spiritus sonus est. modo corpus inaequale est: tumoribus aliter, aliterq; per totum id orientibus. modo intus in unum aqua contrahitur: & moto corpore ita mouetur, ut impetus eius conspici possit. Primum τιμπανίτην, secundum λυκορλεγματίαν, uel ὕπὸ σαρκα, tertium ἀσκήτην graeci nominant. Communis tñ omnium est humo-

Aurelij Cor.

f



## LIBER

ris nimia abundantia: ob quam ne ulcera quidē in his aegris facile sanescunt. Sæpe uero hoc malū per se incipit. Sæpe alteri uetusto morbo, maximeq; quartanæ superuenit. Facilius in seruis, quā in liberis tollitur. quia cum desideret famem, sitim, mille alia tedia, longinq; patientiam: promptius his succurritur, qui facile coguntur: quā in quibus inutilis libertas est. Sed ne hi quidem, qui sub alio sunt: si ex toto sibi temperare non possunt: ad salutem perducuntur. Ideoq; non ignobilis medicus Chrysippi discipulus apud Antigonum regem amicum quendam eius notæ intemperantiæ mediocriter eo morbo implicatum, negauit posse sanari. Cumq; alter medicus epirotes Philippus se sanaturum polliceretur: respondit illum ad morbum ægri respicere: se ad animum. neq; eum res fefellit. Ille. n. cum summa diligentia non medici tantummodo, sed etiam regis custodiretur: tamen malagmata sua deuorando, bibendoq; suam urinam, in exitium se præcipitauit. Inter initia tamen non difficillima curatio est: si imperata sunt corpori quies, sitis, inedia. At si malum inueterauerit: non sine magna molestia discutitur. Metrodorum tamen Epicuri discipulum referunt: cum hoc morbo tentaretur, neq; æquo animo ferret necessariam sitim: ubi diu abstinerat: bibere solitum, deinde euomere. Quod si redditur quicquid receptum est: multum tedio demit. si à stomacho retentum est, morbum auget. Ideoq; in quolibet tentandum nō est. Sed si febris quoq; est: hæc in primis submouenda est per eas rationes: per quas huic succurri posse propositum est. Si sine febre æger est: tum demū ad ea ueniendum est, quæ ipsi morbo mederi solent. atq; hic quoq; quæcunq; species est, si nondum nimis occupauit: hisdem auxilijs opus est. multum ambulandum. currendum aliquid est. superiores maxime partes sic perfricandæ, ut spiritum ipse contineat. euocandus est sudor non exercitatione tantummodo, sed etiam in arena calida, uel lacu nixto, uel clibano, similibusq; alijs: maximeq; utiles naturales, et siccæ sudationes sunt: quales super baias habemus in myrtetis. balneū, atq; omnis humor alienus est. Ieiuno recte catapotia dantur facta ex absinthij duabus: myrrhæ uel tertia parte. Cibus esse debet ex media quidam materia: sed tamen generis durioris. Potio non ultra danda est, quā ut uitam sustineat. optimaq; est, quæ urinā mouet. sed id ipsum tamen molliri cibo, quā medicamento melius est. Si tamen res coget ut ex his aliquid detur: præstanter id decoquendū, eaq; aqua potui danda. Videntur autem hanc facultatem habere, iris, nardum, crocum, cinnamum, amomum, cassia, myrra, balsamum, galbanum, ladanum, oenante, panace, cardamomum, hebenus, cupressi semen, uua timinia, quæ σάπιδα ἀρίων græci nomināt: abrotanum, rosæ folia, acorum, ama-



re maces, tragoriganum, storax, costum, iunci quadrati & rotundi semen: illud  $\kappa\upsilon\pi\upsilon\rho\omicron\nu$ ,  $\chi\omicron\iota\tau\omicron\nu$  hoc graeci uocant. Quae quotiens posuero, non quae hic nascuntur, sed quae inter aromata afferuntur, significabo. Primo tamen quae leuissima ex his sunt: idest rosae folia, uel nardi spica tentanda sunt. Vinum quoque utile est, & austerum: sed quim tenuissimum. Commodum est etiam lino cotidie uentrem mctiri: & qua comprehendit alium, notam imponere. postero die uidere si plenius corpus sit: an extenuetur. Id enim quod tenuatur, medicinam sentit. Neque alienum est mctiri & potionem eius, et urinam. Nam si plus humoris excernitur, quam assumitur: ita demum secundae ualitudinis spes est. Asclepiades in eo qui ex quartana in hydropa deciderat: se abstinentia bidui & frictione usum. tertio die iam et febre, & aqua liberato cibum, & uinum dedisse, memorie prodit. Hactenus communiter de omni specie dici potest. Si uehementius malum est, diducenda ratio curadi est. Ergo si inflamatio, et ex ea dolor creber est: utilis quotidianus aut alterno quoque die post cibum, uomitus est. Fomentis siccis, calidisque utendum est. Si per haec dolor non finitur, necessariae sunt sine ferro cucurbitulae. Si ne per has quidem tormentum tollitur: incidenda cutis est: & tum his utendum. Vltimum auxilium est: si cucurbitulae nihil profuerunt: per alium infundere copiose aquam calidam, eamque recipere. Quin etiam cotidie ter, quaterue opus est uti frictione uehementi cum oleo, & quibusdam calefacientibus. Sed in hac frictione a uentre abstinendum est. Imponendum uero in eum crebrius sinapi, donec cutem erodat: ferramentisque cadentibus pluribus locis uenter exulcerandus est: & seruanda ulcera diutius. Vtiliter etiam scylla cocta delinitur cutis: sed diu post has inflammationes abstinendum est ab omnibus instantibus. At si id uitium est, cui  $\lambda\upsilon\nu\omicron\phi\lambda\epsilon\rho\mu\alpha\tau\iota\alpha$  nomen est: eas partes quae tumunt, subijcere soli oportet: sed non nimium, ne febricula incidat. Si is uehementior est, caput uelandum est: utendumque frictione madefactis tantum manibus aqua: cui sal, & nitrum, & olei paulum sit adiectum sic, ut aut pueriles, aut muliebres manus adhibeantur: quo molior earum tactus sit. Idque si uires patiuntur, ante meridiem tota hora: post meridiem semi hora fieri oportet. Vtilia etiam sunt cataplasmata quae reprimunt: maximusque si corpora teneriora sunt. Incidendum quoque est super talum quattuor fere digitis ex parte interiore: qua per aliquot dies frequens humor feratur: atque ipsos tumores incidere altis plagis oportet. Concutiendumque multa gestatione corpus est: atque ubi inductae uulneribus cicatrices sunt, adiucendum & exercitationibus est, & cibis, donec corpus ad primum habitum reuertatur. Cibus ualens esse debet, & glutinosus, maximusque



## LIBER

atro. Vinum, si per stomachum licet: dulcius. sed ita ut inuicē biduo, triduo uel modo aqua, modo id bibatur. Prodest et lactucae marinae quae grandis iuxta mare nascitur, semen cum aqua potui datum. Si ualens est qui id accipit: ei scylla cocta sicut supra dixi, delinitur. Authoresque multi sunt: inflatis uescis pulsandos tumores esse. Si uero id morbi genus est, quo in uterum multa aqua contrahitur: ambulare, sed magis modice oportet. malagma quod digerat impositum habere: idque ipsum super imposito triplici panno fascia, non nimium tamen uehementer astringere. quod à Tharria profectum, seruatum esse à pluribus uideo. Si iecur aut lienem affectum esse manifestum est: ficum pinguem contusam adiecto melle superponere. Si per talia auxilia uenter non fiat: sed humor nihilominus abundat: celeriore uia succurrere, ut is per uentrē ipsum emittatur. Neque ignoro Erasistrato displicuisse hanc curandi uiam. Morbum enim hunc iocineris putauit. Ideoque ita illum esse sanandum: frustra quoque aquam emitti: quae uitiato illo subinde nascatur. Sed primum non huius uisceris unius hoc uitium est. Nam splene affecto, et in totius corporis malo habitu fit: deinde ut inde coeperit: tamen aqua nisi emittitur, quae contra naturam ibi subsistit: et iocineri, et caeteris interioribus partibus nocet. conuenitque corpus nihilominus esse curandum. neque enim sanat emissus humor: sed medicinae locum facit, quam intus inclusus impedit. Ac ne illud quidem in controuersiam uenit: quin non omnes in hoc morbo sic curari possint: sed iuuenes robusti, qui uel ex toto carent febre: uel certe satis liberales intermissiones habent. Nam quorum stomachus corruptus est, qui uel ex atra bile huc deciderunt: quique malum corporis habitum habent: idonei huic curationi non sunt. Cibus autem quo die primum humor emissus est, superuacuum est: nisi si uires desunt. Insequentibus diebus et his uinum meracius quidem, sed non ita multum dari debet, paulatimque euocandus aeger est ad exercitationes, frictiones, solem, sudationes, navigationes, et idoneos cibos: donec ex toto conualescat. Balneum rarum res amat: frequentiore in ieiunio uomitum. Si aestas est, in mare natare commodum est. ubi conualuit aliquis, diu tamen alienus ei ueneris usus est.

De tabe, et eius speciebus, et curationibus. Caput. XXII.

d Iutius sepe et periculosius tabes eos male habet, quos in uasit. Atque huius quoque plures species sunt. Vna est qua corpus non alitur: et naturaliter semper aliquibus decedentibus, nullis uero in eorum locum subeuntibus, summa



summa macies oritur: & nisi occurratur, tollit. ἀνοσιαν hanc græci uocant. Ea duabus ferè de causis incidere consuevit. aut enim nimio timore aliquis minus, aut auuiditate nimia plusquam debet: assumit. ita uel quod deest, infirmat: uel quod superat, corrumpitur. Altera species est, quam græci καχεξία appellat: ubi malus corporis habitus est. ideoq; omnia alimenta corrumpuntur. quod ferè fit, cum longo morbo uitiata corpora, etiam si illo uacant: refectionem tamen nõ accipiunt: aut cum malis medicamentis corpus affectum est, aut cum diu necessaria defuerunt, aut cum inusitados & inutiles cibos aliquis assumpsit, aliquid uel simile incidit. Huic præter tabem illud quoq; nõnunq; accidere solet, ut per assiduas pustulas, aut ulcera, summa cutis exasperetur: uel aliquæ corporis partes intumescant. Tertia est, longeq; periculosissima species, quam græci φθίσιον nominauerunt. Oritur ferè à capite: inde in pulmonem destillat: huic exulceratio accedit. ex hac febricula leuis fit: quæ etiam cum quieuit, tamen & repetit. Frequens tussis est. pus excreatur: interdum cruentum aliquid. Quicquid excreatum est, si in ignem impositum est: mali odoris est. Itaq; qui de morbo dubitant, hac nota utuntur. Cum hæc genera tabis sint, animaduertere primum oportet, quid sit in quo laboratur. deinde si tantummodo non ali corpus apparet: causam eius attendere: & si cibi minus aliquis quàm debet, assumit: adijcere, sed paulatim: ne se corpus insuetum subita multitudine onerauerit: concoctionem impediat. Si uero plus iusto quis assumere solitus est: abstinere uno die, deinde ab exiguo cibo incipere: cotidie adijcere donec adiustum modum perueniat. Præter hæc conuenit ambulare locis quàm minime frigidis sole uitato: p manus quoq; exerceri. Si infirmior est, gestari, ungi, perfricari si potest maxime per se ipsum sæpius eodem die, & ante cibum, & post eum sic, ut interdum oleo quædam adijciantur calefactione, donec insudet. Prodestq; ieiuno prehendere per multas partes cutem: & attrahere ut relaxetur: aut imposita resina, & abducta subinde idem facere. Vtile est etiam interdum balneum: sed post cibum exiguum. Atq; in ipso solio recte cibi aliquid assumatur: aut si sine hoc frictio fuit, post eam protinus. Cibi uero esse debent ex his, qui facile concoquuntur: qui maxime alunt. Ergo uini quoq; sed austeri necessarius usus est. mouenda urina. at si malus corporis habitus est, primum abstinendum est: deinde aluus ducenda. tum paulatim cibi dandi adiectis exercitationibus, unctionibus, frictionibus. Vtilius his frequens balneum est: sed ieiunis etiam usq; sudorem. Cibus uero opus est copiosis, uarijs, boni succi: quiq; etiam minus facile corrumpantur: uino austero si nihil reliqua proficiunt, sanguis mitten-



dus est, sed paulatim cotidieque pluribus diebus cum eo, ut cetera quoque  
 eodem modo seruetur. Quod si mali plus est, et uera periculis est: in-  
 ter initia protinus occurrere necessarium est. neque enim facile is mor-  
 bus cum inueterauerit, euincitur. Opus est si uires patiuntur longa na-  
 uigatione, coeli mutatione sic, ut densius quam id est, ex quo discedit  
 aeger: petatur. Ideoque aptissime Alexandria ex Italia itur. Feretque id  
 posse inter principia corpus pati debet: cum hic morbus aetate firmis-  
 sima maxime oriatur: id est ab anno duodecimo, ad annum quintum,  
 et trigessimum. Si id imbecillitas non sinit, naue tamen non longe gestari  
 commodissimum est. Si navigationem aliqua res prohibet: lectica uel alio  
 modo corpus dimouendum est. Tum a negociis abstinendum est: omni-  
 busque rebus, quae sollicitare animum possunt. somno indulgendum: ca-  
 uenda defillationes, ne si quid cura leuarit: exasperetur. Et ob id ui-  
 tanda cruditas: simulque sol, et frigus. Os obtegendum: fauces uelandae:  
 tussicula suis remedijs finienda et quandiu quidem febricula incur-  
 sat, huic interdum abstinencia, interdum etiam tempestiuis cibis meden-  
 dum. Eoque tempore bibenda aqua. Lac quoque, quod in capitis dolori-  
 bus, et in acutis febribus, et per eas facta nimia sitis, siue praecor-  
 dia tument, siue biliosa urina est, siue sanguis fluxit, pro ueneno est.  
 in phthisi tamen sicut in omnibus longis, difficilibusque febriculis recte  
 dari potest. Quod si febris aut nondum incurSAT, aut iam remisit:  
 decurrendum est ad modicas exercitationes, maximeque ambulationes:  
 item lenes frictiones. Balneum alienum est. Cibus esse debet primo acer,  
 ut allium, porrum, idque ipsum ex aceto. uel ex eodem intubus, ocymum, la-  
 ctuca. Dein lenis ut sorbitio ex ptisana, uel ex alia, uel ex amylo la-  
 cte adiecto. Idem oriza quoque, et si nihil aliud est: far praestat. Tum in-  
 uicem modo his cibis, modo illis utendum est. adiiciendaque quaedam ex  
 media materia, praecipueque uel ex apruna, cerebellum, uel pisciculus, et  
 his similia. Farina est cum seuo ouillo, caprino uel mixta, deinde inco-  
 cta pro medicamento est. uinum assumi debet lene, austerum. Haecenus  
 non magna mole pugnatur. Si uehementior noxa est, ac neque febricu-  
 la, neque tussis quiescit: tenuarique corpus apparet: ualidioribus auxilijs  
 opus est. Exulcerandus est ferro candenti uno loco sub mento, altero in  
 gutture: duobus ad mammam utranque. item sub imis ossibus scapula-  
 rum, quas ωμοπλάται graeci uocant: sic ne sanescere ultra sinamus, nisi  
 tussi finita: cui per se quoque medendum esse manifestum est. Tunc ter,  
 quaterque die uehementer extremae partes perfricandae. thorax leui  
 manu pertractandus. post cibum intermittenda hora: et perfricanda  
 crura, brachiaque. Interpositis denis diebus demittendus est aeger in so-  
 lium: in quo sit aqua calida, et oleum. ceteris diebus bibenda aqua:



tum & uinum: si tussis non est, potui frigidum dandum: si aestas est, egelidum. Vtile est etiam cibos in remissionibus cotidie dari: frictiones, gestationesq; similiter adhiberi. eadem acria quarto, aut quinto die sumere. interdum herbam sanguinalem ex aceto, uel plantaginem esse. Medicamentum etiam est uel plantaginis succus per se, uel marrubium ex melle concoctum, ita ut illius cyathus sorbillo sumatur: huius cochleare plenum paulatim delingatur: uel inter se mixta, & incocta resinae terebinthinæ pars dimidia: buthyri, et mellis pars altera. Præcipua tamen ex his omnibus sunt uictus, uehiculum, & nauis, & sorbitio. Alius cita utiq; uitanda est. Vomitus in hoc morbo si frequens est, perniciosus est, maximeq; sanguinis. Qui meliusculus esse coepit, addicere debet exercitationes, frictiones, cibos: deinde ipse se suppresso spiritu perfricare: diu abstinere à uino, balneo, uenere.

De comitialis morbi curationibus. Caput. XXIII.

Inter notissimos morbos est et is, qui comitialis, uel maior nominatur. Homo subito concidit: ex ore spumæ mouentur: deinde interposito tempore ad se redit: & p se ipsum consurgit. Id genus sæpius uiros quàm foeminas occupat. ac solet quidem et longum esse, usq; ad mortis diem: & uitæ non periculosum: interdum tamen cum recens est hominem consumit: & sæpe cum si remedia non sustulerunt, in pueris ueneris, in puel-  
 lis menstruorum initium tollit. modo cum distentione membrorum, aut neruorum prolabitur aliquis: modo sine illa quidem. Hos quoq; hisdem quibus lethargicos excitare conantur, quod admodum superuacuum est: & quia ne lethargicus quidē is sanatur: & q̃a cum possit ille nunquā expergisci, acq; ita fame interire: hic ad se utiq; reuertitur. Vbi concidit aliquis, si nulla neruorum distentio accessit, utiq; sanguis mitti debet: si accessit, non utiq; mittendus est, nisi alia quoq; hortantur. necessarium aut est ducere aluum: uel nigro ueratro purgare: uel utrunq; facere si uires patiuntur. tunc caput tondere: oleoq; & aceto pun gere: cibum post diem tertiu simul cum transit hora, qua cōcidit, dare. Neq; sorbitiones aut his, aliq; molles, & faciles cibi, neq; caro, minimeq; suilla conuenit: sed mediæ materiæ. Nam et uiribus opus est: & cruditates cauendæ sunt, cum quibus fugere oportet solem: balneum, ignem, omniaq; calefacientia. item frigus, uinum, uenerem, loci præcipitis conspectum, omniumq; terrentium, uomitum, lassitudinem, solitudines, negocia omnia. Vbi tertio die cibus datus est, intermittere quartum, & inuicem alterum quenq; eadem hora cibi seruata: donec quatuordecim dies transeant. quos ubi morbus exassit: acuti uim



LIBER

deposuit. at si manet, curandus iam ut longus est. Quod si non quo die primum id incidit, medicus accessit: sed is qui cadere consuevit, ei traditus est: protinus eo genere uictus dabitur: qui supra comprehensus est: expectandus est dies, quo prolabatur: utendumq; tum uel sanguinis missione, uel ductione alui, uel nigro ueratro: sicut praeceptum est. In sequentibus deinde diebus per eos cibos quos proposui: uitatis omnibus quae cauenda dixi: nutriendus. Si per haec morbus finitus non fuerit: confugiendum erit ad album ueratrum: ac ter quoq; aut quater eo utendum: non ita multis interpositis diebus, sic tamen ne iterum unquam sumat, nisi conciderit. Medijs autem diebus uires eius erunt nutriendae, quibusda praeter ea quae scripta sunt, adiectis. Vbi mane experrectus est, corpus eius leuiter ex oleo uetere, cum capite, excepto uentre, permulceatur. tum ambulatione quam maxime longa, et recta utatur. post ambulationem loco tepido uehementer et diu, ac non minus ducenties, nisi infirmus erit, perfricetur: deinde per caput multa aqua frigida perfundatur. paulum cibi assumat: conquiescat: rursus ante noctem ambulatione utatur: iterum uehementer perfricetur sic, ut neq; uenter, neq; caput contingatur: post haec coenet: interpositisq; tribus, aut quattuor diebus, uno aut altero acria assumat. Si ne per haec quidem fuerit liberatus, caput radat: ungetur oleo uetere, adiecto aceto, et nitro: perfundatur aqua salsa: bibat ieiunus ex aqua castoreum: nulla aqua nisi decocta potionis causa utatur. Quidam iugulati gladiatoris calido sanguine epota, tali morbo se se liberarunt: apud quos miserum auxilium, tolerabile miserius malum fecit. Quod ad medicum uero pertinet, ultimum est iuxta talium ex utroq; crure paulum sanguinis mittere: occipitium incidere: et cucurbitulas admouere ferro candente: in occipitio quoq; et infra, qua summa uertebra cum capite committitur, adurere duobus locis, ut per ea perniciosus humor euadat. quibus si finitum malum non fuerit, propè est, ut perpetuum sit. Ad leuandum id tantummodo utendum erit exercitatione, multa frictione, cibisq; his, qui supra comprehensi sunt. praecipueq; uitanda omnia, quae ne fierent, excepimus.

De regij morbi curatione. Caput. XXIIII.

Eque notus est morbus, quem interdum arquatium, interdum regium nominant: quem Hippocrates ait: si post septimum diem febricitante agro superuenit, tutum esse mollibus tantummodo praecordijs substantibus. Diocles ex toto si post febrem oritur, et prodesse. si post hunc febris, cadere. Color autem



lor autem eum morbum detegit maxime oculorum: in quibus quod album esse debet, fit luteum. Soletq; accedere & sitis, & dolor capitis, & frequens singultus, & præcordiorum dextra parte durities: & ubi corporis uehementis motus est, spiritus difficultas, membrorumq; resolutio. atq; ubi diutius manet morbus, totum corpus cum pallore quodam inalbescit. Primo die abstinere ægrum oportet: secundo ducere aluum: tum si febris est, eam uictus genere discutere. si non est, scamoneam potui dare: uel cum aqua betam albam contritam, uel cum aqua mulsa nuces amaras, absinthium, anesum sic, ut pars huius maxima sit. Asclepiades aquam quoq; salsam, & quidem per biduum purgationis causa bibere cogebat ijs, quæ urinam mouent: reiectis. Quidam superioribus omissis, per hæc et per eos cibos, qui extenuant: idem se consequi dicunt. Ego ubiq; si satis uirium est, ualidiora: si parum, imbecillia auxilia præfero. Si purgatio fuit, post eam triduo: primo modice cibum oportet assumere ex media materia: & uinum bibere græcum salsum, ut resolutio uentris maneat. tum altero triduo ualidiores cibos, & carnis quoq; aliquid esse. intra aqua manere. deinde ad superius genus uictus reuerti cum eo, ut magis satietur omissis græco uino bibere integrum austerum: atq; ita per hæc uariare, ut interdum acres quoq; cibos interponat: interdum ad salsum uinum redeat. Per omne uero tempus utendum est exercitatione, frictione: si hyems est, balneo: si æstas, frigidis natationibus: lecto est, & conclauis cultiore. clauso loco uti ludis, lasciuia: per quæ mens exhilaretur. ob quæ regius morbus dictus uidetur. Malagma quoq; quod digerat, super præcordia datum, prodest: uel arida ibi ficus imposita, si iecur, aut lienis affectus est.

De elephantia curatione. Caput. XXV.

i **G**rotus autem penè in italia, frequentissimus in quibusdam regionibus is morbus est, quem ἐλεφαντία græci uocant. isq; longis annumeretur. Totum corpus afficitur, ita ut ossa quoq; uitiari dicantur. Summa pars corporis crebras maculas, crebrosq; tumores habet. Rubor harum paulatim in atrum colorem conuertitur. Summa cutis inæquabiliter crassa, tenuis, dura, mollisq; quasi squamis quibusdam exasperatur: corpus emacrescit: os suræ: pedes intumescunt. Vbi uetus morbus est, digiti in manibus, pedibusq; sub tumore conduntur: febricula oritur, quæ facile tot malis obrutum hominem consumit. protinus ergo inter initia sanguis per biduum mitti debet: aut nigro ueratro uenter solui: adhibenda tamen quanta sustineri potest, inedia est. paulum deinde uires reficiendæ: &



LIBER

ducenda alius. post hæc, ubi corpus leuatum est, utendum est exercitatione, præcipueq; cursu. sudor primum labore ipsius corporis, deinde etiam siccis sudationibus euocandus. frictio adhibenda: moderadumq; inter hæc, ut vires conseruentur: balneum rarium esse debet. Cibus sine pinguibus, sine glutinosis, sine instantibus. Vinum, præterquam primis diebus, recte datur. Corpus contrita plantago, & illita tueri optime uidetur.

De attonitis, & eorum curatione. Caput. XXVI.

Attonitos quoq; raro uidemus: quorum & corpus, & mens  
a stupet. Fit interdum ictu fulminis: interdum morbo: ἀπο  
πληξίαν hūc græci appellant. His sanguis mittendus est.  
ueratro quoq; albo, uel alui ductione utendum. Tum adhibendæ fri-  
ctiones: & ex media materia minime pingues cibi. quidam et acres:  
& à uino abstinendum.

De resolutione neruorum: quæ apoplezia, uel paralysis dicitur.  
Caput. XXVII.

Resolutio neruorum frequens ubiq; morbus est. Sed in  
a terdum tota corpora, interdum partes infestat. Veteres  
authores illud ἀποπληξίαν, hoc παράλυσιν nominaue-  
runt. Nunc utrunq; paralyzin appellari uideo. Solent  
autem qui per omnia membra uehementer resoluti sunt, celeriter rapi.  
ac si correcti non sunt, diutius quidem uiuunt: sed raro tamē ad sa-  
nitatem perueniunt: & plerumq; miserum spiritum trahunt, memoria  
quoq; amissa. In partibus uero nunquam acutus, sæpe longus, ferè sa-  
nabilis morbus est. Si omnia membra uehementer resoluta sunt, sangui-  
nis detractio uel occidit, uel liberat. Aliud curationis genus uix un-  
quam sanitatem restituit: sæpe mortem. tantum differt uitam: interim  
infestat. Post sanguinis missionem si non redit & motus, & mens: ni-  
hil spei superest. Si rediit: sanitas quoq; prospicitur. At ubi pars reso-  
luta est, prouidet malo corporis, uel sanguis missus, uel alius ducta.  
Cætera eadem in utroq; casu facienda sunt. Si quidem uitare præcipue  
conuenit frigus: paulatimq; ad exercitationes reuertendum est sic, ut  
ingrediatur ipse protinus, si potest. Si id crurum imbecillitas prohi-  
bet: uel gestetur, uel motu lecti concutitur: tum id membrum quod de-  
ficiet si potest, per se, si minus, per alium moveatur: & ut quadam ad  
consuetudinem suam redeat. Prodest et torpentibus mēbris summam



cutem exasperasse, uel urticis caesam, uel imposito sinapi sic, ut ubi rubere coeperit corpus: hæc removeantur. Scylla quoque contrita, bulbi quoque contriti cum thure recte imponuntur. Neque alienum est resina cutem tertio quoque die diutius uellere: pluribus, et locis aliquando sine ferro cucurbitulas admouere. Vnctioni uero aptissimum est uetus oleum, uel nitrum aceto, et oleo mixtum. Quin etiam fouere aqua calida marina: uel si ea non est, tamen salsa, magnopere necessarium est. At si quo loco uel naturales, uel etiam manu factæ tales natationes sunt, ijs potissimum utendum est: præcipueque in his agitata membra, quæ maxime deficiunt. Si id non est, balneum tamen prodest. Cibus esse debet ex media materia, maximeque ex uenatione. potio sine uino aquæ calidæ. Si tamen uetus morbus est, interponi quarto, uel quinto die purgationis causa uinum græcum salsum prodest. Post coenam utilis uomitus est. Interdum uero etiam neruorum dolor oriri solet. In hoc casu non oportet uomere: non medicamentis urinam mouere: non sine exercitatione sudores, ut quidam præcipiunt, expedit. Bibenda aqua est bis die. in lectulo leniter satis diu corpus perfricandum est. deinde reposito spiritu ab ipsa exercitatione potius superiores partes mouendæ. balneo raro utendum: mutandum subinde peregrinationibus coelum. Si dolor est, ea ipsa pars sine oleo nitro ex aqua perungenda est: deinde inuoluenda, et subiicienda pruna lenis, et sulphur. atque ita id suffumigandum: idque aliquandiu faciendum. Sed ieiuno cum bene iam concoxerit, cucurbitulæ quoque sæpe dolenti parti admouendæ sunt: pulsandusque leuiter inflatis uescis bubulis is locus est. Vtile est et seuum miscere cum uoscuæ, et urticæ contritis siminibus sic, ut omnium par modus sit: idque imponere: fouere aqua, in qua sulphur decoctum sit. Vtriusque quoque recte imponuntur aqua calida repleti: aut bitumen cum ordea cæa farina mixtum: atque in ipso potissimum dolore utendum gestatione uehementi est. quod in alijs doloribus pessimum est. Tremor aut neruorum æque uomitu, medicamentisque urinam mouentibus impeditur. Inimici etiam habet balnea, assasque sudationes. bibenda aqua est. acriter ambulatione utendum. item unctionibus, frictionibusque maxime per seipsum. pila, similibusque superiores partes dimouendæ. cibo quolibet utendum, dummodo concoctioni utique studeatur secundum cibum curis abstinendum. rarissima uenere utendum est. si quando quis in eâ prolapsus est: tum oleo leniter, diuque in lectulo perfricari manibus puerilibus, potius quam uirilibus debet. suppurationes autem quæ in aliqua interiori parte oriuntur, ubi notæ fuerint: primum id agere oportet per ea cataplasmata, quæ reprimunt: ne coitus inutilis materiæ fiat. deinde si hæc uicta sunt, per ea malagnata quæ digerunt: diffi-



LIBER. III.

pentur. Quod si consecuti non sumus, sequitur, ut euocetur: deinde ut mature scat: omnis tunc uomicae finis est, ut rumpatur. Inditiumq; est, pus uel aluo, uel ore redditum. sed nihil facere oportet quo minus quicquid est puris, excedat. Utendum maxime sorbitionibus est: et aqua calida: Vbi pus ferri desyt, transeundum ad faciles quidem, sed tamen ualidiores, et frigidos cibos, frigidamq; aquam sic, ut ab egelidis tamen initium fiat. primoq; cum melle quedam edenda, ut nuclei pinei, uel graecae nuges, uel auellanae. Postea submouendum id ipsum, quo maturius induci cicatrix possit. Medicamentum eo tempore ulceri est, succus assumptus uel porri, uel marrubij: et omni cibo porrum ipsum adiectum. Oportebit autem uti in his partibus quae non afficientur, frictionibus: item ambulationibus lenibus. Vitandumq; erit, ne uel luctando, uel currendo, uel alia ratione sanescentia ulcera exasperentur. In hoc enim morbo perniciosus, ideoq; omnimodo cauendus sanguinis uomitus est.



## De humani corporis interioribus sedibus. Caput. I.

h Actenus reperiuntur ea genera morborū: quæ  
 in totis corporibus ita sunt, ut ijs certæ sedes  
 assignari non possint. Nunc de his dicam, quæ  
 sunt in partibus. Facilius autem omnium inte-  
 riorum morbi, curationesq; in noticiam ueni-  
 ent: si prius eorum sedes breuiter ostendero.  
 Caput igitur, eaq; quæ in ore sunt, non lin-  
 gua tantummodo, palatoq; terminantur: sed etiam quatenus oculis no-  
 stris exposita sunt. In dextra, sinistraq; circa guttur uenæ grandes,  
 quæ σφαγιτίδες nominantur: itemq; arteriæ, quas παρωτίδες uocant:  
 sursum procedentes ultra aures feruntur. atq; in ipsis ceruicibus glan-  
 dulæ positæ sunt: quæ interdum cum dolore intumescunt. Deinde duo  
 itinera incipiunt. alterum asperam arteriam nominant: alterum sto-  
 machum. arteria exterior ad pulmonem: stomachus interior ad uen-  
 triculum fertur. illa spiritum, hic cibum recipit: quibus cum diuersæ  
 uicæ sint: qua coeunt exigua in arteria sub ipsis faucibus lingua est.  
 quæ cū spiramus, attollitur: cum cibum, potionemq; assumimus, arte-  
 riam claudit. Ipsa autem arteria dura, & cartilaginosa in gutture  
 assurgit: cæteris partibus residet. Constat ex circulis quibusdam com-  
 positis ad imaginem earū uertebraarum, quæ in spina sunt: ita tñ, ut  
 ex parte exteriori aspera, ex interiori stomachi modo leuis sit. eaq;  
 descendens ad præcordia, cum pulmone committitur. Is spongiosus,  
 ideoq; spiritus capax, et à tergo spinæ ipsi iunctus in duas fibras un-  
 gulæ bubulæ modo diuiditur. huic cor annexū est natura musculosum,  
 in pectore sub sinisteriore māmā situm: duosq; quasi uentriculos ha-  
 bet. at sub corde, atq; pulmone transuersum, ex ualida membrana se-  
 ptum est: quod à præcordijs uterum diducit æque neruosum. Multis  
 etiam uenis per id discurrentibus à superiore parte non solum inte-  
 stina, sed iecur quoq; lienemq; discernit. Hæc uiscera proxima: sed in-  
 fra tamē posita dextra, sinistraq; sunt. Iecur à dextra parte sub præ-  
 cordijs ab ipso septo ortum intrinsecus cauum: extrinsecus gibbum:  
 quod prominens leuiter uentriculo insidet: & in quattuor fibras di-  
 uiditur. Ex inferiore uero parte ei fel inhæret. at lienis sinistra non  
 eidē septo, sed intestino innexus est: natura mollis, & rarus lōgita-  
 dinis, crassitudinisq; modicæ: isq; paulum à costarum regione in ute-  
 rum excedens, ex maxima parte sub his conditur. atq; hæc quidem



## LIBER

iuncta sunt. Renes uero diuersi, qui lumbis sub imis costis inhaerent à parte earum resimi, ab altera rotundi: qui & uenosi sunt: & uentriculos habent: & tunicas super continguntur: ac uiscerum quidem haec sedes sunt. Stomachus uero qui intestinorum principium est, nervosus à septimae spinæ uertebra incipit: ac circa praecordia cum uentriculo committitur. Venter autem qui receptaculum cibi est: constat ex duobus tergoribus. isq; inter lienem, & iecur positus est: utroq; ex his paulum super eum ingrediente. suntq; etiam membranulae tenues, per quas inter se omnia ista connectuntur: iungunturq; ei septo, quod transversum esse supra posui. Inde ima uentriculi pars paulum in dexteriores partes conuersa, in summum intestinum coartatur. Hanc iuncturam πύλουρον graeci uocant: quoniam portæ modo in inferiores partes ea quae excreturi sumus, emittit. ab ea ieiunum intestinum incipit non ita implicitum, cui tale uocabulum est: quia nunquam quod accipit, continet: sed protinus in inferiores partes transmittit. Inde tenue intestinum est in sinus uehementer implicitum. Orbis uero eius per membranulas singuli cum inferioribus connectuntur, qui in dexteriores partes conuersi, & e regione dexteroris coxae finiti, superiores tamen partes magis complent. Deinde id intestinum cum crassiore altero transverso committitur: quod à dextra parte incipiens, in sinisteriores peruium, & longum est: in dexteriores non est. Ideoq; caecum nominatur. At id quod peruium est, late fusum, atq; sinuatum: minusq; quam superiora intestina nervosum: ab utraq; parte huc, atq; illuc uolutum: magis tamen sinisteriores, inferioresq; partes tenens: contingit iecur, atq; uenter. Deinde cum quibusdam membranulis à sinistro rene uenientibus iungitur: atq; hinc dextra recuruatum in imo dirigitur, qua excernit. ideoq; id ibi rectum intestinum nominatur. Contegit uero uniuersa haec omnia ex interiore parte laeue, & strictum: ex superiore mollius. Cui adeps quoq; innascitur: quae sensu sicut cerebrum quoq; & medulla caret. At à renibus singulae uenae calore albæ ad uesicam feruntur: oupύρτων graeci uocant: quod per eas inde descendente urinam in uesicam destillare concipiunt. Vesica autem in ipso sinu nervosa, & duplex ceruice plena, atq; carnosissima iungitur per uenas cum intestino, eoq; osse, quod pubi subest. Ipsa soluta, atque liberior est: aliter in uiris, atq; in foeminis posita. Nam in uiris iuxta rectum intestinum est, potius in sinistra partem inclinata. In foeminis super genitale earum posita est: superq; elapsa ab ipsa uulua susinetur. Tum in masculis iter urinae spaciosius, & compressius à ceruice huius descendit ad colen. In foeminis breuius, & plenius super uuluae ceruicem



se ostendit. Vulua autem in uirginibus quidem admodum exigua est. In mulieribus uero nisi ubi grauidæ sunt, non multo maior: quàm ut manus comprehendatur. Ea recta continuatâq; cervice, quæ canalem uocant: contra mediam alium orsa: inde paulum ad dexteriores coxas cōuertitur: deinde super rectum intestinum progressa, illis fœminæ latera sua innectit. Ipsa autem ilia inter coxas, & pubem imo uentre posita sunt: à quibus ac pube abdomen sursum uersus ad præcordia peruenit: ab exteriori parte euidenti cute, ab interiori læui membrana inclusum: quæ omento iungitur: περὶτόντος autem à græcis nominatur.

De curationibus morborum, qui nascuntur in capite: & primo de eius dolore: deinde de morbo qui circa faciem nascitur: tum de lingue resolutione: postremo de destillatione, ac grauedine. Caput. II.

Is ueluti in conspectum quendam quatenus scire curanti necessarium est adductis, remedia singulariū laborantium partium exequar, orsus à capite. sub quo nomine nunc significo eam partem, quæ capillo tegitur. Nam oculorum, aurium, dentium dolor, & si quæ similis est: aliis erit explicandus. In capite autem interdum acutus, & pestifer morbus est: quem νεφανέας græci uocant. Cuius notæ sunt horror calidus, nervorum resolutio, oculorum caligo, mentis alienatio, uomitus: sic ut uox supprimatur, uel sanguinis ex naribus cursus: sic ut corpus frigescat, anima deficiat. Præter hæc dolor intolerabilis maxime circa tempora, uel occipitium. Interdum autem in capite longa imbecillitas: sed neq; grauis, neq; periculosa per hominis ætatem est. Interdum grauior dolor, sed breuis, neq; tamen mortiferus: qui uel uino, uel cruditate uel frigore, uel igne, aut sole contrahitur. Nūq; omnes dolores modo in febre, modo sine hac sunt: modo in toto capite, modo in parte interdum, sic ut oris quoq; proximam partem excrucient. Præter hæc est unum inuenitur genus, quod potest longum esse ubi humor cutē inflat, eaq; intumescit, et prementi digito cedit, ὃ δρονέφανος græci appellant. Ex his, id quod secundo loco positum est, dum leue est: quæ sit ratione curandum, dixi: cum persequer ea, quæ sani homines in imbecillitate partis alicuius facere deberent. Quæ uero auxilia sunt capitis, ubi cum febre dolor est: eo loco explicatū est, quo februm curatio exposita est. Nunc de cæteris dicendum: ex quibus id quod acutum est, et id quod supra consuetudinem intenditur: idq; quod ex subita causa, & si non pestiferum, tamen uehemens est: primā curationem



habet, quæ sanguis mittatur. Sed id, nisi intolerabilis est dolor, super uacuum est. Satiusque est abstinere à cibo: si fieri potest, etiam à potione: si non potest, aquam bibere. si postero die dolor remanet, aluum ducere: sternutamenta euocare: nihil assumere, nisi aquam. sæpe enim dies unus, aut alter totum dolorem hac ratione discutit. utique si ex uino, uel cruditate origo est. si uero in his auxilij parum est: tonderi oportet ad cutem. deinde considerandum est: quæ causa dolorem excitarit. si calor, aqua frigida multa perfundere caput expedit: spongiam concuam imponere, subinde in aqua frigida expressam: ungere rosa, et aceto, uel potius his tinctam lanam succidam imponere: aliaque refrigerantia cataplasmata. At si frigus nocuit: caput oportet perfundere aqua calida marina, uel certe salsa, aut in qua laurus decocta sit: tum caput uehementer perfricare: deinde calido oleo implere: ueste uelare. quidam et id deuinciunt. Alij cervicalibus uestimentisque onerant: et sic leuantur. alios calida cataplasmata adiunant. Ergo et ubi causa incognita est, uidere oportet refrigerantia magis, an calefacientia leniant: et his uti, quæ experimentum approbarit. At si parum causa discernitur: perfundere caput primum aqua calida, sicut supra præceptum est: uel salsa, uel ex lauro decocta. tum frigida posca. Illa in omni uetusto capitis dolore communia sunt: sternutamenta excitare, inferiores partes uehementer perfricare: gargarizare his, quæ saliuam mouent: cucurbitulas temporibus et capitis admoouere: sanguinem ex naribus detrahere: resina subinde tempora peruellere: et imposito sinapi exulcerare ea, quæ male habent, ante lintelo subiecto, ne uehementer arrodant: candentibus feramentis ubi dolor est, ulcera excitare: cibis per modicum cum aqua sumere. ubi leuatus est dolor, in balneum ire: ibi multa aqua prius calida, deinde frigida per caput perfundi. Si discussus ex toto dolor est, etiam ad uinum reuerti: sed postea semper antequam quicquam aliud, aquam bibere. dissimile est id genus quod humorem in caput contrahit. In hoc tondere ad cutem necessarium est. deinde imponere sinapi, sic ut exulceret. si id parum profuit: scalpello utendum est. Illa cum hydropicis communia sunt, ut exerceatur: insudet: uehementer perfricetur: cibis, potionibusque utatur, urinam præcipue mouentibus.

De morbo, qui circa faciem nascitur: quem greci cynicum spasmus uocant.

Ira faciem uero morbus innascitur: quem greci κρινειν σπασμὸν nominant. Is cum acuta ferè febre oritur. Os cum motu



motu quodam peruertitur. ideoq; nihil aliud est, quàm distentio oris. Accedit crebra coloris in facie, totoq; corpore mutatio. somnus in promptu est. in hoc sanguinem mittere optimum est. Si finitum eo malum non est: ducere aluum. si ne sic quidem discussum est: albo ueratro uomitum mouere. præter hæc necessarium est uitare solem, lassitudinē, uinum. sed si discussum his non est: utendum est cursu, frictione in eo quod læsum est leni, & multa in reliquis partibus breuiore, sed uehementi. prodest etiam mouere sternutamenta: caput radere: idq; perfundere aqua calida, uel marina, uel certe salsa sic, ut ei quoq; sulphur adiiciatur. post perfusionem iterum perfricari: sinapi manducare: eodemq; tempore affectis oris partibus ceratum: integris idem sinapi, donec arrodant, imponere. Cibus aptissimus ex media materia est.

De resolutione lingue.

**T** si lingua resoluta est: quod interdum per se, interdum ex morbo aliquo fit sic, ut sermo hominis non explicetur: oportet gargarizare ex aqua: in qua uel thymum, uel hyssopū, uel nepeta decocta sit: aquam bibere: caput, et os, & ea quæ submento sunt, & ceruicem uehementer perfricare: laesere linguam ipsam: linere: manducare quæ sunt acerrima, idest sinapi, allium, cepam: magna ui luctari, ut uerba exprimantur: exerceri re tanto spiritu: caput sæpe aqua frigida perfundere: nonnunquam multam esse radiculam: deinde uomere.

De destillatione, ac grauedine.

**E**st illat autem humor ex capite interdum in nares: quod leue est. interdum in fauces: quod peius est. interdum est in pulmonem: quod pessimum est. Si in nares destillat: tenuis per has pituita profluit: caput leuiter dolet: grauitas eius sentitur: frequentia sternutamenta sunt. Si in fauces: has exasperat: tussiculam mouet. si in pulmonem: præter sternutamenta, & tussim, est etiam capitis grauitas, lassitudo, sitis, æstus, biliosa urina. Aliud autem quanuis non multum distans malum grauedo est. Hæc nares claudit: uocem obtundit: tussim siccitatem mouet: sub eadem salsa est salina: sonant aures: uenæ mouentur in capite: turbida urina est. Hæc omnia νορῶας Hippocrates nominat. Nunc uideo apud græcos in grauedine hoc nomen seruari: destillationem καταστέμους appellari. Hæc autem & breuia, & si neglecta sunt, longa esse consue-

Aurelij Cor.



## LIBER

runt. Nihil pestiferum est: nisi quod pulmonem exulcerauit. Vbi aliquid eiusmodi sensimus: protinus abstinere à sole, balneo, uino, uenere debemus. Inter quæ unctione, & assueto cibo nihilominus uti licet. ambulatione tantum acris: sed tecta utendum est: & post eam caput, atq; os supra quinquages perfricandum. Raroq; fit, ut si biduo, uel certe triduo nobis temperauimus: id uitium non leuetur. Quo leuato, si in destillatione crassa facta pituita est: uel in grauedine nares magis patent: balneo utendum est: multa q; aqua prius calida, post egelida fouendum os, caput q;: deinde cum cibo pleniore uinum bibendum. At si æque tenuis die quarto pituita est: uel nares æque clausæ uidentur: assumendum est uinum amineu austerum: deinde rursus biduo aqua: post quæ ad balneum, & ad consuetudinem reuertendum est. Neq; tamen illis ipsis diebus, quibus aliqua omittenda sunt: expedit tantquam ægros agere. sed cætera omnia quasi sanis facienda sunt: præterquam si diutius aliquem, & uehementius ista sollicitare consuerunt. Huic enim quædam curiosior obseruatio necessaria est. Igitur huic si in nares, uel in fauces destillauit: præterea quæ supra retuli: protinus primis diebus multum ambulandum est: perfricandæ uehementer inferiores partes: leuior frictio adhibenda thoraci erit: leuior capiti. demenda assueto cibo pars dimidia: sumenda oua, amyllum: similia q;, quæ pituitam faciunt crassiores. Siti quanta maxime sustineri potest, pugnandum est. Vbi per hæc idoneus aliquis balneo factus, eo q; usus est: adiiciendus est cibo pisciculus, aut caro: sic tamen ne protinus iustus modus cibi sumatur. uino meraco copiosius utendum est. At si in pulmonem quoq; destillat: multo q; magis & ambulatione, & frictione opus est. eadem q; adhibita ratione in cibis, si non satis illi proficiunt: acrioribus utendum est. magis somno indulgendum: abstinentum q; à negocijs omnibus. aliquando sed serius & balneum tentandum. In grauedine autem primo die quiescere: neq; esse: neq; bibere: caput uelare: fauces lana circumdare. postero die surgere. diu abstinere à potione, aut si res coegerit: non ultra heminam aquæ assumere. Tercio die panis non tam multum ex parte interiore cum pisciculo, uel leni carne sumere: aqua bibere. Si quis sibi temperare non potuerit, quo minus pleniore uictu utatur: uomere. Vbi in balneum uentum est, multa aqua calida caput, & os fouere usq; ad sudorem. tum ad uinum redire. post quæ uix fieri potest, ut idem incommodum maneat. sed si manserit, utendum erit cibis frigidis, aridis, leuibus, humore q; minimo: seruatis frictionibus, exercitationibus q;: quæ in omni tali genere ualitudinis necessariae sunt.



De cernicis morbis, curationibusq; Caput. III.

Capite transitus ad cernicem est: quæ grauibus admodum  
 a morbis obnoxia est. neq; tamen alius importunior, ac-  
 tiorq; morbus est: quam is qui quodam rigore neruorum,  
 modo caput scapulis: modo mentum pectori annectit: modo  
 rectam, et immobilem cernicem intendit. Priore græci ὀπίσθον, in-  
 sequentem ἐμπροσθεν, ultimam τέταρον appellant. quauis minus  
 subtiliter quidam indiscretis his nominibus utantur. Ea sæpe intra  
 quartum diem tollunt. si hunc euaserunt: sine periculo sunt. Omnia ea-  
 dem ratione curantur: idq; conuenit. Sed Asclepiades utq; mittendum  
 sanguinem credidit. Quod quidam uitandum esse dixerunt: eo quod  
 maxime tum corpus calore egeret: isq; esset in sanguine. Verum hoc  
 quidem falsum est. Neq; enim natura sanguinis est, ut utiq; caleat: sed  
 ex his, quæ in homine sunt: hic celerrime uel calefcit: uel refrigescit.  
 Mitti uero nec ne debeat, ex his intelligi potest: quæ de sanguinis mis-  
 sione præcepta sunt. Vtiq; autem recte datur castoreum: & cum hoc  
 piper, uel laser. Deinde opus est fomento humido, & calido. Ita q; ple-  
 riq; aqua calida multa cernicem subinde perfundunt. id in præsentia  
 leuat. sed oportuniore neruos frigori reddit. quod utiq; uitandum  
 est. Vtilius igitur est cerato liquido primum cernicem perungere: de-  
 inde adnouere uestigas, bubulas, uel utriculos oleo calido repletos, uel  
 ex farina calidum cataplasma, uel piper rotundum cum fico contu-  
 sum. Vtilissimum tamen est humido sale fouere. quod quomodo fie-  
 ret, iam ostendi. Vbi eorum aliquid factum est, adnouere ad ignem:  
 uel si æstas est, in sole ægrum oportet, maximèq; oleo uetere: si id nõ  
 est, syriaco: si ne id quidem est, adipe quàm uetustissima cernicem,  
 & scapulas, & spinam perfricare. Frictio cum omnibus in homine  
 uertebis utilis sit: cum is præcipue quæ in collo sunt. Ergo die, no-  
 cteq; interpositis tamen quibusdam temporibus hoc remedio utendum  
 est. Dum id intermittitur, imponendum malagma aliquod ex calefa-  
 cientibus. cauendum uero præcipue frigus. Ideoq; in eo conclau, quo  
 cubabit æger: ignis continuus esse debet: maximèq; tempore ante hi-  
 cano: quo præcipue frigus intenditur. Neq; inutile erit caput attonsum  
 habere: idq; irino, uel cyprino calido madefacere: & super imposito  
 pilleo uelare. nonnunquam et in calidum oleum totum descendere: uel  
 in aquam calidam: in qua fœnum græcum decoctum sit: & aduicta  
 olei pars tertia. Alius quoq; ducta sæpe superiores partes resoluit.  
 si uero etiam uehementius dolor creuit: adnouendæ cernicis us cu-  
 curbitulæ sunt sic, ut cutis incidatur: eadem aut framentis, aut



sinapi adurendæ. Vbi leuatus est dolor, moueriq; ceruix cœpit, scire licet cedere remedijs morbum. Sed diu uitandus abus, quisquis mandendus est. Sorbitionibus utendum: itemq; ouis sorbilibus: aut à pullis mollibus ius aliquod assumendum. id si bene processerit: iamq; ex toto recte se habere ceruices uidebuntur: incipiendum erit à pulticula, uel intrita bene madida. Celerius tamen etiā panis mandendus, quàm uinum gustandum. si quidem huius usus præcipue periculosus: ideoq; in longum tempus differendus est.

De faucium morbis, ac curationibus: Et primum de angina, deinde de difficultate spirandi: ultimo de tussi. Caput. IIII.

**I**n hoc autem morbi genus circa totam ceruicem, sic alterū  
 u aequè pestiferum, acutumq; in faucibus esse consuevit: nostri anginam uocant. apud græcos nomen prout species est. Interdū enim neq; rubor, neq; tumor ullus apparet: sed corpus aridum est: uix spiritus trahitur: membra soluantur. id ουράχην uocant. Interdum lingua, faucesq; cum rubore intumescunt: uox nihil significat. oculi uertuntur. facies pallet. singultusq; ē: id ουράχην uocatur. Illa communia sunt, æger non cibum deuorare: nō potionem potest: spiritus eius includitur. Lenius est ubi tumor tantummodo et rubor est: cætera non sequuntur: id πρᾶσονράχην appellant. Quicquid est, si uires patiuntur, sanguis mittendus est. si non abundat: secundum est ducere aluum. Cucurbitula quoq; recte sub mento, et circa fauces admouetur: ut id quod strangulat, euocet. Opus est deinde fomentis humidis. nam sicca spiritum elidunt. Ergo admouere spongas oportet: quæ melius in calidum oleum: quàm in calidam aquam subinde demittuntur. Efficacissimusq; est hic quoq; salis calidi succus. Tum commodum est hyssopum, uel nepeta, uel thymum, uel absinthiū, uel etiam fursures, aut ficus aridas, aut mulsam aquam decoquere: eaq; gargarizare. post hæc palatum ungere uel felle taurino, uel eo medicamento, quod ex moris est. polline etiam piperis id recte respergitur. Si per hæc parum proficitur, ultimum est incidere satis altis plagis sub ipsis maxillis supra collum, et in pallato citra unam uel eas uenas, quæ sub lingua sunt: ut per ea uulnera morbus erumpat. quibus si non fuerit æger adiutus: scire licet malo uictum esse. Si uero his morbus leuatus est: iamq; fauces, et cibum, et spiritum capiunt: facilis ad bonā ualetudinē recursus est. Atq; interdum natura quoq; adiuvat: si ex angustiore sede uitium transit in latiore. Itaq; rubore, et tumore in præcordijs orto, scire licet fauces liberari.

Quicquid



Quicquid autem eas leuabit, incipiendum est ab humidis, maximeq; aqua mulsa decocta: deinde assumendi molles, et nō acres cibi sunt: donec fauces ad pristinū habitum reuertantur. Vulgo audio si quis pulum hirundinis ederet: angina toto anno non periclitari. seruatumq; eum ex sale cum is morbus urget: comburi, carbonemq; eius contritū in aquam mulsam: quæ potui datur: infricari, & prodesse. Id cum idoneos authores ex populo habeat: neq; habere quicquam periculi possit, quanuis in monumentis medicorum non legerim: tamen inferendum huic operi meo credidi.

### De difficultate spirandi.

St etiā circa fauces malum, quod apud græcos aliud, atq; aliud nomen habet: prout se intendit. Omne in difficultate spirandi cōsistit. Sed hæc dum modica est, neq; ex toto strangulat: *ἀσπνοια* appellatur. Cum uehementior est, ut spirare æger sine sono, et anelatione non possit, *ἀσπμα*. Cū accessit id quoq; ne nisi recta ceruice spiritus trahatur, *ὀρθόπνοια*. Ex quibus id, quod primum est, potest diutius trahi. Duo in se quentia acuta esse consuerunt. His communia sunt, quod propter angustias, per quas spiritus euadit: sibilum elidit: dolor in pectore, præcordijsq; est: interdum etiam scapulis: isq; modo decedit: modo reuertitur. ad hæc tussicula accedit. Auxilium est, nisi aliquid prohibet: in sanguinis detractio. Neq; id satis est: sed lacte quoq; ueter soluendus est. Liquanda aluus: interdum etiā ducenda. quibus extenuatum corpus incipit spiritum trahere commodius. Caput autem et in lecto sublime habendum est. thorax fomentis, cataplasmatissq; calidis, aut siccis, aut etiam humidis adiuuandus est: et postea uel malagma super imponendū: uel certe ceratum ex cyprino, uel irino unguento. sumenda deinde ieiuno potui mulsa aqua: cum qua uel hyssopus cocta, uel contrita capparidis radix sit. Datur et utiliter aut nitrum, aut nasturciū, frictum alliū, deinde contritū, & cum melle mixtum: simulq; coquatur mel, galbanū, resina terebinthina: & ubi coierunt ex his quod fabæ magnitudinē habet, cottidie sub lingua liquatur. aut sulphuris ignem nō experti, pondo et quadrans abrotani pondo in uini cyatho teruntur: idq; tepesactum sorbetur. Est et non uana opinio uulpinū iecur, ubi sicum et aridum factum est: contundi oportere: polentamq; ex eo potioni aspergi: uel eiusdem pulmonē quā recentissimum assum, sed sine ferro coctum, edendū esse. Præter hæc sorbitionibus, & lenibus cibis utendū est. interdum uirgo tenui austero: nonnunquā uomitu. Prosumt et quæcunq;



urinam augent. sed nihil magis quam ambulatio lenta penè usq; ad lassitudinem, frictio multa præcipue inferiorum partium uel in sole, uel ad ignem, & per se ipsum, & per alios usq; ad sudorem. In interiore uero faucium parte interdum exulceratio esse consuevit. In hac pleriq; extrinsecus cataplasmatibus calidis, fomentisq; humidis utuntur. Volunt etiam uaporem calidum ore recipi: per quæ molliores alij partes eas fieri dicunt: oportuioresq; uitio iam hærenti. Sed si bene sic uitari morbus potest: tanta illa præsidia. si metus eius est, superuacua sunt. Vtiq; autem perfricare fauces periculosum est. exulcerat enim. neq; utilia sunt quæ urinæ mouendæ sunt apta: quia possunt, dum transeunt, ibi quoq; pituitam extenuare: quam suppressi melius est. Asclepiades multarum rerum, quas ipsi quoq; secuti sumus: author bonus, acetum ait quàm acerrimum esse sorbendum. Hoc enim sine ulla noxa comprimit ulcera sed id suppressere sanguinem potest: ulcera ipsa sanare non potest. Melius huic rei licitum est: quod idem quoq; æque probat, uel porri, uel marrubij suavis, uel nuxes græcæ cum trachanto contritæ, & cum passo mixtæ, uel lini semen contritum, & cum dulci uino mixtum. exercitatio quoq; ambulandi, currendiq; necessaria est. Frictio à pectore uehemens toti inferiori parti adhibenda. Cibi uero esse debent neq; nimium acres, neq; asperi: mel, lenticula, tragum, lac, ptisana, pinguis quoq; caro, præcipueq; porrum, et quicquid cum hoc mixtum est. Potionis quàm minimum esse conuenit. A qua dari potest, uel pura, uel in qua malum cydoneum, palmulæ uel decoctæ sunt. Gargarizationes quoq; lenes. sin hæ parum proficiunt, reprimentes utiles sunt. Hoc genus neq; acutum est: & potest esse non longum. curationem tamen maturam, ne uehementer, & diu lædat: desiderat.

## De tussi.

Vssis uero ferè propter faucium exulcerationem molestus est: quæ multis modis contrahitur. Itaq; illis restitutis ipsa finitur. Solet tamen interdum per se quoq; male habere: & uix cum uetus facta est, eliditur. ac modo arida est: modo pituitam citat. Oportet hyssopum altero quoq; die bibere. spiritum retento currere: sed minime in puluere, ac lectione uti uehementi. quæ primo impeditur à tussi, post eam uincit. tum ambulare: deinde per manus quoq; exerceri: & pectus diu perfricare. Post hæc quàm pinguius ficus uncias tres supra prunas incoctas esse. Præter hæc si humida est, prosunt frictiones ualidæ cum quibusdam calefacientibus sic, ut caput quoq; sicutum uehementer perfricetur. Item cu-



curbitulae pectori admotae. sinapi ex parte exteriori faucibus impositum: donec leuiter exulceret. potio ex menta, nucibusq; graecis, & amylo: primoq; assumptus panis aridus: deinde aliquis cibus lenis. At si siat tussis est, cum ea uehementissime urget: adiunat uini austeri cyathus assumptus: dum ne amplius id interposito tempore aliquo, quam ter, aut quater fiat. Item laseris quam optimi paulum deuorare opus est: porri, uel marrubij succum assumere: scylla delingere: acetum ex ea uel certe acre sorbere: aut cum spica allij contriti duos uini cyathos. Vtilis etiam in omni tussi est peregrinatio, nauigatio longa, loca maritima, natationes. Cibus interdum mollis, ut malua, ut urtica. interdum acer, ut lac cum allio coctum. sorbitiones quibus laser sit adiectum: aut in quibus porrum incoctum tabuerit: ouum sorbile sulphure adiecto: potui primum aqua calida, deinde inuicem alijs diebus haec, alijs uinum. Magis terreri potest aliquis cum sanguine expuit. sed id modo minus, modo plus periculi habet. Exit enim modo ex ginguis, modo ex ore. & quidem ex hoc interdum etiam copiose, sed sine tussi, sine ulcere sine ginginarum ullo uitio: ita ut nihil excreetur. Verum ut ex naribus, sic ex ore aliquando prorumpit. Atq; interdum sanguis profluit: interdum simile aquae quiddam, in qua caro recens lota est. Nonnunquam autem is a summis faucibus fertur: modo exulcerata ea pte, modo non exulcerata: sed aut ore uenae alicuius ad aperto, aut tuberculis quibusdam natis ex his sanguine erumpente. quod ubi incidit, neq; laedit potio aut cibus: neq; quicquam aut ex ulcere excreatur. aliquando gutture, & arterijs exulceratis, frequens tussis sanguinem quoq; extundit. Interdum etiam fieri solet, ut aut ex pulmone, aut ex pectore, aut ex latere, aut ex iocinere feratur. Saepae foeminae quibus sanguis per menstrua non respondet: hunc expuunt: authoresq; medici fuerunt, uel excisa parte aliqua sanguinem exire: uel rupta, uel ore alicuius uene patefacto. Primam διαβρωσιν, secundam ἰπνυμόχασμον, tertiam ἀνασώμωσιν appellant. ultima minime nocet. prima grauissime. Ac saepe quidem euenit, uti sanguinem pus sequatur. interdum autem qui sanguinem ipsum suppressit, satis ad ualitudinem profuit. Sed si secuta ulcera sunt: si pus, si tussis est, pro ut sedes ipsa est: ita uaria, et periculosa genera morborum sunt. Si uero sanguis tantum fluit: expeditius, & remedium, & finis est. Neq; ignorari oportet eis, quibus fluere sanguis solet, aut quibus spina dolet, coxae uel, aut post cursum uehementem, uel ambulationem: dum febris absit: non esse inutile sanguinis mediocre profluuium. idq; per urinam redditum ipsam quoq; lassitudinem soluere. Ac ne in eo quidem terribile esse, qui ex superiore loco decedit. si tamen in eius urina nihil nouabit. Neq;



## LIBER

uomitum huius afferre periculum etiā cum repetit, si ante confir-  
 re & implere corpus licuit: & ex toto nullū nocere: qui in corpore  
 robusto neq; nimius est: neq; tussim, aut calorem mouet. Hæc pertinent  
 ad uniuersum. Nunc ad ea loca, quæ proposui, ueniam. Si ex gingiuis  
 exit, portulacam manducasse satis est. si ex ore, continuisse eo merum  
 uinum. si parum id proficit, acetum. si inter hæc quoq; grauius erum-  
 pit, quia consumere hominem potest: commodissimum est: impetum eius  
 admota occipitio cucurbitula sic, ut cutis quoq; incidatur: auertere. Si  
 id mulieri cui menstrua non feruntur, euenit: eandem cucurbitulam  
 incisis inguinibus eius admo- uere. At si ex faucibus, interioribusue  
 partibus processit, & metus maior est: et cura maior adhibenda. san-  
 guis mittendus est: & si nihilominus ex ore processit, iterum, tertioq;  
 & cotidie paulum aliquid: protinus autem debet sorbere uel acetum,  
 uel etiam cum thure plantaginis, aut porri sucum. imponendaq; ex-  
 trinsecus supra id quod dolet, lana succida ex aceto est: & id spongia  
 subinde refrigerandum. Erasistratus horum crura quoq; et femora,  
 brachiaq; pluribus locis deligabat. Id Asclepiades adeo nō prodesse,  
 ut etiam inimicum esset: proposuit. Sed id sæpe commode respondere  
 experimenta testantur. Neq; tamen pluribus locis deligari necesse est.  
 sed sat est infra inguina, & super talos, summosq; humeros, etiam  
 brachia. Tum si febris urget, danda est sorbitio et potui aqua: in qua  
 aliquid ex his, quæ aluum astringunt: decoctum sit. at si abest febris,  
 uel elota alia, uel panis ex aqua frigida, & mole quoq; ouum dari  
 potest potui: uel idem quod supra scriptum est: uel uinum dulce, uel  
 aqua frigida: sed sic bibendum erit, ut sciamus huic morbo sitim pro-  
 desse. præter hæc necessaria sunt quies, securitas, silentium. Caput hu-  
 ius quoq; cubātis sublime esse debet: recteq; tondetur. Facies sæpe aqua  
 frigida fouenda est. At inimica sunt uinum, balneum, uenus. in cibo  
 oleum, acris omnia. item calida fomenta. conclaue calidum, & inclu-  
 sum. multa uestimenta corpori iniecta. etiam fricationes ubi bene etiā  
 sanguis conquieuit. Tum uero incipiendum est à brachijs, cruribusq;  
 à thorace abstinendum. In hoc casu per hyemem locis maritimis, per  
 æstatem mediterraneis opus est.

### De stomachi morbis, & curationibus. Caput. V.

f Aucibus subest stomachus: in quo plura longa uitia inci-  
 dere consuerunt. Nam modo ingens calor, modo inflatio  
 hunc, modo inflammatio, modo exulceratio afficit. Inter-  
 dum pituita, interdum bilis oritur. frequentissimumq;  
 est eius



est eius malum quo resoluitur: neq; ulla re magis aut afficitur: aut corpus afficit. Vt diuersa autem uitia eius, sic etiā remedia sunt. Vbi ex-  
 aestuat, aceto cū rosa extrinsecus subinde fouendus est. imponendūq;  
 puluis cum oleo, & ea cataplasmata, quæ simul & reprimunt: &  
 molliunt. Potui, nisi quid obstat: gelida aqua præstanda. Si inflatio est,  
 prosunt admotæ cucurbitulæ: neq; incidere cutem necesse est. prosunt  
 si ca, & calida fomenta, sed non uehementissima. Interponenda absti-  
 nentia est. Vtilis in ieiuno potio est absinthij, aut hyssopi, aut rutæ.  
 Exercitatio primo lenis, deinde maior adhibenda est: maximeq; quæ  
 superiores partes moueat. quod genus in omnibus stomachi uitijs  
 aptissimum est. Post exercitationem opus est unctione, frictione: balneo  
 quoq; nonnunquam, sed rarius: interdumalui ductione. Cibis deinde  
 calidis, neq; inflatibus. eodemq; modo calidis potionibus: primo aquæ:  
 post ubi resedit inflatio: uini austeri. Illud quoq; in omnibus stomachi  
 uitijs præcipiendum est, ut quo modo se quisq; aeger refecerit: eo ut sa-  
 nus utatur. Nam redit huic imbecillitas sua: nisi hisdem defendatur  
 bona ualeitudo, qbus reddita est. At si inflatio aliqua est: quā ferè  
 tumor, & dolor sequitur: prima sunt quies, & abstinentia. lana sul-  
 phurata circumdata: in ieiuno absinthium. Si ardor stomachum ur-  
 get, aceto cum rosa subinde fouendus est: deinde cibis quidem utendū  
 est modicis. Imponenda uero extrinsecus quæ simul & reprimunt: et  
 molliunt. deinde his detractis utendum calidis ex farina cataplasma-  
 tis: quæ reliquas digerant. Interdum aluus ducenda. Adhibenda exer-  
 citatio, & cibus plenior. At si exulceratio stomachum infestat, eadem  
 ferè faciendæ sunt, quæ in faucibus exulceratis præcepta sunt. Exer-  
 citatio, frictio inferiorum partium adhibenda. Adhibendi leues, &  
 glutinosi cibi, sed citra sacietatem. Omnia acria, atq; acida remouen-  
 da. Vino, si febris nō est, dulci: aut si id inflat, certe leni utendum, sed  
 neq; præfrigido, neq; nimis calido. Si uero pituita stomachus impletur:  
 necessarius modo in ieiunio, modo post cibum uomitus est. Vtilis exer-  
 citatio, gestatio, nauigatio, frictio. Nihil edendum, bibendumq; nisi cali-  
 dum: uitatis tantum his, quæ pituitam contrahere consueverunt. Mole-  
 stus est: si stomachus bile uitiosus est. Solent autem hi qui sic tentan-  
 tur: interpositis quibusdam diebus hanc, & quidem quod pessimum  
 est, atram mouere. His recte aluus ducitur. potiones absinthio dan-  
 tur. necessaria gestatio nauigatio est, si fieri potest ex nausea uomitus.  
 uitanda cruditas. sumendi cibi faciles, & stomacho non alieni. uini  
 austerum. Vulgatissimum uero, pessimumq; stomachi uitium est resolu-  
 tio: id est cum cibi non tenax est: soletq; desinere ali. corpus: ac sic tabe  
 consumi. Huic generi inutilissimum balneum est. Lectiones exercita-



nionesq; superioris partis necessariae. Item unctiones, frictionesq; his perfundi frigida, atq; in eadem natura: analibus eiusdem subijcere etiam stomachum ipsum, et magis etiam à scapulis, id quod contra stomachum est. Consistere in frigidis, medijs capitisq; fontibus quales cutiliarum, symbruinarumq; sunt: salutare est. Cibi quoq; assumendi sunt frigidi: qui potius difficulter coquuntur: quam facile uitiuntur. Ergo pleriq; qui nihil aliud concoquere possunt: bubulam coquunt. Ex quo colligi potest, neq; auem, neq; uenationem, neq; piscem dari debere: nisi generis durioris. Potui quidem aptissimum est uinum frigidum, uel certe bene calidum meracum: potissimum rhetoricum, uel allobrogicum: aliud uero, quod et austerum, et resina conditum est. si id non est: quam asperum, maximeq; signinum. Si cibus non continetur, danda aqua: et eliciendus plenior uomitus est: iterumq; dandus cibus, et tum ad mouendam duobus intra stomachum digitis cucurbitula: ibiq; duabus, aut tribus horis continendae sunt. Si simul et uomitus, et dolor est, imponenda supra stomachum est lana succida, uel spongia ex aceto, uel cataplasma, quod refrigeret. Perfricanda uero non diu, sed uehementer brachia, et crura: et calefacienda. Si plus doloris est, infra praecordia quatuor digitis cucurbitula utendum est: protinus dandus panis ex posca frigida. Si non continuit: post uomitum lene aliquid ex his, quae non aliena stomacho sint. Si ne id quidem tenuit: singuli cyathi uini, singulis interpositis horis, donec stomachus consistat. Valens etiam medicamentum est radiculae succus, ualencius acidi punici mali compari modo succi, qui ex dulci punico malo est: adiecto etiam intubi succo, et menta: sed huius minima parte: quibus tantundem quantum in his omnibus est aquae frigidae, quam optime miscetur. Id enim plus quam uinum ad comprimendum stomachum potest. Supprimendus autem uomitus est, qui per se uenit sic, si nausea est. Sed si coacuit intus, cibus aut computruit: quorum utrumlibet ructus ostendit: eiciendus est: protinusq; cibus assumptis hisdem, quos proxime posui: stomachus restituendus. Vbi sublatus est praesens metus, ad ea redeundum est: quae supra praeccepta sunt.

## De laterum doloribus. Caput. VI.

Stomachus lateribus cingitur: atq; in his quoq; uehementiores dolores esse consuerunt. et initium uel ex frigore, uel ex ictu, uel ex nimio cursu, uel ex morbo est. Sed interdum ne malum intra dolorem est. isq; modo tarde, modo celeriter soluitur. interdum ad pernitiem quoq; procedit. oriturq; ac-



tus morbus, qui  $\pi\alpha\pi\iota\tau\iota\kappa\acute{o}\varsigma$  à græcis nominatur. Huic dolori lateris febris, & tussis accedit. & per hanc excreatur: si tolerabilis morbus est: pituita si grauis sanguis. Interdum etiam si tussis est: quæ nihil emollitur. idq; primo uitio grauius: secundo tolerabilius est. Remediū uero est magnū, & recentis doloris sanguis missus. At siue lenior, siue uetustior casus est: uel supernacuum, uel serum id auxilium est. confugiendūq; ad cucurbitulas est, ante summa cute incisa. Recte ēt sinapi ex aceto super pectus imponitur: donec ulcera, pustulasq; excitet: & tum medicamentum, quod humorem illuc citet. Præter hæc circumdare primum oportet latus absolanæ sulphuratæ. deinde cum paulum inflammatio se remisit: sicis, & calidis fomentis uti. Ab his transitus ad malagmata est. Si uetustior dolor remanet: nouissime resina imposita discutitur. Utendum cibis, potionibusq; calidis. uitandum frigus. Inter hæc tamen non alienum & extremas partes oleo, & sulphure perfriatæ. Si leuata tussis est: leni lectione uti. iamq; & acres cibos, & uinum meracius assumere. quæ à medicis præcipiuntur: ut tamen sine his rusticos nostros epota ex aqua herba trixago satis adiuuet. Hæc in omni lateris dolore communia sunt. plus negocij est, si acutus quoq; morbus is factus est. In hoc præter ea quæ supra posita sunt, hæc animaduertenda sunt, ut cibus sit quàm maxime tenuis, & lenis, præcipueq; sorbitio: eaq; ex ptisana potissimum, aut ius in quo porrus cum pullo gallinaceo coctus sit. Idq; non nisi tertio quoq; die detur: si tamen per uires licebit. potui uero aquam m'isa, in qua hyssopum, aut ruta decocta sit. quæ quibus temporibus danda sint: ex ratione uel adiectæ, uel leuatæ febris apparebit sic, ut in remissione quàm maxima dent: cum eo tamen, ut sciamus non esse eius generis tussi aridas fauces committendas. sæpe enim ubi nihil est quod excreatur: continuatur, & strangulat. Ob quam causam dixi etiam peius id genus esse tussis: quod nihil, quàm quod pituitam moueret. Sed hic uinum sorbere, ut supra præcepimus: morbus ipse non patitur. inuicem eius cremor ptisanæ sumendus est. Ut his autem in ipso morbi feruore sustinendus æger est: sic ubi paulum is se remisit: alimenta pleniora, & uini quoq; aliquid dari potest. dum nihil detur, quod aut refrigeret corpus, aut fauces asperet. Si in refectione quoq; manserit tussis, intermittere oportebit uno die: posteroq; cum cibo uini paulo plus assumere. atq; incipiente quoq; tussi tum non erit alienum, ut supra quoq; positum est: uini cyathos sorbere. sed in hoc genere ualitudinis dulce, uel certe lene commodius est. Si malum inueterauit, athletico uictu corpus firmandum est.



LIBER.

De uiscerum morbis: & primo de pulmone, deinde de iocinere, tum de liene, postremo de renibus. Caput. VII.

Compagne uero corporis ad uiscera transeundū est: & in primis ad pulmonem ueniendum: ex quo uehemens & acutus morbus oritur, quem περιπνοῦ μοῖνον græci uocant. eius hæc conditio est. Pulmo totus afficitur. hunc eius casum subsequitur tussis: bilem, uel pus trahens: præcordiorū, totiusq; pectoris grauitas: spiritus difficultas, magnæ febres, continua uigilia, cibi fastidium, tabes. Id genus morbi plus periculi, quàm doloris habet. Oportet si satis ualidæ uires sunt, sanguinem mittere: si minores, cucurbitulas sine ferro præcordijs admoñere. Tum si satis ualet, gestando ægrum digerere: si parum, intra domum tamen dimouere. Potionem autem hyssopi dare, cui ficus arida sit decocta: aut aquam mulsam, in qua uel hyssopum, uel ruta decocta sit. Frictione uti diutissime in scapulis: proxime ab his in brachijs, & pedibus, & cruribus, leuiter contra pulmonem. idq; bis cotidie facere. Quod ad cibum uero pertinet: huic nec salsis opus est, neq; acris, neq; amaris, neq; aluum astringentibus: sed paulo lenioribus. Ergo primis diebus danda est sorbitio ptisanæ, uel alicæ, uel orizæ: cum qua recens adeps cocta sit. Cū hac sorbile ouum, nuclei pinei ex melle. panis, uel elota alicæ ex aqua mulsa. potui deinde non solum pura aqua, sed etiam mulsa egelida, aut si æstas est, etiam frigida: nisi quid obstat. hæc autem altero quoq; die incrementē morbo dare satis est. Vbi incremento consistit quantum res patitur, ab omnibus abstinendum est: præterquam aqua egelida. Si uires desunt, adiuuandæ sunt aqua mulsa. profuntq; aduersus dolores imposita calida fomenta, uel ea quæ simul & reprimunt, & emolliunt. Prodest impositus super pectus sal bene contritus, cum cerato mixtus, quia leuiter cutem erodit: eoq; impetum materiæ, quo pulmo uexatur: euocat. Vtile etiam aliquod malagma est ex his, quæ materiam trahunt. Neq; alienum est dum premit morbus, clausis fenestris ægrum continere. Vbi paulum lenatus est, ter, aut quater die fenestris aliquanto apertis paruum aërem recipere. Deinde in refectioe pluribus diebus à uino abstinere. gestatione, frictione uti. sorbitionibus, & prioribus cibis adijcere ex oleribus porrum, ex carne ungulas, & summa trunculorum, atq; pisciculos sic, ut diu nihil molle, & lene sumatur.



De iocineris morbo, & curatione. Caput. VIII.

**A**lterius quoque uisceris morbus idest iocineris æque modo longus, modo acutus esse consuevit: ἡπατιδὸν græci uocāt. Dextra parte sub præcordijs uehemens dolor est. idemque ad latus dextrum, & ad iugulum, humerumque partis eiusdem peruenit. nonnunquam manus quoque dextra torquetur. horror calidus est. Vbi male est, bilis euomitur. interdum singultus propè strangulat. & hæc quidem acuti morbi sunt. Longioris uero ubi suppuratio in iocinere est: dolorque modo finitur: modo intenditur: dextra parte præcordia dura sunt: & tument. post cibum maior difficultas est. accedit maxillarum quædam resolutio. ubi inueterauit malum, uenter et crura, pedesque intumescunt: pectus, atque humeri, circaque iugulum utrumque extenuatur. Initio sanguinem mittere optimum est. tum uenter soluendus est: si non potest aliter, per nigrum ueratrum imponenda extrinsecus cataplasmata, primum quæ reprimant: deinde calida, quæ deducant. quibus recte iris, uel absinthium adiicitur: post hæc malagma. Dandæ uero sorbitiones sunt: omnesque cibi, & calidi, & qui non multum alant: & ferè qui pulmonis quoque dolori conueniunt: præterque eos, qui urinam mouent: potionisque ad id efficaces. Vtilia in hoc morbo sunt thymum, satireia, hyssopum, nepeta, amyllum, sisamum, lauri bacca, pini flos, herba sanguinalis, menta, ex malo cotoneo medium, columbæ iecur recens, & crudum. Ex quibus quædam per se esse, quædam adijcere uel sorbitioni, uel potioni licet: sic tamen ut parce assumantur. Neque alienum est absinthium contritum ex melle, et pipere: eiusque catapotium cotidie deuorare. abstinendum utique est ab omnibus frigidis: neque enim res ulla magis iecur lædit. Frictionibus utendum in extremis partibus. uitandus omnis labor: omnis uehementior motus. ne spiritus quidem diutius continendus est. Ira, trepidatio, pondus, ictus, cursus inimici sunt. Perfusio corporis multa prodest ex aqua: si hyems est, calida: si æstas, tepida. Item liberalis unctio: & in balneo sudor. Si uero iecur uomica laborat, eadem facienda sunt, quæ in cæteris interioribus suppurationibus. Quidam etiam contra id scalpello aperiunt: ipsam uomicam adurunt.

De lienis morbo, & curatione. Caput. IX.

**A**lien is ubi affectus est, intumescit: simulque cum eo pars sinistra, eaque dura est: & prementi renititur: uenter intentus est: aliquis etiam cruribus tumor est. Vlcera aut omnino nō



## LIBER

sanesunt: aut certe cicatricem uix recipiunt. In intenta ambulatione, cursuq; dolor, & quædam difficultas est. hoc uitium quies auget. Itaq; exercitatione, & labore opus est: habita tamen ratione ne febre mixta si nimium processerit, excitetur. Vnctiones, frictionesq; & sudores necessarij sunt. Dulcia omnia inimica sunt. item lac, & caseus. A cida autem maxime conueniunt. Ergo acetum acre per se sorbere, & magis etiam quod scylla conditum est: expedit. Edenda sunt salsamenta, uel oleæ ex muria dura: tinctæ in aceto lacticæ, intubiq; & betæ ex eodem. ex sinapi asparagus, armoracia, pastinaca, ungula, rostra, aues macræ, eiusdem generis uenatio. Potui uero ieiuno dari debet absinthium incoctum. at post cibum aqua à ferrario fabro: in qua candens ferrum subinde tinctum sit. Hæc enim uel præcipue lienem cohercet: quod animaduersum est in his animalibus: quæ apud hos fabros educata, exiguos lienes habent. potest etiam dari uinum tenue, austerrum: omniaq; in cibis, & potionibus, quæ urinæ mouendæ sunt: præcipueq; ad id ualet uel trifolij semem, uel cuminum, uel apium, uel serpillum, uel atisus, uel portulaca, uel nepeta, uel thynnum, uel hyssopum, uel satireia. hæc enim inde commodissime uidentur humorem deducere. Lienis quoq; bubulus utiliter esui datur: præcipueq; cruce, & nasturcium lienem extenuant. Imponenda quoq; extrinsecus sunt quæ leuent. Fit ex unguento, & palmulis, quod *μυροβάλλων* græci uocant. Fit ex lini, & nasturcij semine, quo uinum, & oleum adijcitur. fit ex cupresso uiride, & arida ficu. fit ex sinapi, cui seui hirquini à renibus quarta pars ponderis adijcitur: teriturq; in sale, & protinus imponitur. Multisq; modis huic rei capparari aptum est. Nam & ipsum cum cibo assumere, & muriam eius cum aceto sorbere, commodum est. Quin et extrinsecus radicem contritam, uel corticem eius cum furfuribus, aut ipsum capparari cum melle contritum imponere expedit. Malagmata quoq; huic rei aptantur.

### De renum morbis, & curationibus. Caput. X.

**T**renes ubi affecti sunt: diu male habent. Peius est si frequens biliosus uomitus accedit. Oportet conquiescere: cubare molliter: soluere aluum. si aliter non respondet, etiam ducere. Sæpe desiderare in aqua calida: neq; cibum, neq; potionem frigidam assumere. abstinere ab omnibus salsis, acris, acidis pomis: bibere liberaliter: adijcere modo cibo, modo potioni piper, porrum, ferulā, album papauer: quæ maxime inde urinam mouere consuerunt. Auxilio quoq; his exulceratis sunt, si adhuc ulcera purganda



sunt: cucumeris semina detractis corticibus sexaginta, nuclei ex pinis siluestri duodecim, anesi quod tribus digitis sumi possit: croci paulū, cōtrita et in duas mulsi portiones diuisa. si uero dolor tantū leuādus est: eiusdē cucumeris semina triginta, ijdē nuclei uiginti, nuges græce quīq;, croci paululū, contrita, et cū lacte potui data. At sup quoq; recte quædā malagmata inijciuntur: maximeq; ea quæ humori extrahendo sunt.

De intestinorum morbis, & primo de cholera. Caput. XI.

Visceribus ad intestina ueniēdum est: quæ sunt et acutis, & longis morbis obnoxia. Primo æque facienda mentio est cholerae: quia cōe id stomachi, atq; intestinorum uitium uideri potest. Nam simul & deiectio, & uomitus est: præterq; hæc inflatio est: intestina torquentur: bilis supra, infraq; erumpit: primum aquæ similis: deinde ut in ea recens atro lota esse uideatur: interdum alba: nonnunquam nigra, uel uaria. Ergo eo nomine morbi hunc χόλεραν græci nominarunt. præter ea uero, quæ supra cōprehensa sunt: sæpe et crura, manusq; contrahuntur: urget sitis: anima deficiat. quibus concurrentibus non mirū est, si subito quis moritur. neq; tamen ulli morbo minori momento succurritur. Protinus ergo ubi ista cœperunt: aquæ tepidæ quàm plurimum bibere oportet: et uomere. Vix unquam sine uomitu sequitur. sed et si non incidit: misuisse tamē nouam materiā corruptæ prodest: parsq; sanitatis est uomitum esse suppressum. si id incidit: protinus ab omni portione abstinendum est. si uero tormina sunt: oportet frigidis, & humidis fomentis stomachum fouere: uel si uenter dolet: hisdem egelidis sic, ut uenter ipse mediocriter calentibus inuetur. Quod si uehementer et uomitus, & deiectio, et sitis uexant: & adhuc subcruda sunt, quæ uomuntur: nondū uino maturum tempus est. Aqua, neq; ea ipsa frigida, sed potius egelida danda est. admouendumq; naribus est puleiū ex aceto: uel polenta uino aspersa: uel menta secundū naturam est. At cū discussa cruditas est: tum magis uerendū est, ne anima deficiat. Ergo tum confugiendum est ad uinū. id esse oportet tenue, odoratū, cū aqua frigida mixtum: uel polenta adiecta, uel melle quoq; assumere expedit: quotiensq; aliquid aut stomachus, aut uenter effudit: totiens p hæc uires restituere. Erasistratus primo tribus uini guttis, aut quinīs aspergendam portio nem esse dixit: deinde paulatim merū adijciendū. Is si et ab initio uinū dedit: et metū cruditatis secutus est: non sine causa fecit. Si uehementē infirmitatē adiuari posse tribus guttis putauit: errauit. At si inanis est homo et crura eius cōtrahuntur: interponēda potio absintij est.



LIBER.

Si extremæ partes corporis frigent, unguenda sunt calido oleo: cui ceræ paulum sit adiectum: calidisq; fomentis nutriendæ. Si ne sub his quidem quies facta est, extrinsecus contra uentriculum ipsam cucurbitula admouenda est: aut sinapi super imponendum. Vbi is constitit, dormire oportet. postero die utiq; à potione abstinere. die tertio in balneum ire. paulatim se cibo reficere: somno: quisquis facile acquiescit. itemq; lassitudine, & frigore. Si post suppressam choleram febricula manet, aluum duci necessarium est. tum abis, uinoq; utendum est. sed hic quidem morbus & acutus est: & inter intestina, stomachumq; uersatur sic, ut cuius potissimum partis sit: non facile dici possit.

De cœliaco uentriculi morbo. Caput. XII.

i N ipsius uero uentriculi porta consistit is, qui & longus esse consuevit: νοινικιανός à græcis nominatur. Sub hoc uenter indurescit: dolorq; eius est. Aluus nihil reddit: ac ne spiritum quidem transmittit. extremæ partes frigescent. difficulter spiritus redditur. Commodissimum est inter initia calida cataplasmata toto uentri imponere, ut dolorem leniant. post aluum uomere: atq; ita uentrem exinanire. Proximis deinde diebus cucurbitulas sine ferro uentri, et coxis admouere. Ventrem ipsum liquare dato lacte, & uino salso, frigido. Si tempus anni patitur, etiam uiridibus ficis: sic tamen ne quis aut cibus, aut humor uniuersus detur: sed paulatim. Ergo per interualla temporis sat est cyathos binos, ternosue sumere: et cibum pro portione huius. commodeq; facit cyathos lactis, cyathus aquæ mixtus, et sic datus. Cibiq; inflantes, & acres utiliores sunt: adeo ut lacti quoq; recte contritum allium adiciatur. Procedente uero tempore opus est gestari: maximq; nauigare: perfricari ter, aut quater die sic, ut nitrum oleo misceatur: perfundi aqua calida post cibum: deinde sinapi imponere per omnia membra excepto capite, donec arrodatur: & rubeat: maximq; si corpus durum, & uirile est. paulatim deinde faciendus est transitus ad ea, quæ uentrem comprimunt. Assa caro danda, ualens, & quæ non facile corrumpatur. potui uero pluuiæ aqua decocta: sed quæ per binos, ternosue cyathos bibatur. Si uetus uitium est, oportet laser quàm optimum ad piperis magnitudinem deuorare. altero quoq; die uinum, uel aquam bibere: interdum interposito cibo singulos uini cyathos sorbere: ex inferiori parte infundere pluuialem egelidam aquam: maximq; si dolor in-  
imis partibus remanet.

De tenuioris



i Nter ipsa uero intestina consistunt duo morbi: quorum al-  
 ter in tenuiore, alter in pleniore intestino est. Prior acutus  
 est. insequens esse locus potest. Diocles Carystius tenuioris  
 intestini morbum  $\chi\omicron\rho\delta\alpha\tau\omicron\nu$ , plenioris  $\epsilon\iota\lambda\epsilon\omicron\nu$  nominauit.  
 A plerisque uideo nunc illum priorem  $\epsilon\iota\lambda\epsilon\omicron\nu$ , hunc  $\kappa\omega\lambda\iota\kappa\omicron\nu$  nominari. Sed  
 prior modo supra umbilicum, modo sub umbilico dolorem mouet.  
 Fit ex alterutro loco inflammatio: nec aluus, nec spiritus infra trans-  
 mittitur. si superior pars affecta est, albus: si inferior stercus per os red-  
 ditur. si utrunlibet uetus est, adiungitur periculo uomitus biliosus mali odo-  
 ris, aut uariis, aut niger. Remedium est sanguinem mittere: uel cucur-  
 bitulas pluribus locis admoere, non ubique: ante incisa. Id enim duobus,  
 aut tribus locis satis est. Ex cæteris spiritum euocare abunde est. Tum  
 animaduertere oportet, quo loco malum sit. solet enim contra id tu-  
 mere. Et si supra umbilicum est, alui ductio utilis non est. Si infra est:  
 aluum ducere, ut Erasistrato placuit: optimum est. Et sepe id auxi-  
 lium satis est. Ducitur autem percolato ptisanæ cremore cum oleo, et  
 melle sic, ut præter ea nihil adijciatur. Si nihil tumet, duas manus im-  
 ponere oportet supra summum uentrem: paulatimque deducere. Inue-  
 niatur enim mali locus, qui necesse est, renitatur: Et ex eodem delibe-  
 rari poterit ducenda nec ne aluus sit. Illa communia sunt, calida cat-  
 aplasmata admoere: eaque imponere à mammis usque ad inguina et  
 spinam: ac sepe mutare: brachia, cruraque perfricare: demittere totum  
 hominem in calido oleo. Si dolor non quiescit, etiam in aluum ex par-  
 te inferiore tres, aut quattuor cyathos calidi olei dare. Vbi per hæc  
 consecuti sumus ut iam ex inferiore parte spiritus transmittatur: offer-  
 re potui mulsum tepidum non multum. nam ante magna cura uitan-  
 dum est, ne quid bibat. si id commodè cessit: adijcere sorbitionem. Vbi  
 dolor, et febricula quierunt: tum demum uti cibo pleniore: sed neque  
 instante, neque duro, neque ualido: ne intestina adhuc imbecilla lædan-  
 tur. potui uero nihil præterquam puram aquam. nam siue quid ui-  
 nolentum, siue acidum est: id huic morbo alienum est. Ac postea quoque  
 uitare oportet balneum, ambulationem, gestationem, cæterosque corpo-  
 ris motus. Nam facile id malum redire consuevit: Et siue cum fri-  
 gus subit: siue aliqua iactatio, nisi bene iam confirmatis intestinis, re-  
 uertitur.



## LIBER

### De morbo intestini plenioris. Caput. XIII.

**I** S autem morbus, qui in intestino plenior est: in ea maxime parte est: quam certam esse proposui. Vehemens inflatio, uehementes dolores dextra magis parte, intestinum quod uerti uidetur, propè spiritum elidit. In plerisque post frigora, cruditatesque oritur: deinde quiescit. Et per ætatem sæpe repetens sic cruciat, ut uitæ spacio nihil demat. Vbi is dolor cœpit, admo- uere si ca, et calida fomenta oportet: sed primo lenta, deinde ualidiora: simulque frictiones. ad extremas partes id est crura, brachiaque materiam reuocare. Si discussum non est: qua dolet cucurbitulas sine ferro defigere. Est etiam medicamentum eius rei causa comparatum, quod κωλικόν nominatur. id se repperisse Cassius gloriabatur. Magis prodest potui datum. sed impositum quoque extrinsecus digerendo spiritum, dolorē leuat. nisi finito uero tormento, recte neque abus, neque portio assumitur. Quo uictu sit utendum qui hoc genere tentantur: iam mihi dictum est. Confectio medicamenti, quod κωλικόν nominatur: ex his constat. Costi, anesi, castorei singulorum Pondo denariorum trium. petroselini. P. denariorum. III. piperis longi, et rotundi singulorum. P. \*. II. papaueris lachrymæ, iunci rotundi, myrræ, nardi singularium. P. VI. quæ melle excipiuntur. id autem et deuorari potest: et ex aqua calida sumi.

### De torminibus, id est dysenteria. Caput. XV.

**P**roxima his inter intestinorum mala, tormina esse consueuerunt: δυσεντερία græce uocatur. intus intestina exulcerantur. ex his cruor manat. Isque modo cum stercore aliquo semper liquido, modo cum quibusdā quasi mucosis excernitur. interdum simul quædam carnosæ descendunt. Frequens deiiciendi cupiditas, dolorque in ano est. Cum eodem dolore exiguum aliquid emittitur. atque eo quoque tormentum intenditur. idque post tempus aliquod leuatur. exiguaque requies est. somnus interpellatur. febricula oritur. longoque tempore id malum cum inueterauerit, aut tollit hominem: aut etiam si finitur, excruciat. Oportet in primis conquiescere. si quidem omnis agitatio exulcerat. deinde ieiunium sorbere uini cyathum: cui contrita radix quinq; folij sit adiecta. imponere cataplasmata super uentrem, quæ reprimunt. quod in superioribus uentris morbis non expedit. quotiensque desidit, subluere aqua calida: in qua decoctæ uerbenæ sint. portulacam uel coctam, uel ex duramuria edisse. cibos, potionisque eas, quæ astringunt alium. Si uetustior morbus est,



ex inferioribus ptibus tepidū infundere uel ptisanæ cremorē, uel lac, uel adipem liquatam, uel medullā ceruinam, uel oleum, uel cum rosa butyrum, uel cum eadē album crudum ex ouis, uel aquam: in qua lini semen decoctum sit: uel si somnus non accedit, uitellos cum aqua, in qua rosæ floris folia cocta sint. Leuant enim dolorē hęc, & mitiora ulcera efficiunt: maximēq; utilia sunt, si cibi quoq; secutiū fastidiū est. Themijon muria dura quā asperrima sic utendū mumorie prodi dit. Cibi uero esse debent, qui leuiter uentrem destringant: & ea quæ urinam mouent. si ea consecuta sunt, in aliā partem humorē auertendo prosunt. si non sunt cōsecuta, noxam augent. itaq; nisi in quibus prompte id facere consuerunt, non sunt adhibenda. Potui, si febricula est: aqua pura calida, uel ea, quæ ipsa quoq; astringat: dari debet. si non est: uinum lene austerū. si pluribus diebus nihil remedia alia in uerunt, uetusq; iam uitium est: aquæ bene frigida potio assumpta ulcera astringit: & imitiū secundæ ualetudinis facit. sed ubi uenter suppressus est, protinus ad calidam potionem reuertendum est. Solet autem interdum etiam putris sanies, pessimiq; odoris descendere. solet purus sanguis profluere. si superius uitium est, alius aqua mulsa duci debet: tunc deinde eadem infundi, quæ supra cōprehensa sunt. Valensq; est etiam aduersus ulcera intestinorum minij gleba, cum salis hemina contrita. si manus, mixta his aqua in aluum datur. Ac si sanguis profluit, cibi, potionesq; esse debent, quæ astringant.

De leuitate intestinorum. Caput. XVI.

X torminibus interdum intestinorū leuitas oritur: quæ continere nihil possunt: & quicquid assumptum est, imperfectū protinus reddunt. id interdum ægros trahit: interdum præcipitat. In hoc utiq; adhibere oportet comprimētia: quo facilius tenendi aliquid intestinis uis sit. Ergo et super pectus ponetur sinapi: exulcerataq; cute malagma, quod humorē euocet: & ex uerbenis decoctis aqua desidat: & cibos, potionesq; assumat, quæ aluum astringunt: & frigidis utetur persusionibus. Oportet tamen prospicere ne simul his omnibus admotis, uitium contrariū per immodicas inflationes oriat. Iaculatim ergo firmari intestina debebunt, aliquibus cotidie adiectis. Et cum in omni fluore uentris, tum in hoc præcipue necessarium est: non quoties libet desiderare, sed quotiens necesse est: ut hęc ipsa mora in consuetudinem ferendi oneris intestina deducat. Alterum quoq; quod æque ad omnes similes affectus ptinet, in hoc maxime seruandū est, ut cum pleraq; utilia insuauia sint, qualis est plantago, et rubi,



## LIBER

et quicquid mali corio mixtum est: ea potissimum ex his dentur, quæ maxime aeger uolet. Deinde si omnia ista fastidiet ad excitandam cibi cupiditatem, interponatur aliquid minus utile: sed magis gratum. Exercitationes, frictiones huic quoque morbo necessariae sunt: et cum his sol, ignis, balneum, uomitus ut Hippocrati uisum est: etiam albo ueratro, si cætera parum proficiunt: euocatus.

### De lumbricis aluum occupantibus. Caput. XVII.

Nonnunquam autem lumbrici quoque occupant aluum: hi quoque modo ex inferioribus partibus: modo foedius ore redduntur. Atque interdum latos eos, qui peiores sunt: interdum teretes uidemus. si lati sunt, aqua potui dari debet: in qua lupinum, aut cortex mori decoctus sit: aut cui adiectum sit contritum uel hyssopum, uel piperis acetabulum, uel scamoneæ paululum. uel etiam pridie cum multum allium ediderit: uomat. Posteroque die mali punicæ tenues radículas colligat, quantum manu comprehendet: easque contusas, in aquæ tribus sextarijs decoquat, donec tertia pars supersit. Huc adijciat nutri paulum, et ieiunus bibat. Interpositis deinde tribus horis, duas potiones sumat: aut aquæ, uel muricæ duræ sic adiectæ. tum desidat subiecta calida aqua in pelue. si uero teretes sunt, qui pueros maxime exercent: et eadem dari possunt, et quædam leniora, ut contritum semen urticæ, aut brassicæ, aut cumini cum aqua, uel menta cum eadem, uel absinthium decoctum, uel hyssopum ex aqua mulsa, uel nasturcij semen cum aceto contritum. Edisse etiam et lupinum, et allium prodest: uel in aluum oleum subter dedisse.

### De tenasmo intestinorum morbo. Caput. XVIII.

St autem aliud lenius omnibus proximis, de quibus super dictum est: quod τενεσμορ græci uocant. id neque acutis, neque longis morbis annumerari debet: cum et facile tollatur: neque unquam per se ingulet. in hoc æquæ, atque in torminibus frequens, desidendi cupiditas est: æque dolor ubi aliquid excernitur. descendunt autem pituitæ, mucusque similia: interdum etiam leniter subcruenta. sed his interponuntur nonnunquam ex cibo quoque recte coacta. desiderare oportet in aqua calida: sæpiusque ipsum manū nutrire: cui plura medicamenta idonea sunt, butyrum cum rosa, agnoscia ex aceto liquata, emplastrum id, quod τενεσμορμανορ græci uocant: rosa liquatum, alumen lana circumdatum, et ita appositum: eademque ex inferiore



ex inferiore parte indita, quæ torminum auxilia sunt, eadem uerbena decoctæ, ut inferiores partes foueantur: alternis uero diebus aqua, alternis leue, & austerum uinum bibendum est. Potio esse debet egelida, & frigida. proprior ratio uictus talis, qualem in tormina supra præcepimus.

De uentris fluxu, & curatione. Caput. XIX.

Enior etiam dum recens deiectio est, ubi & liquida aluus, & sæpius, quàm ex consuetudine fertur. atq; interdum tolerabilis dolor est: interdum grauissimus: idq; peius est. sed uno die fluere aluum sæpe pro ualetudine est, atq; etiam pluribus: dum febris absit, & intra septimum diem id conquiescat. purgatur enim corpus: & quod intus læsurum erat, utiliter effunditur. uerum spatium periculosum est. Interdum enim tormina, ac febriculas excitat: uiresq; consumit. primo die quiescere satis est: neq; impetum uentris prohibere: si per se desit, balneo uti: paulum cibi capere. si mansit, abstinere non solum à cibo, sed etiam à potione. Postero die, si nihilominus liquida aluus est, æque conquiescere: paulum astringentis cibi sumere: tertio die in balneum ire: uehementer omnia præter uentrem perfricare: ad ignem lumbos, scapulasq; admouere: cibi uti, sed uentrem contrahentibus: uino non multum meraco. Si postero quoq; die fluet, plus edisse: sed uomere etiam ex toto, donec conquiescat. Cōtra sitim, fame, uomitu niti. uix enim fieri potest ut post hanc animaduersionē aluus nō contrahatur. Alia uia est, ubi uelis suppressere: cænare: deinde uomere: postero die in lecto conquiescere. uespere ungi sed leniter. deinde panis circa selibrā ex uino amineo mero sumere. tum assū aliquid, maximeq; auem, & postea uinum idē bibere aqua pluuiali mixtum: idq; usq; quintum diē facere: iterumq; uomere. Frigidam autem assidue potionē esse debere contra priores auctores Asclepiades affirmavit, & quidem q̄ frigidissimam. Ego experimentis quenq; in se credere debere existimo calida potius, an frigida utatur. Interdum autem euenit, ut id pluribus diebus neglectū, curari difficilius possit. à uomitu oportet incipere: deinde postero die uespere tepido oleo ungi. cibū modicum assumere: uinum meracum quàm asperrium: impositā super uentrem habere cum cærato rutam. In hoc aut affectu corporis neq; ambulatione, neq; frictione opus est. uehiculo sedisse, uel magis. ēt equo prodest. neq; enim ulla res magis intestina cōfirmat. Si uero etiam medicamentis utendum est: aptissimum est id quod ex pomis fit. Vindemiæ tēpore in grande uas coniicienda sunt pira, atq;

Aurelij Cor.

h ij



# LIBER

mala siluestria. si ea non sunt, pira tarentina uiridia, uel signina, mala scandiana uel amerina, myrapia: hisq; adijcienda sunt cotonea, & cum ipsis corticibus suis punica, sorba: & quibus magis utimur etiam torminalia sic, ut haec tertiam ollae partem teneant. tum deinde ea musto implenda est: coquendumq; id donec omnia quae indita sunt, liquata in unitatem quaedam coeant. Id gustui non insuauis est: & quandoq; opus est, assumptum leuiter sine ulla stomachi noxa uentre tenet. duo, aut tria cochlearia uno die sumpsisse satis est. Alterum ualentius genus est, myrti bacas legere: ex his uinum exprimere: id decoquere ut decima pars remaneat: eiusq; cyathum sorbere. tertium quod quandoq; fieri potest, malum punicum excauare: exemptisq; omnibus seminibus, membranas quae inter ea fuerunt iterum coniungere. tum infundere cruda oua, rudiculaq; miscere: deinde malum ipsum super prunam imponere. quod dum humor intus est, non adurit. Vbi sic cum esse coepit, remouere oportet: extractumq; cochleari, quod intus est, edisse. aliquibus adiectis maius momentum habet. Itaq; etiam in piperatum coniicitur: misceturq; cum sale, & pipere. est quid ex his edendum. est pulticula etiam, cum qua paulum est fauo uetere coctum sit, & lenticula cum malicorio cocta, rubiq; cacumina in aqua decocta, & ex oleo, atq; aceto assumpta, efficacia sunt. atq; ea aqua, in qua uel palmulae, uel malum cotoneum, uel arida sorba, uel rubi decocti sunt, potata. quod genus significo, quotiens potionem dandam esse dico: quae astringat. Tritici quoq; hemina in uino amineo austero decoquitur: idq; triticum ieiuno, ac sitienti datur. superq; id, uinum id sorbetur. quod iure ualentissimis medicamentis annumerari potest. atq; etiam potui datur uinum signinum, uel resinatum austerum, uel quodlibet austerum. Cotunditurq; cum corticibus, seminibusq; suis punicum malum, uinoq; tali miscetur. idq; uel merum sorbet aliquis, uel bibit mixtum. sed medicamentis uti nisi in uehementibus malis supernacuum est.

## De uuluae morbo, & curationibus. Caput. XX.

X uulua quoq; foeminis uehemens malum nascitur: proximeq; ab stomacho uel afficitur haec: uel corpus afficit. Interdum etiam sic exanimat: ut tanquam comitiali morbo prosternat. Distat tamen hic casus, eo quod neq; oculi uertuntur: nec spumae profluunt: nec nerui distenduntur. sopor tantum est. idq; quibusdam foeminis crebro reuertens perpetuum est. ubi incidit, si satis uirium est: sanguis missus adiuvat. si parum est, cucurbitulae tamen defigendae sunt in inguinibus. Si diutius aut iacet, aut alioqui iacere consuevit: admonere oportet naribus extinctum ex lucerna linamentum, uel



aliud ex his, quæ fœdioris esse odoris retuli: quod mulierem excitet. Idemq; aquæ frigidaë perfusio effiat. adiunatq; ruta contrita cū melle, uel ex cyprino ceratum, uel quodlibet callidum, & humidum cataplasma naturalibus pubetenus impositum. Inter hæc et perfricare coxas, & poplites oportet. deinde ubi ad se redit, circūcidendum uiniū est in totum annum: et si casus idē non reuertitur. Frictione quotidie utendū totius quidem corporis: præcipuæ uero uentris, & poplitum. cibus ex media materia dandus. sinapi super imum uentrem tertio quoq; aut quarto die imponendum, donec corpus rubeat. Si durities manet, mollire cōmode uidetur solanum in lac demissum: deinde cōtritum, & cera alba, atq; medulla ceruina cum irino, aut seuum taurinum, uel caprinum cum rosa mixtum. dandum potui etiam uel castoreum est, uel gut, uel anetum. Si parum pura est, purgatur iunco quadrato. si uero uulua exulcerata est, ceratum ex rosa fiet: & recēs suilla adeps, & ex ouis albū misceatur, idq; apponatur: uel album ex ouo cum rosa mixtum, adiecto: quo facilius consistat, contritæ rosæ puluere. dolens uero ea sulphure suffumigari debet. At si purgatio nimia mulieri nocet, remedio sunt cucurbitulae cute incisa inguinibus uel etiam sub mammis admotæ. si maligna purgatio est, subiicienda sunt,

coeuntia. Id faciunt etiā

albæ oliuæ, & nigrum papauer cum melle assumptū, & gummi cū trito semine apij liquatum, & cum cyatho passi datum. Præter hæc in omnibus uesicæ doloribus idoneæ potiones sunt, quæ ex odoribus fiunt: idest spica nardi, croco, annamomo, casia, similibusq; Idemq; et decocta lentiscus præstat. si tamen intolerabilis dolor est, & sanguis profluit, etiā sanguinis detractio apta est: aut certe coxis admotæ cucurbitulae cute incisa. At cum urina super potionum modū etiam sine dolore profluēs, maciem, & periculum facit, si tenuis est, opus est exercitatione, & frictione, maximeq; in sole, uel ad ignem. Balneum rarum esse debet: neq; longa in eo mora cibus comprimens. Vinum austerrum meracum, per æstatem frigidum, per hyemem egelidum, sed tantum quantum minimum sit. Infima, aluus quoq; uel ducenda, uel lacte purganda est. Si crassa urina est, uehementior esse debet & exercitatio, & frictio: longior in balneo mora: cibus opus est teneris: uinum idē. In utroq; morbo uitanda oīa sunt, quæ urinam mouere consueuerūt.

De nimia profusione seminis ex naturalibus. Caput. XXI.

St etiā circa naturalia uitia, nimia profusio seminis. quod sine uenere, sine nocturnis imaginibus sic fertur, ut interposito spatio tabe hominē consumat. In hoc affectu salutare sunt



## LIBER

uehemētes frīctiones, perfusiones, natationesq; quā frigidissimae. neq; cibi, nec potio nisi frigida assumpta. Vitare autem oportet cruditates: omnia instantia. nihil ex his assumere, quae contrahere semen uidentur: qualia sunt, siligo, simila, oua, alica, amyllum, omnis caro glutinosa, piper, eruca, bulbi, nuclei pinei. Neq; alienum est fouere inferiores partes, aqua decocta ex uerbenis comprimētib; ex hisdem aliqua cataplasmata imo uentri, inguinibusq; circumdare: praecipueq; ex aceto rutam uitare: & ne supinus obdormiat.

### De coxarum morbis, & curationibus. Caput. XXII.

¶ Vpere est ut ad extremas partes corporis ueniam: quae articulis inter se conseruntur. initium à coxis faciam. Harū ingens dolor esse consuevit. isq; hominem saepe debilitat: & quosdā non dimittit. Eoq; id genus difficillime curatur: quod ferè post longos morbos uis pestifera huc se inclinat. quae ut illas partes liberat: sic hanc ipsam quoq; affectam praehendit. Fouendum primum aqua calida est: deinde utendum calidis cataplasmatibus. Maxime prodesse uidetur aut cum hordeacea farina, aut cum ficu ex aqua decocta mixtus capparis cortex concisus, uel lolij farina ex uino diluto cocta, & mixta cum acida fecē: quaeq; refrigescunt, imponere noctu malignata commodius est. Inulae quoq; radix contusa, & ex uino austero postea cocta, & late super coxam imposita, inter ualentissima auxilia est: si ista non soluerunt, sale calido, & humido utendum est. Si ne sic quidem finitus dolor est, aut tumor ei accedit, incisa cute admouendae sunt cucurbitulae: mouenda urina. Alius si compressa est, duenda. Vltimum est, & in ueteribus quoq; morbis efficacissimum, tribus, aut quatuor locis super coxam cutem candentibus, feramentis exulcerare. Sed frīctione quoq; utendum est, maxime in sole, & eodem die saepius: quo facilius ea quae coeundo nocuerunt, dirigantur. Ea q; si nulla exulceratio est, etiā ipsis coxis, sicut & ceteris partibus adhibenda est. Cum uero saepe aliquid exulcerandum candenti ferramento sit, ut materia inutilis euocetur: illud perpetuum est, non ut primū fieri potest, huius generis ulcera sanare: sed ea trahere, donec id uitium, cui per haec opitulantur, conquiescat.

### De genuum doloribus, & cura. Caput. XXIII.

¶ Coxis proxima genera sunt: in quibus ipsis nonnunquā dolor esse consuevit. In hisdem autem cataplasmatibus, cucurbitulisq; praesidium est: sicut etiam cum in humeris, alijsue cō-



missurij dolor aliquis exortus est. Equitare ei, cui genua dolent: inimicissimum omnium est. Omnes autem eiusmodi dolores ibi inueterauerunt: uix citra uestionem finiuntur.

De articulorum doloribus in manibus, pedibusq;. Cap. XXIIII.

**I**N manibus, pedibusq; articulorum uitia frequentiora, longioraq; sunt. quæ in podagris, chiragris'ue esse consueverunt. Ea raro uel castratos, uel pueros ante foeminae coitum, uel mulieres, nisi quibus menstrua suppressa sunt: tentant. ubi sentiri coeperunt, sanguis mittendus est. Id enim inter initia statim factum saepe annuam: nonnunquam perpetuam ualitudinem totam præstat. Quidam etiam cum asinino lotio epoto se eluissent: in perpetuum hoc malum euaserunt. Quidam cum toto anno à uino, mulso, uenere, sibi temperassent: securitatem totius uitæ consecuti sunt. Idq; utiq; post primum dolorem seruandum est: etiam si quieuit. Quod si iam consuetudo eius facta est: potest quidem aliquis esse securior his temporibus: quibus dolor se remisit. Maiorem uero curam adhibere debent hi, quibus id reuertitur. quod ferè uere, autumnò'ue fieri solet. Cum uero dolor urget, manu gestari debet: deinde ferri. in ambulatione leui se dimouere. Et si podagra est, interpositis temporibus exiguis, inuicem modo sedere: modo ingredi. tum antequam cibum capiat, sine balneo loco calido leuiter perfricari: sudare: perfundi aqua egelida: deinde cibum sumere ex media materia, interpositis rebus urinam mouentibus: quotiensq; plenior est, euomere. Vbi dolor uehemens urget: interest sine tumore is sit: an tumor cum calore, an tumor iam etiam obcaluerit. Nam si tumor nullus est: calidis fomētis opus est. A quam marinam, uel muriam duram feruefacere oportet: deinde in peluem conijcere: Et cum iam homo pati potest, pedes demittere: superq; palam dare: Et uestimento tegere: paulatim deinde iuxta labrum ipsum ex eadē aqua leuiter infundere, ne calor intus destituat: ac deinde noctu cataplasmata calefacientia imponere, maximeq; ibisci radicem ex uino coctam. Sin uero tumor, calorq; est, utiliora sunt refrigerantia: recteq; in aqua quam frigidissima articuli continentur. sed neq; quotidie, neq; diu fit: ne nerui lædantur. imponendum uero est cataplasma, quod refrigeret. Neq; tamen in hoc cotidie permanendum: sed ad ea transendum quæ sic reprimunt, ut emolliant. Si maior est dolor, papaue-  
ris cortices in uino coquendi: miscendiq; cum cerato sunt: quod ex rosa factum sit. Vel ceræ, Et adipis suille tantundem unam liquandum, deinde his unum miscendum: atq; ubi quod ex eo impositum est, in cal-



## LIBER

luit, detrahendū, & subinde imponendum aliud est. Si uero tumores etiam obcaluerunt, & dolent, leuat sponsia: quæ imposita subinde ex oleo, uel aceto, uel aqua frigida exprimitur: aut pari portione inter se mixta, pix, cera, alumen. sunt etiā plura idonea manibus, pedibusq; malagmata. Quod si nihil superimponi patitur, id quod sine tumore est, fouere oportet sponsia: quæ in aquam calidam demittatur: in qua, uel papaueris corticis, uel cucumeris siluestris radix decocta sit. tum inducere articulis crocū cum succo papaueris, & ouillo lacte: at si tumor est, foueri qdē debet aqua egelida: in qua lentiscus, aliā uerbenā ex reprimentibus decocta sit. induci uero medicamentum ex nucibus amaris, cum aceto tritis: aut ex cerusa, cui contritæ herbæ muralis succus sit adiectus. Lapis etiam, qui carnem exedit: quē σαρκο-  
 παρον græci uocant: excisus sic ut pedes capiat: demissos eos, cum dolēt, retentosq; ibi leuare consuevit. ex quo in Asia lapidi asio gratia est. Vbi dolor, & inflammatio se remiserunt, quod intra dies quadraginta fit: nisi uitium hominis accessit: modicis exercitationibus, abstinentia, unctionibus lenibus utendum est sic, ut etiam acopo, uel liquido cerato cyprino articuli perfricentur. Equitare podagricis quoq; alienum est. Quibus uero articulorum dolor certis temporibus reuertitur: hos ante, & curioso uictu cauere oportet, ne inutilis materia corpori supersit: & crebriore uomitu, & si quis ex corpore metus est, uel alui ductione uti: uel lacte purgari. quod Erasistratus in podagricis expulit: ne in inferiores partes factus cursus pedes replet: cum euident sit omni purgatione, non superiora tantummodo, sed etiam inferiora exinaniri. Ex quocunq; autem morbo quis inuale-  
 scat, si tarde confirmatur: uigilare prima luce debet. nihilominus in lecto conuiescere. circa tertiam horam leuiter unctis manibus corpus permulcere. deinde delectationis causa quantum inuat, ambulare circumsisa omni negotiosa cogitatione, uel actione. tum gestari diu. multa fricatione uti. loca, cælum, cibos sæpe mutare. Vbi triduo, quadri-  
 duo uel uinum bibit: uno, aut etiam altero die interponere aquam. per hæc enim fiet, ne in uitia tabe inferenti incidat: & ut mature uires suas recipiat. Cum ex toto uero conualuerit, periculose uitæ genus subito mutabit: & inordinate aget. Paulatim ergo debet, ommissis his legibus eò transire: ut arbitrio suo uiuat.



## LIBER QUINTVS.

Ixi de his malis corporis, quibus uictus ratio maxime subuenit. Nunc trāseundum est ad eā medicinae partem: quæ magis medicamentis pugnat. His multum antiqui auctores tribuerunt: d Et Erasistratus, Et hi, qui se ἐμπερινοῦς nominauerunt: præcipue tamen Erophilus, deductiq; ab illo uiri adeo, ut nullum morbi genus sine his curarent. Multaq; etiam de facultatibus medicamentorum memorie prodiderunt. qualia sunt, uel Zenonis, uel Andriæ, uel Apollonij. qui Mys cognominatus est. Horum autem usum ex magna parte Asclepiades non sine causa sustulit: Et cum omni ferè medicamentis stomachū lædant, maliq; succi sint: ad ipsius uictus rationem potius omnem curam suam transtulit. Verū ut illud in plerisq; morbis utilius est, sic multa admodum corporibus nostris inadere consuerunt: quæ sine medicamentis ad sanitatem peruenire non possunt. Illud ante omnia scire conuenit, quod omnes medicinae partes ita innexæ sunt, ut ex toto separari non possint: sed ab eo nomen trahant, à quo plurimū petunt. Ergo ut illa, quæ uictu curat, aliquando medicamentum adhibet: Et illa, quæ præcipue medicamentis pugnat, adhibere etiam rationem uictus debet: quæ multum admodum in omnibus malis corporis proficit. Sed cum omnia medicamenta proprias facultates habeant: ac sæpe simplicia opitulentur, sæpe mixta: non alienum uidetur ante proponere Et nomina, Et uires, Et mixturas eorum: quo minor ipsius curationis ex sequentibus mora sit.

De simplicibus facultatibus quarūcūq; rerum, ex quibus medicamēta fiunt: Et primo de his, quæ sanguinem supprimunt. Caput. I.

Sanguinem supprimunt atramentum sutorium, quod græci χαλκοῦ ἄνθρον appellant: chalcitis, acacia, Et ex aqua licium, thus, aloe, gummi, plumbum combustum, porrum, herba sanguinalis, creta uel cimolia, uel figularis, misy, frigida aqua, uinū, acetum, alumen, melinum, squama Et ferri, Et æris. atq; huius quoq; duæ species sunt, alia tantum æris, alia rubri æris.

Quæ uulnus glutinant. Caput. II.

glutinant uulnus, myrra, thus, gummi, præcipueq; acanthinū, psylleū, tragacantha, cardamomon, bulbi, lini semen, nasturcium, oui album, gluten, ichthyocola, uitis alba, contusæ



## LIBER

testis suis cochleæ, mel coctum, spongia, uel ex aqua frigida, uel ex uino, uel ex aceto expressa. ex hisdem lana succida, si levis plaga est: etiam araneum reprimunt, alumen & scissile, quod σχιςὸν uocatur: & liquidum, melinum, auripigmentum, ærugo, chalcitis, atramentum sutorium.

### Quæ concoquunt, & mouent pus. Caput. III.

Concoquunt, & mouent pus, nardum, myrrha, costus, balsamum, galbanum, propolis, styrax, thuris, & fuligo, & cortex, bitumen, pix, sulphur, resina, seuum, adeps, oleum.

### Quæ aperiunt uulnera. Caput. IIII.

Uulnera aperiunt tanquam ora in corporibus, quod σόμα græce dicitur: cinnamomum, balsamum, panacis, iuncus quadratus, puleium, flos albae uiolæ, bdella, galbanum, resina terebinthina, & pinea, propolis, oleum uetus, piper, pyretrum, chamaepytis, uua aminia, sulphur, alumen, rutæ semen.

### Quæ purgant. Caput. V.

Purgant, ærugo, auripigmentum, quod ἀποερυνὸν à græcis nominatur. Huic autem & sandaracæ in omnia eadē uis: sed ualidior est squama æris, pumex, iris, balsamum, styrax, thus, thuris cortex, resina, & pinea, & terebinthina liquida, œnæthe, lacerti sterces, sanguis columbæ, & palumbi, & hirundinis, ammoniacum, bdellium, quod in omnia idem quod ammoniacum potest: sed ualentius est abrotanum, ficus arida, coccum gnidium, scobis eboris, omphacium, radícula, coagulum, sed maxime leporinum: cui eadem quæ cæteris coagulis facultas, sed ubique ualidior est: fel, uitellus crudus, cornu ceruinum, gluten taurinum, mel crudum, misyos, chalcitis, crocum, uua aminia, abrotanum, spuma argenti, galla, squama æris, lapis hæmatites, minium, costus, sulphur, pix cruda, seuum, adeps, oleum, ruta, porrum, lenticula, eruum.

### Quæ rodunt. Caput. VI.

Rodunt alumen liquidum, sed magis rotundum: ærugo, chalcitis, mysi, squama æris, sed magis rubri, æs combustum, sandaraca, minium synopicum, galla, balsamum, myrra, thuris cortex, galbanum, resina terebinthina humida, piper utrumque, sed rotundum magis, cardamenum, auripigmentum, calx, nitrum, & spuma eius, apij semen, narcissi radix, omphacium, aleyonium, oleum ex amaribus nucibus, allium, mel crudum, uinum, lentiscus, squama ferri, fel taurinum, scamonea, uua aminia, cinnamomum, styrax, cicutæ semen, resina, narcissi semen, fel, nuxes amarae, oleumque earum, atramentum sutorium, chrysotholla, ueratrum, cinis.



Quæ exedunt corpus. Caput. VII.

Exedunt corpus acaciæ succus, hebenus, ærugo, squama æris, chrysocola, cinis cyprius, nitrum, cadmia, spuma argenti, hypocistis, diphryges, sal, auripigmentum, sulphur, acuta, sandaraca, salamandra, alcyonium, æris flos, chalcitis, atramentum sutorium, ochra, calx, acetum, galla, alumen, lac caprifici, uel lactucæ marinæ, quæ τιβύμαλλος à græcis nominatur: alcyonium, fel, turturis fuligo, spodium, lenticula, mel, oleæ folia, marrubium, lapis hæmatites & phrygius, & asiis, & scissilis, mysi, uinum, acetum.

Quæ adurunt. Caput. VIII.

Adurunt auripigmētum, atramentum sutorium, chalcitis, mysi, ærugo, calx, arcta combusta, sal, squama æris, fex combusta, myrra, stercus & lacerti, & columbæ, & palumbi, & hirundinis, piper, coctum gnidium, allium, diphryges, lac utrunq; quod proximo capite supra comprehensum est: uer atrum & album, & nigrum, cantharides, corallium, piretrū, thus, salamandra, eruca, sandaraca, uua aminia, chrysocola, ochra, alumen scissile, ouillum stercus, oenanthe.

Quæ crustas ulceribus inducunt. Caput. IX.

Adem ferè crustas ulceribus tanquā igne adustis inducunt: sed præcipue chalcitis utiq; si cocta est: flos æris, ærugo, auripigmentum, mysi, & id quo magis coctum.

Quæ crustas ulceribus resolvunt. Caput. X.

Crustas uero has resoluit, farina triticea cum ruta, uel porro, aut lenticula, cui mellis aliquid adiectum est.

Quæ discutiāt ea, quæ in aliqua pte corporis coierunt. Caput. XI.

Ad discutiēda uero ea, quæ in corporis parte aliqua coierunt: maxime possunt abrotanum, helenium, amaracus, alba uiola, mel, lilium, sampsucis, cyprius, lac, fertula campana, serpillum, cupressus, cedrus, iris, uiola purpurea, narcissus, rosa, crocum, passum, iuncus quadratus, nardum, cinamomum, cassia, ammoniacum, cera, resina, uua aminia, spuma argenti, styrax, ficus arida, tragoriganus, lini, & narcissi semen, bitumen, sordes ex gymnasio, pyrites lapis aut molaris: crudus uitellus, amaræ nuces, sulphur.

Quæ euocant, & educunt. Caput. XII.

Vocat, et educit ladanum, alumē rotūdū, hebenus, lini semē, omphacium, fel, chalcitis, bdeliū, resina terebinthina, & pinea, propolis, ficus arida decocta, stercus columbæ, pumex, farina lolij, grossi in aqua cocti, elaterium, lauri baccæ, nitrum, sal.



## LIBER

Quæ exasperata leuent. Caput. XIII.

**l** Euat id quod exasperatum est, spodium, helenus, gummi, onni album, lac, tragacanthum.

Quæ carnem nutriunt, & ulcus implent. Cap. XIII.

**e** Arnem alit, & ulcus implet resina pinea, ochra actica, uel asferica, cera, butyrum.

Quæ molliunt. Caput. XV.

**m** Olliunt æ combustum, terra erebria, nitrum, papaueris lacryma, ammoniacum, bdellium, cera, seum, adipis, oleum, ficus arida, sesamum, fertula campana, narossi & radix, & semen, rosæ folia, coagulū, vitellus crudus, amaræ nuxes, medulla omnis, sibi, pix, cholea cocta, cicutæ semen, plumbi recrementum, σκωρίαν πολυβόλον græci uocant: panacis, cardamomum, galbanū, resina, uua amara, styrax, iris, balsamum, sordes ex gymnasio, sulphur, butyrum, ruta.

Quæ cutem purgant. Caput. XVI.

**i** Tem cutē purgat mel: sed magis si est cum galla, uel eruo, uel lenticula, uel marrubio, uel iride, uel ruta, uel nitro, uel ærugine.

De mixturis simplicium rerum, & de ratione ponderū, & quid malagma, et emplastrū, et pastillus inter se differant. Caput. XVII.

**e** Xpositis simplicibus facultatibus dicendum est quemadmodum misceantur, quæ ex his fiant. Miscentur aut uariæ: neque huius ullus modus est, cum ex simplicibus alia demantur: alia adiçantur: iisdemque seruatis ponderum ratio mutetur. Ita cum facultatum materia non ita multiplex sit: innumerabilia mixturarum genera sunt: quæ comprehendere si possent, tamen esset superuacuum. Nam et ydem affectus intra paucas compositiones sunt: & mutare eas cuilibet cognitis facultatibus facile est. itaque contentus his ero quas accepi uelut nobilissimas. In hoc autem uolumine eas explicabo: quæ uel desiderari in prioribus potuerunt: uel ad eas curationes pertinent: quas protinus hic cōprehendam sic: ut tamē quæ magis cōia sunt, simul iungam. Si qua singulis, uel et paruis accommodata sunt, in ipsorum locum differam. Sed et antea sciri uolo, in uncia pondus denariorū septem esse. Vnus deinde denarij pondus diuidi à me in sex partes idest sex uncias: ut idem in uncia denarij habeam, quod græci habent in eo, quem ὀβολόν appellant. id ad nostra pondera relatum, paulo plus dimidio scrupulo facit. Malagmata uero, atque emplastra, pastilli, quos τροχίσκος græci uocant: cum plurima eadem habeant: differunt eo, quod malagmata maxime ex floribus, eorumque etiam surculis, emplastra, pastilli, magis ex quibus-



dam metallicis fiunt. deinde malagmata contusa abunde mollescunt. nam super integram cutem iniiciuntur. Laboriose uero conteruntur ea, ex quibus emplastra pastilliq; fiunt: ne laedant uulnera cum imposita sunt. Inter emplastrum autem, & pastillum hoc interest: quod emplarum utiq; liquati aliquid accipit. in pastillo tantum arida medicamenta aliquo humore iunguntur. Tum emplastrum hoc modo fit. arida medicamenta per se teruntur. deinde mixtis his instillatur aut acetum: aut si quis alius non pinguis humor accessurus est. & ea rursus ex eo teruntur. Ea uero quae liquari possunt ad ignem simul liquantur: & si quid olei misceri debet: tum infunditur. Interdum etiam aridum aliquod ex oleo prius coquitur. Vbi facta sunt quae seperatim fieri debuerunt: in unum omnia miscentur. At pastilli haec ratio est. Arida medicamenta contrita humore non pingui aut uino, uel aceto coquantur, & rursus cocta inarescunt. Atq; ubi utendum est eiusdem generis humore, diluuntur. tum emplastrum imponitur. pastillis illinitur, aut alicui molliori: aut cerato miscetur.

De malagmatis. Caput. XVIII.

Malagma aduersum calidas podagras.

Is cognitis, primū malagmata subiiciam: quae ferè non sunt refrigerandi, sed calefaciendi causa reperta. Est tamen quod refrigerare possit ad calidas podagras aptum. Habet gallae immaturae, & alterius coriandri seminis, cicutae, lacrimae aridae, gummi, singulorum plenum acetabulum, cerati eloti, quod πεπυσμειρον graeci uocant: selibram. Reliqua ferè calefaciunt. Sed quaedam digerunt materiam: quaedam extrahunt, quae ἐπισπαστικά uocantur. pleraq; certis magis partibus membrorum accomodata sunt.

Malagma ad materiam extrahendam.

In materia extrahenda est, ut in hydropico, in lateris dolore, in incipiente abscessu, in suppuratione quoq; mediocri, aptum est id quod habet resinae aridae, nitri, ammoniaci, galbani singulorum pondo, cerae pondo. Aut in quo haec sunt, aeruginis rase, thuris, singulorum. P. \*. ammoniaci salis. P. VI. squamae aeris, cerae, singulorum. P. VIII. resinae aridae. P. VII. acetii cyathus. Idem praestat cumini farina cum struthio & melle. P. II.

Malagma ad iecur dolens.

In iecur dolet: id in quo est balsami lacrimae. P. XII. costi, cinnamoni, casiae, corticis myrrae, croci, iunci rotundi, balsami, seminis iridis illiricae, cardamomi, amomi, nardi, singulorum.



## LIBER.

P. XVI. quibus adiicitur nardinum unguentum, donec cæratu crassitudo sit. Et huius quidem recentis usus est. Si uero seruandum est, resina terebinthina. P. XVI. ceræ. P. X. ex uino leni contunduntur, tum eo miscentur.

### Malagma ad lienem.

¶ Si lienis torquet, glādis, quam βάλανον græci uocant: cortex, Et nitrum paribus portionibus contunduntur: respergunturq; aceto quā acerrimo. Vbi cæratu crassitudinem habet, linteo antea in aqua frigida madefacto illinitur: Et sic imponitur: supraq; farina hordacea iniicitur: sed manere ibi non amplius sex horis debet, ne lienem consumat. satiusq; est id bis, aut ter fieri. Communem autem Et iocineri, Et lieni, Et abscessibus, Et strumæ, parotidibus, articulis, calibus quoq; suppurantibus, aut aliter dolentibus, etiam concoctioni uentris Lysias composuit ex hyssopi, panacis, styracis, galbani, resinæ, singulorum. P. II. ammoniaci, bdellij, cære, seu taurini, iridis aridæ. P. IIII. cæclirios acetabulo, piperis granis quadraginta. quæ contrita irino unguento temperantur.

### Malagma ad laterum dolores.

¶ D laterum autem dolores compositio est, A pollophanis, in qua sunt resinæ terebinthina, turis, fuliginis, singulorum P. IIII. bdellij, ammoniaci, iridis, seu nitulini, aut capri ni à renibus sicut singulorum. P. IIII. Hæc aut eadem omnem dolorem leuant: dura emolliunt: mediocriter calefaciunt. Ad idem latus Andree quoq; malagma est: quod Et resoluit: educit humorem: pus maturat: ubi id maturum est, cutem rumpit: ad cicatricem perducit. prodest impositum minutis, maioribusq; abscessibus: item articulis: ideoq; Et coxis: et pedibus dolentibus. item si quid in corpore collisum est, reficit: præcordia quoq; dura, Et inflata emollit: ossa extrahit. ad omnia deniq; ualet, quæ adiuuare calor potest. id habet ceræ. P. I. uisci, sycamini, quam aliās sycomorum uocāt: lacrimæ singulorum. P. XI. piperis Et rotundi, Et longi, ammoniaci, thinnamatis, bdellij, iridis illyricæ, cardamomi, amomi, xilobalsami, thuris masculi, myrræ, resinæ aridæ, singulorum. P. X. pyretri, coacti gnidij, spumæ nitri, salis ammoniaci, aristolochiæ creticæ, radice ex cucumere agresti, resinæ terebinthinae liquidæ singulorum. P. XX. quibus adiicitur unguenti



unguenti irini quantum satis est ad ea mollienda, atq; coagenda.

Malagmata ad resoluenda quæ astricta sunt: & mollienda quæ dura sunt: & digerenda quæ coeunt.

Recipuum uero est ad resoluenda quæ astricta sunt: mollienda quæ dura sunt: digerenda quæ coeunt: id quod ad Polyarchum authorem refertur. habet iunci quadrati, cardamomi, thuris, fuliginis, amomi, ceræ, resinæ liquidæ pares portiones.

Aliud malagma ad eadem.

Liud ad eadem Nilei crocomagmatis, quod quasi recrementum eius est. P. XIII. ammoniaci, thymiamatis, ceræ, singulorum, P. XXX. ex quibus duo priora ex aceto teruntur: cera cum rosa liquatur: & tum omnia iunguntur.

Malagma moschi ad molliendum.

Proprie etiam dura mollit id, quod Moschi esse dicitur. habet galbani unciam, thuris fuliginis. P. Z. ceræ, ammoniaci, thymiamatis trientes, picis aridæ. P. XII. aceti heminas tres.

Malagma medi ad digerenda quæ coeunt.

Fitur etiam ad digerenda quæ coeunt sub authore Medo, quod habet ceræ. P. Z. panacis. P. semis, squamæ æris, aluminis rotundi, item scissilis, singulorum. P. Z. plumbi combusti. P. I. & semis.

Malagma Panthemii ad eadem.

De eadē Panthemius utebatur calcis. P. semis, sinapis contriti, item fœni græci, aluminis, singulorum. P. I. Seni bubuli. P. II. & semis.

Malagma ad strumas.

De strumam multa malagmata inuenio. Credo autem quo peius id malum est, minusq; facile discutitur: eo plura esse tentata, quæ in personis uarie responderunt. Andreas author est, ut hæc misceantur urticæ seminis. P. XI. pipis rotundi, bdellij, galbani, ammoniaci, thymiamatis, resinæ aridæ, singulorum. P. XIII.

Aurelij Cor.



## LIBER

resinæ liquidæ, ceræ, pyretri, piperis longi, lactucæ marinæ seminis, sulphuris ignem non experti: quod ἀπυρον uocatur, fecis aridæ, aceti, spumæ nitri, salis ammoniaci, sinapis, cardamomi, radicis ex cucumeri siluestri, resinæ, singulorū. P. XV. Quæ ex leni uino contunduntur.

### Aliud malagma ad id ualens.

Xpeditius ad idem fit: quod habet uisci, semeni, stercoris, resinæ, sulphuris ignem non experti pares portiones. Et in quo ē sulphuris. P. XI. lapidis quē πυρίτην uocāt. P. XIIII. cumini acetabulum. Itē in quo est lapidis eiusdem pars una, sulphuris duæ partes, resinæ terebinthinæ partes tres.

### Malagma ad strumam, & phymata.

Rabis autem cuiusdam est ad strumam, & orientia tubercula, quæ φύματα uocantur: quod hæc digerit. Habet myrrhæ, salis ammoniaci, thuris, resinæ & liquidæ & aridæ, crocomagmatis, ceræ, singulorū. P. XI. lapidis eius: quem πυρίτην uocāt. P. XIIII. quibus quidam adiciunt sulphuris. P. II.

### Malagma ad strumam, & tubera, & carcinodas.

St etiam proficiens in struma, & in his tuberculis: quæ difficiliter concoquuntur, & in his: quæ καρκινώδαι uocantur: quod ex his cōstat. sulphuris. P. XII. nitri. P. XIIII. myrræ. P. XVI. fuliginis thuris. P. semis, salis ammoniaci. P. Z. ceræ. P. I.

### Malagma protarchi ad parotidas, & fauum, & mala ulcera.

Protarchus autem ad parotidas eaq; tubercula: quæ μελικήρια idest faui uel φύματα nominantur: item mala ulcera, pumicis, resinæ pineæ liquidæ, thuris fuliginis, spumæ nitri, iridis, singulorum. P. XVIII. cū ceræ. P. XVIII miscebat: hisq; olei cyathum, & dimidium adiciebat.

### Malagma aduersus parum, & phymata.

T aduersus parum tum primum orientem: quod φύρετροι græci uocant, & omne tuberculum: quod φύμα nominatur, miscetur ochra: quæ attice nominatur cum duabus partibus similæ, hisq; contunditur: subinde mel instillatur: donec malagmatis crassitudo sit.



Malagma aduersus phymata.

Iscurtit etiā omne tuberculum: quod φῦμα uocatur: id quod  
d habet calcis, nitri spumæ, piperis rotundi, singulorum. P. XI.  
galbani. P. XII. salis. P. XIII. quæ excipiuntur cerato ex ro-  
sa facto.

Malagma ad supprimendum omne quod abscedit.

Upprimiq; omne quod abscedit id: in quo est galbani, fabæ  
fresæ, singulorum. P. XI. myrræ, thuris, ex radice capparis  
f corticis, singulorum. P. XIII. Satisq; omnia abscedentia di-  
gerit murex combustus, & bene contritus, aceto subinde adiecto.

Malagma ad sanguinem supprimendum, & phymata.

T si satis sanguis subit: recte inponitur quod aduersus φῦ-  
ματα quoq; potest. Constat ex his bdellij, styracis, ammoniaci,  
galbani, resinæ & aridæ, & liquidæ pineæ. Item ex lentis-  
sai, thuris, iridis singulorum. P. XII.

Malagma ad carcinodas, & phymata lenienda.

ἀρπυρόδαι uero, & φῦματα commode his leniuntur: galbani,  
uisci, ammoniaci, resinæ terebinthinæ in singulis. P. XI. seni-  
taurini. P. semis, fecis combustæ quàm maxima portione, di-  
id si citius non faciat: quàm esse malagma oportet.

Malagma ad liuorem faciei contusæ.

Vod si facie contusa liuor subcrueuitus est: hæc cōpositio no-  
q cte & die imposita tollit. Aristolochiæ, thapsiæ, singulorū.  
P. XII. bdellij, styracis, ammoniaci, thymiamatis, galbani, re-  
sine aridæ, & ex lentisco liquidæ, thuris masculi, iridis illyricæ, æ-  
ræ singulorum. P. XIII. Idem faba quoq; imposita proficiat.

Malagnata stomachica ad aperiendum.

Vnt etiam quedam malagnata: quæ σωματικὰ græci uo-  
f cant: quoniam aperiendi vim habent. Quale est quod ex  
his constat. piperis longi, spumæ nitri, singulorum. P. XII  
erissimi. P. XIII. Quæ cum melle miscentur. Idemq; etiam strumæ  
aperiendæ sunt eius generis. V chementiusq; ex his est id quod habet  
calcis. P. XIII. piperis grana sex, nitri, ceræ, singulorum. P. XX. mel-  
lis. P. Z. olei heminam.



## LIBER

Niconis malagma ad resoluendum,  
aperiendumq; ac purgandum.

n Iconis quoq; est quod resoluit: aperit: purgat. Habet alcyonium, sulphur, nitrum, pumicem paribus portionibus: quibus tantum picis, & ceræ adiçitur, ut fiat cerati crassitudo.

Malagma ad ossa, & nervos.

a D ossa autē Aristogenis fit ex his. Sulphuris. P. XI. resinæ terebinthinæ, nitri spumæ, & ex scylla partis interioris, plumbi eloti singulorū. P. XII. thuris fuliginis. P. XVIII. ficus arde quàm pinguiissima, seu taurini, singulorū. P. XVIII. ceræ. P. XXI. iridis macedonica. P. XVI. sesami fricti acetabulum. maximeq; nervis & articulis malagma conuenit.

Malagma Euthyclei ad articulos, & ad omnem dolorem.

i Citur Euthyclei est et ad articulos, & ad omnem dolorem, & ad uesticæ, & ad recenti cicatrice contractos articulos: quas ἀρνούλας græci nominant. quod habet fuliginis thuris acetabulum, resinæ tantundem, galbani sine surculis sesquiciam, ammoniaci, bdellij, singulorū. P. XIII. ceræ. P. semis. Aliud item fit: quod habet iridis, ammoniaci, galbani, nitri singulorū. P. XXIII. resinæ liquida. P. XVI. ceræ. P. XXVI.

Malagma Sasogoræ ad dolores articulorum.

a D dolores articulorum Sasogoræ, plumbi combusti, papaueris lacrymæ, corticis hyoscyami, styracis, peucedani, seni, resinæ, ceræ pares portiones.

Chrysippi malagma, ad idem ualens.

c Chrysippi, resinæ liquida, sandaracæ, piperis singulorum P. XII. quibus ceræ paulum adiçitur.

Clesipontis malagma, ad idem ualens, & ad parotidas, & phymata, & strumam.

c Lesypontis ceræ creticae, resinæ terebinthinæ, nitri quàm ruberrimi, singulorū. p. semis, olei cyathi tres. sed id nitrum ante



ante per triduum instillata aqua teritur, & cum sextario eius inco-  
quitur: donec omnis humor consumatur. Potest uero ea compositio etiā  
ad parotidas, phymata, strumam, omnemq; coitum humoris emolli-  
endum.

Malagma ad articulos.

- a** D articulos fici quoq; aridi partem nepetæ mixtam, uel uinā  
taminiam sine seminibus, cum pulcio recte aliquis imponit.

Malagma Aristonis aduersus podagras, & recētia phy-  
mata, & omnis dolores.

- e** Adem podagræ præsidia sunt. Sed ad eam fit Aristonis  
quoq; quod habet nardi, cinnamomi, cassiæ, chamaeleontis, iūci  
rotundi, singulorum. P. XVIII. seui caprini ex irino liquati.  
P. XXX. iridis. P. XI. quæ in aceto quā acerrimo iacere per viginti  
dies debet. Idem autem etiam recentia phymata, doloresq; omnes di-  
scutit.

Theoni malagma ad pedum dolores.

- a** T Theonus ad pedum dolores seui à renibus partem tertiā,  
salis partes duas miscebat, hisq; membranulā illitam impo-  
nebat: tum super iniebat ammoniacū, thymiana in aceto liquatū.

Numenij malagma ad podagram cæteros  
que articulos induratos.

- a** T Numenius podagram, cæterosq; articulos induratos hoc  
molliebat. abrotani, rosæ aridæ, papaueris lacrimæ, singu-  
lorū. P. XIII. resinæ terebinthinæ. P. XIII. thuris, spumæ  
nitri, singulorum. P. XVIII. iridis, aristolochiæ, singulorum. P. XII.  
ceræ. P. XIII. qbus adiicitur cedri cyathus unus, olei laurei cyathi  
tres, olei acerbi sextarius.

Dexij malagma si quando callus in articulis increuit.

- f** I quando autem in articulis callus increuit Dexius docuit  
imponere calcis. P. XIII. cerussæ. P. XVIII. resinæ pineæ.  
P. XXX. piperis grana. XXX. ceræ. P. Z. Quibus dum con-  
tunduntur, hemina uini lenis instillatur.

De emplastris. Caput. XVIII.

- e** X emplastris autem nulla maiorem usum præstant: quā  
quæ cruentis protinus uulneribus inijciuntur, & uapora græci



## LIBER

uocant. Hæc enim reprimunt inflammationem nisi magna uis eam cogit, atq; illius quoq; impetum minuunt, tum glutinant uulnera: quæ id patiuntur: cicatricem hisdem inducunt. Constat autem ex medicamentis non pinguibus, ideoq; ἀλυστὴν nominantur.

Barbarum emplastrum nigrum, quod cruentis  
protinus uulneribus iniicitur.

Primum ex his est quod barbarum uocatur. Habet æruginis  
• rase. P. XXXII. spumæ argenti. P. XXX. aluminis, picis aridæ,  
resinæ pineæ aridæ, singulorum. P. XI. quibus adiunguntur  
olei, & aceti singulæ heminæ.

Coacon emplastrum nigrum ad idem ualens.

Alterum ad idem: quod χόανον uocant: habet spumæ argenti  
• P. XC. resinæ aridæ tantundem. Sed spuma prius ex tribus  
olei heminis coquitur. His duobus emplastris color niger est:  
qui ferè talis fit. ex pice, atq; resina. At ex bitumine nigerrimus. ex  
ærugine, aut æris squama uiridis. ex minio rubet. ex cerussa albus.

Basilicon emplastrum nigrum ad idem.

Aucæ admodum compositiones sunt, in quibus aliquid mi-  
• xturæ uarietas nouat. Ergo id quoq; nigrum est. quod βασι-  
λινὸν nominatur. Habet panacis. P. XI. galbani. P. XII, picis  
& resinæ, singulorum. P. XX. olei dimidium cyathum.

Smaragdinum emplastrum ad idem.

Id quod peruiride est, smaragdinum appellatur. in quo sunt  
• resinæ pineæ. P. XIII. ceræ. P. XI. æruginis. P. Semis. turis  
fuliginis. P. Z. olei tantundem, aceti, quo fuligo, & ærugo in-  
unum coquantur.

Emplastrum rufum ad idem.

Id etiam coloris ferè ruffi: quod celeriter ad cicatricem uul-  
• nera perducere uidetur. Habet thuris. P. XI. resinæ. P. XII.  
squamæ æris. P. XIII. spumæ argenti. P. XXX. ceræ: P. X  
C. olei heminam.

Paracolleticum emplastrum ad idem.

Rætereæ est: quàm παρακολητικὴν à glutinando uocant.  
• P Constat ex his. bituminis, aluminis scissilis. P. XIII. spumæ  
argenti. P. XL. & olei ueteris hemina.



Cephalicum emplastrum Philotæ capiti conueniens.

**P** Ræterea sunt quædam generis eiusdem: quæ: quia capitibus fractis maxime conueniunt: κεφαλικὸν à græcis nominantur. philotæ compositio habet terræ erythræ, chalcitidis, singulorū. p. .XIIII. myrrhæ, æris combusti. p. .XX. icthyocollæ, singulorū. p. .XVI. æruginis rase, aluminis rotundi, mysi crudi, aristolochiæ, singulorum. p. .XVIII. squamæ æris. p. .XX. thuris masculi. p. .XII. ceræ. p. .I. rosæ & olei acerbi ternos cyathos, aceti quantum satis est: dum arida ex eo conteruntur.

Emplastrum uiride ad idem ualens.

**L**ind ad idem uiride: æris combusti, squamæ æris, myrrhæ icthyocollæ, singulorum. p. .XVI. mysi crudi, æruginis rase, aristolochiæ, aluminis rotundi, singulorum. p. .XVIII. ceræ. p. .XI. olei hemina, aceti quod satis sit.

τετραφάρμακον emplastrum ad pus mouendum.

**P** Vri autem mouendo non aliud melius, quam quod expeditissimum est. τετραφάρμακον à græcis nominatur. habet pares portiones ceræ, picis, resinæ, seui taurini: si id non est, uitulini.

Enneapharmachum emplastrum ad pus mouendum, & ad purgandum ualens.

**L**terum ad idē ἐννεαφάρμακον nominatur: quod magis purgat. constat ex nouē rebus, cera, melle, seuo, resina, myrrha, rosa, medulla uel ceruina uel uitulina uel bubula, hyssopo, butyro. Quorum ipsorum quoq; pondera paria miscentur. Sunt autem quædam emplastra: quibus utriusq; rei facultas est. quæ si singula habenda sunt, meliora sunt. sed in copia reijcienda sunt: his potius adhibitis: quæ proprie id, quod eo tempore opus est, consequuntur. Exempli causa duo proponam.

Attalum emplastrum ad uulnera.

**S**t igitur ad uulnera attalum: quod habet squamæ æris. p. .XVI. fuliginis. p. .XXV. ammoniaci tantundem. resinæ terebinthinæ liquidæ. p. .XXXV. seui taurini tantundem, aceti heminas tres, olei sextarium.



LIBER

Iudæi emplastrum fracto capiti accomodatum.

**T** inter ea quæ fracto capiti accomodantur, habet quidam  
 a id quod ad auctore iudæum refertur. Constat ex his. salis.  
 P. XIII. squamæ aeris rubri, aeris combusti. singulorum. P.  
 XXII. ammoniaci, thymiamatis, thuris fuliginis, resinæ aridæ, singu-  
 lorum. P. XVI. resinæ colophoniacæ, ceræ, seu vitulini curati, singu-  
 lorum. P. XXX. aceti sesquicyathum, olei minus cyathum. τὸ βεραπειν-  
 μίνα græci appellant: quæ curata vocant, cum ex seuo puta omnes mē-  
 branulæ diligenter exemptæ sunt, aut ex alio medicamento.

Diadaphnidon emplastrum ad extrahendum.

**V**nt etiam quædam emplastra nobilia ad extrahendum.  
 s Quæ ipsa quoq; ἐπιπρασινά nominatur. Quale est: quod,  
 q a lauri baccas habet διαδάφνιδων appellatur. in eo est, re-  
 sinæ terebinthinæ. P. XX. nitri, ceræ, picis aridæ, baccarum lauri, sin-  
 gulorum. p. XXX. olei paulum. Quotiens aut baccam, aut nucem, aut  
 simile aliquid posuero, scire oportebit, anteq̃ expendatur, ei summam  
 pelliculam esse demendam.

Aliud διαδάφνιδων ad extrahendum, & pus mouendum.

**L**iud eo nomine: quod puri quoq; mouendo est, seu vitulini,  
 a ammoniaci, thymiamatis, picis, ceræ, nitri, baccarum lauri,  
 resinæ aridæ, aristolochiæ, pyretri pares portiones.

Philocratis emplastrum ad extrahendum, & pus mouendum.

**P**æter has est philocratis: quod habet salis ammoniaci. P.  
 XVII. aristolochiæ. P. XVIII. ceræ, resinæ terebinthinæ, fu-  
 liginis thuris, singulorū. P. XXV. spumæ argenti. P. XXXII. Quibus  
 ut pus quoq; moueāt, iridis. P. XIII. & galbani. P. XVI. adiunguntur.

ρὺ πῶδες emplastrum ad extrahendum.

**P**tinum tamen ad extrahendum est id: quod à similitudine  
 o sordium ρὺ πῶδες græci appellāt. Habet myrræ, croci, iridis,  
 propolis, bdellij, capitulorum punici mali, aluminis & scissi-  
 lis, & rotundi. mysi, chalcitis, atramenti sutorij cocti, panacis, salis am-  
 moniaci, uisci, singulorum. P. XIII. aristolochiæ. P. XVIII. squamæ  
 aeris. P. XXVI. resinæ terebinthinæ. P. LXXV, ceræ, & seu, vel tau-  
 rini, vel hircini. P. XC.

Emplastrum



## Emplastrum Hecatei ad extrahendum.

h Ecateo quoq; auctore emplastrum generis eiusdē fit ex his.  
galbani. P. XII. fuliginis thuris. P. XIII. picis. P. XVI. ceræ,  
Et resinæ terebinthinæ, singulorum. XVIII. quibus paulū  
irini unguenti miscetur.

## Alexandrinum emplastrum uiride ad extrahendum.

u Alensq; ad idem emplastrum uiride alexandrinum est.  
Habet aluminis scissilis. P. XVIII. salis ammoniaci. P. XV  
III. Z. squamæ æris. P. XXVI. myrrhæ, thuris singulorū. P.  
XXVIII. ceræ. P. CL. resinæ colophoniacæ, aut pineæ. P. CCC. olei  
hemina, aceti sextarium

## De emplastris exedentibus.

q Vædam autem sunt emplastra exedentia: quæ σεπτα græci  
uocant quale est id quod habet resinæ terebinthinæ, fuligi-  
nis, thuris, singulorum. P. Z. squamæ æris. P. XI. ladani. P.  
XII. aluminis tantundem, spumæ argenti. P. XIII.

Emplastrum quod exest corpus, Et ossa resoluit, Et  
super crescentem carnem coercet.

e Xest etiam uehementer corpus, atq; ossa quoq; resoluit, Et  
super crescentem carnem coercet id quod habet spumæ ar-  
genti, squamæ æris, uncias singulas, nitri ignem non expti,  
lapidis asij, aristolochiæ. p. sextantes, ceræ resinæ terebinthinæ, thuris  
olei ueteris, atramenti sutorij. salis ammoniaci. P. semis, æruginis, rase.  
p. bessē, aceti scyllitici hemina, uini aminei tantundem.

## Emplastra aduersus morsus, Et alia recentiora uulnera.

f Vnt etiam aduersus morsus quædam accomodata quale est.  
Diogenis, nigrum: quod habet bituminis, ceræ, resinæ pineæ  
aridæ, singulorū. P. XXX. spumæ argenti. P. XC. olei sexta-  
rium. Aut in quo sunt. squamæ æris. P. XIII. cerussæ, Et æruginis  
passæ singulorū. P. XVIII. ammoniaci. P. XII. ceræ, resinæ pineæ.  
singulorum. P. XXV. spumæ argenti. P. XC. olei sextarium. Aut in  
quo sunt squamæ æris. P. XIII. galbani, P. VI. cerussæ, Et ærugi-  
nis rase, singulorum. P. VIII. ammoniaci. P. XII. ceræ, resinæ pi-  
neæ singulorum. P. XLV. spuma argenti concoquitur.



## LIBER

ἐμπίον emplastrum rubrum ad idem valens.

Ubrum quoque emplastrum, quod ἐμπίον vocatur, huc  
 aptum est. Habet resinae terebinthinae. P. XII. galbani. P. X  
 IIII. minij sinopici. P. XVI. thuris fuliginis. P. XVI. ceræ  
 P. XVII. spumæ argenti. P. XVI. olei ueteris heminam.

Aliud emplastrum ad idem valens.

Tē id quod ex his constat. squamæ aeris: thuris fuliginis: sin-  
 gulorū. P. XIII. galbani. P. XVI. salis ammoniaci. P. XII.  
 Z. ceræ. P. XXV. olei tribus heminis. Hæc autē alijs quoq;  
 recentioribus vulneribus recte imponuntur.

ἀσκή emplastra non grauibus vulneribus accommodata, &  
 maxime senilibus.

Vnt enim albalenia: ἀσκή græci vocant. ferè nō grauibus vul-  
 neribus accommodata, præcipuèq; senilibus. Quale est qđ ha-  
 bet cerussæ. P. XXXII. seni uitulini curati, & ceræ: singulo-  
 rum. P. XLVIII. olei heminas tres: ex quibus ea cerussa coquitur.

Elephantinum emplastrum.

Liud qđ hēt cerussæ. P. XXX. ceræ. P. XXXV. olei hemi-  
 nā, aquæ sextariū. Quæ quotiens adiçitur cerussæ uel spu-  
 mæ argenti: scire licet illa ex his coquēda esse. Est autē ea p-  
 cādida cōpositio quæ supra posita est, ideoq; elephātina nominatur.

Lenia emplastra.

Enia quoq; quædam emplastra sunt, quas λιπαράς ferè græ-  
 ci nominant: ut id quod habet minij. P. XIII. spumæ argen-  
 ti. P. XXV. ceræ et adipis suillæ. singulorum. P. XXVII  
 uitellos quatuor.

Emplastrum lene.

Lia compositio generis eiusdem: ceræ, resinae terebinthinae,  
 singulorum. P. XVI. cerussæ. P. XVIII. spumæ argenti, plu-  
 bi recrementi, σπορίαν πολύβδου græci vocant, singulorum  
 P. XXX. cicini olei, & myrti, singulorum heminae.

Archagathi emplastrum lene.

Ertia quæ ad auctorem Archagathum refertur, mysi cocti,  
 aeris combusti, singulorum. P. XIII. cerussæ coctæ. P. XVIII  
 resinae terebinthinae. P. XX. spumæ argenti. P. XVI.



Emplastra eiusdem generis ad leniendum apta.

**T**iamnum spumæ, argenti, ceræ, adipis suillæ singulorum  
P. XXXVII. vitelli cocti quatuor, rosæ hemina, Aut cerati ex  
oleo myrteo facti partes tres, adipis suillæ pars quarta, pau-  
lum ex plumbi recremento. Aut spumæ argenti selibra ex olei hemi-  
na, & aquæ marinæ altera cocta donec bullire desierit, cui paulum  
ceræ sit adiectum, aut pares portiones ceræ, seui, stibi, spumæ argenti,  
cerussæ.

De pastillis, & primo de his, qui ad recentia vulnera glutinā-  
da, sanandaq; apti sunt. Cap. XX.

**A**stilli quoq; facultates diuersas habent. sunt enim ad recen-  
tia vulnera glutinanda, sanandaq; apti. Qualis est qui ha-  
bet chalcitis, mysi, spumæ nitri, floris æris, gallæ, aluminis  
scissilis modice cocti, singulorum. P. XI. æris combusti, capitulorum ma-  
li punici, singulorum. P. XIII. Hunc oportet diluere aceto, sic, ubi vul-  
nus glutinandū est, illinere. At si nervosus aut musculosus is locus est,  
comodius est, cerato miscere sic, ut illius octo partes: nona huius sit.

Alius pastillus ad glutinanda vulnera.

**L**ius ad idem cōstat ex his, bituminis, aluminis scissilis, sin-  
gulorum. P. XI. æris combusti. P. XIII. spumæ argenti. P. X.  
XI. olei sextarium.

De sphragide pastillo: quæ Polybus conficit, ad glutinandū vulnus.

**E**d longe polybi celeberrimus est. oppari's autē nominatur.  
qui habet aluminis scissilis. P. XI. Z. atramenti sutorij. P. X.  
II. myrrhæ. P. XV. aloes tantundē, capitulorum punici mali, fellis tauri-  
ni, singulorum. P. XVI. Quæ contrita uino austero excipiuntur.

Pastillus ad ulcera sordida, & nigritiem in auribus, nari-  
bus, obscenis partibus, inflammationesq; eorum.

**D**ulcera sordida & nigritiem in auribus, naribus, obscenis  
partibus, inflammationesq; eorum, chrysocollæ. P. XI. atra-  
menti sutorij, aluminis scissilis, singulorum. P. XII. halicacabi corticis.  
P. X. IIII. minij. P. XVI. spumæ argenti. P. XXII. cerussæ. P. XXVI.  
Quæ ex aceto & coguntur, & ubi utendum est: diluuntur.



## LIBER

Pastillus andronis ad uenam inflamatam, ad naturalia sordida etiam cancro laborantia.

**a** Andronis uero est ad uenam inflamatam, ad naturalia sordida etiam cancro laborantia, gallæ, atramenti sutorij, myrrhæ singulorū .P. xij. aristolochiæ, aluminis scissilis, singulorum .P. xii. capitula punici mali. .P. xxxv. ex passo coacta, et cū usus exigit aceto, uel uino diluta, prout ualentius, aut lenius uitium est, cui medendum est.

Pastillus ad fissa ani, uel ora uenarum fundentia sanguinem, uel cancerum.

**p** Proprie autem ad ani fissa, uel ora uenarum fundentia sanguinē, uel cancerū, æruginis. .P. xii. myrrhæ. .P. xii. sibus, lacrymæ papaueris, acaciæ, singulorum. .P. xxvi. Quæ ex uino, et teruntur, et in ipso usu deliquantur.

Pastillus ad expellendum calculum cum urina.

**e** Xpellere autem ex uesica cum urina calculum uidetur hæc cōpositio. casia, croci, myrrhæ, costi, nardi, cinnamomi, dulcis radicis, balsami, hyperici, pares portiones conteruntur. deinde uinū lene instillatur, et pastilli fiunt: qui singuli habeant. .P. xz: hiq; singuli quotidie mane ieiuno dantur.

De pessis. Caput. XXI.

**b** Nec tria compositionū genera: id est quæ in malagmatis, pastillis, emplastrisq; sunt. maximū, præcipueq; uarium usum præstant. Sed alia quoq; utilia sunt. ut ea quæ foeminis subiiciuntur (πεαρὸς græci uocant) Eorū hæc proprietas est, Medicamēta composita molli lana excipiuntur, eaq; lana naturalibus conditur.

Ad sanguinem euocandum.

**a** D sanguinem autem euocandū canneis duabus adiicitur nistri. .P. xii. aut alij semen cōteritur. adiicitur myrrhæ paululum, et unguento susino miscetur, aut cucumeris siluestris pars interior ex lacte muliebri diluitur.

Ad uulnam molliendam.

**a** D uulnam molliendam oui uitellus, et fœnum græcum, et rosa, et crocum temperantur. Aut elaterij. .P. xz salis tandem, uuae taminia. .P. xvi. melle excipiuntur.



Alia pessi compositio ad idem ualens.

**a** Ut Boetho auctore, croci resinæ terebinthinæ, singulorum  
P. XIII. myrræ. P. X. ZZ. rosæ. P. XI. seu uitulini. P. X. Z.  
ceræ. P. XII. miscentur.

AD inflammationes uulvæ Numenij, Pessus.

**o** Prima autem aduersus inflammationes uulvæ Numenij com-  
positio est: quæ habet croci. P. X. Z. ceræ. P. XI. butyri. P. X.  
VIII. adipis anserinæ. P. XXII. uitellos coctos duos, rosæ  
minus cyatho.

Ad eijciendum è uulua infantem mortuum.

**f** I uero infans intus decessit: quo facilius eijciatur, malicorium  
ex aqua terendum: eoq; utendum est.

Si mulier uitio locorum concidit, qua curatione utendum sit.

**f** I concidere uitio locorum mulier solet, cochleæ cum testis suis  
comburendæ, conterendæq;: deinde his mel adijciendum est.  
Si non compræhendit, adeps leonina ex rosa mollienda est.

De medicamentis quibus aridis utimur, ad carnem super-  
crescentem exedendam. Caput. XXII.

**q** Vædam autem mixturæ medicamentorum sunt: quibus ari-  
dis neq; coactis utimur sic, ut inspergamus: aut cum aliquo  
liquido mixta illinamus: quale est ad carnem supercre-  
scentē exedendā. qd̄ habet squamæ, fuliginis thuris singulorū. P. XI.  
æruginis. P. XII. Hæc aut eadem cum melle purgant ulcera: cum cera  
implent. Mysi quoq; & galla si paribus portionibus misceantur, corpus  
consumunt: eaq; uel arida inspergere licet: uel excepta cadmia illinere.

Ad putrem carnem continendam ne ultra serpat, eamq;  
leniter exedendam plures compositiones.

**p** Utrem uero carnē continet, neq; ultra serpere patitur, &  
leniter exest mel, uel cum lenticula, uel cum marrubio, uel  
cum oleæ folijs ante ex uino decoctis. Item fertula campana  
in mulso cocta, deinde contrita, aut calx cum cerato, aut amaræ nuges  
cū allio sic, ut huius pars tertia sit: paulumq; his croci adijciatur. aut  
quod habet spumæ argenti. P. XVI. cornu bubuli combust. P. XXII.



## LIBER

aluminis scissilis, thuris, singulorum. P. XIII. gallæ. P. XVIII. aristolochiæ. P. XX. Vehementius idem facit etiam adurendo, auripigmentum cum chalcitide, aut nitro, aut calce, aut charta combusta. Item sal cum aceto. Vel ea compositio quæ habet chalcitidis, capitulorum punici mali, aloes, singulorum. P. XII. aluminis scissilis, thuris, singulorum. P. XIII. gallæ. P. XVIII. aristolochiæ. P. XX. mellis quantum satis sit ad ea cogenda. Vel cātharides. P. XI. sulphuris. P. XI. lolij. P. XIII. Quibus adijatur picis liquidæ quantum satis est. adiungendum uel chalcitis quoque cum resina, et ruta mixta. aut cum eadem resina: diphryges, aut una aminia cum pice liquida. Idem uero possunt feces uini combustæ, et calcis, et nitri pares portiones, uel aluminis scissilis. P. XXZ. thuris sandaracæ, nitri singulorum. P. XI. gallæ. P. XVIII. aristolochiæ. P. XX. mellis quantum satis est.

### Hieræ compositio.

e St etiam hieræ compositio. quæ habet myrrhæ, chalcitidis, singulorum. P. XII. aloes, thuris, aluminis scissilis, singulorum. P. XIII. Aristolochiæ, gallæ immaturæ, singulorum. P. XVIII. malicorij contriti. p. XX.

### Iudæi compositio.

e St iudæi: in qua sunt calcis partes duæ, nitri quæ ruberrima pars tertia. quæ urina impuberis pueri cogitur, donec strigmenti crassitudo sit. Sed subinde is locus: cui id illinitur: mori defaciendus est.

### Iolæ compositio.

e T iolas, chartæ combustæ, sandaracæ, singulorum. p. XI. calcis. p. XII. auripigmenti tantumdem miscebat.

Ad sanguinis profluvia, uel ex membrana cerebri, uel alijs locis et ad cancerum, et ad inducedam cicatricem, et ad coercedam carnem crescentem.

f I uero ex membrana: quæ super cerebrum est, profluit sanguis, uitellus combustus et contritus inspergi debet. Si alio loco sanguinis profluvium est, auripigmenti, squamæ aeris, singulorum. P. XI. sandaracæ. P. II. marmoris cocti. P. XIII. inspergi debet. Eadem cancro quoque obsistunt. Ad inducendam cicatricem, squamæ aeris, thuris fuliginis, singulorum. P. XII. calcis. P. p. IIII. Eadem incrementem quoque carnem coercent.



Timei compositio ad ignem sacrum, uel cancerum.

Imeus autem ad ignem sacrum, uel ad cancerum, his utebatur.

Myrræ. P. XII. thuris, atramenti sutorij, singulorum. P. XIII. sandaracæ, auripigmenti, squamæ æris, singularum. P. XIII. gallæ. P. XVI. cerussæ combustæ. P. XVIII. Eadem uel arida inspersa, uel melle excepta idem præstant.

Ad sternutamenta excitanda.

Sternutamenta uero, uel albo ueratro, uel struthio coniecto in nares excitantur, uel his mixtis: piperis, ueratri albi, singulorum. P. XZ. castorei. P. X. spumæ nitri. P. XI. struthij. P. XIII.

Gargarizationes quibus fieri debeant.

Gargarizationes autem aut leuandi causa fiunt, aut reprimendi, aut euocandi. Leuat lac, cremor uel ptisanæ, uel fursurum. Reprimit aqua, in qua uel lenticula, uel rosa, uel rubus, uel cotoneum malum, uel palmulæ decoctæ sunt. Euocant, sinapi, piper.

De antidotis, & quibus malis opitulentur. Caput. XXIII.

Antidota raro, sed præcipue interdum necessaria sunt: quia grauissimis casibus opitulantur. Ea recte quidem datur colicis corporibus uel per ictus, uel ubi ex alto deciderunt, uel uiscerum, laterum, faucium, interiorumq; partium doloribus. Maxime autem desideranda sunt aduersus uenena uel per morsus, uel per cibos, aut potiones nostris corporibus inserta.

Compositio antidoti.

Num est: quod habet lacrymæ papaueris. P. XZ. acori, malobathri. P. XV. iridis illiyricæ, gummi, singulorum. P. XII. anesi. P. XIII. nardi gallici, foliorum rosæ aridorum, cardamomi, singulorum. P. p. IIII. petroselinij. P. p. IIII. Z. folij. P. p. V. casie nigre, silis, bdellij, balsami, seminis piperis albi, singulorum. P. XZ. styracis. P. V. Z. myrræ, oppoponacis, nardi syrii, thuris masculi, hypocistidis succi, singulorum. P. XVI. castorei. P. XVI. costi, piperis albi, galbani, resinæ terebinthinæ, croci floris, iunci rotundi, singulorum. P. VI. Z. dulcis radices. P. p. VIII. Z. Quæ uel melle, uel passo excipiuntur.



## LIBER

Aliud antidotum Ambrosia nominatum, quod Zopyrus  
Ptolemæo regi composuit.

Iterum quod Zopyrus regi Ptolemæo dicitur composuisse,  
atq; Ambrosia nominasse: ex his constat. Costi, thuris masca-  
li, singulorū. P. p. V. piperis albi. P. p. Z. floris iunci rotundi. P.  
II. cinnamomi. P. p. III. casia nigrae. P. p. IIII. croci alij. P. p. IIII.  
Z. myrrae quàm stacten nominat. P. p. V. nardi indici. P. p. V. Z. quæ  
singula contrita melle cocto excipiuntur. Deinde ubi utendum est id:  
quod ægyptiæ fabæ magnitudinem impleat, in potione uini diluitur.

### Antidotum Mithridatis.

Obilissimum autem est Mithridatis, quod cotidie sumendo  
rex ille dicitur aduersus uenenorum pericula tutum corpus  
suū reddidisse. in quo hæc sunt, costi. P. p. S. Z. acori. P. p. V.  
hypici, cumini, sagapeni, agaciæ succi, iridis illyricæ, cardamomi, singu-  
lorū. P. p. II. ariesi. P. p. III. nardi gallici, gentiæ æradias, aridorū ro-  
se foliorum, singulorū. P. p. IIII. papaueris lacrymæ, petroselini, sin-  
gulorū. P. p. IIII. Z. casia, silis lolij, piperis longi, singulorū. p. XVI.  
styracis. p. V. Z. castorei, thuris hypocistidis succi, myrræ, opoponacis, sin-  
gulorum. p. VI. Z. malobathri folij. XVI. floris iunci rotundi, resinæ  
teribinthinæ, galbani, dauci cretica seminis, singulorū. P. p. VI. Z. nar-  
di, opobalsami, singulorū. P. p. VI. Z. thlaspis. p. XV. ZZ. radicis pon-  
ticæ. p. VII. croci, Zinziberis, cinnamomi, singulorum. p. XVIII. r.  
Hæc contrita melle excipiuntur: Et aduersus uenenum, quod magni-  
tudinem nucis græcæ impleat, ex uino datur. In cæteris autem affe-  
ctibus corporis pro modo eorū, uel quod ægyptiæ fabæ, uel quod Erui  
magnitudinem impleat, satis est.

### DE acopis. Caput. XXIIII.

Copa quoq; utilia nervis sunt: quale est quod habet floris  
iunci rotundi. p. II. ZZ. costi, iūci quadrati, lauri baccharum,  
ammōiaci, cardamomi, singulorū. p. p. IIII. Z. myrrhæ, æris  
cōbusti singulorū. P. p. VII. iridis illiricæ, cere singulorū. P. p. XIIII.  
alexadrini calami, iunci rotundi, aspalathi, xylobalsami, singulorum  
P. XVIII. seui. P. I. unguenti irini cyathum.

Acopum αῶδες nervis utile.

Iterum quod αῶδες uocant, hoc modo fit: ceræ. P. Z. olei  
tantundem, resinæ terebinthinæ ad nucis iuglandis magni-  
tudinem simul incoquantur: deinde infusa in mortario te-  
runtur:



runter, instillaturq; subinde quàm optimi mellis acetabulum: tum iri  
ni unguenti, & rosæ terni cyathi.

Expisæ ad ulcera purganda, & implenda.

Expisæ autem græci uocant, liquida quæ illinuntur. Qua-  
le est quod fit ad ulcera purganda, & implenda, maxime  
inter nervos paribus portionibus inter se mixtis, butyri, me-  
dullæ uitulinæ, seui uitulini, adipis anserinæ, ceræ, mellis, resinæ tere-  
binthinæ, rosæ, olei cicini. Quæ separatim omnia liquantur: deinde  
liquida miscentur, & tum simul teruntur. Et hoc quidem magis pur-  
gat. Magis uero emollit: si pro rosa cypirus infunditur.

Ad sacrum ignem.

D sacrum ignem spumæ argenti. P. XVI. corni bubuli com-  
busti. P. XII. conteruntur, adjiciturq; inuicem uinum, & id  
quod specialiter sil uocatur, & myrteû: donec utriusq; terni  
cyathi coniiciantur.

De catapotijs. Caput. XXV.

Catapotium ad somnum accersendum, & lenationem  
doloris, & simul ad concoquendum.

Catapotia quoq; multa sunt, varijsq; de causis fiunt. αρωδύνα  
uocant quæ somno dolorem leuant. Quibus uti: nisi nimia  
necessitas urget, alienum est. Sunt enim ex uehementibus me-  
dicamentis, & stomacho alienis. Potest tamen etiam ad concoquendû:  
quod habet papaueris lacrymæ, galbani, singulorum. P. XI. myrrhæ,  
castorei, piperis, singulorum. P. XII. Ex quibus quod erui magnitudi-  
nem habet, satis est deuorasse.

Catapotium ualentius ad somnum.

Iterum stomacho peius, ad somnû ualentius ex his fit, mā-  
dragoræ. P. Z. apij seminis, item hyoscyami seminis, singulo-  
rû. P. XIII. Quæ ex uino teruntur. Vinum autem eiusdē  
magnitudinis: quæ supra posita est: abunde est sumpsisse.

Catapotium ad plurimos dolores per somnum leniendos.

Iue autem capitis dolores, siue ulcera, siue lippitudo, siue  
dentes, siue spiritus difficultas, siue intestinorum tormenta,

Aurelij Cor.

k



sive inflammatio uulue est, siue coxa, siue iecur, aut lienis, aut latus torquet, siue uitio locorum aliqua prolabitur, & obmutescit, occurrat dolori per quietem cuiusmodi catapotium. Silis, acori, rutæ siluestris seminis, singulorum. P. p. I. castorei, cinnamomi, singulorum. P. XII. papaueris lacrymæ, panaces, radices mandragoræ, malorum aridorum, iunci rotundi floris, singulorum. P. p. II. piperis grana. LVI. Hæc per se contrita, rursus instillato subinde passo, simul omnia teruntur, donec crassitudo sordium fiat. Ex eo paulum aut deuoratur, aut aqua diluitur, & potui datur.

Catapotium aliud, ad multa ualens.

¶ Vin etiam siluestris papaueris, cum iam ad excipiendam lachrymam maturum est, manipulus qui manu comprehendere potest, in uas demittitur, & superinfunditur aqua: quæ id contegat, atq; ita coquitur. Vbi iā bene manipulus is coctus est, ibidem expressus proijcitur, & cum eo humore passi pari mensura misceatur, inferuetq; donec crassitudinem sordium habeat. Cum infrixit, catapota ex eo fiunt ad nostræ fabæ magnitudinem, habentq; usum multiplicem. Nam & somnū faciunt uel per se assumpta, uel ex aqua data, & aurium dolores leuant, adiectis exiguo modo rutæ succi, ac passi. Et tormina supprimunt ex uino liquata, & inflammationem uulue coercet mixta cerato ex rosa facto: cum paulum his croci quoq; accessit, & ex aqua fronti inducta, pituitam in oculos decurrentem tenent.

Catapotiū ad inducendū somnū: quod uulua dolens prohibuit.

¶ Item si uulua dolens somnum prohibuit, croci. P. XII. anesi, myrrhæ, singulorū P. p. I. papaueris lacrymæ. p. p. XIII. cicutæ seminis. p. XVIII. miscentur, excipiunturq; uino uetere, et quod lupini magnitudinem habet in tribus cyathis aquæ diluitur. Id tamen in febre periculose datur.

Ad iecur sanandum.

¶ D sanandum iecur nitri. P. X. Z. croci, myrrhæ, nardi gallici, singulorum. P. XI. melle excipiuntur, daturq; quod ægyptiæ fabæ magnitudinem habeat.

Ad finiendos dolores lateris.

¶ d lateris dolores finiendos, piperis, aristolochiæ, nardi, myrrhæ pares portiones.



Ad thoracis dolores finiendos.

D thoracis, nardi. P. XI. thuris, casiae, singulorū. P. XIII. myrrhæ, cinnamomi, singulorū. P. XVI. croci. P. XVIII. resinæ terebinthinæ quadrans, mellis heminae tres.

Catapotium Athenionis ad tussim.

D tussim Athenionis, myrrhæ, piperis, singulorum. P. p. XI. castorei, papaueris lacrymæ, singulorum. P. XI. Quæ separatim contusa postea iunguntur, & ad magnitudinem fabæ nostræ bina catapotia mane, bina noctu dormituro dantur.

Catapotium Heraclidis tarentini ad tussim, & somnum.

I tussis somnum prohibet, ad utranq; Heraclidis tarentini croci. P. XI. cinnamomi. castorei, papaueris lacrymæ, singulorū. P. XI. myrrhæ, pipis longi. costi, galbani, singulorū. P. Z.

Catapotium ad purganda ulcera in faucibus tussientibus.

Qd si purganda sunt ulcera in faucibus tussientibus, panaces, myrrhæ, resinæ terebinthinæ, singulorum. P. X. galbani. P. Z. hyssopi. P. Z. conterenda sunt. hisq; hemina mellis adiicienda, & quod digito excipi potest, deuorandum est.

Collice cassij medici.

Collice uero Cassij ex his constat, croci, anesi, castorei, singulorū. P. XIII. petroselinī. P. XIII. piperis & longi, & rotundi, singulorum. P. XV. papaueris lacrymæ, iunci rotundi, myrrhæ, nardi, singulorum. P. XVI. Quæ melle excipiuntur. Id autem & deuorari potest, & ex aqua calida sumi.

Ad infantem mortuum, aut secundas expellendas.

I Nfantem uero mortuum, aut secundas expellit aquæ potio, cui salis ammoniaci. P. XI. aut cui dictami cretici. P. XI. adiectum est.

Laborantibus ex partu quid dari debeat.

E X partu laborantibus erisimum ex uino tepido ieiunæ dari debet.

Ad adiuuandam uocem.

U Ocem adiunat thuris. P. XI. in duobus cyathis uini datum.

Aduersus difficultatem urinae.

A Duersus urinae difficultatem, piperis longi, castorei, myrrhæ, galbani, papaueris lacrymæ, croci, costi unciæ singulae, styracis, resinæ terebinthinæ. P. sextantes, mel, absinthij cyathus. Ex quibus ad magnitudinem fabæ ægyptiæ & mane, & cœnato dari debet.



## Arteriace compositio quomodo fiat.

Arteriace uero hoc modo fit: casia, iridis, cinnamomi, nardi,  
 a myrrhae, thuris, singulorum. P. X. I. croci. P. X. I. piperis gra-  
 na. XXX. ex passi tribus sextarijs decoquuntur: donec mel-  
 lis crassitudo his fiat. Aut croci, myrrhae, thuris, singulorum. P. XI.  
 conijciuntur in passi eundem modum, eodemq; modo decoquuntur.  
 Aut eiusdem passi heminae tres usq; eo coquuntur: donec extracta  
 inde gutta indurescat, & adijcitur trita casia. P. XI.

De quinque generibus noxarum corporis, & primo de uulneri-  
 bus quae maxime per tela inferuntur. Cap. XXVI.

Ubi facultates medicamentorum proposuerim, genera in qui-  
 bus noxa corpori est: proponam. Ea quinque sunt. Cum quid  
 c extrinsecus laesit: ut in uulneribus. Cum quid intra se ipsum  
 corruptum est, ut in cancro. Cum quid innatum est, ut in uesica cal-  
 culus. Cum quid increuit, ut uena quae intumescens in uaricem con-  
 uertitur. Cum quid deest, ut cum curata pars aliqua est. Ex his alia  
 sunt, in quibus plus medicamenta. Alia in quibus plus manus profi-  
 cit. Ergo dilatis his: quae praecipue scalpellum, et manum postulant: nunc  
 de his dicam, quae maxime medicamentis egent. Diuidam autem hanc  
 quoque curandi partem sicut priorem. Et ante dicam, de his quae in quili-  
 bet partem corporis incidunt. Tum de his, quae certas partes infestant.  
 Incipiam a uulneribus. In his autem ante omnia scire medicus debet: quae isa-  
 nabilia sunt: quae difficile curationem habeant: quae promptior est. Est. na-  
 prudens hominis: primum enim, qui seruari non potest, non attingere, nec  
 subire speciem eius ut occisi, quem sors ipsius peremit. Deinde ubi gra-  
 uis metus sine certa tamen desperatione est, indicare necessarijs periculi  
 tantis in difficili rem esse: ne si uicta ars malo fuerit, uel ignorasse,  
 uel fefellisse uideatur. Sed ut haec prudenti uiro conueniunt, sic rursum  
 histrionis est, paruam rem attollere, quo plus praestitisse uideatur. Obliga-  
 ri quoque aequum est confessione propterea rei: quo curiosius etiam circumspiciat,  
 ne, quod per se exiguum est malum, maius curantis negligentia fiat.

## Quae uulnera insanabilia sunt.

Erruari non potest, cui basis cerebri, cui cor, cui stomachus, cui  
 iocineris portae, cui in spina medulla percussa est, cuique aut  
 pulmo medius, aut ieiunum, aut tenuius intestinum, aut uen-  
 triculus, aut renes uulnerati sunt: cui uel circa fauces grandes uenae, uel  
 arteriae praecise sunt.



*Quæ vulnere difficilē curationem habeant.*

IX autem ad sanitatē perueniunt: quibus ulla parte pulmo, aut iocineris crassum, aut membrana, quæ continet cerebrū, aut lienis, aut uulua, aut uesica, aut ullum intestinum, aut septum transversum vulneratū est. Hi quoq; in præcipiti sunt: in quibus usq; ad grandes intusq; conditas uenas in alis, uel poplitibus mucro descendit. Periculosa etiam vulnere sunt, ubicunq; uenæ maiores sunt. quoniam exhaurire hominem profusione sanguinis possunt. Idq; euenit non in alis tantum, atq; poplitibus, sed etiam in his uenis, quæ ad anum, testiculosq; perueniunt. Præter hæc malum vulnus est, quodcunq; in alis uel foeminibus, uel inanibus locis, uel in articulis, uel inter digitos est. Item quodcunq; muscolum, aut neruum, aut arteriam, aut membranam, aut os, aut carthilaginem læsit.

*Quæ vulnere tutiorē curationem habeant.*

Utissimum omnium quod in carne est. Et hæc quidem loco uel peiora uel meliora sunt. modo uero periculū facit quodcunq; magnum est.

*Observationes quædam Et ætatis, Et corporis, Et uitæ, Et temporis in uulneribus.*

Liquid etiam in uulneris genere, figuraq; est. Nam peius est quod etiā collisum, quàm quod tantū discissum est. adeo ut acuto quoq; quàm retuso telo uulnerari commodius sit. Peius etiā vulnus est, ex quo aliquid excisum est: ex quo uel caro alia parte abscissa, alia dependet: pessima quæq; plaga in orbē est: tutissima quæ lineæ modo recta est. Quo deinde propius huic, illi uel figuræ vulnus est: eo uel deterius, uel tolerabilius est. Quin etiam confert aliquid Et ætas, Et corpus, Et uitæ propositum, et anni tempus, quia facilius sanescit puer uel adolescens, quàm senior: ualens quàm infirmus: neq; nimis tenuis, neq; nimis plenus, quàm si alterum ex his est. integri habitus, quàm corrupti: exercitatus, quàm iners: sobrius, et temperans, quàm uino, ueneriq; deditus. Opportunissimumq; curationi tempus uernum est, aut certe: neq; feruens neq; frigidum, siquidem uulnera Et nimis calor, Et nimium frigus infestant: maxime tamen horum uarietas: ideoq; perniciosissimus autumnus est. Sed pleraq; ex uulneribus oculis subiecta sunt: quorundam ipsæ sedes indices sunt, quas alio loco demonstrauius, cum positus interiorum partiū ostendimus. Veruntamen quia quædam uicina sunt, interest quoq; vulnus in sum-



## LIBER

ma parte sit, an penitus penetrauerit: necessarium est notas subijcere, per quas quid intus actum sit, scire possimus: & ex quibus uel spes, uel desperatio oritur.

### Signa percussi cordis.

i Gitur corde percusso, sanguis multus effertur: uenae languescunt: color pallidissimus: sudores frigidi, maliq; odoris tamquam irrorato corpore oriuntur: extremisq; partibus frigidis matura mors sequitur.

### Signa pulmonis icti.

p Vlmone uero icto, spirandi difficultas est: sanguis ex ore spumas: ex plaga rubens: simulq; etiam spiritus cum sono fertur in uulnus inclinari iuvat: quidam sine ratione consurgunt. Multi, si in ipsum uulnus inclinati sunt, loquuntur: si in aliam partem, obmutescunt.

### Signa iocineris uulnerati.

i Ocineris autem uulnerati notae sunt, multus sub dextra parte praecordiorum profusus sanguis: ad spinam redacta praecordia: in uentrem cubandi dulcedo: punctiones, doloresq; usq; ad iugulum, iunctumq; ei latus scapularum: os intentum. Quibus nonnunquam etiam biliosus uomitus accedit.

### Signa percussorum renium.

r Enibus uero percussis, dolor ad inguina, testiculosq; descendit: difficulter urina redditur: eaq; aut est cruenta, aut cruor fertur.

### Signa uulnerati lienis.

a T liene icto sanguis niger a sinistra parte prorumpit: praecordia cum uentriculo ab eadem parte indurescunt: sitis ingens oritur: dolor ad iugulum, sicut iocinere uulnerato uenit.

### Signa percussae uulnae.

a T cum uulna percussa est, dolor inguinibus, & coxis, & femoribus est. Sanguinis pars per uulnus, pars per naturale descendit: uomitus bilis insequitur. Quaedam obmutescunt: quaedam mente labuntur: quaedam sui compotes: nervorum, oculorumq; dolore urgeri se confitentur: morietesq; tandem eade, quae corde uulnerato, patiuntur.



Signa percussi cerebri, uel membranæ eius.

In cerebrum membrana'ue eius uulnus accepit: sanguis per nares, quibusdam etiam per aures exit: fereq; bilis uomitus insequitur. Quorundam sensus obtunduntur: appellatiq; ignorant. Quorundam trux uultus est: quorundam oculi quasi resoluti huc, atq; illuc mouentur. fereq; tertio, uel quinto die delirium accedit. multorum etiam nerui distenduntur. Ante mortem autem pleriq; fascias, quibus caput deligatum est: lacerant: ac nudum uulnus frigori obijciunt.

Signa percussi stomachi.

Bi stomachus autem percussus est: singultus, & bilis uomitus insequitur. Siquid cibi, uel potionis assumptum est, ea redditur cito. Venarum motus elanguescunt: sudores tenues oriuntur: per quos extremæ partes frigescent.

Signa ieiuni intestini, & uentriculi uulnerati, & aliorum intestinorum.

Ommunes uero ieiuni intestini, & uentriculi uulnerati notæ sunt. Nam cibus, & potio per uulnus exeunt: præcordia indurescunt. nonnunquam bilis per os redditur. intestino tantum sedes inferior est. Cætera intestina icæta uel stercus, uel odorem eius exhibent.

Signa percussæ medullæ, quæ in spina est.

Edulla uero quæ in spina est discissa, nerui resoluuntur: aut distenduntur. sensus intercidit: interposito tempore aliquo siue uoluntate inferiores partes uel semen, uel urinam, uel etiam stercus excernunt.

Signa septi transversi percussi.

¶ Si septum transversum percussum est, præcordia sursum contrahuntur: spina dolet: spiritus rarus est: sanguis spumans fertur.

Signa uesicæ uulneratæ.

¶ Vesica uero uulnerata dolent inguina. quod super pubem est: intenditur. pro urina sanguis, aut ex ipso uulnere urina descendit: stomachus afficitur. itaq; aut bilem uomunt: aut singultuant: frigus, & ex eo mors sequitur.

De sanguine, & sanie, & pure, & eorum speciebus quando ue meliora, deteriora'ue sint.

¶ Is cognitis etiam nunc quædam alia noscenda sunt ad oia uulnera, ulceraq; de quibus dicturi sumus: pertinentia. Ex his aut exit sanguis, sanies, pus. Sanguis omnibus notus est.



Sanies est tenuior hoc, varie crassa, & glutinosa, & colorata. Pus crassissimum, albidissimumq; glutinosius & sanguine, & sanie. Exit aut sanguis ex ulnere recenti, aut iam sanescente. Sanies est inter utrumq; tempus. pus ex ulcere iam ad sanitatem spectante. Rursus & sanies, & pus quasdam species græcis nominibus distinctas habent. Est enim quedam sanies quæ uel ἰχὼρ, uel μελίμπος nominatur. Est pus quod ἐλαῖωδες appellatur. ἰχὼρ tenuis, subalbidus ex malo ulcere exit: maximeq; ubi neruo læso inflammatio secuta est. μελίμπος crassior, & glutinosior subalbida, melliq; albo sub similis fertur. Hæc quoq; ex malis ulceribus ubi nerui circa articulos læsi sunt, & inter hæc loca maxime ex genibus. ἐλαῖωδες tenue subalbidum quasi unctum colore, atq; pinguitudine, oleo albo non dissimile apparet in magnis ulceribus sanescentibus. Malus autem est sanguis nimium aut tenuis, aut crassus, colore uel liuidus uel niger, aut pituita mixtus, aut uariis. Optimus calidus, rubens, modice crassus, non glutinosus. Itaq; protinus eius ulneris expedita magis curatio est, ex quo sanguis bonus fluxit. Itemq; postea spes in his maior est, ex quibus melioris generis quæq; proueniunt. Sanies igitur mala est multa, nimis tenuis, liuida, aut pallida, aut nigra, aut glutinosa, aut mali odoris, aut quæ & ipsum ulcus & iunctam ei cutem erodit. Melior nō multa modice crassa, subrubicunda, aut subalbida. ἰχὼρ autem peior est multus, crassus, subliuidus, aut subpallidus, glutinosus ater, calidus, mali odoris. Tolerabilior est subalbidus, qui cætera omnia contraria prioribus habet. μελίμπος autem mala est multa, & percrassa: melior quæ & tenuior, & minus copiosa est. Pus inter hæc optimum est. Sed id quoq; peius est multum, tenue, dilutum, magisq; si ab initio tale est. Itemq; si colore sero simile, si pallidum, si liuidum, si feculentum est. Præter hæc si male olet, nisi tamen locus hunc odorem excitat. Melius est, quo minus est, quo crassus, quo albidus. Itemq; si leue est: si nihil olet: si æquale est. modo tamen conuenire & magnitudini ulneris, & tempori debet. Nam plus ex maiore, plus nondum solutis inflammationibus naturaliter fertur. ἐλαῖωδες quoq; peius est multum, & parum pingue, quo minus etiam quoq; id ipsum pinguius, eo melius est.

Curatio aduersus profusionem sanguinis in ulneribus.

Vibus exploratis ubi aliquis ictus ē, qui seruari potest: protinus prospicienda duo sunt: ne sanguinis sit profusio: ne ue inflammatio interimat. Si profusionem timemus, quod ex se de ulneris, & magnitudine eius, & ex impetu ruētis sanguinis in-



telligi potest, siatis linamentis vulnus implendum est: supraq; imponenda spongia ex aqua frigida expressa: ac manu super comprimenda. Si parum sic sanguis conquiescit, sæpius linamenta mutanda sunt. Et si siat parum valent, aceto madefacienda sunt. id uehemens ad sanguinem suppressum est. Ideoq; quidam id vulnere infundunt. Sed alius rursus metus subest: ne nimis ualenter ibi retenta materia magnam inflammationem postea moueat. quæ res effiat neq; rodentibus medicamentis, neq; adurētibus: Et ob id ipsum inducentibus crustam, sit utendum: quanuis pleraq; ex his sanguinem suppressant. Sed si semel ad ea decurritur, potius quæ mitius idē efficiunt. Quod si illa quoq; profusio uincuntur. uenæ, quæ sanguinem fundunt, apprehendendæ: circaq; id quod ictum est, duobus locis deligendæ, intercidendæq; sunt, ut in se ipsæ coeant: et nihilominus ora præclusa habeant. ubi ne id quidem res patitur: possunt ferro candenti aduri. Sed etiam satis multo sanguine effuso ex eo loco, quo neq; nervus, neq; musculus est, ut puta in fronte, uel superiore capitis parte. commodissimum tamen est cucurbitulam admoovere à diuersa parte, ut illuc sanguinis cursus reuocetur.

#### Curationes aduersus uulnorum inflammationem.

**T** aduersus profusionem quidem in his auxilium est. Aduersus inflammationem autem in ipso sanguinis cursu ea timeri possunt, ubi læsum ē uel os, uel nervus, uel cartilago, uel musculus: aut ubi parum sanguinis pro modo uulneris fluxit. Ergo quotiens quid tale erit, sanguinem mature suppressere non oportebit: sed pati fluere dum tutum erit: adeo ut si parum fluxisse uidebitur: mitti quoq; ex brachio debeat, utiq; si corpus iuuenile, et robustum, et exercitatum est: multoq; magis si id uulnus ebrietas præcessit. Quod si musculus læsus uidebitur, præcidendus erit. Nam percussus mortiferus est: præcisus sanitatem recipit.

#### De glutinatione uulnorum.

**S**anguine autem uel suppresso, si nimis erumpit: uel exhausto, si per se parum fluxit: longe optimum est, uulnus glutinari. Potest autem id uel quod in cute uel etiam in carne est: si nihil ei præterea mali accedit. Potest atro alia parte dependens, alia inherens: si tamen etiam num integra est, et coniunctione corporis fouetur. In his uero quæ glutinantur duplex curatio est. Nam si plaga in molli parte, sui debet: maximeq; si discissa auris ima est: uel imus nasus, uel frons, uel bucca, uel palpebra, uel labrum, uel circa



## LIBER

guttur cutis, uel uenter. Si uero in carne uulnus est, hiatq; neq; in unū orae facile attrahuntur: sutura quidem aliena est. Imponendae uero fibulae sunt, ἀρτηρία γὰρ graeci nominant: quae oras, paulum tamen contrahunt: quo minus lata postea cicatrix sit. Ex his autem colligi potest, id quoq; quod alia parte dependens, alia inhærebit: si alienatum adhuc non est: suturam, an fibulam postulet. Ex quibus neutra ante debet imponi, quàm intus uulnus purgatum est: ne quid ibi concreti sanguinis relinquatur. Id enim & in pus uertitur: & inflammationem mouet: & glutinari uulnus prohibet. ne linamentum quidē, quod suppressendi sanguinis causa inditum est: inibi relinquendum est. nam id quoq; inflamat. Compræhendi uero sutura, uel fibula non cutem tantum, sed aliquid etiam ex carne: ubi suberit hæc, oportebit quo ualentius hæreat, neq; cutem abrumpat. Vtraq; optima est ex acia molli non nimis torta, quo mitius corpori insadat. Vtraque neq; nimis rara, neq; nimis crebra inicienda est. Si nimis rara est, nō continet: si nimis crebra est, uehementer afficit: quia quo sæpius acus corpus transit, quoq; plura loca iniectum uinculum mordet, eo maiores inflammationes oriuntur: magisq; aestate. neutra etiam uim ullam desiderat. sed catenus utilis est, qua cutis ducentem quasi sua sponte subsequitur. Ferè tamen fibulae latius uulnus esse patiuntur. Sutura oras iungit: quae ne ipsae quidem inter se contingere ex toto debent: ut si quid intus humoris concreuerit, sit qua emanet. Si quod uulnus neutrum horum recipit, id tamen purgari debet: deinde omni uulneri primo imponenda est spongia ex aceto expressa. si sustinere aliquis aceti uim non potest: uino utendum est. Leuis plagi uuuatur etiam si ex aqua frigida expressa spongia imponitur. sed ea quocunq; modo imposita est: dum madet, prodest. itaq; ut inarescat, non est committendum. Licetq; sine peregrinis, & conquisitis, & compositis medicamentis uulnus curare. Sed si quis huic parum confidit, imponere medicamentum debet: quod sine seuo compositum sit ex his, quae cruentis uulneribus apta esse proposui. Maximèq; si caro est: barbarum: si nerui, uel cartilago, uel aliquid ex eminentibus, quales aures, uel labra sunt, Polybi sphragidem. Alexandrinum quoq; uiri de neruis idoneum est: eminentibusq; paritius ea, quam graeci παύλου καὶ uocant. Solet etiam colliso corpore exigua parte findi cutis. quod ubi incidit, non alienum est, scalpello latius aperire: nisi muscoli, neruiq; iuxta sint: quos incidi non expedit. ubi satis deductum est, medicamentum imponendum est. At si id quod collisum est, quantum parum diductum est: latius tamen aperiri propter neruos, aut musculos non licet: adhibenda sunt ea, quae humorem leniter extrahant, præ



capueq; ex his id quod πυρρὸς vocari proposui. Non alienum est etiam ubicunq; vulnus graue est, impositum, quo id inuenitur, insuper circundare lanam succidam ex aceto, & oleo: uel cataplasma, si mollis is locus est, quod leniter reprimat. Si nervosus, aut musculosus: quod emolliat.

Quomodo vulnus ligari conueniat.

Ascia uero ad vulnus deligandum lintea aptissima est: eaq;  
f lata esse debet, ut semel iniecta non vulnus tantum, sed paulum utrinq; etiā oras eius comprehendat. Si ab altera parte caro magis recessit, ab ea melius attrahitur. Si aeq; ab utraq; trāuersa comprehendere oras debet: aut si id ulneris ratio non patitur: media primum iniicienda est, ut tum in utranq; partem ducatur. sic autem deliganda est: ut & contineat, neq; astringat. quod non continetur, elabitur. quod nimis astrictum est, cancro periclitatur. Hyeme saepius fascia circuire debet: aestate quotiens necesse est: tum extrema pars eius inferioribus acu assuenda est. nam nodus vulnus ledit: nisi tamen longe est. illo neminem decipi decet, ut propriam uiscerum curationem requirat: de quibus supra posui. Nam plaga ipsa curanda extrinsecus uel sutura, uel alio medicinae genere est. In uisceribus nihil mouendum est: nisi aut si quid ex iocinere, aut liene, aut pulmone duntaxat extremo dependeat: praecidatur. alioquin uulnus interius ea uictus ratio, eaq; medicamenta sanabunt: quae cuiq; uisceri conuenire superiore libro proposui.

De ratione uictus, & notis ulnerum, curationibusq; eorum.

Is ita primo die ordinatis, homo in lecto collocandus est: isq;  
h si graue vulnus est: abstinere quantum uires patiuntur ante inflammationē a cibo debet. bibere donec sitim finiat aquā calidam. uel si aestas est, neq; febris, neq; dolor est: et frigidam. adeo tamen nihil perpetuum est. sed semper pro uiribus corporis aestimandum ut imbecillitas etiam cibum protinus facere necessarium possit: tenuem scilicet & exiguum, qui tantum sustineat. Multiq; etiam ex profluvio sanguinis inter morientes ante ullam curationem uino reficiendi sunt: quod alioquin inimicissimum ulneri est. nimis uero intumescere vulnus, periculosum: nihil intumescere: periculosissimum est. illud inditum est magnae inflammationis: hoc emortui corporis. Protinusq; si mens homini consistit: si nulla febris accessit: scire licet mature vulnus sanum fore. Ac ne febris quidem terrere debet,



## LIBER

si in magno vulnere, dum inflammatio est: permanet. Illa pernicio-  
sa est, quæ uel leui vulnere superuenit: uel ultra tempus inflammatio-  
nis durat: uel delirium mouet: uel si nervorū rigor, aut distentio, quæ  
ex vulnere orta est: eam non finit. Vomitus quoq; biliosus non uolun-  
tarius, uel protinus ut percussus est aliquis, uel dum inflammatio ma-  
net, malum signum est, in his duntaxat, quorum uel nerui uel etiam  
nervosi loci vulnerati sunt. Spōte tamen uomere non alienum est, præ-  
cipue his, quibus in consuetudine fuit: sed neq; protinus post cibum, neq;  
iam inflammatione orta: neq; cum in superioribus partibus plaga est.  
Biduo sic vulnere habito, tertio die id aperiendum, detergendaq; sa-  
nies ex aqua frigida est: eademq; rursus iniicienda sunt. Quinto iam  
die quanta inflammatio futura est, se ostendit. Quo die rursus detecto  
vulnere considerandus color est. Quod si liuidus, aut pallidus, aut ua-  
rius, aut niger est: scire licet malum vulnus esse. idq; quodcumq; ani-  
maduersum est terrere nos potest. album, aut rubicundum esse ulcus,  
commodissimum est. Item cutis dura, crassa, dolens, periculū ostendit.  
bona signa sunt ubi hæc sine dolore tenuis & mollis est. Sed si gluti-  
natur vulnus, aut leniter intumuit, eadem sunt imponenda, quæ pri-  
mo fuerunt. Si grauis inflāmatio est, neq; glutinādi spes est, ea quæ pus  
moueant: aquæ quoq; calidæ necessarius usus est, ut & materiam dige-  
rat: & duritiam emolliat: & pus citet. Ea sic temperanda est, ut &  
manu contingenti iocunda sit: usq; eo adhibenda, donec aliquid ex tu-  
more minuisse, coloremq; ulceri magis naturalem reddidisse uideatur:  
maximēq; si grande vulnus est, τετραπάρημον: si in articulis, digitis,  
locis cartilaginosis πυρῶδες. Post id fomentum si lata plaga non pa-  
tet: imponi protinus emplastrum debet: & si latius hiat, illud empla-  
strum liquari ex irino unguento oportet: eoq; illita linamenta disponi  
per plagam: deinde emplastrum supra dari, & super id succidam la-  
nam: minusq; etiam, quàm primo foscæ astringendæ sunt.

### Curationes propriæ articulorum.

Propriæ quædam in articulis uisenda sunt: in quibus si præ-  
cisi nerui sunt, qui continebant: debilitas eius partis sequitur.  
Si id dubium est: & ex acuto telo plaga est: ea transuersa  
commodior est. Si retuso & graui est, nullum in figura discrimen est.  
At uisendum est pus supra articulum, an infra nascatur. Si sub eo na-  
scitur: albumq; & crassum diu fertur: neruum præcisum esse credibi-  
le est. Magis quoq; maiores dolores, inflammationesq; quo maturius  
excitatæ sunt. Quauis autem non abscissus neruus est: tamen si cir-  
ca tumor durus diu permanet: necesse est & diuturnum ulcus esse:



Et sano quoque eo tumorem permanere: futurumque est, ut tarde membrum id extendatur uel contrahatur. Maior tamen in extendendo mora est, ubi recuruato articulo curatio adhibita est, quam in recuruando eo, quod rectum continuerimus. Collocari quoque membrum: quod ictum est ratione certa debet. Si glutinandum est, ut superius sit: si in inflammatione est: ut in neutram partem inclinatum sit. Si iam pus profluit, ut deuexum sit. Optimum etiam medicamentum quies est: moueri et ambulare nisi sanis alienum est. Minus tamen his est periculosum, qui in capite uel brachijs, quam qui inferioribus partibus uulnerati sunt. Minimèque ambulatio conuenit: foemine, aut crure, aut pede laborante. Locus in quo cubabit, tepidus esse debebit. Balneum quoque, dum parum uulnus purum est: inter res infestissimas est. Nam id et humidum et sordidum reddit: ex quibus ad cancerum transitus esse consuevit. Levis frictio recte adhibetur, sed his partibus, quæ longius absunt à uulnere.

Vulnus quomodo purgandum est.

Inflammatione finita, uulnus purgandum est. Id optime faciunt tincta in melle linamenta, supraque id, emplastrum, uel *εὐρεα πόρμα* dandum est. Tum demum uero purum uulnus est: cum rubet, ac nimium neque siccum neque humidum est, ac quodcunque sensu caret, quod non naturaliter sentit, quod nimium aut aridum, aut humidum est. Quod aut pallidum, aut albidum, aut lividum, aut nigrum est: id purum non est.

Quomodo uulnus implendum est.

Virgato, sequitur ut impleatur, iamque calida aqua eatenus necessaria est, ut sanies remoueatur. Lanæ succidæ superuacuius usus est. Lota melius circundatur. Ad implendum autem uulnus proficiunt quidem etiam medicamenta aliqua. Itaque ea adhiberi non alienum est, ut butyrum cum rosa: exigua mellis parte, aut cum eadem parte, aut cum eadem rosa *τετραπόρμα*, aut ex rosâ linamenta. Plus tamen proficiat balneum rarium. Cibi boni succi, uitis omnibus acribus, sed iam plenioribus. Nam et auis, et uenatio, et suilla elixa dari potest. Vinum omnibus dum febris, dum inflammatio est, alienum est. Itemque usque ad cicatricem, si nerui, musculiue uulnerati sunt, etiam si alte caro, aut si plaga in summa cute generis tutioris est: potest non peruetus, modice tamen datum ad implendum quoque proficere. Si quid molliendum est: quod in nervosis locis musculosisque necessarium est: cerato quoque super uulnus utendum est. At si caro supercreuit, modice reprimat siccum linamentum, uehementius squama aeris. Si plus est quod tolli opus est: adhibenda sunt etiam uehementio-



## LIBER

percreuit, modice reprimi: sicum linamentum, uehementius squama  
æris. Si plus est quod tolli opus est, adhibenda sunt etiamnum uehe-  
mentiora, quæ corpus exedunt. Cicatricem post omnia hæc commode  
inducit lycium ex passò, aut lacte dilutum, uel etiam per se imposi-  
tum sicum linamentum.

De uulneribus: quæ extrinsecus per uulnera incidunt, curationibusq; eorū.

h I cordo felicitis curationis est. sed quædam tamen periculosa in-  
cidere consuerunt. Interdum enim uetustus ulcus occupat, indu-  
citurq; ei callus, & circum oræ crassæ liuent. post quæ quicquid me-  
dicamentorū ingeritur, parum proficit. quod ferè negligenter curato  
ulceri superuenit. Interdum uel ex nimia inflammatione, uel ob æstus  
immodicos, uel ob nimia frigora, uel quia nimis uulnus astrictū est,  
uel quia corpus aut senile, aut mali habitus est cancer occupat. Id ge-  
nus à græcis diductum in species est, nostris uocabulis non est. Om-  
nis autem cancer non solum id corrumpit: quod occupauit, sed etiam  
serpit: deinde alijs, alijsq; signis decernitur. Nam modo super inflam-  
mationem rubor ulcus ambit. isq; cum dolore procedit. ἐπισιπέλας  
græci nominant. Modo ulcus nigrum est: quia caro eius corrupta est.  
Idq; uehementius etiam putrescendo intenditur. Vbi uulnus humi-  
dum est, & ex nigro ulcere humor pallidus fertur, maliq; odoris est,  
carunculæ corruptæ, interdum etiam nerui ac membrane resoluun-  
tur, specillumq; demissum descendit, aut in latus, aut deorsum, eoq; ui-  
tio nonnunq; os quoq; afficitur. modo oritur ea: quàm græci ῥάγραι  
uav appellant. Priores in qualibet parte corporis fiunt. Hoc in pro-  
minentibus membris idest inter ungues & alas, uel inguinia, ferèq;  
in senibus, uel his, quorū corpus mali habitus est. Caro in ulcere uel  
nigra, uel liuida est: sed sicca & arida, proximaq; cutis plerumq;  
sub nigris pusulis impletur, deinde ei proxima uel pallida, uel liui-  
da, ferèq; rugosa sine sensu est. Vltior in inflammatione est, omniaq;  
ea simul serpunt, Vlcus: in locum pusulosum. Pusulæ: in eum, qui pal-  
let aut liuet. Pallor aut liuor: in id quod inflammatum est. Inflam-  
matio: in id quod integrum est, transit. Inter hæc deinde febris acuta  
oritur, ingensq; sitis. quibusdam etiam delirium accedit. alij quauis  
mentis suæ cōpotes sunt, balbutiendo tamen uix sensus suos explicant.  
Incipit affici stomachus. Fit foedi spiritus ipse odoris. Atq; initium  
eius quidem mali recipit curationem. Vbi uero penitus insedit, insa-  
nabile est. plurimiq; sub frigido sudore moriuntur.

Curatio ulceris.

a C pericula quidem uulnerum hæc sunt. Vetus autem ulcus  
scalpello coniiciendum est, excidendæq; eius oræ, & quicq;



quid super eas linet, æque incidendum. Si varicula intus est: quæ his sanari prohibet, ea quoq; excidenda. Deinde ubi sanguis emissus, nouatumq; vulnus est, eadem curatio adhibenda: quæ in recentibus vulneribus exposita est. Si scalpello aliquis uti non uult: potest sanare id emplastrum: quod ex ladano fit, & cum ulcus sub eo exesum est: id, quo cicatrix inducitur.

Curatio erysipelarum.

**I** D autem quod ἐρυσιπέλας uocari dixi: non solum vulnere superuenire: sed sine hoc quoq; oriri consuevit: atq; interdum periculum maius affert: utiq; si circa ceruices aut caput constitit. Oportet si uires patiuntur sanguinem mittere: deinde imponere simul reprimentia & refrigerantia, maximeq; cerussam solani suato: aut cimoliam cretam aqua pluviali exceptam, aut ex eadem aqua subactam farinam cupresso adiecta, aut si tenerius corpus est: lentikulam. Quicquid impositum est: betæ folio contegendū est, & super linteolum frigida aqua madens imponendum. Si per se refrigerantia parum proderunt, miscenda erunt hoc modo. sulphuris. P. XI. cerussæ & croci, singulorum. P. XII. eaq; cum uino conterenda sunt, & id his illinendum: aut si durior locus est, solani folia contrita suillæ adipi miscenda sunt, & illita linteolo super iniicienda. At si nigrities est: neq; dum serpit: imponenda sunt, quæ carnem putrem lenius exedūt: repurgatumq; ulcus sic, ut cætera nutriendum est. Si magis putre est: iamq; procedit ac serpit: opus est uehementius erodentibus. Si ne hæc quidem euincunt, aduri locus debet, donec ex eo nullus humor feratur: nam quod sanum est: si autem est cum aduritur: post unctionem putris ulceris superponenda sunt, quæ crustas à uiuo resoluant, eas ἰχθὺν παρὰ γράκι uocant. ubi exciderunt, purgandum ulcus maxime melle et resina uest: sed alijs quoq; purgari potest: quibus purulenta curantur, eodemq; modo ad sanitatem perducendum est.

Curatio Gangrenæ.

**G** Angrenam uero si nondum planè tenet, sed adhuc incipit: curare non difficillimum est, utiq; in corpore iuuenili, et magis etiam si muscoli integri sunt: si nerui uel læsi non sunt: uel leuiter affecti sunt: neq; ullus magnus articulus nudatus est: aut carnis in eo loco paulum est: ideoq; non multum, quod putresceret, fuit, consistitq; eo loco uitium quod maxime fieri in digito potest. In eiusmodi casu primum est, si uires patiuntur, sanguinem mittere. Deinde quicquid aridum est & intentione quadam proximū quoque locum male habet: usque eo sanum corpus concidere.



# LIBER

Medicamenta uero, dum malum serpit, adhibenda nulla sunt: quæ pus mouere consuerunt. ideoq; ne aqua quidem calida. Grauiæ quoque: quamuis reprimantia, aliena sunt. Sed his quàm leuissimis opus est. superq; ea, quæ inflàmata sunt: utendum est refrigerantibus. Si nihilo magis malum constitit, uri id quod est inter integrũ ac uitiatum locum debet. Præcipueq; in hoc casu petendũ non à medicamentis solum, sed etiam à uictus ratione præsidium est. Neq; enim id malum nisi corrupti uitiosi q; corporis est. Ergo primo, nisi imbecillitas prohibet, abstinentia utendum. Deinde danda quæ per cibum potionemq; aluum: ideoq; etiam corpus astringant, sed ea leuia. Postea si uitium constitit: imponi super uulnus eadem debent: quæ in putri ulcere præscripta sunt. Ac tum quoq; plenioribus cibis uti licebit ex media materia, sic tamen non nisi aluum corpusq; siccantibus. aqua uero pluuiali frigida. balneum nisi iam certa fiducia redditæ sanitatis est, alienum est, si quidem emollitum in eo uulnus cito rursus eodem malo afficitur. Solent uero nonnunq; nihil omnia auxilia proficere, ac nihilo minus serpere his cancer. Inter quæ miserum sed unicum auxilium est, ut cætera pars corporis tuta sit, membrum quod paulatim emoritur, abscondere. Hæ grauissimorum uulnorum curationes sunt. Sed ne illa quidem negligenda, ubi integra cute interior pars collisa est, aut ubi dera sum, ac tritum'ue aliquid est, aut ubi surculus corpori infixus est, aut ubi tenue, sed altum uulnus insedit. In primo casu commodissimum est malicorium ex uino coquere, interiorẽq; eius partem conterere, & cerato miscere ex rosa facto, idq; supponere. deinde ubi cutis ipsa exasperata est, inducere lenẽ medicamentum. quale λιπαρόν est. Dera so uero detricto q; imponendum est emplastrum τετραφάρμακον, minuendusq; cibus, & uinum subtrahendum. Neq; id: quia non habebit altiores ictus, contemnendum erit. Si quidem ex eiusmodi casibus sæpe canceri fiunt. Quod si leuius id erit, & in parte exigua, contenti esse poterimus eodem leni medicamento. Surculum uero, si fieri potest, oportet uel manu, uel etiam ferramento eicere. Si uel præfractus est, uel altius descendit: quàm ut ita fieri possit, medicamento euocandus est. Optime autem educit super imposita arundinis radix, si tenera est, protinus contrita, si iam durior, ante in mulso decocta. Cui semper mel adiiciendum est, aut aristolochia cum eodẽ melle. Pessima ex surculis arundo est, quia aspera est. Eademq; offensa etiam in filicis hastula est. Sed usu cognitum est utranq; aduersus alteram medicamentum esse. si contrita super imposita est. Facit autem idem in omnibus surculis quodcumq; medicamentum extrahedi uim habet. Idem altis tenuibusq; uulnibus aptissimum est. Priori rei Philocratis: huic He-



cati emplastrum maxime conuenit.

Quo modo cicatrix uulneri inducenda, purgandaq; sit.

¶ Si uero in quolibet uulnere uentum ad inducendum cicatricem est: quod per purgatis iam repletisq; ulceribus necessarium est: primum ex aqua frigida linamentum, dum cito aliter, deinde cum iam continenda est: sicut imponendum est, donec cicatrix inducatur. Tum deligari super album plumbum oportet: quo & reprimatur cicatrix, et colorem maxime sano corpori similem accipit. Idem radix siluestris cucumeris prestat. Idem compositio, quæ habet elaterij. P. XI. spumæ argenti. P. XII. unguenti pond. XIII. Quæ excipiuntur resina terebinthina: donec emplastri crassitudo ex omnibus fiat. Ac nigras quoq; cicatrices leniter purgât paribus portionibus mixta, ærugo, plumbum elotum, eademq; rosa cæta, siue ungitur cicatrix: quod in facie fieri potest: siue id ut emplastrum imponitur: quod in alijs partibus commodius est. At si uel excreuit cicatrix, uel concava est, stultum est decoris causa rursus & dolorem, & medicinam sustinere. Alioqui res utriq; succurri patitur: Si quidem utraq; cicatrix exulcerari scalpello potest. si medicamentum aliquis manu: idem efficiunt compositiones hæ: quæ corpus exedunt. Cute exulcerata, super eminentem carnem exedentia medicamenta coniicienda sunt. Super concavam, implentia: donec utrunq; ulcus sanæ cuti æquetur, & tum cicatrix inducatur.

De uulneribus quæ per morsus inferuntur, eorumq; curationibus. Caput XXVII.

¶ Ixi de his uulneribus, quæ maxime p tela inferuntur. Sequitur ut de his dicam, quæ morsu fiunt, interdum hominis, interdum simiæ, sæpe canis, nonnunquam ferorum animalium, aut serpentium. Omnis autem ferè morsus habet quoddam uirus. Itaq; si uehemens uulnus est: cucurbitula admonenda est. Si leuius: protinus emplastrum iniiciendum, præcipueq; Diogenis. si id non est, quodlibet ex his, quæ aduersus morsus proposui. si ea non sunt. uiride alexandrinum. si ne id quidem est, quodlibet non pingue ex his quæ recentibus uulneribus accomodantur. Sal quoque his, præcipueq; ei, quod canis fecit, medicamentum est: si manus uulneri imposita r, superq; id duobus digitis uerberatur (Exsaniat enim) ac salsa mentum quoq; recte super id uulnus deligatur.

Aurelij Cor.

l



## Curatio aduersus rabiosi canis morsum.

Tiq; autem si rabiosus canis fuit, cucurbitula uirus eius ex-  
 u trahendum est. deinde si locus neq; nervosus, neq; musculo-  
 sus est, uulnus id adurendum est. si uri non potest, sanguinē  
 homini mitti non alienum est. tum usto quidem uulnere super im-  
 ponenda, quæ cæteris ustis sunt. ei uero quod expertum ignem nō est,  
 ea medicamenta, quæ uehementer exedunt. post quæ nullo nouo ma-  
 gisterio, sed iam supra posito, ulcus erit implendum: & ad sanitatem  
 perducendum. Quidam post rabiosi canis morsum protinus in bal-  
 neum mittunt. ibiq; patiuntur desudare, dum uires corporis sinunt  
 ulcere adaperto: quo magis ex eo quoq; uirus destillet. deinde multo  
 meracoq; uino exapiunt. quod omnibus uenenis contrarium est. idq;  
 cum ita per triduum factum est, tutus esse homo à periculo uidetur.  
 Solet autem ex eo uulnere, ubi parum occursus est, aquæ timor nasci.  
 ὀποπόβος græci appellant. Miserrimum genus morbi. in quo simul  
 aeger & siti, & aquæ metu cruciatur. quo oppressis in angusto spes  
 est. Sed unicum tamen remedium est: nec opinantem in piscinam non  
 ante ei prouisam proijcere. Et si natandi scientiam non habet modo  
 mersum bibere pati, modo attollere. Si habet, interdum deprimere, ut  
 inuitus quoq; aqua satietur. sic enim simul & sitis, & aquæ metus  
 tollitur. Sed aliud periculum exapit: ne infirmum corpus in aqua fri-  
 gida uexatum, nervorum distentio absumat. Id ne incidat, à piscina  
 protinus in oleum calidum demittendus est. Antidotum autem præci-  
 pue id quod primo loco posui. ubi id non est, aliud si nondum aeger  
 aquam horret, potui ex aqua dandum est: & si amaritudine offen-  
 ditur: mel adiiciendum est. Et si iam is morbus occupauit: per catapo-  
 tia sumi potest.

## Curationes communes aduersus omnes morsus serpentium.

S Erpentium quoq; morsus non nimium distantem curatio-  
 nem desiderant: quamuis in ea multum antiqui uariarunt,  
 ut in singula genera anguium singula medēdi genera præ-  
 ciperent: atq; alijs alia. sed in omnibus eadem maxime proficiunt.  
 Igitur in primis super uulnus id membrum deligandum est: non ta-  
 men nimium uehementer, ne torpeat. Dein uenenum extrahendū est.  
 id cucurbitula optime facit. Neq; alienū est ante scalpello circa uul-  
 nus incidere: quo plus uitiati iam sanguinis extrahatur. Si cucurbi-  
 tula non est: quod tamen uix incidere potest: tum quodlibet simile uas  
 quod idem possit. Si ne id quidem est, homo adhibendus est, qui uul-  
 nus exsugat.



nus exsugat. Neq; hercules scientiam præcipuam habent hi qui psylli nominantur: sed audaciam usu ipso confirmatam. Nam uenenum serpentis, ut quædam etiã uenatoria uenena, quibus galli præcipue untur: non gustu, sed in uulnere nocent. Ideoq; colubra ipsa tuto estur: ictus eius occidit. Et si stupente ea, quod per quædam medicamenta circulatores faciunt: in os digitum quis indidit: neq; percussus est: nulla in ea salina noxa est. Ergo quisquis exemplum psylli secutus id uulnus exsuxerit, Et ipse tutus erit: Et tutum hominem præstabit. Illud ne intereat, ante debet attendere: ne quod in gingiuis, palato ue, alia ue parte oris ulcus habeat. Post hæc is homo loco callido collocandus est sic, ut id, quod percussus erit, in inferiorem partem inclinetur. Si neq; qui exsugat: neq; cucurbitula est: sorbere oportet ius anserinum, uel ouillum, uel uitulinum, Et uomere. Vinum autem galinaceum pullum per medium diuidere: Et protinus calidum super uulnus imponere sic, ut pars interior corpori iungatur. Facit id etiã hædus, agnus ue discissus, Et calida eius caro statim super uulnus imposita. emplastra quoq; quæ supra comprehensa sunt. Aptissimumq; est uel ephesium, uel id quod ei subiectum est. præsensq; in aliquo antidoto præsidium est. Sin id non est: necessarium est exsorbere portionem ueri uini cum pipere, uel quidlibet aliud, quo calor mouendus est: ne humorẽ intus coire patiatur. Nam maxima pars uenenum frigore interimit. Omnia etiã urinam mouentia, quia materiam extenuant: utilia sunt.

Speciales curationes aduersus ictus serpentium,  
Et primo aduersus ictum Aspidis.

h Aec aduersus oēs ictus cõmunia sunt. Vsus tamen ipse docuit, eum, quẽ aspis percussit: acetum potius bibere debere.

Quod demonstrasse dicitur casus cuiusdam pueri: qui cum ab hac ictus esset: et partim ob ipsum uulnus, partim ob immodicos æstus siti premeretur: ac locis siccis alium humorem nõ reperiret: acetum, quod forte secum habebat, ebibit: Et liberatus est. Credo qm id, quauis refrigerandi uim habet, tamen habet etiã dissipandi. Quo fit ut terra respersa eo, spumat. Eadem ergo uerisimile est, spissescerem quoq; intus humorem hominis ab eo discuti: Et sic dari sanitatẽ.

Aduersus ictum scorpionis.

i N quibusdam etiã alijs serpentibus certa quædã auxilia satis nota sunt. Nam scorpio sibi ipse pulcherrimũ medicamentum est. Quidam contritum cum uino bibunt: quidam eodẽ modo contritum super uulnus imponunt: quidã super prunã



## LIBER

eo imposito vulnus suffumigant undiq; ueste circumdata, ne is fumus dilabatur: tum carbonem eius, super vulnus deligant. Bibere autem oportet herbae solaris, quam ἡλιοπρόπιον græci uocant: semen, uel certe folia ex uino. Super vulnus uero etiam fursures ex aceto, uel ruta siluatica recte imponitur, uel cum melle sal tostus. Cognoui tamen medicos, qui ab scorpione ictis nihil aliud, quàm ex brachio sanguinem miserunt.

Aduersus aranei & scorpionis ictum.

e T ad scorpionis autem & ad aranei ictum allium cum ruta recte miscetur, ex oleoq; contritum super imponitur.

Aduersus Ceraſtis, & Dipsæ, & Hæmorrhoidis ictum.

a T si Ceraſtes, aut Dipsas, aut Hæmorrhoids percussit: catapotium, quod ægyptiæ fabæ magnitudinem æquet, arefactum in duas portiones diuidendū est sic, ut ei rutæ paulum adiatur. Trifolium quoq; & mentastrum, & cum aceto panaces æque proficiunt. Costumq; & casia, et cinnamomū recte per potionem assumentur.

Aduersus Chersydri ictum & ceraſtis.

a Duerſus Chersydri uero ictum, panacis, aut laser, quod sit scrupulorum. IIIS. XI. uel porri succus cum hemina uini sumendus est, et edenda multa satureia. Imponendum autē super vulnus stercus caprinum ex aceto coctum, aut ex eodem hordeacea farina, aut ruta, uel nepeta cum sale contrita melle adiecto. Quod in eo quoq; uulnere, quod ceraſtes fecit, æq; ualet.

Aduersus Phalangij ictum.

u Bi uero phalangium nocuit, præter eam curationem, quæ manu redditur, sepe homo demittendus in solium est, dandusq; ei myrrhæ & uicæ taminie par' modus ex passi hemina: uel radiculæ semen, aut lolij radix ex uino, & super vulnus fursures ex aceto coctæ: imperandumq; ut is conquiescat.

Aduersus ictus italorū anguiū, qui minus terribiles peregrinis sunt.

u Exum hæc genera serpentium & peregrina, & aliquanto magis pestifera sunt, maximeq; æstuosis locis gignuntur. Italia, frigidioresq; regiones hac quoq; parte salubritatem habent, quod minus terribiles angues edunt. Aduersus quos satis proficit



herba betonica, uel cantabrica, uel centaurion, uel agrimonia, uel trixago, uel personina, uel marinae pastinacae singulae, binae uel triae et cum uino potui datae: & super uulnus impositae. Illud ignorari non oportet, ois serpentis ictum & ieiuni, & ieiuno magis nocere. Ideoque pernitiosissimae sunt, cum incubant. Utilissimumque est, ubi ex angibus metus est, non ante progredi, quam quid aliquis assumpsit.

Remedium generale aduersus omnia uenena, uel cibo, uel in potione assumpta.

Non tam facile his opitulari est, qui uenenum, uel in cibo, uel in potione sumpserunt. Primum, quia non protinus sentiunt, ut ab angue icti, ita ne succurrere quidem statim sibi possunt. Deinde, quia noxa non à cute, sed ab interioribus partibus incipit. Commodissimum est tamen ubi primum sensit aliquis, protinus oleo multo epoto uomere. Deinde, ubi praecordia exhausta, bibere antidotum. si id non est, uel merum uinum.

Specialia remedia aduersus quaedam uenena, & primo aduersus cantharidas.

¶ Vnt tamen quaedam remedia propria aduersus quaedam uenena, maximeque leuiores. Nam si cantharidas aliquis ebibit: panace cum lacte cotusa, uel galbano, uino adiecto dari, uel lac per se debet.

Aduersus cicutam.

¶ I cicutam: uinum merum calidum cum ruta quamplurimum ingerendum est: deinde is uomere cogendus. posteaque laser ex uino dandum. Isque, si febre uacat: in calidum balneum mittendus. Si non uacat: unguendus ex calefacientibus est. post quae quies ei necessaria est.

Aduersus hyoscyamum.

¶ I hyoscyamum: feruens mulsus bibendum est: aut quodlibet lac, maxime tamen asinum.

Aduersus cerussam.

¶ I cerussam: ius maluae, uel ius glandis ex uino contritae maxime profunt.

Aduersus sanguisugam si epota est: & lac quod intus coit.

¶ I sanguisuga epota est, acetum cum sale bibendum est. si lac intus coit, aut passum, aut coagulum, aut cum aceto laser.

Aurelij Cor.

l ij



## LIBER

### Aduersus fungos inutiles.

**I** fungos inutiles quis assumpserit, radícula aut epota, aut cum sale & aceto edenda est. Ipsi uero hi & specie quidem discerni possunt ab utilibus, & cocturae genere idonei fieri. Nam siue ex oleo inferuerūt, siue piri surculus cum his inferuit, omni noxa uacant.

### De adustis corporis locis, & quomodo curari debeant.

**D**ustis quoq; locis extrinsecus uis infertur. Itaq; sequi uideatur, ut de his dicam. Hæc autem optime curantur folijs, aut lilij, aut linguae caninae, aut betæ in uetere uino, oleoq; decoctis. Quorum quidlibet protinus impositum ad sanitatem perducit. Sed diuini quoq; curatio potest in ea, quæ mediocriter exedentia reprimendaq; primo & pustulas prohibeant, & summam pelliculā exasperent. Deinde ea quæ lenia ad sanitatem perducant. Ex prioribus est lenticula cum melle farina, uel myrrha, uel uino: creta amolia cum thuris cortice contrita & aqua coacta, atq; ubi usus necessitas incidit: aceto diluta. Ex insequentibus quælibet *λεπτά*. Sed idonea maxime est, quæ uel plumbi recrementum, uel uitellos habet. Est etiā illa adustorum curatio, dum inflammatio est: impositam habere cum melle lenticulam. Vbi ea declinauit, farina cum ruta, uel porro, uel marrubio, donec crustæ cadant. Tum erui cum melle, aut irim, aut resinam terebinthinam, donec ulcus purum sit. Nouissime siatim linamentum.

### De interioribus ulceribus, quæ aliqua corporum parte corrupta nascuntur. Cap. XXVIII.

#### De carbunculo, & eius curatione.

**I**n his quæ extrinsecus incidunt ad ea ueniendum est, quæ interioribus corrupta aliqua corporis parte nascuntur. Ex quibus non aliud carbunculo peius. eius hæc notæ sunt. Rubor est: superq; eum non nimium pustulae eminet: maxime nigrae: interdum subliuidæ, aut pallidæ. In his sanies esse uidetur: infra color niger est. Ipsum corpus aridum & durius quàm naturaliter oportet. Circa quem quasi crusta est: eaq; inflammatione cingitur: neq; in eo loco leuari cutis potest: sed inferiori carni quasi affixa est. Somnus urget: nonnunquam horror, aut febris oritur: aut utrunq;. Idq; uitium subter actis quasi quibusdam radicibus serpit: interdum celerius, interdum tardius: supra quoq; procedens in albescit: dein liuidum fit, circumq; exiguae pustulae oriuntur. Et si circa stomachum, fauces ue



incidit, subito spiritum saepe elidit. Nihil melius est, quam protinus adurere. Neque id graue est (nam non sentit: quoniam ea caro mortua est) finisque adurendi est, dum ex omni parte sensus doloris est. Tum deinde uulnus, sicut cetera adusta, curandum est. Sequitur enim sub medicamentis erodentibus crusta undique à uina carne diducta, quae trahit secum quicquid corruptum erat: purusque iam sinus curari potest implentibus. At si in summa cute uitium est: possunt succurrere quaedam uel exedentia tantum, uel etiam adurentia. Vis pro magnitudine adhibenda est. Quodcumque uero medicamentum positum est: si satis proficiet, protinus à uina corruptam partem resoluit. Certa quoque esse fiducia potest ferè, ut undique uitiosa caro excedat: qua huiusce rei medicamen exest. Si id non fit, medicamentum malo uincitur, utique ad uestionem properandum est: sed in eiusmodi casu abstinendum à cibo, à uino est. A quam liberaliter bibere expedit: magisque ea seruanda sunt, si febricula quoque accessit.

De carcinomate, & eius curatione.

Non idem periculum carcinoma affert, nisi imprudentia curantis agitatum est. Id uitium fit maxime in superioribus partibus, circa faciem, nares, aures, labra, mammas foeminarum. Et iecore autè, aut splene hoc nascitur. Circa locum, aliqua quasi puncta sentiuntur: isque immobilis, inaequalis tumet: interdum etiam torpet. Circa eum inflatae uenae quasi recuruantur: haecque pallent, aut liuent: nonnunquam etiam in quibusdam delitescent. Tactusque is locus alijs dolorem affert, in alijs eum non habet. Et nonnunquam sine ulcere durior aut mollior est, quam esse naturaliter debet: nonnunquam hisdem omnibus ulcus accedit. Interdumque nullam habet proprietatem, interdum simile his est, quae uocantur graeci *κονδυλώματα*: aspredine quadam & magnitudine sua. Colorque eius ruber est, aut lenticulae similis neque tuto fertur. Nam protinus aut resolutio neruorum, aut distentio insequitur. Saepe hemoictus obmutiscit, atque eius anima deficit. Quibusdam etiam si id ipsum pressum est, quae circa sunt: intenduntur & intumescunt. Ob quae pessimum id genus est: ferèque primum id fit quod *κωνόides* à graecis nominatur. Deinde ex eo id carcinoma quod sine ulcere est. Deinde ulcus ex eo thymum. Tolli nihil nisi *κωνόides* potest: reliqua curationibus irritantur. Et quo maior uis adhibita est, eo magis quidam usi sunt medicamentis adurentibus. Quidam ferro adusserunt: quidam scalpello exciderunt. Neque ulli unquam medicina proficit: sed adusta protinus concitata sunt & increuerunt, donec occiderent. Exasa etiam post indu-



## LIBER

Etiam cicatricem tamen reuenterunt: & causam mortis attulerunt. Cū interim pleriq; nullam uim adhibēdo, qua tollere id malum tentent: sed imponendo tantum lenia medicamenta, quæ quasi blandiātur: quo minus ad ultimam senectutem perueniant, non prohibentur. discernere autem non ōnes quod curationē recipit à carcinomate, quod non recipit: nemo scire potest. sed tempore, & experimento. Ergo ubi primum id uitium notatum est: imponi debēt medicamenta adurentia. Si leuatur malum, minuunturq; eius inditia, procedere curatio potest & ad scalpellum, & ad uestionem. Si protinus irritatum est, scire licet iam carcinoma esse: remouendāq; sunt omnia acria, omnia uehementia. Sed si sine ulcere is locus durus est: imponi ficum quā pinguis simam, aut pūwōdes emplastrum satis est. Si ulcus æquale est, ceratū ex rosa iniiciendum est: adiiciendusq; ei puluis ex contrita testa: ex qua faber ferrarius tingere candens ferrum solitus est. si id nimium supercreuit: tentanda squama æris est: quæ lenissima ex adurentibus est: eatenus nequid eminere patiatur: sed ita, si nihil exacerbauit. sin minus, eodem cerato contenti esse debebimus.

### De Theriomate, & eius curatione.

St etiam ulcus, quod θηρίωμα græci uocant. Id & per se nascitur: & interdum ulceri ex alia causa facto superuenit: color est uel liuidus, uel niger: odor fœdus, multus, & mucii similis humor. Ipsum ulcus neq; tactum, neq; medicamentum sentit: prurigne tantum mouetur. at circa, dolor est, & inflammatio. Interdū etiam febris oritur. Nonnunquam ex ulcere sanguis erumpit. ad id quoq; malum serpit. quæ omnia sæpe intenduntur. Fitq; ex his ulcus, quod ἐπύρρα ἐσθίονεσθι græci uocant: quia celeriter serpendo, penetrandoq; usq; ossa, corpus uorat. id ulcus inæquale est, cœno simile: inestq; multus humor glutinosus: odor intollerabilis, maiorq; q̄ pro modo ulceris inflammatio. Vtrunq; sicut omnis cancer, fit maxime in senibus: uel his, quorum corpora mali habitus sunt. Curatio utriusq; eadem est: sed in maiore malo magis necessaria. Ac primum à uictus ratione ordinandus est: ut quiescat in lectulo: ut primis diebus à cibo abstineat: aquā quā plurimam assumat. alius quoq; ei ducatur. dein post inflammationē cibum boni succi capiat: uitatis omnibus acribus, potionis quantum uolet sic, ut interdū quidem aqua contentus sit. in coena etiam uini austeri aliquid bibat. non æque tamen fame in his, quos ἐπύρρα urgebit: atq; his qui θηρίωμα adhuc habebūt, utendum erit. & uictus quidem talis necessarius est. super ulcus uero



inpergenda arida aloë oenanthe est: & si parum proficiet, chalcitis. Ac si quis nervus exesa carne nudatus est: contegendus ante linteo lo est: ne sub eo medicamento aduratur. Si ualidioribus etiam num remedijs opus est: ad eas compositiones ueniendum est, quæ uehementius adurunt. Quicquid autem inpergitur, auerso specillo infundi debet. Super danda cum melle sunt uel linamenta, uel oleæ folia ex uino decocta, uel marrubium: eaq; linteo lo contegenda in aqua frigida madefacto, dein bene expresso. Circaq; qua tumor ex inflammatione est, imponenda quæ reprimant cataplasmata. Si sub his nihil proficiatur: ferro locus aduri debet: diligenter nervis, si qui apparent: ante contectis. Adustum uel medicamentis, uel ferro corpus primum purgandū, deinde implendū esse: apparere cuilibet ex prioribus potest.

De sacro igne, & eius curatione.

Acer quoq; ignis malis ulceribus annumerari debet. eius  
 S due species sunt. Alterum est subrubicundum, aut mixtum rubore, atq; pallore: exasperatumq; p pustulas continuas, quarum nulla, altera maior est, sed plurimæ perexiguæ. In his semper ferè pus, & sepe rubor cum calore est: serpitq; id nonnunquam sanescente eo, quod primum uitiatum est: nonnunquam etiam exulcerato: ubi ruptis pustulis ulcus continuatur: humorq; exit: qui esse inter saniem, et pus uideri potest. Fit maxime in pectore, aut lateribus, aut eminentibus partibus, præcipueq; in plantis. Alterum autem est in summæ cutis exulceratione, sed sine altitudine, latum, subliuidum, inæqualiter tamen, mediumq; sanescit extremis procedentibus: ac sepe id quod iam sanum uidebitur, iterum exulceratur. At circa proximam cutis, quæ uitium receptura est: tumidior, & durior est: coloremq; habet ex rubro subnigrum. Atq; hoc quoq; malo ferè corpora seniores tentantur: aut quæ mali habitus sunt, sed in cruribus maxime. Omnis autem sacer ignis ut minimum periculum habet ex his quæ serpunt: sic propè difficillime tollitur. Medicamentum eius fortuitum est: uno die febris, quæ humorem noxium absumat. Cuius quo: crassius, & albidius est: eo periculi minus est. Prodest etiam infra os ulcerum lædi: quo plus puris exeat, & id, quod ibi corruptum corpus est: extrahat: sed tamen si febricula accessit, abstinentia, lectulo, alui ductione opus est. In omni uero sacro igni neq; lenibus, et glutinosiis cibis, neq; salsis, & acribus utendum est: sed his quæ inter utrumq; sunt: qualis est panis sine fermento, piscis, hedus, aues, exceptoq; apro omnis ferè uenatio. Si non est febricula, & gestatio utilis



## LIBER

est, & ambulatio, & uinum austerū & balneum. Atq; in hoc quoq; genere potio magis liberalis esse, quā cibis debet. Ipsa autem ulcera si mediocriter serpunt: aqua calida. Si uehementius, uino calido fouenda sunt. Deinde acui pusulae quaecunq; sunt aperiendae. Tum imponenda ea: quae putrem carnem exedunt. Vbi inflammatio sublata, ulcusq; purgatum est: imponi leue medicamentum debet. In altero autem genere possunt proficere mala cotonea in uino acta atq; contrita. Potest emplastrum uel Hierae, uel *τετραφάρμακον*, cui quinta pars thuris adiecta sit. Potest nigra hederā ex uino austero acta. Ac si celeriter malum serpit: non aliud magis proficit. Purgato ulcere: quod in summa cute esse proposui: satis ad sanitatem eadem lenia medicamenta proficiunt.

De Chironeo ulcere, & eius curatione.

c Chironeum autem ulcus appellatur, quod & magnum est, et habet oras duas, collosas, tumentes. Exit sanies non multa, sed tenuis. Odor malus neq; in ulcere, neq; in eius humore est. Nulla inflammatio, dolor modicus est. nihil serpit: ideoq; nullum periculum affert, sed non facile sanescit. Interdum tenuis cicatrix inducitur: deinde iterum rumpitur: ulcusq; renouatur. Fit maxime in pedibus & cruribus. Super id imponi debet, quod & lene aliquid, & uehemens, & reprimens habeat. Quale eius rei causa fit ex his. Squamae aeris: plumbi eloti combusti, singulorum. P. XIII. Cadmiae, cerae: singulorum. P. XVIII. rosae quantum satis est ad ceram simul cum eis molliendam.

De ulceribus quae ex frigore in pedibus & manibus oriuntur, & eorum curationibus.

f Iunt etiam ex frigore hiberno ulcera: maxime in pueris, et praecipue pedibus, digitisq; eorum, nonnunq; etiam in manibus. Rubor cum inflammatione mediocri est. Interdum pustulae oriuntur, deinde exulceratio. Dolor autem modicus. Prurigo maior est: nonnunquam humor exit: sed non multus, qui referre uel pus, uel saniem uidetur. In primis multa calida aqua fouendum est: in qua rapa decocta, aut si ea non sunt: aliqua uerbenae ex reprimentibus. Si nondum ad apertum ulcus: aes, q̄ maxime calidum quis pati potest, ad mouendum est. Si iam exulceratio est: imponi debet alumen aequa portione cum thure contritum, cum uino adiecto: aut malicorium in aqua coctum, deinde contritum. Si summa detracta pellicula est: hic quoq; melius lenia medicamenta proficiunt.



De struma, & eius curatione.

**S**truma quoq; est tumor, in quo subter concreta quædam ex pure & sanguine quasi glandulæ oriuntur. Quæ uel præcipue fatigare medicos solent: quoniam & febres mouent, nec unquam facile maturescunt, et siue ferro, siue medicamentis curantur. Plerunq; iterum iuxta cicatrices ipsas resurgunt, multoq; post medicamento est opus. Quibus id quoq; accedit: quod longo spatio detinent. Nascuntur maxime in ceruice, sed etiam in alis, & inguinibus, & in lateribus. In mammis quoq; foeminarum se repperisse chirurgus Megethes auctor est. Propter hæc et album uer atrum recte datur: atq; etiam sæpius, donec ea digerantur. Et medicamenta imponuntur: quæ humorem, uel educant, uel dissipent: quorum supra mentio facta est. Adurentibus quoq; quidam utuntur: quæ exedunt: crustaq; eum locum astringunt: tunc uero ut ulcus curant. Quæcunq; autem ratio curandi est: corpus puro ulcere exercendum atq; alendum est: donec ad cicatricem perueniat. Quæ cum medici doceant, quorundã rusticorum experimento cognitum: quem struma male habet, eum: se anguem edit: liberari.

De furunculo, & eius curatione.

**F**urunculus uero est tuberculum acutum cum inflatione & dolore, maximeq; ubi iam in pus uertit. Qui ubi ad apertus est: & exit, super apparet pars carnis in pus uersa: pars corrupta subalbida, subrubra: quem uentriculum quidam furunculi nominant. In eo nullum periculum est, etiam si nulla curatio adhibeatur. Maturescit enim per se atq; erumpit. Sed dolor efficit, ut potior medicina sit, quæ maturius liberet. Proprium eius medicamentum galbanum est: sed alia quoq; supra comprehensa sunt. Si cetera desunt: imponi debent primum non pingue emplastrum, ut id reprimat: deinde si non repressit: quodlibet puri mouendo accommodatum. Si ne id quidem est, uel resina, uel fermentum. Expresso pure nulla ultra curatio necessaria est.

De phymate, & eius curatione.

**P**hyma uero nominatur tuberculum furunculo simile: sed rotundius & planius: sæpe etiam maius. Nam furunculus oui dimidiæ magnitudinem raro explet, nunquam excedit. Phyma etiam latius patere consuevit: sed inflammatiō, dolorq; sub eo minores sunt. Vbi euulsus est pus: eodẽ modo apparet uentriculus:



## LIBER

quod in furunculo non inuenitur. Verum omnis corrupta cito in pus uertitur. Id autem in pueris & sæpius nascitur, & facilius tollitur: in iuuenibus rarius oritur, & difficilius curatur. Vbi ætas indurauit, ne nascitur quidem. Quibus uero medicamentis discenteretur, supra propositum est.

De phygeto, & eius curatione.

φ υρελον autem est tumor non altus, latus, in quo quiddam pusulæ simile est. Dolor, distentioq; uehemens est: & maior quàm pro magnitudine tumoris: interdum etiam febricula: idq; tarde maturescit, neq; magnopere in pus conuertitur. Fit maxime aut in uertice, aut in alis, aut inguinibus. Panem ad similitudinem figuræ nostri uocant. atq; id ipsum quo medicamento tolleretur, supra demonstraui. Sed cum omnes hi nihil nisi minuti abscessus sint, generale nomen trahit latius uitium ad suppurationem spectans. Idq; ferè fit aut post febres, aut post dolores partis alicuius: maximeq; eos, qui uentrem infestant. sæpiusq; oculis expositum est. Siquidem latius aliquid intumescit ad similitudinem eius, quod phyma uocari proposui: rubetq; cum calore, & paulopost etiam cum duritia, magisq; innocenter indolescit: & sitim, uigiliamq; exprimit. Interdum tamen nihil horum in cute deprehendi potest: maximeq; ubi altius pus mouetur. Sed cum siti, uigiliaq; sentiuntur intus aliquæ punctiones, & quod desubito durius non est, melius est: & quanuis non rubet: coloris tamen aliter mutati est. quæ signa iam pure oriente nascuntur. Tumor, ruborq; multo ante incipiunt. Sed si locus mollis est, auertendus is materiæ aditus est per cataplasmata, quæ simul & reprimunt, & refrigerant: qualia et alijs & pauloante in erysipela proposui. Si iam durior est, ad ea ueniendum est, quæ digerant, & resoluant: qualis est ficus arida contusa, aut fex mixta cum cerato, quod ex adipe suilla coactum sit: aut cucumeris radix, cui ex farina duæ partes adiectæ sint, ante ex mulso decoctæ. Licet etiã miscere æquis portionibus ammoniacum, galbanum, propolim, uiscum: pōdusq; adijcere myrrhæ dimidio minus, quàm in prioribus singulis erit. Atque emplastra quoque & malagmata idem efficiunt: quæ supra explicui. Quod per hæc discussum non est, necesse est maturescat: idq; quo celerius fiat, imponenda est farina hordeacea, ex aqua cæta recte miscetur. Eadem autem hæc in minoribus quoque abscessibus, quorum nomina, proprietatesq; supra reddidi, recte fiunt. eademq; omnium curatio. tantum modo distat. Crudum est autem, in quo magis quasi uenarum motus est, & grauitas, & ardor, & distentio, & dolor, & rubor, & durities. Et si maior abscessus est, horror,



aut etiam febricula permanet, Penitusq; condita suppuratio. Si pro his, quæ alibi cutis ostendit, punctiones sunt, ubi ista se remiserunt, iamq; is locus prurit, & aut subliuidus, aut subalbidus est: matura suppuratio est: eaq; ubi uel per ipsa medicamenta, uel etiã ferro aperta est: pus debet emitti. Tum si qua in alis uel inguinibus sunt: sine linamento nutrienda sunt. In cæteris quoq; partibus, si una plaga exigua est, si mediocris suppuratio fuit, si non alte penetravit, si febris non est, si ualet corpus, æq; linamenta supernacua sunt. In reliquis parce tamen: nec, nisi plagi est, imponi debent. Commode uero uel super linamenta, uel sine his imponitur lenticula ex melle, aut malicorium ex uino coctum. Quæ & per se, & mixta idonea sunt. Si qua circa duriora sunt, ad ea mollienda, uel malua contrita: uel fœnigræci, lini uel semen ex passo coctum super dandum est. Quicquid deinde impositum est, non astringi sed modice deligari debet. Illo neminẽ decipi decet, ut in hoc genere cerato utatur. Cætera quæ pertinent ad purgandum ulcus, ad implendum, ad cicatricem inducendam: conueniunt, quæ in uulneribus exposita sunt.

#### De fistulis & earum generibus, & curationibus.

Onnunquam autem ex eiusmodi abscessibus, & ex alijs ulcerum generibus fistulæ oriuntur. Id nomen est ulceri alto: angusto: calloso. Fit in omni ferè parte corporis: habetq; quedam in singulis locis propria: prius de communibus dicam. Genera igitur fistularum plura sunt. siquidem aliæ breues sunt: aliæ altius penetrant, aliæ rectæ intus feruntur, aliæ multoq; plures transversæ, aliæ simplices sunt, aliæ duplices, triplices uel ab uno ore intus orsæ: quæ tres fiunt, aut etiam in plures sinus diuiduntur: aliæ rectæ: aliæ flexæ, & tortuose sunt. Aliæ intra carnem desinunt. Aliæ ad ossa: aut cartilaginem penetrant, aut ubi neutrum horum subest: ad interiora perueniunt. Aliæ deinde facile, aliæ cum difficultate curantur. Atq; etiam quedam insanabiles reperiuntur. Expedita curatio est in fistula simplici, recenti, intra carnem, adiunctaq; ipsum corpus si iuuenile: si firmum est. Inimica, contraria his sunt. Itemq; si fistula os uel cartilaginem, uel neruum, uel musculos læsit: si articulum occupauit: si uel ad uesicam, uel ad pulmone, uel ad uulnam, uel ad grandes uenas, arterias uel ad inania, ut guttur, stomachum, thoracem penetravit. Ad intestina quoq; eam tendere semper periculosum, sæpe pestiferum est. Quibus multum mali accedit: si corpus uel ægrum, uel senile, uel mali habitus est. Ante omnia autem demitti specillum in fi-



## LIBER

fistulam conuenit: ut quo tendat & quam alte perueniat, scire possimus. Simul etiam protinus humida, an siccior sit. quod extracto specillo patet. Si uero os in uicino est, id quod disci potest: si iam nec ne eo fistula penetravit, quatenus nocuerit. Nam si molle est, quod ultimo specillo contingitur: intra carnem adhuc uitium est. Si magis id renititur, ad os uentum est. ibi deinde si labitur specillum, nondum caries est. si non labitur, sed aequali innititur: caries quidem, uerum adhuc leuis est. Si inaequale quoque et asperum subest: uehementius os exesum est. At cartilago ubi subhaesit, ipsa sedes docet: peruentumque esse ad eam ex renixu patet. Sed ex his quidem colliguntur fistularum sedes, spatia, noxae. Simples uero haec sint, an in plures partes diducantur: cognosci potest ex modo puris: cuius si plus fertur, quam quod simplici spatio conuenit: plures sinus esse manifestum est. Cumque ferè iuxta sint, caro, & nervus, & aliqua nervosa: quales ferè tunicæ, membranæque sunt: genus quoque puris docebit, num plures sinus intus diuersa corporis genera perroserint. si quidem ex carne pus leue, album, copiosius fertur. At ex nervoso loco: coloris quidem eiusdem, sed tenuius, & minus. Ex nervo, pingue & oleo non dissimile. Denique etiam corporis inclinatio docet, num in plures partes fistulae penetrarint: quia saepe cum quis aliter decubuit: aliterque membrum collocauit: pus ferri, quod iam desierat, iterum incipit: testaturque non solum aliū sinum esse ex quo descendat: sed etiā in aliam corporis partem eum tendere. Sed si & in carne & recens, & simplex est: ac neque rugosa, neque caua sede, neque in articulo, sed in eo membro, quod per se immobile, non nisi cum toto corpore mouetur: satis proficiet emplastrum, quod recentibus uulneribus imponitur: dum habeat uel salē, uel alumen, uel squamā aeris, uel æruginem, uel ex metallicis aliquid. ex quo collirium fieri debet altera parte tenuius, altera paulo plenius. Idque ea parte qua tenuius est: altera antecedente demitti oportet in fistulam, donec sanguis purus se ostendat. quæ in omnibus fistularum collirijs perpetua sunt. Idem deinde emplastrum in linteolo superimponendum: supraque iniicienda spōgia est in aceto ante demissa. soluique quinto die satis est. genusque uictus adhibendum est: quo carnem ali docui. Ac si longius à præcordijs fistula est: ex internallo ieiunium radículas edisse: deinde uomere necessarium est. uetustate callosa fit fistula. Callus autem neminem fallit, quia durus est: & aut albus, aut pallidus. sed tum ualidioribus medicamentis opus est. Quale est, quod habet papaueris lacrymæ. P. XI gummi. P. XIII. cadmiæ P. XIII atramenti sutorij. P. XVIII. Ex quibus aqua coactis collirium fit. aut in quo sunt gallæ. P. XI. æruginis, sandaracæ, aluminis



ægyptij, singulorum .P. XI. atramenti sutorij combusti .P. XII. aut quod constat ex chalcide, & saxo calcis quibus auripigmenti dimidio manus, quàm in singulis prioribus est: adiçatur. eaq; melle cocto excipiuntur. Expeditissimum autem est ex præcepto Megetis, æruginis rasse .P. XII. conterere: deinde ammoniac, thymiamatis .P. XII. aceto liquare: eoq; infuso ex ærugine colligere. idq; ex primis medicamentis est. Sed ut hæc maximi effectus sunt: sic cui ista non adsunt, facile tamen est callum quibuscumlibet adurentibus medicamentis prodere: aut quibus hæc maxime in effectu sunt, erodere. Satiusq; est uel papyrū intortum, uel aliquid ex penicillo in modum collirij astrictum eò illinere. scylla quoq; cocta, & mixta cum calce callum exest. si quando uero longior & transuersa fistula est: demisso specillo contra principium huius incidi commodissimum est: & collirium utrunq; demitti. At si duplicem esse fistulam, aut multiplicem existimamus, sic tamen ut breuis, intraq; carnē sit: collirio uti non debemus: quod unam partem curet: reliquas omittat. sed eadem medicamenta arida in calamentum scriptorium coniungenda sunt: isq; ori fistulæ aptandus: inspirandumq; ut ea medicamenta intus compellantur. aut eadem ex uino liquanda. Vel si sordidior fistula est, ex mulso: si callosior, ex aceto sunt: atq; intus infundendum quicquid inditum est. superponenda sunt quæ refrigerent, & reprimant. nam ferè quæ circa fistulam sunt, habent aliquid inflammationis. Neq; alienum est ubi quis resoluerit, anteq; rursus alia medicamenta coniiciat: per oricularium clysterem fistulā eluere. si plus puris fertur, uino. Si callus durior est, aceto. Si iam purgatur, mulso, uel aqua, in qua eruum coctum sit sic, ut huic quoq; mellis paulum adiçatur. Ferè uero fit, ut ea tunica quæ inter ferrumentum, & integram carnem est, uicta medicamentis tota exeat: infraq; ulcus purum sit. quod ubi contigit, imponenda glutinantia sunt: præcipueq; sponsa melle cocto illita. Neq; ignoro multis placuisse linamentum in modum collirij compositum, tinctum melle demitti. sed celerius id glutinatur, quàm impletur. Neq; uerèdum est ne purum corpus puro corpori iunctum, non coeat: adiectis quoq; medicamentis ad id efficacibus: cum sæpe exulceratio digitorum, nisi magna cura prospeximus, sanescendo in unum eos iungat.

#### De melicera.

St etiam ulceris genus: quod à faui similitudine *μελιχρο* à græcis nominatur: idq; duas species habet. Alterum subalbidum furunculo simile, sed maius, et cum dolore maiore. quod ubi maturescit, hêt foramina, p quæ fertur humor glutinosus, et



## LIBER

purulentus. Nec tamen ad iustam maturitatem peruenit. Si diuisum est, multo plus intus corrupti, quàm in furunculo apparet, altiusq; descendit. Raro fit nisi in scapulis. Alterum est minus super corpus emnens, durum, latum subuiride, subpallidum, magis exulceratum. Si quidem ad singulorum pilorum radices foramina sunt: per quæ fertur humor glutinosus subpallidus: crassitudinem mellis aut uisci referens: interdum olei. Si inciditur, uiridis intra caro apparet. Dolor autem & inflammatio ingens est, adeo ut acutam quoq; febrem mouere consuerit. Super id quod minus crebris foraminibus exasperatum est: recte imponitur & ficus arida, & lini semen quod in uino coctum: & emplastra, ac malagmata materiam educentia: aut quæ proprie huc pertinentia supra posui. Super alterum, & ea medicamenta. & farina ex mulso cocta sic, ut ei dimidium resinæ terebinthinæ miscatur, & ficus in mulso decocta, cui paulum hyssopi contriti sit adiectum, & uinæ taminie pars quarta fisco adiecta. Quod si parum in utrolibet genere medicamenta proficiunt: totum ulcus usq; ad sanam carnem excidi oportet, & ulcere ablato super plagam medicamenta danda sunt: primum quæ pus citent: deinde quæ purgent: tum quæ impleant.

De acrochordone & Thymio, & Myrmecio, & Clauo,  
curationibusq; eorum.

Vnt quædam uero uerrucis similia: quorum diuersa nomina ut uitia sunt: ἀποχόρδωρα græci uocant ubi sub cute coit aliquid durius, & interdum paulo asperius coloris eiusdem: infra tenue: ad cutem latius: idq; modicum est: quia raro fabæ magnitudinem excedit. Vix unum tantum eodem tempore nascitur: sed ferè plura, maximq; in pueris, eaq; nonnunquam subito desinunt, nonnunquam mediocrem inflammationem excitant. Sunt quæ etiam in pus conuertuntur. At thymion nominatur, quod super corpus quasi uerrucula eminet, ad cutem tenue supra latius, sub durum, & in summo perasperum. Idq; summum colorem floris thymi representat. Vnde ei nomen est. Ibiq; facile finditur & cruentatur, nonnunquam aliquantum sanguinis fundit: ferèq; circa magnitudinem fabæ ægyptiæ est: raro maius: interdum per exiguum: modo unum, modo autem plura nascuntur, uel in talis, uel palmis, uel inferioribus pedum partibus. Pessima tamē in obscœnis sunt: maximq; ibi sanguinem fundunt. Myrmecia autem uocantur, humiliora thymio durioraq; quæ radices altius exigunt, maioremq; dolorem mouent: infra lata: super autem tenuia: minus sanguinis mittunt: magnitudine uix unquam lupini modum



pini modum excedunt. Nascuntur ea quoq; aut in palmis, aut in inferioribus partibus pedum. Clauus autem nonnunquam quidem etiā alibi: sed in pedibus tamen maxime nascitur: præcipue tamen ex contuso: quanuis interdum aliter, doloremq; etiam, si non aliās: tamen ingredienti mouet. ex his acrochordon: siue thymium sæpe etiam per se finiuntur: & quo minora sunt: eò magis Myrmecia & clauī sine curatione uix unquam desinunt. Acrochordon, si excisa est nullam radiculam relinquit, ideoq; ne renascitur quidem. Thymio, clauoq; excisis subter rotunda radícula nascitur: quæ penitus descendit ad carnem, eaq; relictā idem rursus exigit. Myrmecia latissimis radicibus inhæret: ideoq; ne excidi quidem sine exulceratione magna possunt. Clauum subinde deradere commodissimum est. Nam sine ulla ui sic emollescit: ac si sanguinis quoq; aliquid emissum est: sæpe emoritur. Tollitur etiam, si quis eum circum purgat, deinde imponit resinam, cui miscuit pulueris paulum: quem ex lapide molari contrito fecit. Cætera uero genera medicamentis adurenda sunt. Alijsq; id qd ex fecē uini, myrmecijs id quod ex alumine, & sandaracā fit: aptissimum. Sed ea: quæ circa sunt: folijs contegi debent: ne ipsa quoq; exulcerentur. Deinde postea lenticula imponi solet. Tollit thymium etiam figus in aqua cocta.

De pustularum generibus, & earum curationibus.

**T** pustulæ maxime uernis temporibus oriuntur: earum  
**a** plura genera sunt. Nam modo circa totum corpus, partemue aspreto quædam fit similis his pustulis: quæ ex urtica, uel ex sudore nascuntur. ἐξανθήματα græci uocant: eaq; modo rubet: modo colorem cutis non excedunt. Nonnunquam plures similes uariis oriuntur, nonnunquam maiores pustulæ liuidæ, aut pallidæ, aut nigrae, aut aliter naturali colore mutato: subestq; his humor. Vbi hæruptæ sunt, infra quasi exulcerata caro apparet φλυκταῖναι græce nominatur. fiunt uel ex frigore, uel ex igni, uel ex medicamentis. Psediacion autem paulo durior, pustula est subalbida: acuta ex qua ipsa quod exprimitur, humidum est. Ex pustulis uero nonnunq; etiā ulcūscula sunt, aut aridiora, aut humidiora, & modo tantum cum prurigine, modo etiam cum inflammatione aut dolore, Exitq; aut pus, aut sanies, aut utrūq; Maximeq; id euenit in ætate puerili, raro in medio corpore: sæpe in eminentibus partibus. Pessima pustula est: quæ ἐπιρυγνίς uocatur. Ea colore uel subliuida, uel subnigra, uel alba esse consuevit. Circa hanc autem uehemens inflāmatio est, et cum adaperata



est: reperitur intus exulceratio mucosa. Color est humori suo similis. Dolor ex ea supra magnitudinem eius est. Neque enim ea, faba maior est. Atque hæc quoque oritur in eminentibus partibus: et ferè nocturnum. Unde nomen quoque à grecis ei ἐπιφυκτὶς impositum est. In omni uero pustularum curatione primum est, multum ambulare atque exerceri. Si quid ista prohibet, gestari. Secundum est, cibum minuire: abstinere ab omnibus acribus et extenuantibus: eademque nutrices facere oportet: si lactens puer ita affectus est. Præter hæc: is, qui iam robustus est: si pustulæ minutæ sunt: desudare in balneo debet, simulque super eas nitrum inspergere: oleoque uinum miscere: et sic ungi. Tum descendere in solium. Si nihil sic proficitur, aut si maius pustularum genus occupauit: imponenda lenticula est: detractaque summa pellicula: ad medicamenta lenia transeundum. ἐπιφυκτὶς post lenticulam recte herba quoque sanguinali, uel uiridi coriandro curatur. Ulcera ex pustulis facta tollit spuma argenti cum semine foeni græci mixta sic, ut his inuicem rosa atque intubi suauis adijciatur: donec mellis crassitudo fiat. Proprie ad eas pustulas: quæ infantes male habent: lapidis: quem πυρίτην uocant P. XVIII. cum quinquaginta amaris nucibus miscetur, adijciunturque olei cyathi tres. Sed prius ungi ex cerussa pustulæ debent: tum hoc illini.

## De scabie, et eius curatione.

Scabies uero est humor cutis rubicundus: ex qua pustulæ oriuntur: quædam humidiores, quædam sicciores. Exit ex quibusdam sanies, fitque ex his continue exulceratio pruriens: serpitque in quibusdam cito. Atque in alijs quidem ex toto desinit: in alijs uero certo tempore anni reuertitur. Quo asperior est, quoque prurit magis, eo difficilius tollitur. Itaque eam: quæ talis est, ἀρσίαν, idest feræ græci appellant. In hac quoque uictus ratio eadem: quæ supra necessaria est. Medicamentum autem ad incipientem hanc idoneum est: quod fit ex spodio, croci, æruginis, singulorum. P. XI. piperis albi: omphacii: singulorum. P. XI. admixtæ. P. XVIII. Aut ubi iam exulceratio est: id quod fit ex sulphuris. P. XI. ceræ. P. XIII. picis liquidæ hemina: olei sextarijs duobus. Quæ simul incoquantur, dum crassitudo mellis fiat. Est etiam quod ad Protarchum authorem refertur. Habet hoc farinæ lupinorum sextarium: nitri cyathos quattuor: picis liquidæ heminam: resinæ humidæ selibram: aceti cyathos tres. Crocum quoque licium, ærugo, myrrha, cinis æquis portionibus recte miscentur, et ex passo coquantur. Idque omnem pituitam ubique sustinet. At si nihil aliud



est, amurca ad tertiam partē decocta, uel sulphur picæ liquida mixtū  
sicut in pecoribus proposui: hominibus quoq; scabie laborantibus opi-  
tulantur.

De impetiginis speciebus & curationibus.

Impetiginis uero species sunt quattuor. Minime mala est,  
quæ similitudine scabiem representat. Nam & rubet &  
durior est, & exulcerata est & roditur. Distat autem ab ea  
quia magis exulcerata est, & uariis similes pustulas habet, uideturq;  
esse in ea quasi bullulæ quædam ex quibus interposito tempore squa-  
mulæ resolvuntur: certioribusq; hoc temporibus reuertitur. Alterum  
genus peius est simile papulæ ferè: sed asperius, rubicundiusq;: figu-  
ras uarias habens. Squamulæ ex summa cute discedunt: roseo maior  
est: celerius & latius procedit: certioribusq; etiam nonnunquam pri-  
or temporibus & fit et desinit: rubrica cognominatur. Tertia etiam  
num deterior est. Nam & crassior est, & durior, et magis tumet: in  
summa cute finditur: & uehementius rodit. Ipsa quoq; squamosa, sed  
nigra procedit: & late & tarde eminus serpit. In temporibus, aut  
oritur, aut desinit, neq; ex toto tollitur: nigrae cognomen est. Quartum  
genus est, quod curationem omnino non recipit: distans colore. Nam  
subalbidum est & recenti cicatrice simile, squamulasq; habet palli-  
das, quasdam subalbidas, quasdam lenticulæ similes. quibus demptis  
nonnunquam profluit sanguis. Alioquin uero humor eius albidus est,  
cutis dura atq; fissa est, proceditq; latius. Hæc uero omnia maxime  
genera oriuntur in pedibus et manibus, atq; ungues quoq; infestant.  
Medicamentum non aliud ualentius est, quam quod ad scabiem quoq;  
pertinere sub authore. Protarcho retuli. Serapion autem nitri. P. XII.  
sulphuris. P. XIII. excipiebat resina copiosa, eoq; utebatur.

De papulis, & earum curatione.

Papularum uero duo genera sunt. Altera est, in qua per mi-  
nimas pustulas cutis exasperatur & rubet, leuiterq; rodi-  
tur: medium habet pauxillo leuius: tarde serpit, idq; uitiū  
maxime rotundum incipit, eademq; ratione in orbem procedit. Alte-  
ra autem est, quam ἀσπίς, græci appellant. In qua similiter qui-  
dem, sed magis cutis exasperatur, exulceraturq;, ac uehementius  
& roditur & rubet: interdum etiam pilos remittit. Quæ minus  
rotunda est: difficilius sanescit: nisi sublata est, in impetiginē uertitur:



# LIBER

sed levis papula, etiam si ieiuna salina quotidie defricatur: sanescit. Maior commodissime murali herba tollitur, si sub ea detrita est. Vt uero ad composita medicamenta ueniamus, idem illud Protarchi tanto ualentius in his est, quanto minus in his uitij est: alterum ad idem Myronis: nitri rubri, thuris, singulorum. P. XI. cantharidum purgatum. P. XII. sulphuris ignem non experti tantundem, resinæ terebinthinæ liquidæ. P. XXX. farinæ lolij sext. iij. gith ciathos tres: picis crudæ sext.

De uirilignis speciebus, idest de Alphi & Mela, et leuæ, & earum curatione.

Uiriligo quoque, quamuis per se nullum periculum affert: tamen foeda est, & ex malo corporis habitu fit. Eius tres species sunt. αλφος uocatur, ubi color albus est ferè subasper et non continuus, ut quædam quasi guttæ dispersæ esse uideatur. Interdum etiam latius, & cum quibusdam intermissionibus serpit. μέλας colore ab hoc differt: quia niger est, & umbræ similis. Cætera eadem sunt. λεύκη habet quiddam simile alphi, sed magis albida est, & altius descendit, in eaq; albi pili sunt, & lanugini similes. Omnia hæc serpunt. Sed in alijs celerius, in alijs tardius. Alphos & Melas in quibusdam uarijs temporibus & oriuntur, & desinunt. Leuæ quæ occupauit: non facile dimittit. Priora curationem non difficillimam recipiunt: ultimum uix unquam sanescit: ac si quid ei uitio demptum est: tamen non ex toto sanus color redditur. Vtrum autem aliquod horum sanabile sit, an non sit, experimento facili colligitur. Incidi enim cutis debet, aut acu pungi. Si sanguis exit: quod ferè fit in duobus prioribus, remedio locus est. Si humor albidus, sanari non potest. Itaque ab hoc quidem abstinendum est. Super id uero: quod curationem recipit, imponenda lenticula mixta cum sulphure & thure sic, ut ea contrita ex aceto sit. Aliud ad idem: quod ad Hireneum auctorem refertur. Alcyonium, nitrum, cuminum, fici folia arida paribus portionibus contunduntur adiecto aceto. His in sole uiriligo perungitur: deinde non ita multa post: ne nimis erodatur: eluitur. Proprie quidem Myrone auctore eos: quos alphos uocari dixi, hoc medicamento perungunt. sulphuris. P. p. Z. aluminis scissilis. P. p. Z. nitri. P. XIII. myrti radice contrita acetabulum miscent: deinde in balneo super uirilignem inspergunt farinam ex faba: tum hæc inducunt. Hi uero, quos melanas uocari dixi: curantur: Cum simul contrita sunt alcyonium, thus, hordeum, faba sine oleo, in balneo ante sudorem insperguntur: tum genus id uirilignis defricatur.



## De uitijs singularum corporis partium. Cap. I.

## De capillis fluentibus.

**d** Ixi de his uitijs, quæ per totum corpus orientia: medicamentorum auxilia desiderat. nunc ad ea ueniam, quæ non nisi in singulis partibus incidere consuerunt orsus à capite. In hoc igitur capillis fluentibus maxime quidem sæpe radēdo succurritur. adiicit enim uim quædam ad continendum ladanum cum oleo mixtum. nunc de his capillis loquor, qui post morbum ferè fluunt, nā quo minus caput quibusdā ætate nudetur, succurri nullo modo potest.

## De porrigne &amp; eius curatione. Cap. II.

**p** Orrigo autem est ubi inter pilos quædam quasi squamulæ surgunt, eæq; à cute resolvuntur, & interdū madent: multo sæpius siccæ sunt. Idq; euenit modo sine ulcere, modo exulcerato loco: huic quoq; modo malo odore, modo nullo accidente: ferèq; id in capillo fit, rarius in barba: aliquando etiam in supercilio. ac neq; sine aliquo corporis uitio nascitur, neq; ex toto inutile est. nam bene integro capite non exit. Vbi aliquid in eo uitium est, non incommodum est, summam cutem potius subinde corrumpi: quàm id quod nocet in aliam partem magis necessariam uerti. Commodius est ergo subinde pectendo repurgare: quàm id ex toto prohibere. Si tamen ea res nimium offendit: quod humore sequente fieri potest, magisq; si id etiam mali odoris est, caput sæpe radendum est, dein id super adiuvandum aliquibus ex leuiter reprimentibus: quale est nitrum cum aceto, uel ladanum cum myrteo uino, uel myrobalanum cum uino. Si parum per hæc proficitur uehementioribus uti licet, cum eo, ut sciamus utiq; in recenti uitio id inutile esse.

## De sycosi &amp; eius curatione. Cap. III.

**e** St etiam ulcus, quod à fici similitudine σύκωσις à græcis nominatur. caro excrescit: & id quidem generale est. sub eo uero duæ species sunt. alterum ulcus durum & rotundum est, laterum humidum & inæquale. ex duro exiguum quiddam &

Aurelij Cor. m iij



## LIBER

glutinosum exit: ex humido plus, & mali odoris. Fit uero utrumq; in his partibus, quæ pilis continguntur: sed id quidem, quod callosum & rotundum est, maxime in barba. Id uero quod humidum, præcipue est in capillo. Super utrumq; oportet imponere elaterium, aut lini semen contritum & aqua coactum, aut ficum in aqua decoctam, aut emplastrum tetrapharmacum ex aceto subactum: terra quoq; erithrea ex aceto liquata recte illinitur.

### De Areis & earum curationibus. Cap. IIII.

Rearum quoq; duo genera sunt. commune utriq; est: quod emortua summa pellicula, pili primum extenuantur: deinde excidunt: ac si ictus is locus est, sanguis exit liquidus et mali odoris, increfcitq; utrumq; in alijs celeriter, in alijs tarde: Peius est quod densam cutem & subpinguem, & ex toto glabram facit: sed ea quæ ἀλωπενία nominatur sub qualibet figura dilatatur, fit et in capillo & in barba. Id uero quod à serpentis similitudine ὀφιδίου appellatur: incipit ab occipitio: duorum digitorum latitudinem non excedit: ad aures duobus capitibus serpit: quibusdam etiam ad frontem: donec se duo capita in priorem partem committant. Illud uitiū in qualibet ætate est: hoc ferè in infantibus. Illud uix unquam sine curatione: hoc per se sæpe finitur. quidam hæc genera arearū scalpello exasperant. quidam illinunt adurētia ex oleo, maximeq; chartam combustam. quidam resinam terebinthinam cum tapsia inducunt. sed nihil melius est, quàm nouacula quotidie radere: qua cum paulatim summa pellicula excisa est, adaperiuntur pilorū radiculæ: neq; ante oportet desistere, quàm frequentem pilū nasci apparuerit. Id autem, quod subinde raditur: illini atramento scriptorio satis est.

### De Varis, et Lenticulis, & Ephelide, & eorū curationibus. Cap. V.

enè ineptiæ sunt: curare Varos, et Lenticulas, & Ephelidas: sed eripi tamen foeminis cura cultus sui non potest. Ex his autem quas supra proposui, uari, lenticulæq; uulgo notæ sunt: quanuis rarior ea species est, quàm ξένιον græci uocant: cum sit ea lenticula rubicundior et inæqualior. ἐφελίς uero à plerisq; ignoratur: quæ nihil est: nisi asperitas quædam & durities mali coloris: cætera non nisi in facie, Lenticulæ etiam in alia parte nonnunquam nasci solent. de qua per se scribere alio loco uisum operæ præcium non est. sed Vari commodissime tolluntur imposita resina, cui nō mō



nus quàm ipsa est: aluminis, scissilis, & paulum mellis adiectum est. Lenticulam tollunt galbanum et nitrum, cum pares portiones habet, contritaq; ex aceto sunt: donec ad mellis crassitudinem uenerint. His corpus illinendum, & interpositis pluribus horis mane eluendū est: oleoq; leuiter ungendum. Epheliden tollit resina, cui tertia pars salis fossilis, & paulum mellis adiectum est. Ad omnia uero ista atq; etiā ad colorandas cicatrices potest ea compositio, quæ ad Tryphonem patrem auctorem refertur. In ea pares portiones sunt myrobalani, crocomagmatis, cretæ amoliæ subcerulæ, nucum amararum, farinæ hordei atq; erui, struthij albi: fertulæ campanæ seminis. quæ omnia contrita, melle quàm amarissimo coquantur, illitumq; à uespere usq; mane eluitur.

De oculorum morbis, curationibusq; eorum: & primo de his morbis qui lenibus medicamentis curantur. Cap. VI.

Ed hæc quidem mediocria sunt. Ingentibus uero et uarijs casibus oculi nostri patent. qui cum magnam partem ad uitæ simul & usum & dulcedinem conferant: summa cura tuendi sunt. protinus autem orta lippitudine quædam notæ sunt: ex quibus quid euenturum sit: colligere possimus. nam simul & lacryma, & tumor, & crassa pituita cœperint, si ea pituita lacrymæ mixta est: & ea lacryma calida est: pituita uero alba & mollis, tumor non durus: longæ ualeitudinis metus non est. at si lacryma multa & calida: pituita paulum, tumor modicus: idq; in uno oculo est: longum id, sed sine periculo futurum est. Idq; lippitudinis genus minime cum dolore est, sed uix ante uigesimalium diem tollitur: nonnunq; per duos menses durat: sed quandoq; finitur. Si pituita alba et mollis esse incipit, lacrymæq; miscentur, aut si simul hæc utrunq; oculum inuaserunt: potest esse breuior, sed periculum ulcerum est. Pituita autem si crassa & arida dolorem quidē mouet, sed maturius desinit, nisi quid exulcerauit: tumor magnus si sine dolore est & siccus, sine ullo periculo est. si siccus quidem: sed cum dolore est, ferè exulcerat, & nonnunq; ex eo casu fit, ut palpebra cum oculo glutinetur. Eiusdem exulcerationis timor in palpebris, pupillis'ue est: ubi super magnum dolorem lacrymæ salsæ, calidæq; eunt, aut etiam si tumore infinito diu lacryma cum pituita profluit. peius etiam nunc est, ubi pituita calida, aut linida est, lacryma calida aut multa profluit, caput calet, à temporibus ad oculos dolor peruenit: nocturna uigilia urget. si quidem sub his oculus plerunq; rumpitur: notumq; est, ut tantum exulceretur. In-



## LIBER

tus ruptum oculum febricula iuuat. Si foras iam ruptus procedit: sine auxilio est: si de nigro aliquid albidum factum est, diu manet. at si asperum, crassum est: etiam post curationem uestigium aliquod relinquit. Curari uero oculos sanguinis detractione, medicamento, balneo, uino uetustissimus auctor Hippocrates memoriae prodidit. sed eorum tempora & causas parum explicuit. In quibus medicinae summa est. neq; minus in abstinentia & alui ductione saepe auxilij est. Hos igitur interdum inflammatio occupat: ubi cum tumore in his dolor est, sequiturq; pituitae cursus nonnunquam copiosior uel acrior: nonnunq; utraq; parte moderatior. In eiusmodi casu prima omnium sunt, quies & abstinentia. Ergo primo die loco obscuro cubare debet, sic ut à sermone quoq; abstineat. nullum cibum assumere: si fieri potest ne aquam quidem: sin minus, certe quam minimum eius. Quod si graues dolores sunt: commodius secundo die: si tamen res urget: etiā primo sanguis mittendus est: utiq; si in fronte uenae tument, si firmo corpori materia superest. si uero minor impetus, minus acrem curationem requirit, aluum, sed non nisi secundo, tertio uel die duci oportet. At modica inflammatio neutrum ex his auxilium desiderat. satisq; est uti quiete & abstinentia, Neq; tamen in lippientibus longum ieiunium necessarium est: ne pituita tenuior atq; acrior fiat. sed secundo die dari debet id quod leuissimum uideri potest ex his, quae pituitam faciunt crassiores: qualia sunt oua sorbilia. si minor uis urget: pulicula quoq; aut panis ex lacte. Insequentibusq; diebus quantum inflammationi detrahatur: tantum adijci cibus poterit. sed generis eiusdem: utiq; ut nihil salsum, nihil acre, nihil ex his: quae extenuant, sumatur: nihil potui praeter aquam. Et uictus quidem ratio talis maxime necessaria est. Protinus autem primo die croci. P. XI. & farinae candidae quam tenuissimae. P. XII. excipere oportet oui albo: donec mellis crassitudinem habeat: idq; in linteolum illinere & fronti agglutinare, ut compressis uenis pituitae impetum cohibeat. si crocum non est, thus idem facit: Linteolo an lana excipiatur: nihil interest. Super iungi uero oculi debent: sic ut croci quantum tribus digitis comprehendendi potest: sumatur: myrrhae: ad fabae papaueris lacrymae ad lentulae magnitudinem. eaq; cum passo conterantur, & specillo super oculum inducatur. Aliud ad idem: Myrrhae. P. XI. Mandragorae succi. P. XII. papaueris lacrymae. P. XII. foliorum rose, citreae seminis: singulorum. P. XIII. acaciae. P. XIII. gummi. P. XVIII. Et haec quidem interdum. noctu uero: quo commodior quies ueniat: non alienum est superimponere candidi panis interiorum partem ex uino substantam. Nam & pituitam reprimi: & si quid lacrymae processit, absorbet,



sorbet: & oculum glutinari non patitur. Si graue id et durum propter magnum oculorum dolorem uidetur: oui & album & uitellus in uas difundendum est, adiiciendumq; eò mulsi paulum: idq; digito permiscendum. Vbi facta unitas est, demitti debet lana mollis bene carpta. quæ id excipiat, superq; oculos imponi. Ea res & leuis est: & refrigerando pituitam coercet, & non exarescit, et glutinari oculum non patitur. Farina quoq; hordeacea cocta, & cum malo cotoneo cocto mixta commode imponitur. neq; ab ratione abhorret etiam penicillo potissimum uti expresso: si leuior impetus est, ex aqua: si maior, ex posca. Priora fasciæ deliganda sunt, ne per somnum cadant, et hoc superimponi satis est, quia & reponi ab ipso commode potest, et cum inaruit, iterum madefaciendum est. Si tantum mali est, ut somnum diu prohibeat: eorum aliquid dandum est: quæ ἀρώδωα græci uocant. satisq; est puero, quod erui, uiro, quod fabæ magnitudinem impleat. In ipsum uero oculum primo die, nisi modica inflammatio est, nihil recte conijcitur. sæpe enim potius concitatur eò pituita, quam munitur. A secundo die graui quoq; lippitudini per indita medicamenta recte succurritur, ubi uel iam sanguis missus, uel aluus ducta est, aut ubi neutrum necessarium esse manifestum est.

#### De diuersis oculorum collirijs.

Uita autem, multorumq; auctorum colliria ad id apta sunt: nouisq; etiam nunc mixturis temperari possunt, cum lenia medicamenta & modice reprimentia facile et uarie misceantur. Ergo nobilissima exequar.

##### Philonis collirium.

Est igitur Philonis quod habet cerussæ elotæ: spodij, gummi, singulorum. P. XI. papaueris lacrymæ combustæ. P. XI. Illud scire oportet, hic quoq; omnia medicamenta, singula primum per se teri: deinde mixta iterum adiecta paulatim, uel aqua, uel alio humore: gummi cum quasdam alias facultates habeat, hoc maxime præstare, ut ubi colliria facta inaruerunt, glutinata sint, neque fricentur.

##### Dionysij collirium.

Dionysij uero collirium est, papaueris lacrymæ combustæ donec tenerescat. P. XI. thuris combusti, gummi: singulorum. P. XII. spodij P. XIII.



LIBER  
Cleonis collirium.

Leonis nobile admodum: papaueris lacrymæ frictæ. P. XII. croci. P. XI. gummi. P. XI. quibus cum teruntur: adiçitur rosa succus. aliud eiusdem valentius: squamæ æris quod σόμωμα appellant. P. XI. croci. P. XII. spodij. P. XIII. plumbi & eloti & combusti. P. XVI. gummi tantundem. eius aliud quoque idem est: maxime ubi multa pituita profluit. castorei. P. XZ. aloes. P. XL. croci. P. XXI. myrrhæ. P. XII. lycij. P. XIII. cædmie curatæ. P. XVIII. stibis tantundem: acaciæ succi. P. XXII. quod cum gummi miscuit id quod habet liquidum in pixidecula seruatur. Theodotus uero huic compositioni adiecit papaueris lacrymæ combusti. P. X. æris combusti et eloti. P. XII. nucleos palmarum combustos numero. XX. gūmi. P. XXII.

Theodoti collirium, Acharistum appellatum.

Ipse Theodoti, quod à quibusdā ἀχαρίστον nominatur: eiusmodi est. castorei: nardi indici: singulorum. P. XI. lycij. P. XII. papaueris lacrymæ tantundem: myrrhæ. P. XII. croci, cerussæ elotæ: aloes, singulorum. P. XIII. cædmie, botryodis elotæ æris combusti singulorum. P. XVIII. gummi. P. XVIII. acaciæ succi. P. XXX. stibis tantundem: quibus aqua pluvialis adiçitur.

Cythion, uel tephron collirium.

Ræter hæc ex frequentissimis collirijs est id quod quidam κυθιον: quidā à cinereo colore τέφριον appellant: amyli, tragacanthæ, acaciæ succi, gummi, singulorum. P. XI. papaueris lacrymæ. P. XII: cerussæ elotæ. P. XVIII. spumæ elotæ. P. XXIII. quæ æque ex aqua pluviali conteruntur.

Euelpidis collirium, trygodes nominatum.

Euelpides autem, qui ætate nostra maximus fuit oculus medicus utebatur eo, quod ipse composuerat: πυρῶδες nominabat. castorei. P. XII. lycij, nardi, papaueris lacrymæ, singulorum. P. XI. croci, myrrhæ, aloes, singulorum. P. XIII. æris combusti. P. XVIII. cædmie & stibis: singulorum. P. XXII. acaciæ succi. P. XXXVI. gummi tantundem. quo grauior uero quæque inflammatio est: eò magis leniri medicamentum debet, adiecto uel albo oui, uel me



liebri lacte. at si neq; medicus, neq; medicamentum præsto est, sæpius utrunlibet horum in oculis penicillo ad id ipsum facto infusum, id malum lenit. Vbi uero aliquis releuatus est: iamq; cursus pituitæ constitit: reliquias fortasse leniores futuras discutunt balneum, & uinum. Igitur lauari debet leuiter ante ex oleo perfrictus, diutiusq; in cribus & feminibus, multaq; calida aqua fouere oculos: deinde per caput prius calida, tum egelida perfundi, à balneo cauere ne quo frigore afflatur, ne lædatur. post hæc cibo paulo pleniore, quàm ex eorundem dierum consuetudine uti, uitatis tamen oibus pituitam extenuantibus. uinum bibere lene: subausterum, modice uetus, neq; effusum, neq; timide, ut neq; cruditas ex eo, & tamen somnus fiat, lenianturq; intus latentia acris. Sed si quis in balneo sensit maiorem oculorum perturbationem, quàm attulerat: quod incidere his solet: qui manente adhuc pituitæ cursu, festinarunt, quàm primum discedere debet: nihil eo die uini assumere: cibi minus etiam quàm pridie. deinde cum primum satis pituita substitit, iterum ad usum balnei redire. Solet tamen euenire nonnunquam siue tempestatum uitio, siue corporis, ut pluribus diebus neq; dolor, neq; inflammatio, & minime pituitæ cursus finiatur. quod ubi incidit, iamq; ipsa uetustate res matura est, ab his hisdem auxilium petendum est: id est balneo ac uino. hæc enim ut in recentibus malis aliena sunt: quia concitare ea possunt & accendere, sic in ueteribus, quæ nullis alijs auxilijs cesserunt: admodum efficacia esse consuerunt. uidelicet hic quoq; ut alibi, cum secunda uana fuerint contrarijs adiuantibus. Sed ante tonderi ad cutem conuenit. deinde in balneo aqua calida quæ plurima caput atq; oculos fouere: tum utrunq; penicillo detergere, & ungere caput irino unguento, continereq; in lectulo se, donec omnis calor qui conceptus est finiatur, desinatq; sudor, qui necessario in capite collectus est. tum ad idem cibi uiniq; genus ueniendum sic, uti potiones meracæ sint: obtegendumq; caput & quiescendum. sæpe enim post hæc grauis somnus, sæpe sudor, sæpe alui deiectio pituitæ cursum finit. Si leuatum malum est, quod aliquanto sæpius fit: per plures dies idem fieri oportet, donec ex toto sanitas restituitur. si diebus hisdem alius nihil reddit: ducenda est: quo magis superiores partes leuentur. Nonnunquam autem ingens inflammatio tanto impetu erumpit, ut oculos sua sede propellat: proprie enim πρόωσιν id, quoniam oculi prociidunt, græci appellant. His utiq; si uires patiuntur, sanguinem mitti: si id fieri non potest, aluum duci, longioremq; in mediam indicia necessarium est. Opus autem lenissimis medicamentis est. Ideoq; Cleonis collirio quidam, quod ex duobus ante positum est: utuntur. Sed optimum est Nilei. neq; de ullo magis inter omnes auctores conuenit.



## LIBER

Nilei collirium omnium optimum.

**D** habet nardi indici, papaueris lacrymæ, singulorum. P.  
**i** XI. gummi. P. XI. croci. P. XII. foliorum rosæ recentium. P.  
 XIII. quæ uel aqua pluuiatili, uel uino leni sub austero  
 coguntur. Neq; alienum est malicorium, uel fertulam campanam ex  
 uino coquere, deinde conterere: aut myrrham nigram cum rosæ folijs  
 miscere, aut hyosiyami folia cum oui cocti uitello, aut farinam cum  
 acaciæ succo, uel passo, aut mulso. quibus si folia quoq; papaueris adij-  
 ciuntur, aliquanto ualentiora sunt. Horum aliquo præparato penicil-  
 lo fouere oculos oportet ex aqua calida expresso: in qua ante mel myr-  
 ti, uel rosæ folia decocta sint. deinde ex illis aliquid imponi. præter  
 hæc ab occipitio incisa cute cucurbitula admouenda est. Quod si per  
 hæc restitutus oculus in sedem suam non est: eodēq; modo prolapsus  
 permanet: scire oportet lumen esse amissum. deinde futurum ut ma-  
 rescat is, aut in pus uertatur. Si suppuratio se ostendit, ab eo angulo  
 qui propior tempore est: incidi oculus debet: ut effuso pure et inflam-  
 matio ac dolor finiatur: et intus tunica residat quo minus foeda postea  
 facies sit. Utendum deinde uel hisdem collirijs est ex lacte, aut ouo  
 uel croco, cui album oui misceatur. Ac si induruit et sic emortuus  
 est, ne in pus uerteretur: quatenus foede prominebit excidendum erit:  
 sic ut hamo summa tunica apprehendatur, infra id deinde scalpel-  
 lus incidat: tum eadem medicamenta erunt coniicienda: donec omnis  
 dolor finiatur. Hisdem medicamentis in eo quoq; oculo utendum est:  
 qui primum procidit: deinde per plura loca fissus est.

De carbunculis oculorum, et eorum curatione.

**S**olent etiam carbunculi ex inflammatione nasci: nonnunq;  
 in ipsis oculis, nonnunq; in palpebris: et in his ipsis oculis  
 modo ab interiore, modo ab exteriori. In hoc casu aliud  
 ducenda est: cibum minuendus: lac potui dandū, ut acria quæ laeserunt:  
 leniantur. Quod ad cataplasmata et medicamenta pertinet: his uten-  
 dum, quæ aduersus inflammationes proposita sunt. Atq; hic quoq; Nilei  
 collirium optimum est. si tamen carbunculus in exteriori palpebræ  
 parte est, ad cataplasmata aptissimū est lini semen ex mulso coctum:  
 aut si id non est, tritici farina eodem modo cocta.

De pustulis oculorum, et curatione earum.

**P**ustulæ quoq; ex inflammationibus interdum oriuntur.  
 quod si inter initia protinus incidit: magis etiam seruanda  
 sunt quæ de sanguine et quiete supra posui. sin serius quā ut sanguis



mitti possit: alius tamen ducenda est. si id quoque aliqua res inhibet, utique victus ratio seruanda est. Medicamentis autem hic quoque lenibus opus est, quale Nilei: quale Cleonis est.

φιλανθοῦς collirium ad pustulas oculorum.

*i* D quoque: quod philalethos vocatur: huic aptum est. Myrrhae, papaueris lacrymae: singulorum. P. XI. plumbi eloti, terrae samiae, quae ἀσὴρ vocatur: tragacanthae: singulorum. P. XIIII. stibis cocti, amyli: singulorum. P. XVI. spodij eloti, cerussae elotae, singulorum. P. XVIII. Quae aqua pluuiali excipiuntur. Vsus collirij, uel ex ouo, uel ex lacte est.

De ulceribus oculorum, & eorum curatione, & de διαβαλάνος collirio.

*e* X pustulis ulcera interdum fiunt, ea quae recentia aequale- nibus medicamentis nutrienda sunt, & hisdem ferè quae supra in pustulis posui. Fit quoque proprie ad haec quod διαβαλάνος vocatur. Habet aeris combusti, & eloti papaueris lacrymae frictae: singulorum. P. XI. spodij eloti, thuris, stibis combusti & eloti, myrrhae gummi, singulorum. P. XII.

Curatio oculorum aliquo casu imminutorum.

*e* Venit etiam ut oculi, uel ambo, uel singuli minores fiant quam esse naturaliter debeant: Idque & acer pituitae cursus in lippitudine efficit, & continuati fletus, & ictus parum bene curati. In his quoque hisdem lenibus medicamentis: ex muliebri lacte utendum est. Cibis uero his, qui maxime corpus alere & implere consuerunt. Vitandaque omni modo causa: quae lacrymas excitet: curaque domesticorum. quorum etiam si quid tale incidit: eius notitiae subtrahendum: atque acris quoque medicamenta, et acres cibi non alio magis nomine his nocent: quam quod lacrymas mouent.

De pediculis palpebrarum.

*g* Enus quoque uitij est: qui inter pilos palpebrarum pediculi nascuntur. Id φθρίαι græci nominant. Quod cum ex malo corporis habitu fiat: raro non ultra procedit. Sed ferè tempore interposito pituitae cursus acerrimus sequitur: exulceratisque uehementer oculis aciem quoque ipsam corrumpit. His alius ducenda, caput ad cutem tondendum, diuque quotidie ieiunis perfricandum. His:



## LIBER

ambulationibus, alijsq; exercitationibus diligenter utendum, gargarizandumq; ex mulso, in quo nepeta, & pinguis ficus decocta sit: saepe in balneo multa calida aqua fouendum caput. Vitandi acres cibi, lacte uinoq; pingui utendum, bibendumq; liberalius, quam edendum est. Medicamenta uero intus quidem lenia danda sunt, ne acriorem pituitam concitent. Super ipsos uero pediculos alia, quæ necare eos et prohibere: ne similes nascantur, possint. Ad id ipsum spumæ nitri: P. XI. sandaracæ. P. XI. unæ taminiae. P. XI. simul teruntur, adijciturq; uetus oleum pari portione atq; acetum donec ei mellis crassitudo sit.

De oculorum grauioribus morbis, qui ex inflammationibus oriuntur, & ualidioribus medicamentis curantur: & de Andree collirio, & de δια νέρατος.

Actenus oculorum morbi lenibus medicamentis nutriuntur. Genera deinde alia sunt: quæ diuersam curationem desiderant, ferèq; in inflammationibus nata sunt, sed finitis quoq; his manentia. Atq; in primis in quibusdam perseuerat tenuis pituitæ cursus: quibus alius ab inferiore parte euocanda est: demendum aliquid ex cibo: neq; alienum est illini frontem compositione Andree, Quæ habet gummi. P. XI. cerussæ, stibis, singulorum. P. XII. spumæ argenti & coctæ & elotæ. P. XIII. Sed & ea spuma ex aqua pluuiatili coquitur, & arida hæc medicamenta ex succo myrti continentur. His illita fronte, cataplasma quoq; super iniiciendum est ex farina, quæ frigida aqua coacta sit: cuiq; aut acaciæ succus, aut cypressus adiecta sit. Cucurbitula quoq; inciso uertice recte accommodatur, aut ex temporibus sanguis emittitur. Inungi uero eo debet, quod habet squamæ æris: papaueris lacrymæ: singulorum. P. XI. ceruini cornus combusti, & eloti plumbi, eloti gummi: singulorum. P. XIII. thuris. P. XXII. Hoc collirium: quia cornum habet, δια νέρατος nominatur. Quotiescunq; non adicio quod genus humoris adijciendum sit: aquam intelligi uolo.

Memigmenon Euelpidis collirium.

Idem Euelpidis: quod μεμυμένον nominabat. In eo papaueris lacrymæ, et albi piperis singulæ uncia sunt: gummi libra: æris combusti. P. XI. Inter has autem curationes post intermissione aliquam prosunt balneum & uinum. Cumq; omnibus lippientibus uitandi cibi sunt, qui extenuant, tum præcipue quibus tenuis humor diu fertur. Quod si iam fastidium est eorum, quæ pituitam crassionem reddunt: sicut in hoc genere materiae maxime



promptum est: confugiendum est ad ea: quæ quia uentrem, corpus quoq; astringunt.

De oculorum ulceribus supercrescentibus, sordidis, cauis, ueteribus, & de curationibus singulorum.

**T**ulcera, si cum inflammatione finita non sunt, aut supercrescentia, aut sordida, aut caua, aut certe uetera esse consue-  
runt. Ex his supercrescentia collirio: quod *μικρὸν* uocatur: optime reprimuntur. Sordida purgantur et eodem, ex eo, quod *εὐελπίον* nominatur.

*εὐελπίον* collirium.

**h** Abet ærugnis. P. XIII. gummi tantundem: ammoniaci, mā-  
nij sinopici: singulorum. P. XXVI. Quæ quidam ex aqua,  
quidam quo uehementiora sint, ex aceto terunt.

*Phynon* collirium *Euelpidis*.

**i** D quoq; *Euelpidis*, quod *phynona* appellabat, huic utile est  
Croc. P. XI. papaueris lacrymæ, gummi, singulorū. P. XII.  
æris combusti & eloti, myrrhæ: singulorum. P. XIII. piperis  
albi. P. XVI. Sed ante linitum hoc, ungendum est.

*Sphæron* collirium *Euelpidis*.

**i** D quoq; eiusdem, quod *sphæron* nominabat: eodem ualet.  
Lapidis hæmatitis eloti. P. XII. piperis grana sex: admix-  
elotæ, myrrhæ, papaueris lacrymæ: singulorū. P. XIII. cro-  
ci P. XIII. gummi. P. XVIII. Quæ cum uino amineo conteruntur.

*Liquidum* *Euelpidis* collirium.

**l** Iquidum quoq; medicamentum ad idē componebat: in qu-  
erant hæc. Erugnis. P. X. minij combusti, atramenti sutorij  
cinnamomi: singulorum. P. XIII. croci, nardi, papaueris la-  
crymæ: singulorum. P. XI. myrrhæ. P. XII. æris combusti. P. XIII. ane-  
ris ex odoribus. P. XIII. piperis grana. XV. Hæc ex uino austero te-  
runtur. Deinde cum passi tribus heminis decoquuntur. donec corpus  
unum sit. Idq; medicamentum uetustate efficacius fit.

De cauis oculorum ulceribus, & curationibus.

**c** Auā uero ulcera commodissime implent ex his quæ supra  
posita sunt, *Sphæron*, & id quod *φιλανθοῦς* uocatur. Idem  
*sphæron* uetustis ulceribus & uix ad cicatricem uenientibus optime  
succurrit.



e St etiam collirium, quod cum ad plura valeat: plurimum  
tamen proficere in his ulceribus uidetur. Refertur ad her-  
monem authorem: habet piperis longi. P. XII. albi. P. XV.  
cinnamomi: costi: singulorum. P. XI. atramenti sutorij: nardi, casiae, ca-  
storei: singulorum. P. XII. gallae. P. XV. myrrhae, croci, thuris, lycij, ce-  
russae: singulorum. P. XVIII. papaueris, lacrymae. P. XXII. aloes: æris  
combusti, cadmiae singulorum. P. XXVI. acaciae, stibis, gummi: singulo-  
rum. P. XXXV.

De cicatricibus oculorum: quæ ex ulceribus factæ sunt: et quomodo  
curari debeant: et de Asclepia, et Canopite, et Pyxino collirijs.

f Aetæa uero ex ulceribus cicatrices duobus uitijs periclitan-  
tur: ne aut cauae, aut crassæ sint. Si cauae sunt, potest eas im-  
plere id, quod sphæerion uocari dixi, uel id, quod asclepias  
nominatur: habet papaueris lacrymae. P. XII. sagapeni, opopanax:  
singulorum. P. XIII. eruginis. P. XIII. cumini. P. XVIII. piperis. P.  
XXII. cadmiae elotæ: cerussae: singulorum. P. XXVI. At si crassæ cica-  
trices sunt: extenuant uel Smilion, uel Canopite collirium: quod habet  
cinnamomi, acaciae: singulorum. P. XI. Cadmiae elotæ, croci, myrrhae:  
papaueris lacrymae: gummi: singulorum. P. XII. piperis albi, thuris,  
singulorum. P. XIII. æris combusti. P. XVIII. cum aqua pluviali.  
uel Euelpidis Pyxinum: quod ex his constat. Salis fossilis. P. XIII.  
ammoniac: thymiamatis. P. XVIII. papaueris lacrymae. P. XXII. ce-  
russae. P. XXV. piperis albi, croci siculi: singulorum. XXXI. gum-  
mi. P. XXIII. cadmiae elotæ. P. XVIII. Maxime tollere cicatricem ui-  
detur id quod habet gummi. P. XIII. eruginis. P. XI. crocomagma-  
tis. P. XIII.

De alio genere inflammationis oculorum.

e St etiam genus inflammationis: in qua, si cui tument ac di-  
stenduntur cum dolore oculi, sanguinem ex fronte emitti  
necessarium est: multaq; aqua calida caput, atq; oculos fove-  
re: gargarizari ex lenticula, uel ex fici cremore: inungi acribus medi-  
camentis, quæ supra comprehensa sunt: maximeq; eo quod sphæerion  
nominatur, quod lapidem hæmatitem habet. Atq; alia quoq; utilia  
sunt, quæ ad extenuandam aspritudinem fiunt: de qua protinus di-  
cam. Hanc autem inflāmatio oculorum ferè sequitur: interdū maior,  
interdum



interdum leuior, nonnunquam etiam ex aspritudine lippitudo fit: deinde aspritudinem ipsam auget, fitq; ea in alijs breuis, in alijs longa, & quæ uix unquam finiatur. In hoc genere ualetudinis quidam crassas, durasq; palpebras & ficulneo folio, & asperato specillo, & interdum scalpello eradunt: uersasq; quotidie medicamentis suffricant. Quæ neq; nisi in magna: uetustaq; aspritudine, neque sæpe faciendæ sunt. Nam melius eodẽ, ratione uictus & idoneis medicamentis peruenitur. Ergo exercitationibus utemur, & balneo frequentiore, multaq; oculorum palpebras aqua calida fovebimus. Cibos autem sumemus acres, & extenuantes.

### Cæsarianum collirium.

**T** medicamentum id quod cæsarianum uocatur, habet atramenti sutorij. P. XI. mysi. P. X. piperis albi. P. XV. papaueris lacrymæ gummi: singulorum. P. XII. cadmiæ lotæ P. XIII. stibis. P. XVI. Satisq; constat hoc collirium aduersus omne genus oculorum ualetudinis idoneum esse, exceptis his, quæ lenibus nutriuntur.

### Hieracis collirium.

**I**dem quoq; quod Hieracis nominatur ad aspritudinem potest. habet myrrhæ. P. XI. ammoniaci thymiamatis. P. XII. æruginis rasæ. P. XIII. cum aqua pluuiali. Ad idem idoneum est etiam id quod Canopite est: & id quod smilion uocatur, & id quod pyxinum, et id quod Sphæron. Si composita medicamenta nõ ad sunt, felle caprino, uel quam optimo melle satis cõmode aspritudo curatur.

### De Xerophthalmia.

**S**t etiam genus aridæ lippitudinis: ξηροφθαλμία græci appellant: neq; tument, neq; fluunt oculi, sed rubent tantum, et cum dolore quodam grauescunt, & noctu prægravi pituita inhærescunt, quantoq; minor generis huius impetus: tanto finis manus expeditus est. In hoc uitio multum ambulare, multum exerceri, lauari sæpe, ibiq; desudare, multaq; frictione uti necessarium est. cibi qui neq; implent, neq; nimium acres, apti sunt: sed inter hos medij. mane ubi concoxisse manifestum est, non alienum est ex sinapi gargarizare: tum deinde caput, atq; os diutius defricare.

Aurelij Cor.



## LIBER

### Rhinion collirium.

**C**ollirium uero aptissimum est, quod Rhinion uocatur. habet myrrhæ. P. XI. papaueris lacrymæ: acaciæ succi, pipis, gummi: singulorum. P. XI. lapidis hæmatitis: lapidis phrygii, lycij, lapidis scissilis singulorum. P. XII. aeris combusti. P. XIII. ac pyximum quoq; eodem accommodatum est.

### Ad oculos scabros colliria.

**S**i uero scabri oculi sunt, quod maxime in angulis esse consuevit, potest prodesse Rhinion id, quod supra positum est: potest similiter prodesse id, quod habet æruginis rasæ: piperis longi, papaueris lacrymæ: singulorum. P. XII. piperis albi, gummi, singulorum. P. XIII. cadmiæ elotæ, cerussæ, singulorum. P. XVI. nullum tamen melius est quàm Euelpidis quod βρασινιδὸν nominabat. habet papaueris lacrymæ, cerussæ, lapidis asij, singulorum. P. XII. gummi: P. XIII. piperis albi. P. XIII. croci. P. XVI. psorici. P. XIII. Nulla autem per se materia est: quæ psoricum nominetur: sed chalcitidis aliquid, & cadmiæ dimidio plus ex aceto simul conteruntur, idq; in uas fictile additum, et contactu ficulneis folijs sub terra reponitur: sublaturq; post dies uiginti rursus teritur, & sic appellatur. Verum in basilico quoq; collirio conuenit ad omnes affectus oculorum id esse idoneum: qui non leuibus medicamentis curantur. Vbi non sunt autem medicamenta composita, scabros angulos leuant, et mel, et uinum. succurritq; & his, & aridæ lippitudini si quis panem ex uino subactum super oculum imponit. nam cum ferè sit humor aliquis, qui modo ipsum oculum, modo angulos aut palpebras exasperat, sic et si quid prodit humoris: extrahitur, & si quid iuxta est, repellitur.

### Ad caligationem oculorum, quæ propter lippitudinem oritur remedia & colliria.

**C**aligare uero oculi nonnunquam ex lippitudine, nonnunquam etiam sine hac propter senectutem, imbecillitatem uel aliâ consuerunt: si ex reliquijs lippitudinis id uitiû est, adiunat collirium, quod asclepias nominatur, adiunat id quod ex crocomagmate fit.

### Διὰ πρόνου collirium.

**P**roprie etiam ad id componitur: quod διὰ πρόνου uocant. habet piperis. P. XI. croci alidis, papaueris lacrymæ, cerussæ, singulorum. P. XII. psorici, gummi: singulorum. P. XIII.



Ad caliginationem oculorum, quæ propter senectutem, aut  
aliam imbecillitatem fit.

**T** si ex senectute, alia'ue imbecillitate id est, recte inungi po-  
test, & melle quàm optimo, et cyprino, et oleo uetere. Côm-  
a dissimum tamen est balsami partem unam: & olei ueteris,  
aut cyprini partes duas, mellis quàm acerrimi partes tres miscere.  
Vtilia quoq; huic medicamenta sunt, quæ ad caliginē proximè, quæq;  
ad extenuandas cicatrices supra comprehensa sunt. Cuicunq; uero oca-  
li caligabunt: huic opus erit multa ambulatione atq; exercitatione,  
frequenti balneo, ubi tutum quidem corpus perfricandum est: præci-  
pue tamen caput, & quidem irino donec insudet: uelandumq; postea:  
nec detegendum antequam sudor, & calor domi conquierint. tum ci-  
bis utendum acribus & extenuantibus, interpositisq; aliquibus die-  
bus ex sinapi gargarizandum.

De suffusione oculorum.

**S**uffusio quoq; quam græci ὑπόχυσιν nominant: interdum  
oculi potentia, qua cernit, se opponit. Quod si inueteraue-  
rit, manu curandum est. Inter initia nonnunquam etiam  
certis observationibus discutitur. sanguinem ex frōte uel naribus mit-  
tere, in temporibus uenas adurere: gargarizando pituitam euocare:  
suffumigare oculos acribus medicamentis, inungere expedit. uictus  
optimus est qui pituitam extenuat.

De resolutione oculorum, quæ paralysis dicitur.

**C**ne resolutio quidē oculorum: quàm παράλυσιν græci no-  
a minant, alio uictus modo, uel alijs medicamentis curāda est.  
Exposuisse tantum genus uiti j satis est. Igitur interdum eue-  
nit modo in altero oculo, modo in utroq; aut ex ictu aliquo, aut ex  
morbo comitiali, aut ex distentione nervorum, qua uehementer oculus  
ipse concussus est, ut his neq; quoquam intendi possit, nec omnino con-  
sistat, sed huc illuc'ue sine ratione moueatur, ideoq; ne conspectum  
quidem rerum præstet.

De mydriasi oculorum.

**N**on multū ab hoc malo distat id, quod μυδρίασιν græci uo-  
cant. Pupilla effunditur, & dilatatur, aciesq; eius hebescit,  
ac penē difficillime genus id imbecillitatis eliditur. i utraq;  
uero id est, et paralysi, & mydriasi pugnandū est p eadē oia, quæ in  
caligi ne oculorū præcepta sunt, paucis tantū mutatis: siq; dem ad caput



## LIBER

irino interdum acetum, interdum nitrum adiiciendum est: melle inu-  
g̃ satis est. quidam in posteriore uitio calidis aquis usi, releuatiq̃:  
quidam sine ulla manifesta causa subito obcaecati sunt. ex quibus nō-  
nulli cum aliquandiu nihil uidissent, repentina profusione alui, lumē  
receperunt: quo minus alienum uidetur, ex recenti re & interposito  
tempore medicamentis quoq; moliri deiectiones: quæ omnem noxiam  
materiam in inferiora depellant.

### De imbecillitate oculorum.

**P** Ræter hæc imbecillitas oculorum est: ex qua quidam inter-  
diu satis, noctu nihil cernunt: quod in foeminam bene respo-  
dentibus menstruis non cadit: sed sic laborâtes inungi opor-  
tet humore iocineris maxime hircini: si minus, caprini, ubi ad assum  
coquitur, excepto: atq; edi quoq; ipsum iecur debet. Licet tamen etiam  
hisdem medicamentis non inutiliter uti, quæ uel cicatrices, uel aspri-  
tudinem extenuant: quidam contrito semine portulacæ mel adiiciunt  
eatenus ne id ex specillo desillet: eoq; inungunt. Exercitationibus, bal-  
neo, frictionibus, gargarizationibus iisdem his quoq; utendum est.

Ad oculos qui extrinsecus offenduntur: cum sanguine suffusi sunt.

**E** T hæc quidem in ipsis corporibus oriuntur. Extrinsecus  
uero interdum si ictus oculum lædit, ut sanguis in eo suffun-  
datur: nihil commodius est: quàm sanguine uel columbæ, uel  
palumbi, uel hirundinis inungere: neq; id sine causa fit: cum horum  
acies extrinsecus læsa interposito tempore in antiquum statum rede-  
at, celeberrimeq; hirundinis. Vnde etiam locus fabulæ factus est, aut  
per parètes, aut id herba chelidonio restitui: quod per se sanescit: eo-  
rum ergo sanguis nostros quoq; oculos ab externo casu commodissime  
tuetur, hoc ordine, ut sit hirundinis optimus, deinde palumbi, minima  
efflux columbæ & illi ipsi & nobis. Supra percussum uero oculum  
ad inflammationem leniendam non est alienum imponere etiam  
cataplasmata: sed ammoniacus, uel quilibet alius quàm optimus teri  
debet sic, ut ei paulatim oleum adiciatur, donec crassitudo strigmen-  
ti fiat. Id deinde miscendum est cum hordeacea farina: quæ ex mulso  
decocta sit. Facile autem recognitis oïbus, quæ medici quoq; prodide-  
runt: apparere cuilibet potest uix ullum ex his, quæ supra comprehē-  
sa sunt: oculi uitium esse, quod non simplicibus quoq; & promptis re-  
medijs submoueri possit:



h Actenus in oculis ea reperiuntur, in quibus medicamenta plu-  
 rimum possint: ideoque ad aures transeundum est, quarum  
 usum proximum à luminibus natura nobis dedit: sed in his  
 aliquanto maius periculum est: nam vitia oculorum intra ipsos nocet.  
 Aurium inflammationes doloresque, interdum etiam ad dementiam, mor-  
 temque precipitant: quo magis inter initia protinus succurrendum est:  
 ne maiori periculo locus sit. Ergo ubi primum dolorem aliquis sensit:  
 abstinere, & continere se debet. Postero die, si uehementius malum est,  
 caput tondere, idque irino unguento calido perungere, & operire: at  
 magnus cum febre, uigiliaque dolor exigit, ut sanguis quoque mittatur.  
 si id aliquæ causæ prohibent, alius soluenda est. Cataplasmata quoque  
 calida subinde mutata proficiunt, siue fœni græci, siue lini, siue alia  
 farina ex mulsio decocta est. recte etiam subinde admouentur spōgiæ  
 ex aqua calida expressæ. tum leuato dolore ceratum circumdari de-  
 bet ex irino, aut cyprino factum. In quibusdam tamen melius, quod  
 ex rosa factum est, proficit. si uehemens inflammatio somnum ex toto  
 prohibet, adijci cataplasmata debent papaueris corticis fricti atque con-  
 triti sic, ut ex his pars dimidia sit, eaque tū simul ex passo mixto deco-  
 quatur. In aurē uero infundere aliquod medicamentum oportet, quod  
 semper ante tepefieri conuenit: commodissimeque per strigilem instilla-  
 tur. ubi auris repleta est: super lana mollis addenda est, quæ humorē  
 intus contineat. & hæc quidem cōmunia sunt. Medicamentum uero  
 est & rosæ, & radicum harundinum succus, & oleum in quo lum-  
 brici cocti sunt, et humor ex amaris nucibus, aut ex nucleo mali p̄fici  
 expressus. composita uero ad inflammationem, doloremque leniendum  
 hæc ferè sunt: castorei, papaueris lacrymæ pares portiones conterun-  
 tur: deinde adiungitur his passum. uel papaueris lacrymæ, croci, myr-  
 rhæ par modus sic teritur, ut inuicem modo rosa, modo passum instil-  
 letur, uel id, quod amarum in ægyptia faba est conteritur, & rosa adie-  
 cta: quibus myrrhæ quoque paulum à quibusdam miscetur, uel papa-  
 ueris lacrymæ, aut thus cum muliebri lacte, uel amararum nucum  
 cum rosæ succo, uel castorei, myrrhæ, papaueris lacrymæ pares por-  
 tiones cum passo: uel croci. P. XI. myrrhæ, aluminis scissilis, singulorum  
 P. XII. quibus tum teruntur, paulatim miscentur passi cyathi tres, mel-  
 lis minus cyatho: idque ex primis medicamentis est: uel papaueris la-  
 cryma ex aceto. Licet etiam compositione uti Themisonis: quæ habet  
 castorei opopanax: papaueris lacrymæ ex aceto, singulorum. P. XII.  
 spumæ lycij. P. XIII. quæ contrita passo excipiuntur donec cerati



crassitudinem habeant: atq; ita reponuntur. ubi usus requiritur, rur-  
 sus idem medicamentum adiecto passo, specillo teritur. Illud perpetuum  
 est, quotienscunq; crassius medicamentum est, quàm ut in aurem instil-  
 lari possit, adiiciendum eum esse humorem, ex quo id componi debet:  
 donec satis liquidum sit. si uero pus quoq; aures habent, recte lycium  
 per se infunditur, aut irinum unguentum, aut porri succus cum melle,  
 aut centaureæ succus cum passo, aut dulcis punici mali succus in ipsius  
 cortice tepesfactus, adiecta myrrhæ exigua parte. Recte etiam misce-  
 tur myrrhæ, quam stacten cognominant. P. XI. croci tantundem, nuces  
 amaræ. XXV. mellis sesquicyathus, quæ contrita, cum utendum est, in  
 cortice punici mali tepesfiant. ea quoq; medicamenta. quæ oris exulce-  
 rati causa componuntur, æq; ulcera aurium sanant: quæ si uetustiora  
 sunt, & multa sanies fluit: apta compositio est, quæ ad auctorem Era-  
 sistratum refertur: piperis. P. XI. croci. P. XI. myrrhæ, mysi cocti, sin-  
 gulorum. P. XII. æris combusti. P. XII. hæc ex uino teruntur: deinde  
 ubi inaruerunt, adiunguntur passi heminæ tres, & simul coquuntur:  
 cum utendum est, adiicitur his mel, & uinum. Est etiam Itolemæi chi-  
 rurgi medicamentum, quod habet lentisci. P. XI. gallæ. P. XI. ompha-  
 cij. P. XI. succum punici mali. Est menophili ualidum admodum, quod  
 ex his constat: piperis longi. P. XI. castorei. P. XII. myrrhæ, croci, pa-  
 paueris lacrymæ, nardi syriaci, thuris, malicorij, ex ægyptia faba  
 partis interioris, nucum amararum, mellis quàm optimi, singulorum.  
 P. XIII. quibus cum teruntur, adiicitur acetum quàm acerrimum,  
 donec crassitudo in his passi fiat. Est Cratonis, cinnamomi, cassiæ, sin-  
 gulorum. P. XI. lycij, nardi, myrrhæ, singulorum. P. XI. aloes. P. XII.  
 mellis cyathi tres, uini sextarius, ex quibus uinum cum lycio deco-  
 quitur: deinde his alia miscentur: at si multum puris, malusq; odor  
 est, æruginis rasæ, thuris, singulorum. P. XII. mellis cyathi duo, aceti  
 quattuor simul incoquuntur ubi utendum est, dulce uinum miscetur,  
 aut aluminis scissilis, papaueris lacrymæ, acaciæ si cæ par pondus mi-  
 scetur: hisq; adiicitur hyoscyami succi dimidio minor quàm unius ex  
 superioribus portio: eaq; trita ex uino diluuntur. per se quæq; hyo-  
 scyami succus satis proficiat. Commune uero auxilium aduersus omnes  
 aurium casus: iamq; usu comprobatum Asclepiades composuit. In eo  
 sunt cinnamomi, cassiæ, singulorum. P. XI. flores iunci rotundi, castorei,  
 albi piperis longi, amomi, myrobalani, singulorum scrupuli duo, thu-  
 ris masculi, nardi syriaci, myrrhæ pinguis, croci, spumæ nitri, singulo-  
 rum. P. XII. quæ separatim contrita, rursus mixta ex aceto conterun-  
 tur: atq; ita condita, ubi utendum est, aceto diluuntur. eodem modo co-  
 mune auxilium auribus laborantibus est. Polybi sphragis ex dulci ui-



no liquata: quæ compositio priore libello continetur. quod si & sanies profluit, & tumor est, non alienum est, mixto uino per oricularium clysterem eluere: & tum infundere uinum austerum cum rosa mixtum: cui spodij paulum sit adiectum, aut lycium cum lacte, aut herbæ sanguinalis suauum cum rosa, aut mali punia suauum cum exigua parte myrrhæ: si sordida quoq; ulcera sunt, melius mulso eluuntur: & tum aliquod ex his quæ supra scripta sunt, quod mel habeat, infunditur: si magis pus profluit, & caput utiq; tondendum est, et multa calida aqua perfundendum, & gargarizandum, & usq; ad lassitudinem ambulandum, et cibo modico utendum est. si cruor quoq; ex ulceribus apparuit, lycium cum lacte debet infundi, uel aqua, in qua rosa decocta sit, succo aut herbæ sanguinalis, aut acaciæ adiecto. quod si super ulcera caro increuit, eaq; mali odoris sanguine fundit, aqua tepida elui debet: tum infundi id, quod ex thure, & ærugine, & aceto, & melle fit: aut mel cum ærugine incoctum: squama quoq; æris cum sandaraca contrita per fistulam recte instillatur.

#### Aduersus aurium uermes.

Bi uero uermes orti sunt, si iuxta sunt, protrahendi oriculario specillo sunt: si longius, medicamentis enecandi: cauendumq; ne postea nascentur. ad utrumq; proficit album ueratræ cum aceto contritum: flui quoq; aurem oportet uino, in quo marrubium decoctum sit. sic emortui uermes in primam auris partem prouocabuntur: unde facillime educi possunt.

#### Ad compressa aurium foramina.

In foramen auris cōpressum est, & intus crassa sanies subest, mel quàm optimum addendum est: si id parum proficit, mellis cyatho & dimidio, æruginis rasæ. P. XII. adiiciendum est: incoquendumq; & eo utendum. Iris quoq; cum melle idem proficit. Item mellis, & rosæ scrupuli duo. Item galbani. P. XII. myrrhæ cum melle, & fellis taurini, singulorum. P. XII. uini quantum satis est ad myrrham diluendam.

#### Ad grauem auditum.

Bi uero grauius aliquis audire cœpit, quod maxime post longos capitis dolores euenire consuevit: in primis aurem ipsam considerare oportet. Apparebit enim aut crusta qualis super ulcera innascitur, aut sordium coitus: si crusta est, infundendum est aut oleum calidum, aut cum melle ærugo, uel porri suauis, aut cum mulso nitri paulum: atq; ubi crusta à corpore iam recedit,



## LIBER

elunda auris aqua tepida est: quo facilius ea per se diducta, oriculario specillo protrahatur. si sordes æque molles sunt, eodem specillo eximendæ sunt. at si duræ sunt: acetum, & cum eo nitri paululum coniiciendum est. Cumq; emollitæ sunt, eodem modo elui aurem, purgariq; oportet. quod si capitis grauitas manet: attondendum idem, & leniter, sed diu perfricandum est, adiecto uel irino, uel laureo oleo sic, ut utrilibet paulum aceti misceatur: tum diu ambulandum, leniterq; post unctionem aqua calida caput fouendū: Cibisq; utendum ex imbecillissima & media materia, magisq; assumendæ dilutæ potiones: nonnunq; gargarizandum est. Infundendum autem in aurem castoreum cum aceto, & laureo oleo, & succo radiculae corticis: aut cucumeris agrestis succus adiectis contritis rosæ folijs: immaturæ quoq; uuae succus cum rosa instillatus aduersus sordiditatem satis proficit.

### Ad sonitum aurium intra se ipsas.

Liud uitij genus est: ubi aures intra seipsas sonant: atq; hoc quoq; fit, ne externum sonum accipiant: leuissimum est, ubi id ex grauedine est. peius: ubi ex morbis, capitis' ue longis doloribus incidit. Pessimum: ubi magnis morbis uenientibus, maximeq; comitali: prouenit. Si ex grauedine est: purgare aurem oportet, et spiritum continere, donec inde humor aliquis expumet: si ex morbo uel capitis dolore, quod ad exercitationē, frictionem, perfusionem, gargarizationemq; pertinet, eadem faciendæ sunt: cibis nō utendum nisi extenuantibus: in aurem dandus radiculae succus cum rosa, uel cum succo radicis ex cucumere agresti, uel castoreum ex aceto et laureo oleo. ueratrum quoq; cum aceto conteritur: deinde melle cocto excipitur, & inde collirium factum in aurem demittitur: si sine his cepit, ideoq; nouo metu terret, in aurem dari debet castoreum cum aceto uel irino, uel laureo oleo, aut huic mixtum castoreū cum succo nucum amararum, aut myrrha & nitrum, cum rosa et aceto. Plus tamen in hoc quoq; proficit uictus ratio: eademq; faciendæ sunt: quæ supra comprehendit: cum maiore quoq; diligentia, & præterea, donec his sonus finiatur, à uino abstinendum. quod si simul & sonus & inflammatio, laureum oleum conicasse abunde est, aut id quod ex amaris nucibus exprimitur: quibus quidam uel castoreum, uel myrrham miscent.

### Ad ea, quæ in aurem inciderunt extrahenda.

¶ Olet etiam interdum in aurem aliquid incidere, ut calculus, aliquod'ue animal. Si pulex intus est: compellendum eò lanæ paulum est, quo ipse is subit, & simul extrahitur: si non est secutus, aliud'ue



aliud ue animal est, specillum lana inuolutum in resinam quam glutinosissimam, maximèq; terebinthinam demittendum, idq; in aurem coniiciendum, ibiq; uertendum est. Vtiq; enim comprehendet & eximet: sin aliquid ex anume est: specillo oriculario protrahendum est, aut hamulo retuso, paulum recuruato: si ista nihil proficiunt, potest eodem modo resina protrahi: sternutamenta quoq; admota id commode elidunt, aut oriculario clystere aqua uehementer intus compulsa: tabula quoq; collocatur media inherens capitibus utrinq; pendentibus, superq; eam homo deligatur in id latus uersus, cuius auris eo modo laborat sic, ut extra tabulam emineat. Tum malleo caput tabulae, quod à pedibus est, feritur: atq; ita concussa aure, id quod inest: excidit.

De narium morbis, & curationibus. Cap. VIII.

Ares uero intus exulceratas fouere oportet uapore aquae calidae, idest spongia expressa atq; admota: fit & subiecto uase oris angusti, calida aqua repleto. Post id fomentum illinenda ulcera sunt, aut plumbi recremèto, aut cerussa, aut argenti spumam cum quolibet horum aliquis conterit: eiq; dum teritur inuicem uinum & oleum myrteum adiicit, donec mellis crassitudinem fecerit. si autem ea ulcera circa nares sunt, pluresq; crustas, & odorem foedum habent, quod genus graeci ὀσείων appellunt: sciri quidem debet, uix ei malo posse succurri. Nihilominus tamen haec tentari possunt, ut caput ad cutem tondeatur, assidueq; uehementer perfricetur: multa calida aqua perfundatur: multa ei deambulatio sit: cibis modicus: neq; acer, neq; ualentissimus: tum in nares ipsam mel cum exiguo modo resinae terebinthinae coniiciatur: quod specillo quoq; inuoluta lana fit, attrahaturq; spiritu is sucus, donec in ore gustus eius sentiat: sub his enim crustae resoluntur, quae tum per sternutamenta elidi debent: puris ulceribus uapor aquae calidae subiiciendus est: deinde adhibendum, aut lycium ex uino dilutum, aut amurca, aut omphacium, aut mentae, aut marrubij sucus, aut atramentum sutorium, quod candens factum, deinde contritum sit, aut interior scyllae pars contrita sic, ut horum cuilibet mel adijciatur: cuius caeteris admodum exigua pars esse debet: in atramento sutorio tanta, ut ea mixtura liquida fiat, cum scylla utiq; pars maior: inuoluendumq; lana specillum est, & in eo medicamento intinguendum, eoq; ulcera implenda sunt: rursusq; linamentum inuolutum, & oblongum eodem medicamento illinendum, demittendumq; in nares est, & ab inferiore parte leniter deligandum: idq; per hyemem & uer bis die, per aestatem & autu-



## LIBER

num, ter die fieri debet, interdum uero etiam in naribus carunculae quaedam similes muliebribus mammis nascuntur, haecque inus partibus, quae carnosissimae sunt inhaerent. Has curare oportet medicamentis adurentibus: sub quibus ex toto consumuntur. Polypus uero est caruncula modo alba, modo subrubra, quae narium cissi inhaeret, et modo ad labra pendens narem implet, modo retro per id foramen, quo spiritus à naribus ad fauces descendit, adeo increscit, uti post unam conspicia possit, strangulatque hominem maxime austro aut euro stante: ferèque mollis est, raro dura, eaque magis spiritum impedit, et nares dilatat: quae ferè *ναρηνώδης* est: itaque attingi non debet. illud aliud genus, ferè quidem ferro curatur, interdum tamen inarescit: si addita in narem per linamentum, aut penicillum ea compositio est, quae habet minij sinopici, chalcitis, calcis, sandaracae, singulorum. P. X. I. atramenti sutorij. P. XII.

### De dentium dolore, et curationibus. Cap. IX.

N dentium autem dolore, qui ipse quoque maximis tormentis annumerari potest, uinum ex toto arcuandendum est. cibo quoque primo abstinendum, deinde eo modico, mollique utendum, ne mandentis dentes irriter: tum extrinsecus admouendus per spongiam uapor aquae calidae, imponendumque ceratum ex cyprino, aut irino factum, lanaque id comprehendendum, capuique uelandum est. quod si grauior is dolor est: utiliter et alius ducitur, et calida cataplasmata super maxillas iniiciuntur, et ore humor calidus cum medicamentis aliquibus continetur, saepiusque mutatur: cuius rei causa et quinq; folij radix in uino mixto coquitur, et hyoscyami radix, uel in posca, uel in uino mixto coquitur sic, ut paulum his salis adijciatur, et papaueris non nimium aridi cortices, et mandragorae radix eodem modo. sed in his tribus utique uitandum est, ne quod austum erit, deuoretur: ex populo quoque alba cortex radice in hunc usum in uino mixto recte coquitur, et in aceto cornu ceruinum rasum, et nepeta cum teda pingui: ac ficus item pinguis, uel in mulso, uel in aceto, et melle: ex quibus cum ficus decocta est, is humor percolatur. specillum quoque lana inuolutum in calidum oleum demittitur, eoque ipso dens fouetur. quinetiam quaedam quasi cataplasmata in dentem ipsum illinuntur: in quem usum ex malo punico acido, atque arido malicorij pars interior cum pari portione, et gallae et pinei corticis conteritur, misceturque his minium, eaque contrita aqua pluuiatili coquantur, aut panacis, papaueris lacrymae, peucedani, uuae taminiae sine seminibus



pares portiones conteruntur, aut galbani partes tres, papaueris lacrymæ pars quarta. Quicquid dentibus admotum est, nihilo minus supra maxillam ceratum, quale supra posui: esse debet: lana obtectum: quidam etiam myrrhæ, cardamomi, singulorum. P. XI. croci, pyretri: ficorum partes: singulorum. P. XIII. Sinapis. P. XVIII. contrita linteolo illinunt, imponuntq; in humero partis eius, qua dens dolet: si is superior est, à scapulis: si inferior, à pectore: idq; dolorem leuat: & cum leuauit, protinus submouendum est: si uero exesus est dens, festinare ad eximendum eum, nisi res coegit, non est necesse: sed cum omnibus fomentis, quæ supra posita sunt, adiiciendæ quædam ualentiores compositiones sunt, quæ dolorem leuant: quales hæc sunt. habet autem papaueris lacrymæ. P. XI. piperis. P. XII. psoreos. P. XX. quæ contrita galbano excipiuntur, idq; circundatur: aut Menemachi maxime ad maxillares dentes in qua sunt croci. P. XI. cardamomi, thuris, fuliginis: ficorum partes, pyretri, singulorum. P. XIII. sinapis. P. XVIII. Quidam autem immiscent pyretri, piperis, elaterij, singulorum. P. XI. aluminis scissilis: papaueris lacrymæ, unæ taminie, sulphuris ignem non experti, bituminis, lauri baatarum, sinapis, singulorum. P. XII. Quod si dolor eximi eum cogit, & piperis semen cortice liberatum, & eodem modo baccæ hederæ coniecta in id foramen, dentem findit, isq; forte stans exidet: & plani piscis quàm pastinacæ nostræ, *πυρῶνα* græci uocant, aculeus torretur: deinde conteritur, resinaq; excipitur, quæ denti circundata hunc soluit: & alumen scissile in id foramen coniectum dentem citat: sed id tamen inuolutum in lanula demitti commodius est, quia sic dente seruato dolorem leuat. Hæc à medicis accepta sunt: sed agrestium experimento cognitum est, cum dens dolet, herbam mentastrum cum suis radicibus uelli debere, & in peluem conijci, supraq; aquam infundi, collocariq; iuxta sedentem hominem undiq; ueste contectum: tum in peluem candentes silices demitti sic, ut aqua tegantur, hominemq; eum hians ore uaporem excipere, ut supra dictum est undique inclusum. nam & sudor plurimus sequitur, & per os continens pituita defluit, idq; sæpe longiorem, sæpe annuam ualitudinem bonam præstat.

## De tonsillis, &amp; earum cura.

## Cap. X.

¶ I uero tonsillæ sine exulceratione per inflammationem intumuerunt, caput uelandum est extrinsecus: is locus uapore calido fouendus, multa ambulatione utendum, caput in lecto sublime



## LIBER

habendum, gargarizandumq; est ex reprimentibus. radix quoq; ea: quam dulcem appellant contusa & in passo, mulso'ue decocta idem præstat. leniterq; quibusdam medicamentis eas illini non alienū est: quæ hoc modo fiunt. ex malo punico dulci succus exprimitur, & eius sextarius in leni igne coquitur, donec ei mellis crassitudo sit: tum croci, myrrhæ, aluminis scissilis, singulorum. P. XII. per se conteruntur, paulatimq; his adiunguntur vini lenis cyathi duo, mellis unus: deinde priori succo ista miscentur, & rursus leniter incoquantur: aut eiusdē succi sextarius eodem modo coquitur, atq; eadem ratione trita ei adiunguntur hæc nardi. P. XV. omphacij. P. XI. cinnamomi, myrrhæ, casia, singulorum. P. XI. eadem autem hæc & auribus & naribus purulentis accommodata sunt. Cibus quoq; in hac valetudine lenis esse debet ne exasperet, quod si tanta inflammatio est, ut spiritum impediat, in lecto conquiescendum, à cibo abstinendum, neq; assumendum quicquam præter aquam calidam est: alius quoq; ducenda est: gargarizandum ex fico & mulso: illinendum mel cum omphacio: intrinsecus admoendum, sed aliquanto diutius vapor aquæ calidæ, donec ea suppurent, et per se aperiantur: si pure substante non rumpuntur hi tumores, incidendi sunt: deinde ex mulso calido gargarizandum ex fico: at si modicus quidem tumor & exulceratio est, furfurum cremori ad gargarizandum paulum mellis adiungendum est: illinendaq; ulcera hoc medicamento. passi quamdulcissimi tres heminae ad unā coquantur: tum adijcitur thuris. P. XI. croci, myrrhæ: singulorum. P. XI. leniterq; oīa rursus feruescunt. ubi pura ulcera sunt, eodem furfurum cremore, uel lacte gergarizandum est. atq; hic quoq; abis lenibus opus est: quibus adijci dulce vinum potest.

## De oris ulceribus, &amp; curationibus, &amp; quæ antheræ sint. Cap. XI.

Ulcera autem oris, si cum inflammatione sunt, & parum pura ac rubicunda sunt: optime his medicamentis curantur, quæ supra posita ex malis punicis fiunt: continendusq; sæpe ore reprimens cremor, cui paulum mellis sit adiectum: utendum ambulationibus, et non acri cibo. simulatq; uero pura ulcera esse cœperunt, lenis humor, interdum etiam quàm optima aqua ore continenda est. predestq; assumptum pyrum mitium, pleniorq; abus, dum acribus uacet. inspergiq; ulcera debent alumine scissili, cui dimidio plus gallæ immaturæ sit adiectum. si iam crustas habent, quales in adustis esse consuerunt, adhibendæ sunt hæ compositiones, quas græci ἀνθηρὰς nominant. Iunci quadrati, myrrhæ, sanda-



sandaracæ, singulorum. P. XIIII. aluminis pares portiones: aut croci, myrrhæ, singulorum. P. XII. iridis, aluminis, scissilis, sandaracæ: singulorum. P. XIIII. iunci quadrati. P. XVIII. aut gallæ, myrrhæ: singulorum. P. XII. aluminis, scissilis. P. XII. rosæ foliorum. P. XIIII. quidam autem croci. P. X. aluminis, scissilis, myrrhæ: singulorum. P. XI. sandaracæ. P. XII. iunci quadrati. P. XIIII. miscent. Priora arida insperguntur: hoc cum melle illinitur neq; ulceribus tantum, sed etiã tonsillis. Verũ ea longe periculosissima ulcera sunt, quas αῖσθας græci appellant, sed in pueris. hos enim sæpe consumunt: in uiris et mulieribus idem periculum non est. Hæc ulcera à gingivis incipiunt, deinde palatum, totumq; os occupant: tum ad unã, faucesq; descendũt. quibus obsessis non facile fit, ut puer convalescat. ac miserius etiam est: si lactans adhuc infans est: quo minus imperari remedium aliquod potest: sed in primis nutrix cogenda est exerceri ambulationibus, hisq; operibus, quæ superiores partes movet: mittenda in balneum, iubendaq; ibi calida aqua mammas perfundere: tum alenda cibis lenibus, & his qui facile non corrumpuntur. Potiones, si febricitat puer, aquæ: si sine febre est: vini diluti. Ac si alius nutricia substitit: danda est. Si pituita eius in os coit, vomere debet. Tum ipsa ulcera punienda sunt melle, cui rhus: quem syriacum vocant, aut amarae nives adiectæ sunt, uel mixtis inter se rosæ folijs aridis, pineis nucleis, mentæ colliculo, melle: uel eo medicamento, quod ex moris fit: quorum succus eodem modo quo punici mali ad mellis crassitudinem coquitur: eademq; ratione ei crocum, myrrha, alumen, uinum, mel miscetur: Neq; quicquam dandum, ad quod humor euocari possit. Si uero iam firmior puer est: gargarizare debet his ferè, quæ supra comprehensa sunt. at si lenia medicamenta in eo parum proficiunt: adhibenda sunt ea, quæ adurendo crustas ulceribus inducant: quale est scissile, alumen, uel chalatis, uel atramentum sutorium: prodest etiam fames & abstinentia quanta maxime imperari potest. Cibus debet esse lenis. Ad purganda tamen ulcera interdum cæsus ex melle recte datur.

De gingivarum ulceribus. Cap. XII.

Inguæ quoq; ulcera non alijs medicamentis egent, quàm quæ prima parte superioris capitis exposita sunt: sed quæ in latere eius nascuntur: diutissime durant. Videndumq; est num contra dens aliquis acutior sit, qui sanescere sæpe ulcus eo loco non sinit: ideoq; limandus est. solent etiam interdum iuxta dentes in gingivis tubercula quædam oriri dolentia, τὰ ποδόντια græci



## LIBER

appellant. hæc initio leniter sale contrito perfricare oportet, aut inter se mixtis sale fossili, combusto cupresso, nepeta, deinde eluere os cremore lenticulæ, & inter hæc hiare: donec pituitæ satis profluat. In maiore uero inflammatione ijsdem medicamentis utendum est: quæ ad ulcera oris supra posita sunt, & mollis linamenti paulum inuoluendum aliqua compositione ex his, quas ἀρνικὰς uocari dixi, demittendumq; id inter dentem, & gingiuam: quod si durior erit, & id prohibebit, extrinsecus admouendus erit spongiæ uapor calidus, imponendumq; ceratū. Si suppuratio se ostendet: diutius eo uapore utendum erit, & continendum ore calidum mulsum, in quo ficus decocta sit: Itemq; subcrudum incidendum, ne si diutius ibi pus permanserit: os lædat. quod si maior is tumor est, commodius totus exciditur, sic, ut ex utraq; parte dens liberetur. Pure exempto, si levis plaga est, satis est ore calidam aquam continere, & extrinsecus fouere eodem uapore: si maior est, lenticulæ cremore: uti hisdem medicamentis, quibus cætera ulcera oris curantur: alia quoq; ulcera in gingiuis plerumq; oriuntur: quibus eadem quæ in reliquo ore succurrunt. maxime tamen mandere ligustrum oportet, suauemq; cum ore continere. Fit etiam interdum, ut ex gingiue ulcere, siue παρὰὀντος fuit, siue non fuit, diutius pus feratur: quod aut dente corrupto, aut fracto, uel aliter uiciato osse, maximeq; id per fistulam uenire cōsuevit. ubi incidit, locus aperiendus, dens eximendus, testa ossis, si qua ex assit recidenda est: si quid uiciosi est, radendum. post quæ quid fieri debeat, supra in aliorum ulcerum curatione comprehensum est: si uero à dentibus gingiue recedunt, eadem ἀρνικὰ succurrunt. Vtile est etiam pira, aut mala non permatura mandere, & ore cum humorem continere. Idemq; prestare non acre acetum in ore retentum potest.

De uiae morbo & curatione.

Cap. XIII.

Ve uehemens inflammatio terrere quoq; debet: itaq; in hac & abstinentia necessaria est, & sanguis recte mittitur: & si id aliqua res prohibet, alius utiliter ducitur, caputq; super hæc uelandum, & sublimius habendum est: tum aqua gargarizandum, in qua simul rubus, & lenticula decocta sit. Illinenda autem ipsa uia uel omphacio, uel galla, uel alumine scissili sic, ut cuilibet eorum mel adijciatur. Est etiā medicamentum huic aptum, quod Andronium appellatur. constat ex his: alumine scissili: squama æris rubri: atramento sutorio, galla, myrrha, mysi: quæ p se contrita, mixtaq; rursus paulatim adiecto uino austero teruntur, donec is nullis crassi



tudo sit: ubi horum aliquo illita una est: chelidoniae quoque succo per cochlear illita una maxime prodest. Ferè multa pituita decurrit, cumque ea quieuit, ex uino calido gargariandum: quod si minor in ea inflammatio: laser terere: eique adungere frigidam aquam satis est, eamque aquam cochleario exceptam ipsi unæ subijcere, ac mediocriter eam tumentem aqua quoque frigida eodem modo subiecta reprimat. Ex eadem autem aqua gargariandum quoque est, quæ uel cum lasere, uel sine eo hac curatione unæ subiecta est.

De cancro oris. Cap. XV.

¶ Quando autem ulcera oris cancer inuasit, primum considerandum est, num malus corporis habitus sit, eique occurrendum. deinde ipsa ulcera curanda. quod si in summa parte id uicium est: satis proficit  $\alpha\upsilon\theta\eta\pi\alpha$  humido ulceri arida inspersa, siccior, cum exigua parte mellis illita: si paulo altius: chartæ combustæ partes duæ, auri pigmenti pars una: si penitus malum descendit: chartæ combustæ partes tres, auripigmenti, pars quarta, aut pares portiones salis fricti & iridis frictæ: aut item pares portiones chalcitidis, calas, auripigmenti. Necessarium autem est linamentum in rosa tingere: & super adurentia medicamenta imponere, ne uicinum, et sanum locum lædant, quidam etiam in acris aceti heminam frictum salem coniungunt, donec tabescere desinat: deinde id acetum coquunt, donec exsiccetur: eumque salem contritum inspergunt. quotiens autem medicamentum iniicitur, & ante, & post: os diluendum est uel cremore lenticulæ, uel aqua: in qua aut erui, aut oleæ, aut uerbena decoctæ sint sic, ut cuilibet eorum paulum mellis misceatur. acetum quoque ex scylla retentum ore, satis aduersus hæc ulcera proficit: ex aceto cocto sali, sicut supra demonstratum est, rursus mixtum acetum: sed & diu continere utrunlibet, & id bis, aut ter die facere, prout uehemens malum est, necessarium est. quod si puer est, cui id incidit: specillum lana inuolutum in medicamentum demittendum est, & super ulcus tenendum, ne per imprudentiam adurentia deuoret. Et si dolor in gingiuis est, moxenturque aliqui dentes: refici eos oportet: nam curationes uehementer impediunt. si nihil medicamenta proficiunt: ulcera erunt adurenda: quod tamen in labris ideo non est necessarium: quoniam ex cadere commodius est. et id quidem æque adustum, atque excisum sine ea curatione, quæ corpori manus adhibetur: impleri non potest. Gingivarum uero ossa, quæ hebetia sunt: in perpetuum uestione mudantur. neque enim postea caro increscit. Imponenda tamen adustis lentacula est, donec sanitatem, qualis esse potest, recipiant.



## LIBER

### De parotibus, quæ sub auribus oriuntur. Cap. XVI.

*h*æc in capite ferè medicamentis egent. Sub ipsis uero auri-  
bus oriri παρωτίδες solent, modo in secunda uoletudine ibi  
inflammatione orta, modo post longas febres, illuc impetu  
morbi conuerso. Id abscessus genus est: itaq; nullam nouam curatio-  
nem desiderat: animaduersionem tantummodo hanc habet necessa-  
riam: quia si sine morbo id intumuit, primum reprimendum experi-  
mentum est: si ex aduersa uoletudine illud inimicum est, maturariq;  
et q̄primum aperiri commodius est.

### De umbilici prominentis curatione. Cap. XVII.

*a* Umbilicos uero prominentes, ne manu, ferroq; utendum  
sit: ante tentandum est, ut abstineat: alius his ducatur, im-  
ponatur super umbilicum id, quod ex his constat. Cicutæ, et  
fuliginis: singulorum. P. XI. cerussæ elotæ. P. XIII. plumbi eloti. P. X  
VIII. ouis duobus: quibus etiam solani succus adiçatur. Hoc dilutius  
impositum esse oportet, et interim conuiescere hominem: cibo modi-  
co uti sic, ut uitentur omnia instantia.

### De obscenarum partium uicijs, et curationibus. Cap. XVIII.

*p*roxima sunt ea, quæ ad partes obscenas pertinent, quarum  
apud græcos uocabula et tolerabilius se habent, et accepta  
iam usu sunt cum omni ferè medicorum uolumine atq; ser-  
mone iactentur, apud nos foediora uerba ne consuetudine quidem ali-  
qua uerecundius loquentium accomodata sunt: ut difficilis hæc ex-  
planatio sit simul et pudorem et artis præcepta seruantibus. neq;  
tamen ea res à scribendo detertere me debuit. Primum ut omnia, quæ  
salutaria accepi, comprehenderem: dein quia in uulgo eorum cura-  
tio etiã præcipue cognoscenda est, quæ inuitissimus quisq; alteri osten-  
dit.

#### De colis morbis, et curationibus.

*i*gitur si ex inflammatione coles intumuit: reduciq; summa  
cutis, aut rursus induci non potest, multa calida aqua fouen-  
dus locus est. Vbi uero glans contracta est, oriculario quoq;  
clystere inter eam cutemq; aqua calida inferenda est. Si mollita sic  
et extenuata cutis ducenti paruit, expeditior reliqua curatio est: si  
tumor



tumor uicit: imponenda est uel lenticula, uel marrubium, uel oleæ folia ex uino cocta sic, ut cuilibet eorum, dum teritur, mellis paulum adiiciatur: sursumq; coles ad uentrem deligandus est. quod in omni curatione eius necessarium est, isq; homo continere se debet, & abstinere à cibo, & potione aquæ tantum. siti uindicari. à postero die rursus adhibendum hisdem rationibus aquæ fomentum est, & cum ui quoq; experiundum, an cutis sequatur: eaq; si non parebit, leuiter summa scalpello concidenda erit: nā cū sanies profluxerit: extenuabitur his locus, & facilius cutis ducetur. Sine autē hoc modo uicta erit, siue nunquam repugnauerit, ulcera uel in cutis ulteriore parte, uel in glande, ultra uē eam in cole reperientur, quæ necesse est, aut pura siccā uē sint, aut humida & purulenta. si siccā sunt, primum aqua calida fouenda sunt: deinde imponendum lycium ex uino est, aut amurca cocta cum eodem, aut cum rosa butyrum: si leuis is humor est, uino eluenda sunt: tum butyri & rosæ mollis paulum, & resinæ terebinthinæ pars quarta adiicienda est, eoque utendum: aut si pus ex his profluit, ante omnia elui mulso calido debet. tum imponi piperis. P. XI. myrrhæ. P. XII. croci, mysi cocti, singulorum. P. XII. quæ ex uino austero coquuntur, donec mellis crassitudinem habeant. Eadem autem compositio tonsillis, uicæ madentiori, nariumq; ulceribus ac omni modata est. Aliud ad eam, piperis. P. XI. myrrhæ. P. XI. croci. P. XII. mysi cocti. P. XI. æris combusti. P. XII. quæ primum ex uino austero conteruntur, deinde ubi inaruerunt: iterum teruntur ex passi tribus cyathis, & incoquantur: donec uisci crassitudinem habeant. Aerugo quoq; cum cocto melle, & ea quæ ad oris ulcera supra comprehensa sunt, curant: aut Erasistrati compositio, aut Cratonis recte super purulenta naturalia imponitur. folia quoq; oleæ ex nouem cyathis uini coquuntur. his adiicitur aluminis scissilis. P. XIII. lycij. P. XVIII. mellis sesquicyathus: ac si plus purus est, id medicamentum ex melle: si minus, ex uino diluitur. Illud perpetuum est: post curationem, dum inflammatio manet, quale supra positum est, cataplasma supra dare: & quotidie ulcera eadem ratione curare: quod si pus & multum et cum malo odore cœpit profluere, elui cremore lenticulæ debet sic, ut ei mellis paulum adiiciatur, aut oleæ, aut lentisci folia, uel marrubiū decoquendum est. eoque humore eodem modo cum melle utendum, imponendaq; eadem, aut etiam omphacium cum melle, aut id quod ex ærugine & melle ad aures fit, aut compositio Andronis, aut ἀνδρονική sic, ut ei paulum mellis adiiciatur. quidam ulcera omnia, de quibus adhuc dictum est, lycio ex uino curant. Si uero ulcus latius atq; altius serpit, eodem modo elui debet: imponi uero, aut ærugo, aut omphaciū



cum melle, aut Andronis compositio, aut marrubij, myrrhæ, aut croci, aluminis scissilis cocti, rosæ foliorum aridorum, gallæ, singulorum. P. XI. minij sinopici. P. XII. quæ per se singula primum teruntur, deinde iuncta iterum melle adiecto, donec liquidi cerati crassitudine habeant: tum in æneo vase leniter coquuntur, ne super fluant: cum iã guttæ indurescunt, vas ab igne remouetur, idq; medicamentum tum, pro ut opus est, aut ex melle, aut ex uino liquatur. Idem autem per se etiã ad fistulas utile est. Solet etiam interdum ad nervos ulcus descendere: profluitq; pituita multa, sanies tenuis maliq; odoris, non cocta, aut aquæ similis, in qua caro recens lota est. doloresq; is locus, & punctiones habet: id genus quamvis inter purulenta est, tamen lenibus medicamentis curandum est: quale est emplastrum tetrapharmacum ex rosa liquatum sic, ut thuris quoq; paulum ei misceatur: aut id quod ex butyro, rosa, resina, melle fit. supra uero à me positum est. præcipueq; id ulcus multa calida aqua fouendum est, uelandumq; neq; frigori committendum. Interdum autem per ipsa ulcera coles sub cute exesus sic, ut glans excidat. sub quo casu cutis ipsa circuncidenda est. perpetuumq; est, quotiens glans, aut ex cole aliquid, uel exadit, uel abscinditur: hanc non esse seruandam, ne consadat, ulceriq; agglutinetur, ac neq; reduci possit postea, & fortasse fistulam quoq; urinæ cludat. Tubercula etiam, quæ quædam græci uocant circa glandem oriuntur, quæ uel medicamentis, uel ferro aduruntur, & cum crustæ exciderunt, squama æris inspergitur, ne quid ibi rursus increseat.

De cancri, qui in cole nascitur, curatione.

h Aec citra cancrum sunt, qui cum in reliquis partibus, tum in his quoq; uel præcipue ulcera infestat. incipit à nigritie, quæ si cutem occupauit: protinus specillū subiiciendum, eaq; incidenda est: deinde oræ uulsellæ prehendendæ: tum quicquid corruptum est: excidendum sic, ut ex integro quoq; paulum demat, idq; adurendum. quotiens quid ustum est, id quoq; sequitur, ut imponenda lenticula sit: deinde ubi crustæ exciderunt, ulcera sic, ut alia curetur. at si cancer ipsum colem occupauit: inspergenda aliqua sunt ex adurentibus, maximeq; id quod ex calce, chalcitide, auripigmento componitur. si medicamenta uincuntur, hic quoq; scalpello quicquid corruptum est sic, ut aliquid etiã integri trahat, præcidi debet. illud quoq; æq; perpetuum est, exciso cancro uulnus esse adurendum: sed siue ex medicamentis, siue ex ferro crustæ occaluerunt, magnum periculum est, ne his decidentibus ex cole profusio sanguinis insequatur: ergo longa quiete & immobili penè corpore opus est, donec ex ipso crustæ



puræ leniter resoluantur. at si uel uolens aliquis, uel imprudens, dum ingreditur immature, crustas diduxit, & fluit sanguis, frigida aqua adhibenda est: si hæc parum ualet, decurrendum est ad medicamenta, quæ sanguinem supprimunt. si ne hæc quidem succurrunt, aduri diligenter & timide debet, neq; ullo postea motu dandus eidem periculo locus est.

De phagedænæ in cole nascentis curatione.

Onnunquam etiam id genus ibi cancri, quod *παρδαίνα* à græcis nominatur, oriri solet, in quo minime differendum: sed protinus hysdem medicamentis occurrendum est, & si parum ualent: ferro adurendum. quædam etiam nigrities est, quæ nõ sentitur & serpit, ac si sustinuimus usq; ad uesicam tendit: neq; succurri postea potest. si id in summa glande circa fistulâ urinae est, prius in ea tenue specillum demittendum est, ne claudatur: deinde id ferro adurendum: si uero alte penetrauit, quicquid occupatum est, præcidendum est. cæterum eadem, quæ in alijs canceris, facienda sunt.

De carbunculo qui in cole nascitur.

Caulescit etiam in cole interdum aliquid: idq; omni pene sensu caret: quod ipsum quoq; excidi debet. Carbunculus autem ibi natus, ut primum apparet, oriculario clystere eluendus est: deinde ipse quoq; medicamentis urendus, maximeq; chalcitide cum melle, aut æruginæ cum cocto melle, aut ouillo stercore & contrito cum eodem melle: ubi is excidit, liquidis medicamentis utendum est, quæ ad ora ulceris componuntur.

De testiculorum morbis, & eorum curatione.

In testiculis uero si qua inflammatio sine ictu orta est: sanguis ex talo mittendus est: à cibo abstinendum: imponendum ex faba farina ex mulso cocta cum cumino contrito ex melle cocto, aut contritum cuminum cum cerato ex rosa facto: aut lini semen frictum, contritum, & in mulso coctum, aut tritici farina ex mulsa cocta cū cupresso, aut lilij radix contrita, aut si ijdē induruerunt, imponi debet lini uel foeni græci semen ex mulso coctum, aut ex cyprino ceratum, aut similia ex uino contrita, cui paulū croci sit adiectum. si uetustior iā durities est, maxime proficiat cucumeris agrestis radix ex mulso cocta, dein contrita. si ex ictu tument, sanguinē mitti necessariū est, magisq; si etiā liuent. Imponendū uero utrūlibet ex his quæ cum cumino componuntur, supraq; proposita sunt:



## LIBER

aut ea compositio, quæ habet nitti cocti. P. XI. resinæ pineæ, gummi, singulorum. P. XII. unæ taminicæ sine seminibus. P. XIII. mellis quantum satit sit ad ea coagenda: quod si ex ictu testiculis aliquid desit, ferè pus quoque increfcit, neque aliter succurri potest, quam si inciso scroto et pus emissum, et ipse testiculus excisus est.

De rhagadijs, et Condylomate, et hæmorrhoidibus, alijsque ani morbis, et curationibus eorum, et primo de rhagadijs.

Nus quoque multa, et ædijsque plena mala recipit: nec in se multum abhorrentes curationes habet: at primum in eo sepe et quidem pluribus locis cutis exciditur. *ῥαγάδια* græci vocant, id si recens est: quiescere homo debet et in aqua calida desidere. Columbina quoque ona coquenda sunt, et ubi induruerunt, purganda: deinde alterum iacere in aqua bene calida debet, altero calido foveri locus sic, ut inuicem utroque aliquis utatur. Tum tetrapharmacum, aut *ῥοζωδες* rosa diluendum est, aut hyssopum recens miscendum cum cerato liquido ex rosa facto: aut eidem cerato liquido plumbum elotum adijciendum: aut resinæ terebinthinæ myrrha: aut spumæ argenti vetus oleum: et quolibet ex his id perungendum: si quicquid læsum est, extra est, neque intus reconditum, eodem medicamento tinctum linamentum super dandum est: et quicquid ante adhibuimus cerato contegendum. In hoc autem casu neque acris cibis utendum, neque asperis, nec aluum comprimantibus: ne aridum quidem quicquid satis utile est: nisi admodum paulum: liquida, lenia, pingua, glutinosa meliora sunt: uino leni uti nihil prohibet.

### De condylomate.

Condyloma autem est tuberculum: quod ex quadam inflammatione nasci solet: id ubi ortum est, quod ad quietem, cibos, potionesque pertinet: eadem seruari debent, quæ proxime scripta sunt: hujusdem etiam ouis recte tuberculum id fouetur. sed desidere ante homo in aqua debet, in qua uerbenæ decoctæ sunt ex reprimantibus: tum recte imponitur, et lenticula cum exigua mellis parte, et fertula campana ex uino cocta, et rubi folia contrita cum cerato ex rosa facto: et cum eodem cerato contritum, uel cotoneum malum, uel malicorij ex uino cocti pars interior, et chalcitis cocta, atque contrita: deinde hyssopo, ac rosa excepta: et ex ea compositione, quæ habet thuris. P. XI. aluminis scissilis. P. XII. cerussæ. P. XIII. spumæ argenti. P. XV. quibus dum teruntur: inuicem rosa et uinum instillatur. uinculum autem ei loco linteolum, aut panniculus quadratus est: qui ad



qui ad duo capita duas ansas, ab altera uero parte totidem fascias habet, cumq; subiectus est, ansis ad uentrem datis à posteriore parte in eas adductæ fasciæ coniunguntur, atq; ubi artatæ sunt: dexteriori sinistra, sinisteriori dextra procedit, circumdatæq; circa aluum inter se nouissime nodo deligantur. sed si uetus condyloma iam induruit, neq; sub his curationibus desidit, aduri medicamento potest, quod ex his constat: æruginis. P. XII. myrrhæ. P. XIII. gummi. P. XVIII. thuris. P. XXII. stibis: papaueris lacrymæ, acaciæ, singulorū. P. XXVI. quo medicamento quidam etiam ulcera, de quibus proxime dixi: renouant. si hoc parum in condylomate proficit: adhiberi possunt etiam uehementius adurentia. ubi consumptus est tumor: ad medicamenta lenia transeundum est.

De hæmorrhoidibus.

tertium autem uitium est, ora uenarum tanquam ex capitulis quibusdam surgentia: quæ sæpe sanguinem fundunt, αἱμορροΐδας græci uocant. idq; etiam in ore uulvæ foeminarum incidere consuevit. atq; in quibusdam parum tuto suppressitur, qui sanguinis profluvio imbecilliores non fiunt. habet enim purgationem hanc non morbum: ideoq; curati quidā cum sanguinis exitum non haberent: inclinata in præcordia ac uiscera materia subitis, & grauissimis morbis correpti sunt. si cui uero id nocet, is desiderare in aqua ex uerbenis debet: imponere maxime malicorium cum aridis rosæ folijs contritum: aut ex his aliqua, quæ sanguinem supprimūt. Solet autem oriri inflammatio, maxime ubi dura alius eum locum læsit. tum in aqua dulci desidendum est, & id fouendum ouis: imponendi uitelli cum rosæ folijs ex passo subactō: idq; si intus est, digito illinendum, si extra super illitum panniculum imponendum est. ea quoq; medicamenta, quæ recentibus scissuris posita sunt, hic idonea sunt. Cibis uero in hoc casu hisdem quibus in prioribus utendum est: si ista parum iuuāt, solent imposita medicamenta adurentia, ea capita absumere. ac si iam uetustiora sunt, sub auctore Dionysio inspargenda sandaraca est, deinde imponendum, quod ex his constat: squamæ æris, auripigmenti: singulorum. P. XV. saxi calcis. P. XVIII. postero die acu compungendum. adustis capitulis fit cicatrix: quæ sanguinem fundi prohibet. sed quotiens is suppressus est, ne quid periculi afferat, multa exercitatione digerenda materia est. prætereaq; & uiris & foeminis, quibus menstrua non proueniunt, interdum ex brachio sanguis mittendus est.



Si anus, uel os uulue procidit, qua curatione utendum sit.

**T** si anus ipse uel os uulue procidit, (nā id quoq; interdum fit) considerari debet purum ne id sit: quod pronolutū est, an humore mucoso circumdatum. si purum est, in aqua desidere homo debet, aut salsa, aut cum uerbena uel malicorio incocta: si humidum, uino austero subluendum est, illinendumq; fece uini combusta. ubi utrolibet modo curatum est, intus reponendum est, imponēdaq; plantago contrita, uel folia salicis in aceto cocta, tum linteolum & super lana eque deliganda cruribus inter se deuinctis.

De ulcere fungo simili in ano.

**V**ngo quoq; simile ulcus in eadem sede nasci solet. id si hyems est, egelida, si aliud tempus, frigida aqua fouendū est. deinde squama aeris inspergenda, supraq; ceratū ex myrteo factū. cui paulū squamæ, fuliginis, calcis, sit adiectum. si hac rōne nō tollitur: uel medicamentis uehementioribus, uel ferro adurendū est.

De digitorum ulceribus. Cap. XIX.

**I**gitorum autem uetera ulcera commodissime curantur, aut lyao, aut myrrha cocta: cū utrilibet uinum adiectum est. in hisdem recedere ab ungue caruncula cum magno dolore cōsuevit. *ἡλεπόριον* græci appellant. oportet alumen melinum rotundum in aqua liquare donec mellis crassitudinem habeat: tum quantum eius aridi fuit, tantundē mellis infundere, & radicula miscere, donec similis croco colore fiat, coq; illinere. quidam ad eundem usum decoquere simul malua solēt: cū paria pōdera aluminis aridi et mellis misauerint. si hac ratione ea nō exacerunt: excidēda sunt: deinde digiti fouēdi aqua ex uerbena, imponendumq; sup medicamentum ita factum. chalcitis, malicoriū, squama aeris excipiuntur fco pingui leniter cocto ex melle. aut chartæ combustæ, auripigmenti, sulphuris ignē nō experti par modus cerato miscetur ex myrteo factō. aut æruginis rase. P. XI. squamæ. P. XII. mellis cyathocoguntur. aut pares portiones miscentur: saxi calcis, chalcitidis, auripigmenti. quicquid horum impositum est, regendum linteolo aqua madefecto est: tertio die digitus resoluendus est. si quid aridi est, iterum excidendum, similisq; adhibenda curatio est. si non uincitur, purgandus scalpello, tenuibusq; ferramentis adurendus est: & sicut reliqua uita curandus est. at ubi scabri unguis sunt, circum aperiri debent: qua corpus contingunt. tūc super eos ex hac cōpositione æque imponi sandaracæ, sulphuris, singulorum. P. XII. nitri, auripigmenti, singulorum. P. XIII. resinæ lique. P. XVIII. tertioq; id die resoluendū est. sub quo medicamento uiciosi unguis radunt, & in eorum locum meliores renascuntur.



## LIBER SEPTIMVS.

De chirurgica, & qui in ea claruerint, & qualis esse chirurgus debeat, & quid in hoc libro describatur.

Etiam esse medicinae partē: quae manu curet, & vulgo notum, & à me propositum est. ea non quidem medicamenta atq; uictus rationē omittit, sed manu tamen plurimum praestat. estq; eius effectus inter omnes medicinae partes euidentissimus. siquidem in morbis cum multum fortuna conferat: eademq; saepe salutaria, saepe uana sint: potest dubitari secunda ualetudo medicinae, an corporis beneficio contigerit: in his quoq; in quibus medicamentis maxime utimur: quamuis profectus euidentior est: tamen sanitatem & per haec frustra quæri, & sine his reddi saepe manifestum est. sicut in oculis quoque deprehendi potest: qui à medicis diu uexati sine his interdum sanescunt. at in ea parte, quae manu curat, euidentius est, omnem profectum, ut aliquid ab alijs adiungetur, hinc tamen plurimum trahere. Haec autem pars, cum sit uetustissima, magis tamen ab illo parente omnis medicinae Hippocrate, quam à prioribus exulta est: deinde posteaquam diducta ab alijs habere professores suos cepit, in aegypto quoque increuit Philoxeno maxime auctore, qui pluribus uoluminibus hanc partem diligentissime comprehendit. Gorgias quoque, & Sostratus, & Hieron, & Apollonij duo, & Hammonius alexandrinus: multiq; alij celebres uiri singuli quaedam reperierunt. ac Romae quoque non mediocres professores, maximeq; nuper Tryphon pater, & Euelpistus: & ut ex scriptis eius intelligi potest, horum eruditissimus Meges quibusdam in melius mutatis aliquantum ei disciplinae adiecerunt. Esse autem chirurgus debet adolescens, aut certe adolescentiae propior, manu strenua, stabili, nec unquam intremescente, eaq; non minus sinistra, quam dextra promptus: acie oculorum acris: claraq; animo intrepidus, immisericors sic, ut sanari uelit eum quem accipit, non ut clamore eius motus, uel magis quam res desiderat: properet, uel minus quam necesse est, secat: sed perinde faciat omnia, ac si nullus ex uagitibus alterius affectus oriatur. Potest autem requiri: quid huic parti proprie uendicandum sit: quia uulnorum quoq; ulcerumq; multorum curationes, quas alibi executus sum: chirurgi sibi uendicant. ego eundem quidē hominem posse omnia ista praestare concipio. atque ubi se diuise-



LIBER

runt, ex laudo, qui quàm plurimū percipit. Ipse autē huic parti, ea reliqui: in quibus vulnus facit medicus: non accipit: & in quibus vulneribus, ulceribus uē plus perfici manu, quàm medicamento credo. tū quicquid ad ossa pertinet: quæ deinceps exequi aggrediar, dilatisq; in aliud uolumen ossibus, in hoc cætera explicabo: præpositisq; his, quæ in qualibet parte corporis fiunt, ad ea, quæ proprias sedes habent: transibo.

De luxatis. Cap. I.

**I**uxata igitur in quacunq; parte corporis sunt, quàm primum sic curari debent, ut qua dolor est, eà scalpello cutis crebro incidatur: detergaturq; eodem aduerso profluens sanguis. quod si paulo tardius subuenitur, iamq; etiam rubor est, qua rubet corpus, si tumor quoq; accessit, quacunq; is est, id optimum auxilium est. tum super danda reprimētia sunt, maximeq; lana succida ex aceto, & olco. quod si leuior is casus est. possunt etiam sine scalpello imposita eadem mederi. Et si nihil aliud est, cinis quoq; maxime ex sarmentis. si is non est, quilibet alius ex aceto uel etiā ex aqua coactus.

De his, quæ per se intumescunt, quomodo excidenda, & curanda sunt. Cap. II.

**U**trum hoc quidem promptum est. in his autem negotium maius est, quæ per se uicio intus orto intumescunt, & ad suppurationem spectant. ea omnia genera abscessum esse aliàs proposui, medicamentaq; eis idonea executus sum. nunc superest ut dicam in hisdem, quæ manu fieri debeant. ergo priusquam indurescant: cutem incidere, & cucurbitulam accommodare oportet: quæ quicquid illuc malæ, corruptæq; materiæ cōiit: extrahat, idq; iterū, tertioq; recte fit, donec omne inditum inflammationis excidat. neq; tamen fas non est nihil cucurbitula agere. interdum enim sed raro quicquid abscedit, uelamento suo includitur. id antiqui tunicam nominabant. Meges quia tunica omnis nervosa est: dicit non nasci sub eo uicio neruum: quo caro consumeretur, sed subiecto iam uetustiore pure callum circumdari. quod ad curationis rationem nullo loco pertinet, quia quicquid dixi, si tunica est, idem, si callus est, fieri debet. neq; ulla res prohibet, etiam si callus est: tamen quia cingit: tunicam nominari. tum pure quoq; maturior hæc interdum esse cōsuevit. ideoq; quod sub ea est, extrahi per cucurbitulam non potest. sed facile id intelligitur, ubi nihil admota illa mutauit. ergo siue id inci-



dit, siue iam durities est: in hac auxiliū nihil est. Et ut aliās scripsi  
uel auertenda concurrens eō materia, uel digerenda, uel ad maturi-  
tatem perducenda est. si priora conuergerunt, nihil præter ea necessa-  
rium est. si pus maturuit, in alis quidem, Et in inguinibus raro secū-  
dum est. item ubicunq; mediocris abscessus est. item quotiens in sum-  
ma cute, uel etiam carne uitiū est: nisi festinare curantis imbecilli-  
tas cogit. satisq; est cataplasmata efficere, ut per se pus aperiatur:  
nam ferē sine cicatrice potest esse is locus: qui expertus ferrum non  
est, si autem altius malum est, considerari debet nervosus ne is lo-  
cus sit: an non sit. nam si sine nervis est, candenti ferramento ape-  
riri debet. cuius hæc gratia est, quod exigua plaga diutius ad pus euo-  
candū patet: paruaq; postea cicatrix fit. at si nervi iuxta sunt: ignis  
alienum est: ne uel distendantur hi, uel membrum debilitent. necessa-  
ria uero opera scalpelli est. sed cætera etiam subcruda aperiri pos-  
sunt. inter nervos uero ultima expectanda maturitas est: quæ cutem  
extenuet: eiq; pus iungat: quo propius reperiatur. itemq; alia rectam  
plagam desiderant in carne. quia ferē uehementer cutem extenuat.  
tota ea super pus excidenda est. Semper autem, ubi scalpellus admoue-  
tur, id agendum est, ut quā minimæ, Et quā paucissimæ plagæ  
sint. cum eo tamen, ut necessitati succurramus, Et in modo Et in nu-  
mero. nam maiores sinus latius, interdum etiam duabus aut pluri-  
bus lineis incidendi sunt. dandaq; opera ut imus sinus exitum ha-  
beat, ne quis humor intus subsidat, qui proxima Et adhuc sana ro-  
dendo sinuet. est etiam in rerum natura, ut cutis latius excidenda sit:  
nam ubi post longos morbos totus corporis habitus uitiatus est, lateq;  
se sinus diffudit, Et in eo pars cutis pallet: scire licet eam iam emor-  
tuam esse, Et inutilem futuram. ideoq; excidere commodius est. ma-  
xime si circa articulos maiores id euenit, cubantemq; ægrum flu-  
ens alius exhaurit: neq; per alimenta quicquam corpori accedit. sed  
excidit ita debet, ut plaga ad similitudinem myrtei folij fiat, quo fa-  
cilius sanescat. idq; perpetuum est. ubicunq; medicus ex quacunque  
causa cutem excidit, pure effuso in alis, uel inguinibus, linamento opus  
non est. spongia ex uino imponenda est. in cæteris partibus si æque  
ea linamenta superna sunt: purgationis causa paulum mellis in-  
fundendum, dein glutinantis super danda. si illa necessaria sunt:  
super ea quoq; similiter dari spongia eodem modo ex uino expressa  
debet. quando autem linamentis opus sit: quando nō sit: aliās dictum  
est. cætera eadem incisa suppuratione facienda sunt. quæ ubi per me-  
dicamenta rupta est, facienda esse proposui.



LIBER  
De bonis, malis'ue signis exluceratorum.  
Cap. III.

**P** Rotinus autem quantum curatio efficiat, quantumq; aut spe-  
rari, aut timeri debeat: ex quibusdam signis intelligi po-  
test: fereq; hisdem, quæ in vulneribus exposita sunt. nam  
bona signa sunt: somnum capere: facile spirare: siti non confici: cibum  
non fastidire, si febricula fuit, ea uacare: itemq; habere pus albū, leue,  
nō fœdi odoris. Mala sunt, uigilia, spiritus grauitas: sitis: cibi fastidiū:  
febris: pus nigrum, aut feculentum & fœdi odoris. Item procedente  
curatione eruptio sanguinis, aut si antequam sinus carne impleatur,  
oræ carnosæ fiunt. illa quoq; ipsa carne hebetē nec firma deficere ta-  
men animam uel ipsa curatione uel postea: pessimum omnium est. quin  
etiam morbus ipse siue subito solutus est: dein suppuratio exorta est,  
siue effuso pure permanet non iniuste terret. Estq; inter causas timo-  
ris: si sensus in uulnere rodentiū non est. sed ut hæc ipsa fortuna huc  
illuc'ue discernit: sic medici partium est: eniti ad reperiendam sanita-  
tem. ergo quotiens ulcus resiliuerit: eluere id: si reprimendus humor ui-  
debitur: uino ex aqua pluuiali mixto, uel aqua in qua lenticula  
cocta sit, debeat. si purgandum erit, mulso, rursusq; imponere eadē.  
ubi iam repressus uidebitur humor ulcusq; purum erit, produci car-  
nem conueniet et foueri uulnus pari portione uini ac mellis, superq;  
imponi spongia ex uino & rosa tincta. per quæ cum caro produca-  
tur: plus tamen, ut aliās quoq; dixi, uictus ratio eō confert. id est solu-  
tis iam febribus, & cibi cupiditate reddita: balneum rarium. cotidia-  
na, sed lenis gestatio, cibi. potionesq; corpori reficiendo. apteq; omnia  
quæ per medicamenta suppuratione quoq; rupta sequuntur sed quia  
magno malo uix sine ferro mideri licet: in hūc locū reseruata sunt.

De fistulis. Cap. IIII.

**a** Duersus fistulas quoq; si altius penetrant ut ad ultimas de-  
mitti collirium non possit, si tortuosæ sunt, si multiplices,  
maius in manu quam in medicamentis præsidium est: mi-  
nusq; operæ est: si sub cute transversæ feruntur, quam si rectæ intus  
tendunt. igitur si sub cute transversa fistula est: demitti specillum de-  
bet, supraq; id ea incidi, si flexus reperiuntur, hi quoq; simul specil-  
lo & ferro persequendi sunt. idemq; faciendum, si plures se quasi ra-  
muli ostendunt. ubi ad fines fistulæ uentum est, excidendum ex toto  
callus est, superq; fistulæ dandæ: & medicamentum quo glutinetur:



at si recta subter tendit, ubi quo, maxime ferat, specillo exploratum est, excidi is sinus debet, dein fibula oris cutis inuicienda est, et aequae glutinantia medicamenta super danda sunt. aut si corruptius ulcus, quod interdum osse uitiato fit, ubi id quoque curatum est: pus mouetia. solent autem inter costas fistulae subter exire. quod ubi incidit, eo loco costa ab utraque parte decidenda, et eximenda est, nequid intus corruptum relinquatur. solent, ubi costas transierunt, septum id, quod transversum à superioribus uisceribus intestina discernit: violare. quod intelligi et ex loco, et ex magnitudine doloris potest: et quia nonnumquam spiritus eò, cum humore quasi bulla inte prorumpit, maximèque si hunc ore ille continuit. in eo medicamentum locus nullus est. in cæteris uero quæ circa costas sanabilia sunt: pingua medicamenta inimica sunt. cæteris, quæ ad uulnera accommodantur, uti licet. optime tamen sicca linamenta, uel si purgandum aliquid uidetur, in melle tincta imponuntur. uentri nullum os subest: sed ibi perniciosæ admodum fistulae fiunt, adeo ut sostratus insanabiles esse crediderit. id non ex toto ita se habere usus ostendit. et quidē quod maxime mirum uideri potest: tutior fistula est contra iecur, et lienem, et uentriculum, quàm contra intestina, non quo perniciosior res ibi sit, sed quo alteri periculo locum faciat. cuius experimento moti quidam auctores parum modum rei cognouerunt. nam uentre sæpe etiam telo perforatur, prolapsaque intestina conduntur, et oras uulneris suturae comprehendunt. quod quemadmodum fiat mox indicabo. itaque etiam ubi tenuis fistula abdomen perumpit: excidere eam licet, suturaque oras coniungere. si uero ea fistula intus patuit, excisa necesse est latius foramen relinquat, quod nisi magna ui, utique ab interiore parte sui non potest, qua quasi membrana quædam finit abdomen: quam περὶτόνεια graeci uocant. ergo ubi aliquis ingredi ac moueri coepit: rumpitur illa sutura, atque intestina soluantur. quo fit ut pereundum homini sit. sed non omni modo res ea desperationem habet. ideoque tenuioribus fistulis adhibenda curatio est.

#### De ani fistulis.

Propriam etiam animadversionem desiderant ea, quæ in ano sunt. in has demisso specillo ad ultimum eius caput inadi cutis debet: dein nouo foramine specillum educa lino sequente: quod in aliam eius partem ob id ipsum perforatum coniectum sit. ibi limum prehendendum, uinciendumque cum altero capite est, ut laxè cutem, quæ super fistulam est, teneat. idque limum esse debet



## LIBER

crudum & duplex, triplex'ue, sic tortum ut unitas facta sit. Interim autem licet negotia agere, ambulare, lauare, cibū capere perinde atq; sanissimo. tantummodo id līnum bis die saluo nodo ducendum est sic, ut subeat fistulam pars, quæ superior fuerit. neq; committendum est ut id līnum putrescat. sed tertio quoq; die nodus resoluendus est, et ad caput alterum, recens līnum alligandum est, eductoq; uetere, id in fistula cum simili nodo relinquendū. sic enim id paulatim cutem, quæ supra fistulam est: incidit, simulq; & id sanescit, quod à līno relictū est, & id quod ab eo mordetur: inciditur. hæc ratio curationis longa, sed sine dolore est. qui festinat, astringere cutem līno debet, quo celerius secet, noctuq; penicillo tenuia quædam intus demittere, ut cutis hoc ipso extenuetur: quod extenditur: sed hæc dolorem mouent. adiicitur celeritati sicut tormento quoque: si et līnum, & id quod ex penicillo est, aliquo medicamento illinitur ex ijs, quibus callum exedi posui. poterit tamen fieri ut ad scalpelli curationem etiam illò loci ueniendum sit, si intus fistula fert, si multiplex est. igitur in hæc genera demisso specillo duabus lineis incidenda cutis est: ut media inter eas habentula tenuis admodum eiciatur, ne protinus ora coeant: sitq; locus aliquis linamentis: quæ quàm paucissima super injicienda sunt, omniaq; eodem modo facienda, qui in abscessibus positus est. si uero ab uno ore plures sinus erunt: recta fistula scalpello erit incidenda, ab eo cæteræ, quæ iam patebunt līno excipiendæ. si intus aliqua procedet: quo ferrum tuto peruenire non poterit: collirium demittendum erit. cibus autem in omnibus eiusmodi casibus, siue manu, siue medicamentis agatur: dari debet humidus potio liberalis, diuq; aqua ubi iam caro increfcit. tum demum & balneis raris utendum erit, & abis corpus implentibus.

## De telis è corpore extrahendis. Cap. V.

¶ Ela quoq; quæ illata corporibus intus hæserunt: magno negotio sepe eiciuntur. suntq; quædam difficultates ex generibus eorum, quædam ex his sedibus in quas illa penetrant omne autem telum extrahitur, aut ab ea parte, qua uenit, aut ab ea, in qua tetendit. illic uiam, qua redeat: ipsum sibi facit. hic à scalpello accipit. nam contra mucronē caro inciditur. sed si non altè telū insedit, et in summa carne est, aut certe magnas uenas, et loca neruosa non transijt, nihil melius est: quàm qua uenit id euellere. si uero plus est p quod telo reuertendū quàm quod perripendum est: iamq; uenas, neruosq; id transit: commodius est aperire quod superest, eaq; extrahere. nam & propius petitur, et tutius euellitur, et in maiore



membro si medium mucro trāsijt, facilius sanescit. quod peruium est. quia utrinq; medicamento fouetur: sed si retro telum recipiendum est: amplianda scalpello plaga est: quo facilius id sequatur: quoq; minor oriatur inflammatio, quæ maior fit: si ab illo ipso telo dum redit, corpus laniatur. Item si ex alia parte vulnus aperitur: laxius esse debet, quàm ut telo postea transeūte amplietur. Sūma autem utraq; parte ita habenda cura est, ne nervus, ne uena maior, ne arteria inci datur. quorum ubi aliquid detectum est, excipiendum hamo retuso est, abducendumq; scalpello. Vbi autem satis incisum est, telum eximē dum est: tum quoq; eodem modo, & eadē cura habita, ne sub eo, qđ eximetur, aliquid eorum lædatur: quæ tuenda esse proposui. Hæc cōmunia sunt: propria quædam in singulis telorum generibus subiiciē da sunt: quæ protinus subiiciam: nihil tam facile in corpore quàm sa gitta conditur, eademq; altissime insedit. hæc autem eueniunt, et quia magna ui fertur illa, & quia ipsa in angusto est. sæpius itaq; ab al tera parte, quàm ex qua uenit, recipienda est: præcipueq; , quia ferè spiculis cingitur, quæ magis laniant, si retro, q̄ si contra trahuntur: sed inde aperta uia caro diduci debet ferramento ad similitudinem facto græce litteræ †. Deinde ubi apparuit: si mucro, si harundo in hæret propellenda est, donec ab altera parte apprehendi et extra hi possit: si iam illa decidit, solumq; intus ferrum est, mucro uel digi tis apprehendi, uel forfice, atq; ita educi debet: neq; alia ratio extra hendi est, ubi ab ea parte qua uenit, euelli magis placuit: nam am pliato uulnere aut harundo, si inest, euellenda est, aut si ea non est, ferrum ipsum: quod si spicula apparuerunt, eaq; breuia & tenuia sunt: forfice ibi comminui debent, uacuumq; ab his telum educi, si ea maiora, ualentioraq; sunt, fissis scriptorijs calamis cōtegenda: ac ne quid lacerent, sic euellenda sunt. & in sagittis quidem hæc obserua tio est. Latum uero telum si conditum est, ab altera parte educi nō ex pedit, ne ingenti uulneri, ipsi quoq; ingens uulnus adiiciamus. euellē dum est ergo genere quodam ferramenti, quod diocleum græci gra phiscum uocant: quoniam auctorem Dioclen habet: quem inter pri scos, maximosq; medicos fuisse iam posui. Lamina uel ferrea, uel ænea etiam ab altero capite duos utrinq; deorsum conuersos uncus habet: ab altero duplicata alteribus, leuiterq; extrema in eam partem in clinata, quæ sinuata est: insuper ibi etiam parte inclinata, quæ perfo rata est: hæc iuxta telum transuersa demittitur. deinde ubi ad inum mucronem uentum est: paulum torquetur, ut telum foramine suo exci piat. cum in cauo mucro est, illico duo digiti subiecti partis alterius un cis simul & ferramentum id extrahunt, et telum. Tertium genus



## LIBER

telorum est, quod interdum euelli debet, plumbea glans, aut lapis, aut simile aliquid, quod perrupta cute integrū intus insedit. in omnibus his latius vulnus aperiendum, idq; quod inest, eā qua uenit, forfice extrahendum est. Accedit uero aliquid difficultatis sub omni ictu, si telum uel ossi inhæsit, uel in articulo se inter duo ossa demersit: in osse usq; eo mouendum est, donec is locus laxetur, qui mucronem momordit: Et tum uel manu, uel forfice telum extrahendum est: quæ ratio in dentibus quoq; eijciendis est. Et uix unq; ita telum non sequitur. sed si morabitur, excuti quoq; ictum aliquo ferramento poterit. Vltimū est, ubi nō euellitur, terebra iuxta forare, ab eo quoq; foramine ad speciem littere † contra telum os excidere sic, ut lineæ quæ diducuntur, ad telum spectent. eo facto id necesse est labet, Et facile auferatur. Inter duo uero ossa si per ipsum articulum perruperit, circa vulnus duo membra fascijs habenis'ue deliganda, Et per has in diuersas partes diducenda sunt, ut nervos distendant. quibus extētis laxius inter ossa spacium est, ut sine difficultate telum recipiatur. illud uidendum est, sicut in alijs locis posui, ne quis nervus, aut uena, aut arteria à telo lædatur: dum id extra itur: eadem scilicet ratione quæ supra posita est. at si uenenato quoq; telo quis ictus est: hysdem omnibus si fieri potest etiam festinantius actis adiicienda curatio est: quæ uel epoto ueneno, uel à serpente ictis adhibetur. Vulneris autem ipsius extracto telo medicina non alia est, quàm quæ esset si corpore icto nihil inhæsisset. de qua satis alio loco dictum est.

De ganglijs, Et meliceride, Et atheromate, Et steatomate  
capitis tuberculis. Caput VI.

h Aec uenire in qualibet parte corporis possunt. reliqua certas sedes habent: de quibus dicam orsus à capite. in hoc multa. uariaq; tubercula oriuntur: ganglia, meliceridas, et atheromata nominant: alijsq; etiam nūm uocabulis quædam alij discernunt, quibus ego steatomata quoq; adiciam. quæ quanuis Et in ceruice, Et in alis, et in lateribus oriri solent: per se tamen non posui, cum omnia ista mediocres differentias habeant: ac nec periculo terreant, neq; diuerso genere curentur. Omnia autem ista Et ex parvulo incipiunt, Et diu, paulatimq; increscunt: Et tunica sua includuntur: quædam ex his dura, ac renitentia: quædam mollia, cedentiaq; sunt, quædam spacio nudantur: quædam tecta capillo suo permanent: fereq; sine dolore sunt. quid intus habeāt, ut coniectura præsagiri potest, sic ex toto cognosci, nisi cum eiecta sunt, non potest. maxime tamen in his quæ renitentur, aut lapillis quædam similia, aut concreti, confertiq;



pili reperiuntur. In his uero quæ cedunt, aut melli simile aliquid, aut tenui pulticulæ, aut quasi rasæ cartilagini, aut carni hebeti, & cruentæ: quibus aliqui colores esse consuerunt ferèq; ganglia reniuntur. atheromati subest quasi tenuis pulticula. meliceridi liquidior humor: ideoq; pressum circumfluit. steatomati pingue quiddam, idq; latissime patere consuevit, resoluitq; totam cutem superpositam sic, ut ea labet, cum in cæteris sit astrictior. omnia derasa ante si capillis continguntur, per medium oportet incidere: sed steatomatis tunica quoq; secanda est, ut effundatur quicquid intus coit: quia non facile à cute subiecta carne ea separetur: in cæteris ipsa tunica inuiolata seruanda est. Protinus autem alba, & intenta se ostendit. tum scalpelli manubriolo diducenda à cute, & carne est: eijciendaq; cum eo quod intus tenet. si quando tamen ab inferiore parte tunicæ musculus inhæsit, ne is lædatur, superior pars illius decidenda, alia ibidem relinquenda est. ubi tota exempta est, committendæ oræ, fibulaq; his injicienda, & super medicamentum glutinans dandum est. ubi uel tota tunica, uel aliquid ex ea relictum est: pus mouentia adhibenda sunt.

De oculorum uicijs quæ scalpello, & manu curantur. Cap. VII.

Ed ut hæc neq; genere uicij, neq; ratione curationis inter se multum distant sic, in oculis quæ manum postulant, et ipsa diuersa sunt, & aliter, aliterq; curantur. igitur in superioribus palpebris uesicæ nasci solent pingues, grauesq; quæ uix attollere oculos sinunt: leuesq; pituitæ cursus, sed assiduos in oculis mouent. Ferè uero in pueris nascuntur. Oportet compresso digitis duobus oculo, atq; ita cute intenta, scalpello transversam lineam incidere, suspensa leuiter manu, ne uesica ipsa uulneretur: & ut locus ei patefactus est, ipsa prorumpat: tum digitis eam apprehendere oportet, & euellere: facile autem sequitur. dein super ungi collirio debet ex his aliquo, quo lippientes oculi super inunguntur. paucissimisq; diebus cicatrix la inducitur. molestius est ubi incisa uesica est. Effundit enim humores: neq; postea quia tenuis admodum est, potest colligi: si forte id incidit, eorum aliquid imponendum est, quæ puri mouendo sunt.

De crithe tuberculo palpebrarum.

i Ne eadem palpebra super pilorum locum tuberculū parvū nascitur, quod à similitudine ordeï à græcis *orion* nominatur. tunica quiddam quod difficulter maturescit cōprehensum est. id uel calido pane, uel cera subide calefacta foueri oportet.



## LIBER

sic ne nimius is calor sit: sed facile ea parte sustineatur. hac enim ratione sæpe discutitur: interdum concoquitur: si pus se ostēdit, scalpello diuidi debet, & quicquid intus humoris est, exprimi. Eodem deinde uapore postea quoq; foueri, & super inungi, donec ad sanitatem perueniat.

### De chalaζia palpebrarum.

Lia quoq; quædam in palpebris huic non dissimilia nascuntur: sed neq; utiq; figuræ eiusdem, & mobilia simul, atq; digito huc uel illuc impelluntur: ideoq; ea χαλαζία uocant. hæc incidi debent: si sub cute sunt ab exteriori parte: si sub cartilagine, ab interiori. dein scalpelli manubriolo diducenda ab integris partibus sunt: ac si intus plaga est: inungendū primo lenibus: deinde acrioribus. si extra, super dandum emplastrum, quo id glutinetur.

### De ungue oculorum, quod μερύριον à græcis uocatur.

Unguis uero, quod μερύριον græci uocant: est membranula nervosa oriens ab angulo, quæ nonnunquam ad pupillam quoq; peruenit, eiq; officit. sæpius à narium, interdum etiā à temporum parte nascitur. hunc recentem non difficile est discutere medicamentis, quibus cicatrices in oculis extenuantur: si inueterauit, iamq; ei crassitudo quoq; accessit: excidi debet. Post abstinentiam uero unius diei, uel aduersus in sedili contra medicum is homo collocandus est, uel sic aduersus, ut in gremium eius caput resupinus effundat. quidam si in sinistro oculo uicium est, aduersum. si in dextro: resupinum collocari uolunt. alteram autem palpebram à ministro diduci oportet, alteram à medico: sed ab hoc: si ille aduersus est. inferiorem, si supinus: superiorem. tum idem medicus hamulum acutum paulum mucrone intus recuruato subijcere extremo ungui debet, eumq; infingere, atq; eā quoq; palpebram tradere alteri, ipse hamulo apprehenso leuare unguem, eumq; acu trahere linum trahente: deinde acum ponere: lini duo capita apprehendere, & per ea erecto ungue si qua parte oculo inhæret manubriolo scalpelli diducere, donec ad angulū ueniat: deinde inuicem modo remittere, modo attrahere, ut sic & initium eius, & finis anguli reperiatur. duplex enim periculum est: ne uel ex ungue aliquid relinquatur, quod exulceratum uix ullam recipiat curationem, uel ex angulo quoq; caruncula absidatur, quæ si uehementius unguis ducatur, sequitur. Ideoq; decipit: ac si al scissa est, patescit foramen: per quod postea semper humor descendit μερύριον



πᾶσα græci uocant. Verus ergo anguli finis utiq; noscendus est, qui ubi satis constitit, non nimum adducto ungue scalpellus adhibendus est: deinde excidenda ea membranula, ne quid ex angulo lædatur. Eo deinde ex melle linamentum super dādum est: supraq; linteolum, & aut spongia, aut lana succida, proximisq; diebus diducendus quotidie oculus est, ne cicatrice inter se palpebræ glutinentur. siquidem id quoq; tertium periculum accedit: eodemq; modo linamentum imponendum, ac nouissime inungendum collirio, quo ulcera ad cicatricem perducantur. sed ea curatio uerna esse debet, aut certe ante hyemem: de qua re ad plura loca pertinente semel dixisse satis erit. nam duo genera curationum sunt. alia in quibus eligere tempus non licet, sed utendum est eo, quod incidit, sicut in uulneribus, & in fistulis. alia in quibus nullus dies urget, & expectare tutissimum, & facile est: sicut euenit in ijs, quæ & tarde increscunt, & dolore non cruciant: in his uer expectandum est. aut si quid magis pressit, melior tamen autumnus uel æstas, quàm hyems est. atq; is ipse medius, iam fræctis æstatibus, nondum ortis frigoribus. quo magis autem necessaria pars erit quæ tractabitur, hoc quoq; maiori periculo subiecta est. et sepe quo maior plaga facienda, eo magis hæc temporis ratio seruabitur.

De enchanti tuberculo.

*X* curatione uero unguis ut dixi, uicia nascuntur: quæ ipsa  
e alijs quoq; de causis oriri solent. interdum enim fit in an-  
gulo, parum ungue exciso, uel aliter tuberculum, quod pal-  
pebras parum diduci patitur, ἐκχάρτις græce nominatur. excidi hæ-  
mulo, & circumcidi debet, hic quoq; diligenter temperata manu, ne  
quid ex ipso abscedat. tum exiguum linamentum respergendum est  
uel cadmia, uel atramento sutorio: inq; eum angulum diductis palpe-  
bris inferendum: supraq; eodẽ modo deligandum. proximisq; die-  
bus similiter nutriendum tantum, ut primis aqua egelida, uel etiam  
frigida foveatur.

De ancyloblepharo oculorum vicio.

i Nterdum inter se palpebrae coalescunt: apeririq; non potest  
oculus. cui malo solet etiam illud accedere, ut palpebrae cum  
albo oculi cohærescant: scilicet cum in utroq; fuit ulcus ne-  
gligenter curatum. sanescendo enim quod diduci potuit, et debuit, glu-  
tinabit: ἀγνυλοβλέφαρος sub utroq; uicio græci uocant. Palpebrae tan-  
tum inter se cohærentes non difficulter diducuntur, sed interdum fru-



stra: nam rursus glutinantur. Experiri tamen oportet: quia bene res  
 sæpius cedit. igitur aduersum specillum inferendum, diducendæq; eò  
 palpebræ sunt, deinde exigua penicilla interponenda, donec exulce-  
 ratio eius loci finiatur. at ubi albo ipsius oculi palpebra inhæsit:  
 Heraclides tarentinus auctor est, aduerso scalpello subsecare magna  
 cum moderatione, ut neq; ex oculo, neq; ex palpebra quicquam absci-  
 datur. ac si necesse est, ex palpebra potius. post hæc inungatur oculus  
 medicamentis, quibus aspritudo curatur: quotidieq; palpebra uerta-  
 tur, non solum ut ulceri medicamentum inducatur, sed etiam ne rur-  
 sus inhæreat, ipsiq; etiam præcipiatur, ut sæpe eā duobus digitis at-  
 tollat. ego sic restitutum esse neminem memini. Meges se quoq; multa  
 tentasse, neq; unq̃ profuisse, quia semper iterum oculo palpebra inhæ-  
 ferit, memoriæ prodit.

## De ægylopa fistula oculorum.

Tiam num in angulo, qui naribus propior est, ex aliquo vi-  
 cio quasi parua fistula aperitur, per quam pituita assidue  
 destillat. αἰγύλωπα græci uocāt: idq; assidue male habet ocu-  
 lum: nonnunquam etiam exeso osse usq; ad nares penetrat, idq; in-  
 terdum naturam carcinomatis habet. ubi intentæ uenæ & recurua-  
 tæ sunt: color pallet: cutis dura est, & leui tactu irritatur: inflāma-  
 tionemq; in eas partes, quæ coniunctæ sunt: euocat. ex his eos, qui qua-  
 si carcinoma habent, curare periculosum est. nam mortem quoq; ea  
 res maturat. eos uero quibus ad nares tendit, superuacuum. neq; enim  
 sanescunt. at quibus id in angulo est: potest adhiberi curatio, cum eo  
 ne ignotum sit, esse difficilem: quantoq; angulo propius id foramen  
 est, tanto difficilior est. quoniam per angustum est in quo uersari ma-  
 nus possit. recenti tamen re mederi facilius est. sed hamulo summum  
 eius foraminis excipiendum: deinde totum id cauum, sicut in fistulis  
 dixi, usq; ad os excidendum, oculoq; & cæteris iunctis partibus bene  
 obtectis, os ferramento adurendum est uehementius. quod si iam carie  
 uexatum est, quo crassior his squama accedat, quidam adurētia im-  
 ponunt, ut atramentum sutorium, uel chalcitidem, uel æruginem ra-  
 sam: quod & tardius & non idem facit. osse adusto curatio sequitur  
 eadem, quæ in cæteris uestis.

## De pilis palpebrarum oculum irritantibus.

Illi uero, qui in palpebris sunt duabus de causis oculum irri-  
 tare consueverunt. nam modo palpebræ superioris summa  
 cutis relaxatur et procidit. quo fit ut eius pili ad ipsum oculum con-



uertantur: quia non simul cartilago quoque se remisit. modo sub ordine naturali pilorum alius ordo subcreseat, qui protinus intus ad oculum tendit. curationes, hæ sunt. si pili nati sunt qui non debuerunt: tenuis acus ferrea ad similitudinem hastæ lata in ignem coniicienda est. deinde candens sublata palpebra sic, ut eius perniciosi pili in conspectum curantis ueniant, sub ipsis pilorum radicibus ab angulo immittenda est, ut ea tertiam partem palpebræ transueat. deinde iterum, tertioque usque ad alterum angulum. quo fit ut omnes pilorum radices adustæ emoriantur. tum superimponendum medicamentum est, quod inflammationem prohibeat. atque ubi crustæ exciderunt, ad cicatricem perducendum. facillime autem id genus sanescit. quidam autem acu transiuxta pilos in exteriorē partem palpebræ oportere, eamque transmitti duplicem capillum muliebrē ducentem, atque ubi acus transiit, in ipsius capilli sinum, qua duplicatur, pilum esse coniiciendum, et per eum in superiorem palpebræ partem attrahendum, ibique corpori agglutinandum, et imponendum medicamentum, quo foramen quoque glutinetur. sic enim fore ut his pilus in exteriorē partem postea spectet. id primum fieri non potest nisi in pilo longiore, cum ferre breues eo loco nascentur. deinde si plures pili sunt, necesse est longum tormentum: cum totiens acus transuet, magnam inflammationē moueat. Nouissime cum humor aliquis ibi subsit, oculo et ante per pilos, et tum per palpebræ foramina affecto, uix fieri potest ut gluten quo uinctus est pilus, non resoluitur. eoque fit ut is, eò unde uel abductus est: redeat. ea uero curatio, quæ palpebræ laxioris ab omnibus frequentatur, nihil habet dubij. siquidem oportet contacto oculo mediam palpebræ cutem, siue ea superior, siue inferior est: apprehendere digitis, ac leuare. tum considerare quantulo detracto futurum sit, ut naturaliter se habeat. siquidem hic quoque duo pericula circumstant. si nimium fuerit excisum, ne contegi oculus non possit. si parum, ne nihil actum sit, et frustra sectus aliquis sit. qua deinde incidendum uidebitur, per duas lineas atramento notandum est sic, ut de interiore, quæ pilos continet et propiore ei linea aliquid relinquatur, quod apprehendere acus postea possit. his constitutis scalpellus adhibendus est. et si superior palpebra est: ante: si inferior, postea propius ipsis pilis incidendum. initiumque faciendum in sinistro oculo, ab eo angulo, qui tempore in dextro, ab eo qui naribus propior est, idque, quod inter duas lineas est. excidendum. deinde oræ uulneris inter se simplici sutura committendæ, operiendusque oculus est, et si parum palpebra descendet, laxanda utique: si nimium, aut astringenda, aut etiam rursus tenuis habenucla ab ulteriore ora excidenda. ubi secta est, alia



## LIBER

suturae adiiciendae, quae supra tres esse non debent. praeter haec in superiore palpebra sub pilis ipsis incidenda linea est, ut ab inferiore parte diducti pili sursum spectent. idq; si levis inclinatio est, etiam solum satis tuetur. inferior palpebra eo non eget. his factis spongia ex aqua frigida expressa super deliganda est. postero die glutinans emplastrum iniiciendum. quarto sutura tollenda est: & collirio, quod inflammationes reprimat, superinungendum.

### De lagophthalmo oculorum.

n Onnunquam autem nimium sub hac curatione excisa cute euenit ut oculus non contegatur. idq; interdum etiam alia de causa fit: λαρόφθαλμος graeci appellant. in quo si nimium palpebrae deest, nulla id restituere curatio potest. si exiguum, mederi licet: paulum infra supercilium cutis incidenda est, lunata figura cornibus eius deorsum spectantibus. altitudo esse plagae usq; ad cartilagineum debet, ipsa illa nihil laesa. nam si ea incisa est, palpebra concidit: neq; attolli postea potest. cute igitur tantum diducta fit, ut paulum in ima oculi ora descendat: hiante scilicet super plagam, in quam linamentum coniiciendum est: quod & coniungi diductam cutem prohibeat: & in medio carunculam citet: quae ubi eum locum impleuit, postea recte oculus operitur.

### De ectropio.

n T superioris autem palpebrae uitium est, quod parum descendit, ideoq; oculum non contegit: sic inferioris, quod parum sursum attollitur, sed pendet, & hiat, neq; potest cum superiore committi. atq; id quoq; euenit interdum ex simili uitio curationis, interdum etiam senectute: ἐκτροπίον graeci uocant. si ex mala curatione est, eadem ratio medicinae est, quae supra posita est: plagae tantum cornua ad maxillas non ad oculum conuertenda sunt. si ex senectute est, tenui ferramento id totum extrinsecus adurendum est, deinde melle inungendum. at quarto die uapore aquae calidae fouendum, inungendumq; medicamentis ad cicatricem perducentibus.

### De staphylomate oculi.

h Aec ferè circa oculum in angulis, palpebrisq; incidere consuerunt. in ipso autem oculo nonnunquam summa attollitur tunica siue ruptis intus membranis aliquibus, siue laxatis, & si-



illis figura acino fit. unde id  $\sigma\epsilon\phi\upsilon\lambda\omega\mu\alpha$  græci uocant. curatio duplex est. altera ad ipsas radices per medium transuere, ac duo linea ducente. deinde alterius lini duo capita ex superiore parte, alterius ex inferiore astringere inter se: quæ paulatim secando id excidunt. altera in summa parte eius ad lenticulæ magnitudinem excidere: deinde spodium, aut cadmiæam inficere. utrolibet autem facto album oui lana excipiendum & imponendum, posteaq; uapore aquæ calidæ fouendus oculus, & lenibus medicamentis unguendus est.

#### De clauis oculorum.

Clauis autem uocantur, callosa in albo oculi tubercula, quibus nomen à figuræ similitudine est. hos ad imam radicem perforare ac commodissimum est, infraq; eam excidere, deinde lenibus medicamentis inungere.

#### De natura oculorum, & eorum suffusione.

Suffusionis iam aliàs feci mentionem, quia cum recens incidit, medicamentis quoq; sæpe discutitur: sed ubi uetustior facta est, manus curationem desiderat, quæ inter subtilissimas haberi potest. de qua antequam dico, paucis ipsius oculi natura indicanda est. cuius cognitio cum ad plura loca pertineat, tum uel præcipue ad hunc pertinet. is igitur summas habet duas tunicas: ex quibus superior à græcis  $\kappa\epsilon\rho\alpha\tau\epsilon\iota\delta\iota\varsigma$  uocatur. ea, qua parte alba est satis crassa: pupillæ loco extenuatur. huic interior adiuncta est media parte: qua pupilla est: modico foramine concaua, circa tenas ulteriores partibus ipsa quoq; plenior. quæ  $\chi\omicron\rho\omicron\epsilon\iota\delta\iota\varsigma$  à græcis nominatur. hæ duæ tunice cum interiora oculi cingunt: rursus sub his coeunt: extenuataq; & in unum coactæ per foramen quod inter ossa est: ad mēbra nam cerebri perueniunt, eoq; inhaerescunt. sub his autem, qua parte pupilla est, locus uacuius est. deinde infra rursus tenuissima tunica quam Herophilus  $\alpha\rho\alpha\chi\omicron\epsilon\iota\delta\iota\varsigma$  nominauit. Ea media subsidit, eoq; cauo continet quiddam, quod à uitri similitudine  $\upsilon\alpha\lambda\omicron\epsilon\iota\delta\iota\varsigma$  græci uocant. id neq; liquidum, neq; aridum est: sed quasi concretus humor, ex cuius colore pupillæ color uel niger est, uel cæsius, cum summa tunica tota alba sit. Id autem superueniens ab interiore parte membranula includit. sub his gutta humoris est oui albo similis, à qua uidendi facultas proficiscitur,  $\kappa\rho\upsilon\sigma\alpha\lambda\lambda\omicron\epsilon\iota\delta\iota\varsigma$  à græcis nominatur. igitur uel ex morbo, uel ex ictu concreuit humor sub duabus tunicis, qua locum uacuum esse proposui: isq; paulatim indurefcens interiori potentiæ se opponit. uicijq; eius plures species sunt: quædam sanabiles: quædam



quæ curationem non admittunt. nam si exigua suffusio est, si immo-  
 bilis: colorem uero habet marinæ aquæ, uel ferri nitentis, & à latere  
 sensum aliquem fulgoris relinquit spes super est. si magna est, si ni-  
 gra pars oculi amissa naturali figura in aliam uertit, si suffusioni co-  
 lor ceruleus est, aut auro similis, si labat, & hac, atq; illac mouetur,  
 uix unquam succurritur. ferè uero peior est: quo ex grauiore mor-  
 bo, maioribus uel capitis doloribus, uel ictu uehementiore orta est.  
 neq; idonea curatio, si senilis ætas est, quæ sine nouo uicio tamen acie  
 hebetem habet. at ne puerilis quidem, sed inter hæc media ætas.  
 oculus quoq; curationi neq; exiguus, neq; conatus, satis oportunus est,  
 atq; ipsius suffusionis quedam maturitas est. expectandum igitur  
 est donec iam non fluere, sed durities quedam concreuisse uideatur.  
 ante curationem autem modico cibo uti, bibere aquam triduo debet:  
 pridie ab omnibus abstinere. post hæc in aduerso sedili collocandus  
 est loco lucido, lumine aduerso sic: ut contra medicus paulo altius sede-  
 at. à posteriore autem parte caput eius, qui curabitur, minister conti-  
 neat, & immobile id præstet. nam leui motu eripi acies in perpe-  
 tuum potest. quin etiam ipse oculus qui curabitur: immobilior facien-  
 dus est, super alterum lana imposita & deligata. curari uero sini-  
 ster oculus dextra manu, dexter sinistra debet. tum acus admouen-  
 da est, aut acuta, aut forte non nimium tenuis, eaq; demittenda: sed  
 recta est per summas duas tunicas medio loco inter nigrum oculi, &  
 angulum temporis propiorem è regione mediæ suffusionis, sic ne qua  
 uena lædatur. neque tamen timide demittenda est, quia inani loco  
 excipitur, ad quem cum uentum est, ne mediocriter quidem peritus  
 falli potest: quia prementi nihil renititur. ubi eò uentum est, inclinan-  
 da acus ad ipsam suffusionem est, leuiterq; ibi uerti, & paulatim eã  
 deducere infra regionem pupillæ debet. ubi deinde eam transiit, ue-  
 hementius imprimi, ut inferiori parti insidat. si hæsit, curatio ex-  
 pleta est. si subinde redit, eadẽ acu magis concidenda, & in plu-  
 res partes dissipanda est: quæ singulæ & facilius conduntur, & mi-  
 nus late offiunt. post hæc educenda acus recta est, imponendumq;  
 est lana molli exceptum oui album, & supra: quod inflammatio-  
 nem coerceat: atque ita deuinciendum. post hæc opus est quiete, absti-  
 nentia, lenium medicamentorum inunctionibus, cibo, qui postero die  
 satis mature datur, primum liquido, ne maxillæ laborent, deinde  
 inflammatione finita tali, qualis in uulneribus propositus est. qui-  
 bus, ut aqua quoq; diutius bibatur, necessario accedit.



E pituitæ quoq; tenuis cursu, qui oculos infestat, quatenus  
 d medicamentis agendum est, iam explicui. nunc ad ea ueni-  
 am: quæ curationem ex manu postulant. animaduertimus  
 autem quibusdam nunquam siccescere oculos, sed semper humore te-  
 nui madere, quæ res aspritudinem continuat, ex leuibus momētis in-  
 flammationes et lippitudines excitat, totum deniq; uitam hominis in-  
 festat. idq; in quibusdam nulla ope adiunari potest, in quibusdam sa-  
 nabile est. quod primum discrimen est nosse oportet, ut alteri succur-  
 ratur, alteri manus non iniiciatur. ac primum superuacua curatio  
 est in his, qui ab infantibus id uicium habent, quia necessario mar su-  
 rum est usque ad mortis diem: deinde non necessario etiam in his, q-  
 bus non multa, sed acris pituita est. si quidem manu nihil adiunatur.  
 medicamentis & uictus ratione, quæ crassiorem pituitam reddit, ad  
 sanitatem perueniunt. lata etiam capita uix medicinae patent. tum in-  
 ter est uenæ pituitam emittant: quæ inter caluariam & cutem sunt,  
 an quæ inter membranam cerebri & caluariam. superiores ferè  
 per tempora oculos rigant: inferiores per eas mēbranas, quæ ab ocu-  
 lis ad cerebrum tendunt. potest autem adhiberi remedium his: quæ su-  
 pra os fluunt, non potest his, quæ sub osse. ac ne his quidem succurri-  
 tur, quibus pituita utrinq; descendit. quia leuata altera parte nihilo-  
 minus altera infestat. quid sit autem hoc ratione cognoscitur. raso ca-  
 pite ea medicamēta, quibus in lippitudine pituita suspēditur, à super  
 cilijs usq; ad uerticem illini debent. si sicut oculi esse coeperunt, appa-  
 ret per eas uenas, quæ sub cute sunt, irrigari. si nihilominus madent,  
 manifestum est sub osse descendere. si est humor, sed leuior, duplex ui-  
 cium est. plurimi tamen ex laborantibus reperiuntur: quos superiores  
 uenæ exerceant, ideoq; pluribus etiam opitulari licet. idq; non in  
 græcia tantummodo, sed in alijs quoq; gentibus celebre est, adeo ut nul-  
 la medicinae pars magis per nationes quoque exposita sit. reperi in  
 græcia sunt qui nouem lineis cutem capitis inciderent, duabus in occi-  
 pitio rectis: una super eas transuersa, dein duabus super aures, una  
 inter eas item transuersa, tribus inter uerticem & frontem rectis. re-  
 periti sunt qui à capite recte eas lineas ad tempora diducerent: cogni-  
 tisq; ex motu maxillarum musculorum inuijs, leuiter super eos cutem  
 inciderent. inductisq; per retusos hamos oris infererent linamen-  
 ta, ut neque inter se cutis antiqui fines committerentur, & in medio  
 caro incretceret, quæ uenas ex quibus humor ad oculos transfiret,  
 astringeret. Quidam etiam atramento duas lineas duxerunt à



## LIBER

media aure ad mediam alteram aurem: deinde à naribus ad uerticem. tum ubi lineæ committebantur, scalpello inciderunt, & post sanguine fuso os ibidem adusserunt. nihilominus autem: et in temporibus & inter frontem atq; caluariam eminentibus uenis idem candens ferrum admoenerunt. frequens curatio est uenas in temporibus adurere, quæ ferè quidem in eiusmodi malo tument, sed tamen ut inflentur, magisq; se ostendant. ceruix ante modice deliganda est, tenuibusq; ferramentis & retusis uenæ adurendæ, donec in oculis pituitæ cursus conquiescat. id enim signum est quasi excæcatorum itinerum per quæ humor ferebatur. ualentior tamen medicina est: ubi tenues conditæq; uenæ, ideoq; legi non possunt. eodem modo ceruice deligata: retentoq; ab ipso spiritu, quo magis uenæ prodeant: atramento notare eas contra tempora et inter uerticem ac frontem: deinde ceruice resoluta quæ notæ sunt uenas incidere & sanguinem mittere. ubi satis fluxit, tenuibus ferramentis adurere. contra tempora quidem timide, ne subiecti muscoli, qui maxillas tenent, sentiant: inter frontem uero et uerticem, uehementer, ut sic squama ab osse recedat. efficacior tamē etiam nunc est asrorum curatio, qui uerticem usq; ad os adurunt sic, ut squamā remittat. sed nihil melius est quàm quod in gallia quoq; comata sit. ubi uenas in temporibus et in superiore capitis parte legunt. adusta quomodo curanda sint iam explicui. nunc illud adiicio, neq; ut crustæ decidant: neq; ut ulcus impleatur adustis uenis esse properandum. ne uel sanguis erumpat, uel cito pus supprimatur, cum per hoc scitescere eas partes opus sit: per illud exhauriri opus non sit. si quando tamen sanguis eruperit, infricanda medicamenta esse, quæ sic sanguinem supprimant, ne adurant. quemadmodū autem uenæ deligendæ sint: quidq; lectis his faciendum sit, cum uenero ad crurum uarices dicam.

### De aurium morbis, qui manu & scalpello curantur. Cap. VIII.

¶ Erum ut oculi multiplicem curationem etiam manus exigunt: sic in auribus admodum pauca sunt: quæ in hac medicina parte tractentur. solet tamen euenire uel à primo natali die protinus, uel postea facta exulceratione, deinde per cicatricem aure repleta, ut foramen in ea nullum sit, ideoq; audiendi usu careat. quod ubi incidit: specillo tentandum est, alte ne id repletum, an in summo tantum glutinatum sit. nam si alte est: prementi non cedit. si in summo, specillum protinus recipit. Illud attingi non oportet, ne sine effectus spe distentio oriatur neruorum, & ex ea mortis periculum sit. hoc facile curatur nam quæ cauum esse debet, uel medicamen

tum



tum aliquod imponendum est ex adurentibus, uel candente ferro aperiendum, uel etiam scalpello incidendum. cumq; id patefactum, & iam ulcus purum est: coniicienda cō pinna est illita medicamento cicatricem inducente, circaq; idem medicamentum dandum, ut cutis circa pinnam sanescat. quo fit ut ea remota postea facultas audiendi sit: at ubi aures: in uiro puta, perforatae sunt, & offendunt, traicere id cū celeriter candente acu satis est, ut leniter eius ora exulceretur, aut etiam adurentem medicamento idem exulcerare: postea deinde imponere id quod purget, tum quod eum locum repleat, & sic cicatricem inducat. quod si magnū id foramen est, sicut solet esse in his, qui maiora pondera auribus gesserunt: incidere quod superest ad extremum oportet, supra deinde oras scalpello exulcerare, & postea suere, ac medicamentum, quo id glutinetur, imponere. tertium est: si quid ibi curti est, sarcire. quae res cum in labris quoq; & naribus fieri possit: eandem autem rationem habeat, simul explicanda est.

*Curta in auribus, labrisq; ac naribus, quomodo sarciri & curari possint. Cap. IX.*

Uita igitur in his tribus, ac si qua parua parua sunt: curari possunt: si qua maiora sunt, aut non recipiunt curationem aut ita per hanc ipsam deformantur, ut minus indecora ante fuerint. atq; in aure quidem & naribus deformitas sola timeari potest. in labris uero si nimium contracta sunt, usus quoq; necessarij iactura fit. quia minus facile & cibis assumitur, & sermo explicatur. neq; enim creatur ibi corpus: sed ex uicino adducitur: quod in leui mutatione & nihil eripere, & fallere oculum potest: in magna non potest: neq; senile autem corpus, neq; quod mali habitus est, neq; in quo difficulter ulcera sanescunt, huic medicinae idoneum est: quia nusquam celerius cancer occupat, aut difficilius tollitur. ratio curationis eiusmodi est. id quod curatum est in quadratum redigere. ab interioribus eius angulis lineas transversas incidere, quae citiorē partem ab ulteriore ex toto diducant: deinde ea quae sic resolvimus, in unum adducere: si nō satis iunguntur, ultra lineas, quas ante fecimus, alias duas lunatas, & ad plagam conuersas immittere, quibus summa tantum cutis diducatur. sic enim fit ut facilius quod adducitur, sequi possit: quod non ui cogendum est, sed ita adducendum, ut ex facili subsequatur, & demissum non multum recedat. interdum autem ab altera parte cutis haud omnino adducta, deformem quem reliquit locum: reddit. Huiusmodi loci altera pars incidenda, altera intacta ha-



## LIBER

benda est. ergo neq; ex imis auribus, neq; ex medio naso imis uenarum partibus, neq; ex angulis labrorum quicquam attrahere tentabimus. utrinq; autem petemus: si quid summis auribus, si quid imis, si quid aut medio naso, aut medijs naribus, aut medijs labris deerit. quæ tamen interdum etiam duobus locis curata esse consuerunt. sed eadem ratio curandi est. si cartilago in eo quod incisum est, eminet: excidenda est. neque enim aut glutinatur, aut acutulo traicitur. neq; longe tamen excidi debet: ne inter duas oras liberæ cutis, utrinq; coitus puris fieri possit. tum iunctæ oræ inter se suendæ sunt utrinq; cate apprehensa, & qua priores lineæ sunt: ea quoq; suturæ iniiciendæ sunt. siccis locis, ut in naribus, illita spuma argenti satis proficit. in ultiores uero lunatasq; plagas linamentum dandum est, ut caro crescens uulnus impleat, summaq; cura quod ita sutum est, tuendum esse apparere ex eo potest, quod de cancro supra posui. ergo etiam tertio quoq; die fouendum erit uapore aquæ calidæ: rursusq; idem medicamentum iniiciendum, fereq; septimo die glutinatum est. tum suturæ eximi, & ulcus ad sanitatem perducendum debent.

### De polypi curatione per ferrum. Cap. X.

**P**olypum uero, qui in naribus nascitur, præcipue ferro curari iam alias posui. ergo etiam hunc ferramento acuto in modum spathe facto resolueri ab osse oportet adhibita diligentia, ne infra cartilago lædatur, in qua difficilis curatio est. ubi abscissus est, unco ferramento extrahendus est. tum implicitum linamentum, uel aliquid ex penicillo respergendum est medicamento, quo sanguis suppressitur: eoq; nares leniter implendæ. sanguine suppresso, linamento uulnulum purgandum est. ubi purum est, eo pinna eodem modo quo in aure supra positum est, medicamento illita, quo cicatrix inducitur, intus demittenda, donec ex toto id sanescat.

### De ozæna. Cap. XI.

**I**dem uerum, quod ὀζæνα à græcis uocatur, si medicamentis non cederet, quemadmodum manus curandum esset, apud magnos chirurgos non reperi. Credo quia res raro ad sanitatem satis proficit: cum aliquod in ipsa curatione tormentum habeat. apud quosdam tamē positum est uel sutilem fistulam, uel eodem scriptorium calamus in narem esse coniiciendum, donec sursum ad os perueniat: tum per id tenue ferramentum candens dandum



esse ad ipsum os: deinde adustum locum purgandum esse ærugine & melle. ubi purus est: lycto ad sanitatem perducendum. uel narem incidendam esse ab ima parte ad os, ut & conspici locus possit, & facilius candens ferramentum admoueri. tum sui narem debere, & adustum quidem ulcus eadem ratione curari. suturam uero illini uel spuma argenti uel alio glutinante.

De ore uicij, quæ manu & ferro curantur.

Cap. XII.

De dentibus.

**I**N ore quoque quædam manu curantur. ubi in primis dentes nonnunquam mouentur, modo propter radicum imbecillitatem, modo propter gingivarum arescentium uicium. oportet in utrolibet candens ferramentum ginguiis admouere, ut leuiter attingat, non ut insidat. adustæ gingivæ melle illinendæ, & mulso eluendæ sunt. ut pura ulcera esse ceperunt, arida medicamenta infricanda sunt ex his quæ reprimunt. si uero dens dolores mouet, eximique eum, qui a medicamenta nihil adiuvant, placuit, circumradi debet, ut gingiva ab eo resoluator. tum is concutiendus est. eaque faciendæ donec bene moueatur. nam dens hærens cum summo periculo euellitur, ac nonnunquam maxilla loco mouetur. idque etiam maiore periculo in superioribus dentibus fit, quia potest tempora oculus uel concutere. tum si fieri potest manu, si minus, forfice dens excipiendus. ac si exesus est, ante id foramen, uel linamento, uel bene accommodato plumbo replendum est ne sub forfice confringatur: recta uero forfex ducenda est, ne inflexis radicibus: os earum, cui dens inhæret, parte aliqua frangatur. neque ideo nullum eius rei periculum est, utique in dentibus breuibus, qui ferè longiores radices, habent. sæpe enim forfex cum dentem comprehendere non possit, aut frustra comprehendat, os gingivæprehendit & frangit. protinus autem ubi plus sanguinis profluit, scire licet aliquid ex osse fractum esse. ergo specillo conquirenda est testa, quæ recessit & uolsella protrahenda est. si non sequitur, incidi gingiva debet, donec labans ossis testa recipiatur. quod si fractum statim non est, indurescit extrinsecus maxilla, ut is hiare non possit. sed imponendum calidum ex farina et fimo cataplasma est, donec ibi pus moueatur. tum incidi gingiva debet. pus quoque multum profluens ossis fracti nota est. itaque etiam tum id extrahi conuenit. nonnunquam etiam eo læso, fistula fit quæ eradi debet. Dens autem scaber, qua parte niger est, radendus est, illinendusque rosæ flore contrito, cui gallæ quarta pars & altera myrrhæ sit adiecta. continendumque ore crebro uinum meracum. atque



## LIBER

in eo casu uelandum caput, ambulatione multa, frictione capitis: cibo non acri utendum est. at si ex ictu uel alio casu aliqui labant dentes, auro cum his, qui bene hærent, uinciendi sunt. continendaq; ore reprimentia, ut uinum in quo malicorium decoctum, aut in quo galla candens coniecta sit. Si quando etiam in pueris alter dens nascitur, quam prior excidat, is qui cadere debuit circum purgandus, & euellendus est. is qui natus est in locum prioris quotidie digito adurgendus, donec ad iustam magnitudinem perueniat. quotienscumq; dente excepto radix relicta est, protinus ea quoq; ad id facta forfice, quam *πίλιν* græci uocant: eximenda est. Tonsillas autem quæ post inflammationes induruerunt: *ἀντιάδες* autem græcis appellantur: cum sub leui tunica sint, oportet digito circum radere & euellere: si ne sic quidem resolvuntur, hamulo excipere, & scalpello excidere: tum ulcus aceto eluere, & illinere uulnus medicamento, quo sanguis supprimatur.

### De uua.

Ua si cum inflammatione descendit, doloriq; est, & subrubicundi coloris: præcidi sine periculo non potest. solet enim multum sanguinem effundere. itaq; melius est his uti, quæ aliàs proposita sunt. si uero inflammatio quidem nulla est, nihilominus autem ea ultra iustum modum à pituita deducta est, & est tenuis, acuta, alba, præcidi debet. itemq; si ima, liuida & crassa, summa, tenuis est. neq; quicquam commodius est quam uolsella prehendere, sub eaq; quod uolumus, excidere. neq; enim ullum periculum est, ne plus minusue præcidatur: cum liceat tantum infra uolsellam relinquere: quantum inutile esse manifestum est: idq; præcidere quo longior uua est, quam esse naturaliter debet. post curationem eadem facienda sunt, quæ in tonsillis proxime posui.

### De lingua.

Lingua uero quibusdam cum subiecta parte à primo natali die iuncta est, qui ob id ne loqui quidem possunt. horum extrema lingua uolsella prehendenda est, sub eaq; membrana incidenda magna cura habita, ne uenæ quæ iuxta sunt: uidentur, et profusione sanguinis noceant. reliqua curatio uulneris in prioribus posita est: & pleriq; quidem, ubi consanuerunt, loquuntur. ego autem cognoui qui succisa lingua, cum abunde super dentes eam promeretur, non tamen loquendi facultatem consecutus est. adeo in medicinæ etiam ubi perpetuum est, quod fieri debet, non tamen perpetuum est id, quod sequi conuenit.



**S**ub lingua quoque interdum aliquid abscedit, quod ferè consistit in tunica: doloresque magnos mouet. quod si exiguum est, incidi semel satis est. si maius, summa cutis usque ad tunicam excidenda est: deinde utrinque orae hamulis excipiendae, et tunica undique circumdata liberanda est, magna diligentia per omnem curationem habita, ne qua maior uena incidatur.

De labris.

**I**bra autem saepe finduntur, eaque res habet cum dolore etiam hanc molestiam, quod sermo prohibetur: qui subinde eas rimas cum dolore diducendo sanguinem citat: sed has, si in summo sunt, medicamentis curare comodius est, quae ad ulcera oris fiunt. si uero altius descenderunt, necessarium est tenui ferramento adurere: quod spatulae simile quasi transcurrere, non imprimi debet. postea facienda eadem sunt, quae in auribus adustis exposita sunt.

De ceruicis uicijs, et curatione. Cap. XIII.

**A** in ceruice inter cutem, et asperam arteriam tumor incrementum scit: *βρονχοειδην* graeci uocant. quo modo caro hebes, modo humor aliquis melli, aquae uel similis includitur: interdum etiam minutis ossibus pili immixti, ex quibus quicquid est quod tunica continetur, potest adurentibus medicamentis curari, quibus summa cutis cum superiecta tunica exeditur. quo facto siue humor est, profluit: siue quid densius, deinde digitis educitur: tum ulcus sub linamentis sanescit: sed scalpelli curatio breuior est. Medio tumore una linea inciditur usque ad tunicam: deinde uiciosus sinus ab integro corpore digito separatur: totusque cum uelamento suo eximitur. tum aceto, cui uel salem, uel nitrum aliquis adiecit, eluitur. oraeque una sutura iunguntur: caeteraque eadem quae in alijs suturis super iniunguntur. Leniter deinde, ne fauces urgeat, deligatur. si quando autem tunica eximi non potuerit, intus inspergenda adurentia: linamentisque id curandum est caeteris praeuentibus.

De umbilici uicijs. Cap. XIII.

**S**unt etiam circa umbilicum plura uicia, de quibus propter raritatem inter auctores parum constat. Verisimile est autem id a quoque praetermissum, quod ipse non cognouerat: a nullo, id quod



## LIBER

non uiderat, fictum. commune omnibus est, umbilicum indecore prominere. causae requiruntur. muges tres has posuit. modo intestinum eò irrumpere. modo omentum. modo humorem. Sostratus nihil de omento dixit. duobus hisdem adiecit, carnem ibi interdum increescere, eamq; modo integram esse, modo carcinomati similem. Gorgias ipse quoque omenti mentionem omisit. sed eadem tria causatus spiritum quoq; interdum eò dixit irrumpere. Heron omnibus his quatuor positus, & omenti mentionem habuit, & eius quod simul & omentum & intestinum habuerit. quid autem horum sit, his indicijs cognoscitur. ubi intestinum prolapsum est, tumor neque durus neque mollis est omni frigore comminuitur, non solum sub omni calore, sed etiam retento spiritu crescit. sonat interdum, atq; ubi resupinatus est aliquis delapso intestino ipse desidit. ubi uero omentum est, cetera similia sunt, tumor mollior & ab una parte latus extenuatum in uentrem est. si quis apprehendit: elabatur. ubi utrumque est: inditia quoque mixta sunt, & inter utrumque mollities. at caro durior est, semperq; etiam resupinato corpore tumet, prementiq; non cedit, prioribus facile cedentibus. si uiciosa est easdem notas habet, quas in carcinomate exposui. humor autem si premitur: circunfluit. at spiritus pressus cedit, sed protinus redit resupinato quoq; corpore tumorem in eadem figura tenet. ex his id, quod ex spiritu uicium est, medicinam non admittit. caro quoq; carcinomati similis cum periculo tractatur. itaq; omittenda est. sana excidi debet, idq; uulnus linamentis curari. humorem quidam uel inciso summo tumore effundunt, & uulnus hisdem linamentis curant. in reliquis uariae sententiae sunt. ac resupinandum quidem corpus esse res ipsa testatur, ut in uterum, siue intestinum, siue omentum est, delabatur. sinus uero umbilici tum uacuis à quibusdam duabus regulis exceptus est, uehementerq; earum capitibus deligatis ibi emoritur. à quibusdam id uicium acu tractatur duo lina ducente. deinde utriusq; lini duobus capitibus diuersae partes astringuntur. quod in una quoq; oculi fit. nam sic id quod supra uinculum est, moritur. adiecerunt quidam, ut antequam uincerent: summum una linea incidere, exciderenq; quo facilius digito demisso, quod illuc irrupisset, depellerent. tum deinde uinxerunt. sed abunde est, iubere spiritum continere, ut tumor quantus maximus esse potest, se ostendat. tum imam basin eius atramento notare, resupinatusq; homine, digitis tumorem eum premere, ut si quid delapsum non est: manu cogatur. post haec umbilicum attrahere, & qua nota atramenti est lino uehementer astringere. deinde partem superiorem aut medicamentis aut ferro adurere donec emoriatur. atq; ut cetera uita ulcus nutriti-



re: idq; non solum ubi intestinum uel omentum, uel utrunque est, sed etiam ubi humor est: optime proficit sed ante quædam uisenda sunt, ne quod ex uinculo periculum sit. nam curationi neque infans, neque aut robustus annis, aut senex aptus est, sed à septimo ferè anno ad quartumdecimum. deinde ei corpus idoneum est id, quod integrum est. at quod mali habitus est, quodq; papulas, impetigines, similiaq; habet idoneum non est. leuibus quoq; tumoribus facile subuenitur. at in eorum, qui nimis magni sunt, curatione periculum est. Tempus autem anni & autumnale & hibernum uitandum est. uer idoneum maxime est. ac prima æstas non aliena est. præter hæc abstinere pri die debet. neq; id satis est. sed alius quoq; ei ducenda est, quo facilius omnia quæ excesserunt, intra aluum confidant.

Quomodo aqua hydropicis emittatur.

Caput quintumdecimum.

Quam his qui hydropici sunt emitti oportere alijs dixi.

nunc quemadmodum id fiat dicendum est. quidam autem sub umbilico ferè quattuor interpositis digitis à sinistra parte. Quidam ipso umbilico perforato facere consuerunt. quidam cute primum adusta, deinde interiore abdomine inciso. quia quod per ignem diuisum est, minus celeriter coit. ferramentum autem demittitur: magna cura habita ne qua uena inadatur. id tale esse debet, ut ferè tertiam digiti partem latitudo mucronis impleat. demittendumq; ita est: ut membranam quoque transeat: qua caro ab interiore parte finitur: eò tum plumbea aut ænea fistula coniungenda est, uel recuruatis in exteriorem partem labris, uel in media circum surgente, quadā mora ne tota intus delabi possit. huius ea pars quæ intra paulo longior esse debet, quàm quæ extra, ut ultra ulteriorem membranam procedat, per hanc effundendus humor est. atq; ubi maior pars eius euocata est, cludenda demisso linteolo fistula est, & in uulnere, si id ustum non est: relinquenda. deinde per insequentes dies circa singulas heminas emittendum, donec nullum aquæ uestigium appareat. quidam tamen etiam non usta cute protinus fistulam recipiunt, & super uulnus spongiam expressam deligant. deinde postero die rursus fistulam demittunt: quod recens uulnus paulum ductum patitur, ut siquid humoris superest, emittatur: idq; bis ita fecisse contenti sunt.



Onnunquam autem uenter ictu aliquo perforatur: sequi-  
 turq; ut intestina euoluantur. quod ubi incidit, protinus con-  
 siderandum est, an integra ea sint, deinde an his color suus  
 maneat. si tenuius intestinum perforatum est, nihil profici posse iam  
 retuli. latius intestinum sui potest, non quod certa fiducia sit, sed quod  
 dubia spes, certa desperatione si potior. interdum enim glutinatur. tū  
 si utrumlibet intestinum liuidum, aut pallidum, aut nigrum est, qui-  
 bus illud quoq; necessario accedit, ut sensu careat: medicina omnis ina-  
 nis est. si uero adhuc ea sui coloris sunt, cum magna festinatione suc-  
 currendum est. Momento enim alienantur externo, & insueto spiritu  
 circumdata. Resupinandus autem homo est coxis erectioribus. & si  
 angustius uulnus est, quā ut intestina commodē refundantur, inci-  
 dendum est donec satis pateat. Ac si iam sciora intestina sunt, perlu-  
 enda aqua sunt: cui paulum admodum olei sit adiectum. tum mini-  
 ster oras uulneris leuiter diducere manibus suis, uel etiam duobus  
 hamis membranæ interiori iniectis debet. medicus priora semper in-  
 testina quæ posteriora prolapsa sunt, condere sic, ut orbium singulorū  
 locum seruet: repositis omnibus, leuiter homo concutiendus est. quo fit  
 ut per se singula intestina in suas sedes diducantur: & inibi considāt.  
 his conditis omentum quoq; considerandum est: ex quo si quid iam  
 nigri, & emortui est, forfice excidi debet. si quid integrum est, leuiter  
 super intestina diduci. sutura autem neq; summæ cutis, neq; interioris  
 membranæ per se satis proficit, sed utriusq;. & quidem duobus linis  
 uincienda est spissior quā alibi, quia & rumpi facilius motu uen-  
 tris potest, & non æque magnis inflammationibus pars ea exposita  
 est. igitur in duas acus fila coniicienda, eaq; duabus manibus tenenda:  
 & prius interiori membranæ sutura iniicienda est sic, ut sinistra  
 manus in dexteriore ora, dextra in sinisteriore à principio uulne-  
 ris orsa, ab interiori parte in exteriorem aciem immittat. quo fit, ut  
 ab intestinis ea pars semper aciem longe sit, quæ retusa est: semel  
 utraq; parte traiecta permutandæ acus inter manus sunt, ut ea sit in  
 dextra, quæ fuit in sinistra: ea ueniat in sinistram, quam dextra con-  
 tinuit. iterumq; eodem modo per oras immittendæ sunt. Atq; ita ter-  
 tio, et quarto: deincepsq; permutatis inter manus acibus includenda  
 plaga. post hæc eadem fila, eademq; acus ad cutem transferendæ.  
 similiq; ratione ei quoq; parti utraq; sutura iniicienda semper ab in-  
 teriore parte acibus uenientibus semper inter manus traiectis. dein  
 glutinantia iniicienda, quibus aut spongiam, aut succidam lanam ex  
 aceto



aceto impressam accedere debere manifestus est, quàm ut semper dicendum sit. impositis his leuiter deligari uenter debet.

De interiore parte abdominis rupta, & qua ratione curanda sit. Cap. XVII.

*i* Nterdum tamen uel ex ictu aliquo, uel retento diutius spiritu, uel sub graui fasce interior abdominis membrana superiore tute integra rumpitur. quod foeminis quoque ex utero saepe euenire consuevit, fitque praecipue circa ilia. sequitur autem cum superior atro mollis sit, ut non satis intestina contineat, hisque intentaculis indecore intumescat. atque id quoque aliter ab alijs curatur. quidam enim per acum duobus lineis ad imam basin immixtis, sic utrinque deuinciunt, quemadmodum & in umbilico, & in una positum est, ut quicquid super uinculum est, emoriatur. quidam medium tumorem excidunt ad similitudinem myrtacei folij. quod semper eodem modo seruandum esse iam posui, & tum oras sutura iungunt. commodissimum est autem resupinato corpore, experiri manu qua parte is tumor maxime cedat: quia necesse est ea parte rupta membrana sit, quaque integra est, ea magis obnitatur. tum qua rupta uidebitur, immittendae scalpello duae lineae sunt: ut ex ciso medio interior membrana utrinque recentem plagam habeat. quia quod uetus est: sutura non coit loco patefacto. si qua parte membrana non nouam plagam, sed ueterem habet: tenuis excidenda habena est, quae tantum ora eius exulceret. caetera, quae ad suturae reliquam curationem pertinent, supra comprehensa sunt.

De uaricibus uentris.

*p* Ræter hæc euenit, ut in quorundam uentribus uarices sint. quarum, quia nulla alia curatio est: quàm quae in cruribus esse consuevit, tum eam partem explanaturus hanc quoque eò differo.

De testiculorum natura, & morbis eorum. Cap. XVIII.

*u* Enio autem ad ea: quae in naturalibus partibus circa testiculos oriri solent. quae quo facilius explicem, prius ipsius loci natura paucis proponenda est. igitur testiculi simile quidam medullis habent. nam sanguinem non emittunt, & omni sensu carent. dolent autem in ictibus & inflammationibus tunicae, quibus hi continentur. dependent uero ab inguinibus per singulos nervos. quos *νεύρα* graeci nominant: cum quorum utroque binæ descendunt



& uenae, & arteriae. hae autem tunicae continguntur tenui, nervosa, si-  
 ne sanguine alba, quae ἐλαφροειδὴς à graecis nominatur. super eā ua-  
 lentior tunica est: quae interiori uehementer ima parte inhaeret, δάρυ-  
 πον graeci uocant. Multae deinde membranulae uenas et arterias, eosque  
 nervos comprehendunt: atque inter duas quoque tunicas superioribus par-  
 tibus leues, paruaeque sunt. haecenus propria utrique testiculo & ue-  
 lamenta, & auxilia sunt. communis deinde utrique, omnibusque interio-  
 ribus sinus est, qui iam conspicitur à nobis, ὀρχέον graeci, scrotum no-  
 stri uocant, isque ab ima parte medijs tunicis leuiter innexus est, à supe-  
 riore tantum circumdatus est. sub hoc igitur plura uicia esse consue-  
 runt. quae modo ruptis tunicis, quas ab inguinibus incipere proposui,  
 modo his integris fiunt. siquidem interdum uel ex morbo primum  
 inflammatur, deinde postea pondere abrumpitur. uel ex ictu aliquo  
 protinus rumpitur tunica, quae diducere ab inferioribus partibus in-  
 testina debuit. tum pondere eo deuoluitur, aut omentum, aut etiam in-  
 testinum. atque ibi reperta uia, paulatim, aut ab inguinibus inferiores  
 quoque partes nisum subinde nervosas tunicas, & ob id eius rei patien-  
 tes diducit ἐντεροκοίλην, & ἐπιπλοκοίλην graeci uocant, apud nos in-  
 decorum, sed commune his herniae nomen est. deinde si descendit omē-  
 tum, nunquam in scroto tumor tollitur, siue in media fuit, siue corpus huc il-  
 luc uel conuersum, aut aliquo modo collocatum. itemque si retentus est spi-  
 ritus, non magnopere increscit. tactu uero inaequalis est, & mollis, et  
 lubricus. at si intestinum quoque descendit, humor his sine inflamma-  
 tione modo minuitur, modo increscit. estque ferè sine dolore, & cum  
 conquiescit aliquis aut iacet, interdum ex toto desedit, interdum sic di-  
 uiditur, ut in scroto exiguae reliquiae maneant. at si clamore & facie-  
 tate, & si sub aliquo pondere is homo nixus est, crescit: frigore omni  
 contrahitur: calore diffunditur. estque tum scrotum, & rotundum, &  
 tactu leue: idque quod subest: lubricum est, si pressum est, ad inguen re-  
 uertitur, demissumque iterum cum quodam quasi murmure deuoluitur.  
 & id quidem in leuioribus malis euenit. nonnunquam autem stercore  
 accepto uastus tumet, retroque compelli non potest: affertque tum dolore,  
 & scroto, & inguinibus, & abdomini: nonnunquam stomachus quoque  
 affectus, primum ruffam bilem per os reddit, deinde uiridem, qui-  
 busdam etiam nigram. integris uero membranis interdum eam par-  
 tem humor distringit. atque eius quoque species duae sunt: nam uel inter  
 tunicas is increscit, uel in membranis quae ibi circa uenas & arteri-  
 as sunt, ubi hae grauatae oculauerunt. ac ne ei quidem humori, qui  
 inter tunicas est, una sedes est. nam modo inter summam et mediam,  
 modo inter mediam & imam consistit. graeci communi nomine quic-



quid est ὄρχοειδὲς appellant. nostri ut scilicet nullis discriminibus satis cognitis, hæc quoque sub eodem nomine, quo priora habent. signa autem quædam communia sunt, quædam propria. communia quibus humor deprehenditur. propria: quibus loci humorem subesse dicimus. si tumor est nunquam ex toto se remittens: sed interdum leuior, aut propter famem, aut propter febriculam, maximèque in pueris, hisque mollis est, si non nimius humor subest. at si his uehementer increuit, renititur sic, ut uter repletus, et arte astrictus. uenæ quoque in scroto instantur, et si digito pressimus, cedit humor, circumfluensque id quod non premitur: attollit, et tanquam in uitro cornuue per scrotum apparet: isque quantum in ipso est, sine dolore est. sedes autem eius sic deprehenditur: si inter summam, mediamque tunicam est, cum digitis duobus pressimus, paulatim humor inter eos reuertens subit. scrotum ipsius et albidius est. si ducitur, aut nihil, aut paruum intenditur. testiculus ea parte neque uisu, neque tactu sentitur. at si sub media tunica est, intentum scrotum magis se attollit, adco ut superior coles sub tumore eò delitescat. præter hæc æque integris tunicis ramæ innascitur, κισσοειδὲς græci appellant. uenæ intumescunt, hæc quoque intortæ, conglomeratæque ad superiorem partem, uel ipsum scrotum implent, uel mediam tunicam, uel imam: interdum etiam sub ima tunica circa ipsum testiculum, neruumque eius increscunt. ex his ea quæ in ipso scroto sunt, oculis patent. hæc uero quæ mediæ, imæue tunicæ insident, ut magis conditæ, non æquæ quidem cernuntur, sed tamen etiam uisui subiectæ sunt, præterquam quod et tumoris aliud est pro uenarum magnitudine et modo, et id prementi magis renititur, ac per ipsos uenarum toros inæquale est, et qua parte id est, testiculus magis iusto dependet. cum uero etiam super ipsum testiculum, neruumque eius id malum increuit, aliquanto longius testiculus ipse descendit, minorque altero fit, ut pote alimento amisso. Raro sed aliquando atro quoque inter tunicas increscit, σαρκοειδὲς græci uocant. interdum etiam ex inflammatione tumet ipse testiculus, ac febres quoque affert, et nisi celeriter ea inflammatio conquieuit, dolor ad inguina atque ilia peruenit: partesque hæc intumescunt. neruus, ex quo testiculus dependet, plenior fit, simulque indurescit super hæc, inguen quoque nonnunquam uarices implent: βομβηνοειδὲς appellant.

De testiculorum curationibus communibus, et primo de incisione, et curatione inguinis, uel scroti. Caput. XIX.

h Is cognitis de curatione dicendum est, in qua quædam communia omnium sunt, quædam propria singulorum. prius de com-



## LIBER

munibus dictam. loquar autem nunc de his, quæ scilpellum deside-  
 rant: nam quæ uel sanari non possint, uel aliter nutrirī debeant, di-  
 cendum erit simul cum ad species singulas uenero. inciditur autē in-  
 terdum inguen, interdum scrotum. in utraq; curatione homo ante tri-  
 duum bibere aquam pridie: abstinere etiam à cibo debet, ipso autem  
 die collocari supinus, deinde si inguen incidendum est, idq; iam pube  
 contegitur, ante radendum est, & tum extento scroto, ut cutis inguinis  
 intenta sit: id incidendum sub imo uentre, quæ cum abdomine tunicæ  
 inferiores cōmittuntur. aperiendum autem audacter est donec sum-  
 ma tunica, quæ ipsius scroti est, incidatur: perueniaturq; ad eam, quæ  
 media est plaga facta. foramen deorsum uersus subest. in id demitten-  
 dus est sinistra manus digitus index, ut diductis interuenientibus mē-  
 branulis simul laxet. minister autem sinistra manu comprehenso scro-  
 to sursum uersus eum debet extendere: & quàm maxime ab inguini-  
 bus abducere, primum cum ipso testiculo, dum medicus omnes mem-  
 branulas quæ super mediam tunicam sunt: si digito diducere non po-  
 test, scilpello absdat: deinde sine eo, ut is delapsus ipsi plagæ iunga-  
 tur, digitoq; inde promatur, & super uentrem cum duabus suis tuni-  
 cis collocetur. inde si quæ uiciosa sunt, circuncidenda sunt. in quibus cum  
 multæ uenæ discurrant, tenuiores quidem præcidi protinus possunt:  
 maiores uero ante longiore lino deligandæ sunt, ne periculose sangui-  
 nem fundant. si media tunica uexata erit, aut sub ea malum incre-  
 uerit, excidenda erit sic, ut alte ad ipsum inguen præcidatur. infra  
 tamen non tota demenda est. nam quod ad basim testiculi uehementer  
 cum ima tunica connexum est, excidi sine summo periculo nō potest.  
 itaq; ibi relinquendum est. idem in ima quoq; tunica, si læsa est, faciē-  
 dum est. sed non à summa inguinis plaga, uerum infra paulum ea  
 abscidenda, ne læsa abdominis membrana inflammationes moueat.  
 neq; tamen nimium ex ea sursum relinquendum est, ne postea sinue-  
 tur, & sedem eidem malo præstet. purgatus ita testiculus per ipsam  
 plagam cum uenis, & arterijs, & nervo suo leuiter demittendus est,  
 uidendumq; ne sanguis in scrotum descendat, neue concretus aliquo  
 loco maneat. quæ ita fient, si uenis uinciendo medicus prospexerit. li-  
 na quibus capita earum continebuntur, extra plagam dependere de-  
 bebunt. quæ pure orto sine ullo dolore excidēt. ipsi autem plagæ ini-  
 ciendæ duæ fibulæ sunt, & insuper medicamentum, quo glutinentur.  
 solet interdum ab altera ora necessarium esse aliquid excidi, ut cicat-  
 rix maior & latior fiat. quod ubi incidit, linamenta super non ful-  
 cienda, sed leuiter tantum ponenda sunt, supraq; ea quæ inflamma-  
 tionem repellant, idest ex aceto, uel lana succida, uel spongia. cætera  
 eadem



eadem: quæ, ubi pus moueri debet, adhibenda sunt. at cum infra inci-  
di oportet, resupinato homine subijcenda sub scroto sinistra manus est,  
deinde id uehementer apprehendendum & incidendum. si paruum  
est quod nocet, modice: ut tertia pars integra ad sustinendum te-  
sticulus infra relinquatur. si maius est, etiam amplius, ut paulum  
tantummodo ad imum, cui testiculus insidere possit: integrum mane-  
at. sed primo rectus scalpellus quàm leuissima manu teneri debet, do-  
nec scrotum ipsum diducat. tum inclinandus mucro est, ut transversa  
membrana secet, quæ inter summam, mediamq; tunicam sunt. at si  
uicium in proximo est, mediam tunicam attingi non oportet. si sub il-  
la quoq; conditur, etiam illa incidenda est sic, ut tertia quoq; si illa ui-  
cium tegit. ubicunq; repertum malum est, ministrum ab inferiore par-  
te exprimere moderate scrotum oportet, medicum digito, manubriolo,  
uel scalpello diductam inferiorem partem tunica extra collocare: de-  
inde eam ferramento quo ad similitudinem curuum uocant, incide-  
re sic, ut in eandem intrare duo digiti index & medius possint. his  
deinde coniectis excipienda reliqua pars tunica, & inter digitos scal-  
pellus immittendus est: eximendumq; aut effundendum quicquid est  
noxium: quancunq; autem tunicam quis uiolauit, illam quoq; debet  
excidere, ac mediam quidem, ut supra dixi, quàm altissime ab ingui-  
ne, imam autem paulo infra. cæterum anteq; excidantur, hæ quoque  
uincari lino summe debent, & eius lini capita extra plagam relin-  
quenda sunt, sicut in alijs quoq; uenis, quæ id requisierint. eo facto te-  
sticulus intus reponendus est, oræq; scroti suturis inter se committen-  
dæ, neq; paucis, ne parum glutinentur, & longior fiat curatio, neque  
multis, ne inflammationem augeant. atq; hic quoq; uidendum est, ne  
quid in scroto sanguinis maneat. tum imponenda glutinantia sunt.  
si quādo autem in scrotum sanguis defluxit, aliquid uel concretum ex  
eo decidit, incidi subter id debet, purgatoq; eo spongia acris aceto ma-  
dens circumdari. deligatur autem uulnus omne, quod ex his causis fa-  
ctum est. si dolor nullus est, quinque primis diebus non est resoluen-  
dum, sed bis die tantum aceto irroranda lana uel spongia. si dolor  
est: tertia die resoluendum, et ubi fibulae sunt, hæ incidendæ, ubi lina-  
mentum id mutandum est, rosaq; & uino madefaciendum id, quod  
imponitur. si inflammatio increscit, adiiciendum prioribus catapla-  
sma ex lenticula & melle, uel ex malicorio, quod in austero uino co-  
ctum sit, uel ex his mixtis. si sub his inflammatio non cōquiescit post  
diem quintum multa calida aqua uulnus fouendum, donec scrotum  
ipsum & extenuetur & rugosius fiat. tum imponendum catapla-  
sma ex triticea farina, cui resina pinea adiecta sit. quæ ipsa si robu-



## LIBER

stus curatur, ex aceto si tener, ex melle coquenda sunt. neq; dubium est quodcunq; initium fuit, si magna inflammatio est, quin ea, quæ pus mouent, imponenda sint. quod si pus in ipso scroto ortum est, paulum id incidi debet, ut exitus detur. linamentumq; eatenus imponendum est, ut foramen tegat. inflammatione finita propter nervos priore cataplasmate, dein cerato utendum est. Hæc proprie ad eiusmodi vulnera pertinent. cætera & in curatione, & in victu similia his esse debent, quæ in alio quoq; vulnere genere præcepimus.

## De intestini curatione.

## Cap. XX.

h Is propositis ad singulas species ueniendum est: ac si cui parvulo puero intestinum descendit, ante scalpellum experienda iunctura est. fascia eius rei causa fit: cui imo loco pileæ affuta est ex panniculis facta, quæ ad repellendum intestinum ipsi illi subijcitur: deinde reliqua fasciæ pars arcte circumdatur. sub quo sæpe & intus compellitur intestinum: & inter se tunicae glutinatur. rursus si ætas processit, multumq; intestini descendisse ex tumore magno patet, adiungunturq; dolor, & uomitus quæ ex stercore, & ex cruditate eo delapso ferè accidunt, scalpellum adhiberi sine pernitie non posse manifestum est. leuandum tantummodo malum, & per alias curationes extrahendum est. sanguis mitti ex brachio debet: deinde si vires patiuntur, imperanda tridui abstinencia est: si minus certe pro vi corporis quamlongissime. eodem uero tempore super habendum cataplasma ex lini semine, quod ante aliquis ex mulso decoxerit. Post hæc & farina hordeacea cum resina iniicienda, & his demittendus in solium aquæ calidæ, cui oleum quoq; adiectum sit: dandumq; aliquid cibi lenis calidi. quidam etiam aluum ducunt. id ducere aliquid in scrotum potest: educere ex eo non potest. per ea uero quæ supra scripta sunt, leuato malo si quando aliàs dolor reuerterit, eadem erunt facienda. sine dolore quoq; si multa intestina prolapsa sunt, secari superuacuum est: non quo excludi à scroto non possint, nisi tamen id inflammatio prohibuit: sed quo repulsa inguinibus immorentur: ibiq; tumorem excitent: atq; ita fiat mali non finis, sed mutatio. at in eo, quem scalpello curari oportebit, simul atq; ad mediam tunicam vulnus in inguine factum peruenerit, duobus hamulis ea iuxta ipsas oras apprehendi debet, dum eductis omnibus membranulis medicus eam liberat. neq; enim cum periculo læditur, quæ excidenda est, cum intestinum esse nisi sub ea non possit. ubi deducta autem erit ab inguine, usq; ad testiculum incidi debet sic, ne his ipse lada-



tur: tum excidi. ferè tamen hanc curationem puerilis ætas & modicum malum recipit. sic uir robustus est, maiusq; id uicium est, extrahi testiculum non debet: sed in sua sede permanere. id hoc modo fit. inguen eadem ratione usq; ad mediã tunicam scalpello aperitur: eaq; tunica eodem modo duobus hamis exapitur sic, ut à ministro testiculus eatenus contineatur, ne per uulnus exeat: tum ea tunica deorsum uersus scalpello inciditur: sub eaq; index digitus sinistræ manus ad imum testiculum demittitur, eumq; ad plagam compellit: deinde dextre manus duo digiti pollex, atq; index uenam, & arteriam, & nervum, tunicamq; eorum à superiore tunica diducunt. quod si aliquæ membranulæ prohibent, scalpello resolvuntur, donec ante oculos tota iam tunica sit. excisis quæ excidenda sunt, repositoq; testiculo ab ora quoq; eius uulneris, quod in inguine est, demenda habenula paulo latior est, quo maior plaga sit, & plus creare carnis possit.

## De omenti curatione.

## Cap. XXI.

**T** si omentum descendit, eodẽ quidem modo, quo supra scriptum est, aperiendum inguen, diducendæq; tunicae sunt. considerandum autem est, maior ne is modus, an exiguus sit. nam quod parvulum est, super inguen in alium uel digito, uel auerso specillo repellendum est. si plus est, sinere oportet dependere quantum ex utero prolapsum est: idq; adurentibus medicamentis illinere, donec emoriatur, & excidat. quidam hic quoq; duo lina acu traiciunt, binisq; singulorum capitibus diuersas partes astringunt. sub quo æque, sed tardius emoriatur. adiatur tamen hic quoq; celeritati, si omentum super uinculum illinitur medicamentis, quæ sic exedunt ne erodant, οὐμὴλὰ græci uocant. Fuerunt etiam qui omentum forfice præciderent: quod in paruulo nõ est necessarium. si maius est, potest profusionem sanguinis facere: si quidem omentum quoq; uenis quibusdam etiam maioribus illigatum est. neq; uero si discisso uentre id prolapsum forfice præcaditur, cum & emortuum sit, & aliter tutius auelli non possit: inde huc exemplum transferendum est. uulnus autem curari. si relictum omentum est, sutura debet. si id amplius fuit, & extra emortuum est, excisis oris, sicut supra propositum est. si uero humor intus est, incidendum est: in pueris quidem inguen, nisi in his quoq; liquoris eius maior modus prohibet: in uiris uero, & ubicunq; multus humor subest scrotum. deinde si inguen incisum est, eo protrectis tunicis humor effundi debet. si scrotum, & sub hoc protinus uicium est, nihil aliud quàm humor est effundendus: abscedendæq; mē-



branae sunt, si quae eum continuerunt, deinde eluendū id ex aqua, quae uel salē adiectum, uel nitrum habeat si sub media, ima uel tunica: totae hae extra scrotum collocandae, excidendaeq; sunt.

## De ramulis curatione.

## Cap. XXII.

Amex autem, si super ipsum scrotum est, adurendus est tenuibus & acutis ferramentis: quae ipsis uenis infigantur: cum eo, ne amplius quam has urant, maximeq; ubi inter se implicatae glomerantur, eò ferrum id admouendum est: tum super farina ex aqua frigida subacta iniicienda est: utendumq; eo uinculo, quod idoneum esse ani curationibus posui. tertio die lenticula cum melle imponenda est. post eiectis crustis ulcera melle purganda: rosa implenda, ad cicatricem aridis linamentis perducenda sunt. quibus uero super mediam tunicam uenae tument incidendum inguen est, atq; tunicae promouenda, ab eaq; uenae digito uel manubriolo scalpelli separanda. qua parte uero inhaerebunt: & ab superiore, et ab inferiore parte lino uincienda: tum sub ipsis uinculis praecidenda, reponendusq; testiculus est. at ubi supra tertiam tunicam ramex insedit, media excidi necesse est: deinde si duae tres uel uenae tument, & ita pars aliqua obsidetur, ut maiore uicio uacet, idem faciendum, quod supra scriptum est, ut ab inguine & a testiculo deligatae uenae praecidantur: isq; condatur. sin totum id ramex obsederit: per plagam demittendus digitus index erit: subiiciendusq; uenis sic, ut paulatim protrahat aq; adducendo, donec is testiculus par alteri fiat. tum fibulae oris sic uincienda, ut simul eas quoq; uenas comprehendant. id hoc modo fit. acus ab exteriori parte oram uulneris perforat. tum non per ipsam uenam, sed per membranam eius immittitur: per eamq; in alteram oram compellitur. uenae uulnerari non debent, ne sanguinem fundant. membrana semper inter has uenas est, ac neq; periculum affert, & filo comprehensas illas abunde tenet. itaq; etiam satis est duas fibulas esse. tum uenae quaecumq; protractae sunt in ipsum inguen aduerso specillo comprehendendi debent. soluendi fibulas tempus inflammatione finita, & purgato uulnere est, & una simul, & oras, & uenas cicatrix deuinciat. ubi uero inter imam tunicam et ipsum testiculum, neruumq; eius ramex ortus est, una curatio est, quae totum testiculū abscidit. nam neq; ad generationem quicquam is confert et omnibus indecore, quibusdam etiam cum dolore dependet. sed totum quoq; inguen incidendum media tunica promouenda: atq; excidenda est: idem in ima faciendum, neruusq; ex quo testiculus dependet praecidendus. post id uenae



Et arteriæ ad inguen lino deligandæ Et infra uinculum abscondendæ sunt.

De carne, quæ inter tunicas testiculorum concreuit,  
Et de nervo indurato. Cap. XXIII.

**C**aro quoq; si quando inter tunicas concreuit: nihil dubij est, quin eximenda sit: sed id ipso scroto inciso fieri commodius est. at si nervus induruit, curari res neq; manu, neq; medicamento potest. Urgent enim febres ardentes, Et aut uirides, aut nigri uomitus, præter hæc ingens sitis et linguae aspritudo, ferèq; à die tertio spumans bilis aluo cum rosione redditur. atq; neq; assumi facile cibis, neq; contineri potest, neq; multo post extremæ partes frigescent: tremor oritur: manus sine ratione extenduntur. deinde in fronte frigidus sudor, eumq; mors sequitur.

De ramice inguinis. Cap. XXIII.

**U**bi uero in ipso inguine ramex est, si tumor modicus est, semel incidi, si maior, duabus lineis debet, ut medium excidatur: deinde non extracto testiculo. sicut intestinis quoque prolapsis interdum fieri docui: colligendæ uenæ uinciendæq; ubi tunicis inhærebunt, Et sub his modis præcidendæ sunt. neq; quicquam noui curatio ulneris eius requirit.

Ad tegendam glandem colis si nuda est. Cap. XXV.

**A**d his ad ea transeundum est, quæ in cole ipso fiunt: in quo si glans nuda est, multq; aliquis eam decoris causa tegere, fieri potest, sed expeditius in puero quàm in uiro: in eo, cui id naturale est, quàm in eo, cui quarundam gentium more circumcissus est, in eo cui glans parua iuxtaq; eam cutis, spatiosior uero ipse coles est, quàm in quo contraria his sunt. Curatio autem eorum, quibus id naturale est, eiusmodi est. cutis circa glandem apprehenditur, et extenditur, donec illam ipsam condat, ibiq; deligatur. deinde iuxta pubem in orbem tergus inciditur: donec coles nudetur, magna q; cura cauetur ne uel urinae iter, uel uenæ, quæ ibi sunt, incidantur. eò facto cutis ad uinculum inclinatur, nudaturq; circa pubem uelut circulus: eoq; linamenta dantur, ut caro increseat, Et id impleat, satisq; uelamenti supra latitudo plagæ præstat. sed donec cicatrix sit, uinctum esse id debet, in medio tantum relicto exiguo urinae itinere. at in eo



## LIBER

qui circumcissus est sub circulo glandis scalpello diducenda cutis ab inferiore cole est. non ita dolet, quia summo soluto deduci deorsum usque ad pubem manu potest: neque ideo sanguis profluit. Resoluta autem cutis rursus extenditur ultra glandem. tum multa frigida aqua fouetur: emplastrumque circa datur, quod ualentem inflammationem reprimat. proximisque diebus ut propè à fame uictus est, ne forte eam partem facietas exciet. ubi iam sine inflammatione est, deligari debet à pube usque circum. super glandem autem aduerso emplastro imposito induci. sic enim fit, ut inferior pars glutinetur: superior ita sanescat, ne inhaereat.

Quomodo glans penis contracta aperiri possit.

Contra si glans ita contracta est, ut nudari non possit: quod uicium graeci  $\phi\iota\mu\omega\sigma\iota\nu$  appellant, aperienda est. quod hoc modo fit. subter à summa ora cutis inciditur recta linea usque ad frenum: atque ita superius tergus relaxatum cedere retro potest. quod si parum sic profectum est, aut propter angustias, aut propter duritiem tergoris, protinus triangula forma cutis ab inferiore parte excidenda est sic, ut uertex eius ad frenum basis in tergo extremo sit. tum super danda linamenta sunt: aliaque medicamenta, quae ad sanitatem producant. necessarium autem est, donec cicatrix sit, conquiescere. nam ambulatio atterendo, ulcus sordidum reddit.

Infibulandi ratio.

Infibulare quoque adolescentulos, interdum uocis, interdum ualitudinis causa quidam consueverunt: eiusque haec ratio est. cutis quae super glandem est, extenditur: notaturque utrinque lateribus atramento qua perforatur: deinde remittitur. si super glandem notae reuertuntur, nimis apprehensum est, et ultra notari debet. si glans ab his libera est, is locus idoneus fibulae est: tum quae notae sunt. cutis acu filum ducente transuitur: eiusque fili capita inter se deligantur: quotidieque id mouetur, donec circa foramina cicatriculae fiant. ubi haec confirmatae sunt, exempto filo fibula additur: quae quo melior, eò leuior est: sed hoc quidem saepius inter superuacua, quam inter necessaria est.

De urinae reddendae difficultate, et de calculo, curationibusque eorum. Cap. XXVI.

Es uero interdum cogit emoliri manu urinam, cum illa non redditur, aut quia senectute iter eius collapsum est: aut quia calculus, uel concretum aliquid ex sanguine intus se opposuit. ac me-



diocris quoq; inflammatio saepe eam reddi naturaliter prohibet : idq; non in uiris tantummodo , sed in foeminis quoq; interdum necessarium est. ergo aeneae fistulae fiunt, quae ut omni corpori ampliori, minori q; sufficient. ad mares tres, ad foeminas duae medico habendae sunt. ex uirilibus maxima decem et quinque est digitorum, media duodecim, minima nouem. ex mulieribus, maior nouem, minor sex. incuruas uero esse eas paulum, sed magis uiriles oportet, leuesq; admodum ac neq; nimis plenas, neq; nimis tenues. homo tum resupinus eo modo quo in curatione ani figuratur, super subsellum, aut lectum collocandus est. Medicus autem à dextro latere sinistra quidem manus colem masculi continere, dextra uero fistulam demittere in iter urinae debet. atq; ubi ad ceruicem uesicae uentum est, simul cum cole fistulam inclinatam in ipsam uesicam compellere, eamq; urina reddita recipere. Foemina breuius urinae similiter, & rectius iter habet. quod mammae simile inter imas oras super naturale positum non minus saepe auxilio eget. aliquanto minus difficultatis exigit. nonnunquam etiam prolapsus in ipsam fistulam calculus, qui subinde ea extenuatur, non longe ab exitu inhaerescit. eum si fieri potest, oportet uellere, uel oriculario specillo, uel eo ferramento, quo in sectione calculus protrahitur. si id fieri non potuit, cutis extrema quam plurimum attrahenda, & condita glande lino uincienda est: deinde à latere recta plaga coles incidendus, & calculus eximendus est. tum cutis remittenda. sic enim fit, ut incisum colem integra pars cutis contegat: & urina naturaliter profluat.

#### Quae curatio calculosis adhibeatur.

Ubi uesicae uero, calculiq; facta mentio sit, locus ipse exigere uidetur ut subiiciam, quae curatio calculosis, cum aliter succurri non potest, adhibeatur. ad quam festinare cum praecipue sit, nullo modo conuenit. ac neq; omni tempore, neq; in omni aetate, neq; in omni uicio id experiendum est: sed solo uere, in eo corpore quod iam nouem annos, nondum quatuordecim excessit: & si tantum mali subest, ut neq; medicamentis uinci possit, neq; etiam trahi posse uideatur, quo minus interposito aliquo spacio interimat. non quo non interdum etiam temeraria medicina proficiat: sed quo saepius utiq; in hoc fallat, in quo plura & genera, & tempora periculi sunt, quae simul cum ipsa curatione proponantur. Igitur ubi ultima experiri statutum est, ante aliquot diebus uictu corpus praeparandum est, ut modicos, ut salubres cibos, ut minime glutinosos assumat, ut aquam bibat. ambulandi uero



## LIBER

inter hæc exercitatione utatur, quo magis calculus ad uesicæ cervicē descendat. quod an inciderit, digitis quoq; sicut in curatione docebo, demissis cognoscitur. ubi eius rei fides est, pridie u puer in ieiuno continendus est, & tum loco calido curatio adhibenda, quæ hoc modo ordinatur. homo præualens & peritus in sedili alto confidit, supinumq; eum & aduersum super genua sua coxis eius collocatis cōprehendit, reductisq; eius cruribus ipsum quoq; iubet manibus ad suas poplites datis, eos quam maxime possit attrahere, simulq; ipse sic eos continet. quod si robustius corpus eius est qui curatur, duobus sedilibus iunctis duo ualentes insidunt: quo & sedilia & interiora crura inter se deligantur, ne diduci possint. tum is super duorum genua eodem modo collocatur, atq; alter prout consedit sinistrum crus eius, alter dextrum, simulq; ipse poplites suos attrahit. siue autem unus, siue duo continent super humeros eius suis pectoribus incumbunt. ex quibus euenit, ut inter ilia sinus super pubem sine ullis rugis sit extensus, & in angustum compulsa uesicæ facilius calculus capi possit. Præter hæc etiam num i lateribus duo ualentes obijciuntur, qui cunctantes leuare uel unum, uel duos qui puerum continent non sinunt. Medicus deinde diligenter unguibus circuncisis atq; sinistra manu duos eius digitos indicem & medium leniter prius unum, deinde alterum in anum eius demittit, dextræq; digitos super imum abdomen leniter imponit: ne si utrinq; digiti circa calculum uehementer cōcurrerint, uesicam lædant. neq; uero festinanter in hac re, ut imple risq; agendum est. sed ita ut quam maxime id tuto fiat. nam læsa uesicæ neruorum distentiones cum periculo mortis excitat. ac primum circa cervicem quæritur calculus. ibi repertus minore negotio expellitur. & ideo dixi ne curandum quidem: nisi cum in hoc inditijs suis cognitum est. si uero aut ibi non fuit, aut recessit retro, digiti ad ultimam uesicam dantur, paulatimq; dextra quoque manus eius ultra translata subsequitur. atque ubi repertus est calculus, qui necesse est in manus incadat, cō curiosius deducitur. quo minor, leuiorq; est, ne effugiat, id est ne sæpius agitata uesicæ sit. ergo ultra calculum dextra semper manus eius opponitur, sinistræ digiti deorsum eum compellit donec ad cervicem peruenitur. in quâ si oblongus est, sic compellendus est, ut pronus exeat. si planus sic, ut transversus sit. si quadratus, ut duobus angulis sedeat. si altera parte lenior sic, ut prius ea, qua tenuior sit, euadat. in rotundo nihil interesse ex ipsa figura patet, nisi si leuior altera parte est, ut ea antecadat. cum iâ eò uenit, ut incidi super uesicæ cervicem iuxta anū cutis, plaga lunata usq; ad cervicē uesicæ debeat cornibus ad coxas spectantibus



paulum: deinde ea parte, qua strictior ima plaga est etiam num sub-  
cute altera transversa plaga facienda est, qua ceruix aperiatur: donec  
urinæ iter pateat sic, ut plaga paulo maior quàm calculus sit. nam  
qui metu fistulæ, quàm illo loco *χοριαδα* græci uocant, parum patefa-  
ciunt: cum maiore eodē periculo reuoluntur: quia calculus iter, cum  
ui promitur, facit: nisi accipit: idq; etiā perniciosius est, si figura quoq;  
calculi, uel asperitudo aliquid eò contulit. ex quo & sanguinis profu-  
sio, & distentio neruorum fieri potest. quæ si quis euasit, multo tamen  
patientiore fistulam habiturus est rupta ceruice, quàm habuisset in-  
cisa. cum uero patefacta est, in conspectum calculus uenit, in cuius cor-  
pore nullum discrimen est. ipse si exiguus est, digitis ab altera parte  
propelli, ab altera protrahi potest. si maior: iniiciendus à superiore  
ei parte uncus est eius rei causa factus. is est ad extremum tenuis, in  
semicirculi specie retusæ latitudinis, ab exteriori parte læuis, qua cor-  
pori innigitur, ab interiori asper, qua calculum attingit. isq; longior  
potius esse debet. nam breuis extrahendi uim habet. ubi iniectus est,  
in utrunq; latus inclinandus est, ut appareat calculus, & teneatur,  
quia si apprehensus est, ille simul inclinatur: ideoq; eo minimo opus  
est. ne cum adduci uncus cœperit, calculus intus effugiat, hic in oram  
uulneris incidat, eamq; conuulneret. in qua re quod periculum esset,  
iam supra proposui. ubi satis teneri calculum patet, eodem penè mo-  
mento triplex motus adhibendus est in utrunq; latus, deinde extra,  
sic tamen ut leniter id fiat, paulumq; primo calculus attrahatur. quo  
facto attollendus uncus extremus est, uti intus magis maneat, facili-  
usq; illum producat. quod si aliquādo à superiore parte calculus pa-  
rum commodè comprehendetur, à latere erit apprehendendus. hæc  
est simplicissima curatio. sed uarietas rerum quasdam etiam num  
animaduersiones desiderat. sunt enim quidam non asperi tantum-  
modo, sed spinosi quoq; calculi, qui per se quidem delapsi in ceruicē  
sine ullo periculo eximuntur. in uesica uero non tuto uel hi conquirū-  
tur, uel attrahuntur. quoniam ubi illam conuulnerant, ex disten-  
tione neruorum mortem maturant, multoq; magis si spina aliqua ue-  
sicæ inhaeret: eamq; cum duceretur: duplicauit. colligitur autem eo qd  
difficilius urina redditur, in ceruice calculum esse: eo quod cruenta de-  
stillat, illum esse spinosum: maximeq; id sub digitis quoq; experiri-  
dum est, neq; adhibenda manus, nisi id constitit. ac tum quoq; leniter  
intus digiti obijciendi, ne uiolenter promouendo conuulnerent. tum  
inadēdum. multi hic quoq; scalpello usi sunt. Meges, quoniam is infir-  
mior est: potestq; in aliqua prominentia incidere, incisoq; super illam  
corpore: qua canum subest non secare, sed relinquere, quod iterum



## LIBER

incidi necesse sit, ferramentum fecit rectum in summa parte labrosum, in ima semicirculatum, acutumq;: id receptum inter duos digitos indicem ac medium super pollice imposito sic deprimebat: ut simul cum carne, siquid ex calculo proninebat: incideret. quo consequebatur, ut semel quantum satis esset, aperiret. quocunq; autem modo ceruix ea parte facta est, leniter extrahi quod asperum est, debet: nulla propter festinationem ui admotā.

signa calculorum, uel harenosorum, uel mollium.

**T** calculus harenosus, & ante manifestus est: quoniam & urina quæ redditur, harenosa est, & in ipsa curatione, quoniam inter subiectos digitos neq; æque leniter renititur, & insuper dilatatur. item mollis calculus, & ex pluribus minutisq;: sed inter se parum astrictis compositus indicatur, in se attrahens quasdam quasi squamulas. hos omnis leniter permutatis subinde digitorum uicibus sic oportet abducere, ne uesicam lædant, ne uel intus aliqua dissipatæ reliquæ maneant. quæ postmodum curationi difficultatem faciant. quicquid autem ex his in conspectum uenit uel digitis, uel uinculo eximendum est. at si plures calculi sunt, singuli protrahi debent, sic tamen, ut si quis exiguus supererit, potius relinquatur. si quidem in uesica difficulter inuenitur. inuentusq;: celeriter effugit. ita longa inquisitione uesica læditur: excitatq;: inflammationes mortiferas, adeo ut quidam secti cum diu frustra; per digitos uesica esset agitata, decesserint. quibus accedit etiam quod exiguus calculus ad plagam urina postea promouente excidit. si quando autem is maior non uidetur nisi rupta ceruice extrahi posse, findendus est. cuius repertor Ammonius ob id αἰσχροπόμος cognominatus est: id hoc modo fit. uncus inijcitur calculo sic, ut facile eum concussum quoq; teneat, ne is retro reuoluatur. tum ferramentum adhibetur crassitudinis modicæ. prima parte tenui, sed retusa, quod admodum calculum ex altera parte ictum findit: magna cura habita, ne aut ad ipsam uesicam per ferramentum perueniat, aut calculi fractura ne quid incidat.

De calculis foeminarum.

**H**æc uero curationes in foeminis quoq; similes sunt, de quibus tamen parum proprie quædam dicenda sunt. siquidem in his ubi paruulus calculus est, scalpellus supernatus est, quia is urinam in ceruicem non compellit: quæ & breuior q̃ in ma



ribus, & laxior est. ergo et per se sæpe excidit, & si in primo quod est angustius inhæret, eodem tamen unco sine ulla noxa educitur. at in maioribus calculis necessaria eadem curatio est. sed uirgini subijci digiti tanquam masculo mulieri per naturalia eius debent. tum uirgini quidem sub ima sinisteriore ora. Mulieri uero inter urinæ iter, & os pubis incidendum est sic, ut utroq; loco plaga transversa sit, neq; terreri conuenit si plus ex muliebri corpore sanguinis profluit.

Quæ curatio calculo euulso habenda sit.

c Alculo euulso, si ualens corpus est, neq; magnopere uexatum, sinere oportet sanguinem fluere, quo minor inflammatio oriatur: atq; ingredi quoq; eum paulum nō alienū est, ut excidat, si quid intus concreti sanguinis mansit. quod si per se nō destitit, rursus ne uis omnis intereat, suppressi debet. idq; protinus in imbecillioribus ab ipsa curatione faciendum est. si quidem ui distentione neruorum periclitatur aliquis dum uesica eius agitur, sic alter metus excipitur remotis medicaminibus, ne tantum sanguinis profluat, ut occidat. quod ne incidat, desiderare his debet in acre acetum, cui aliquantum salis sit adiectum. sub quo & sanguis ferè conquiescit, et astringitur uesica, ideoq; minus inflammatur. quod si parum proficit, agglutinanda cucurbitula est, & inguinibus, & coxis, & super pubem. ubi iam satis uel euocatus est sanguis, uel prohibitus, resupinus collocandus est sic, ut caput humile sit, coxæ paulum excitentur: ac super ulcus imponendum est duplex, aut triplex linteolum aceto madens. deinde interpositis duabus horis in solium is aquæ calidæ resupinus demittendus est sic, ut à genibus ad umbilicum aqua teneat, cætera uestimentis circumdata sint, manibus tantummodo, pedibusq; nudatis, ut & minus digeratur, & ibi diutius maneat. ex quo sudor multus oriri solet, quo sponsa subinde facile detergendum est: finisq; eius fōnenti est donec infirmando offendat: tum multo is oleo perungendus, inducendusq; hapsus lanæ mollis tepido oleo repletus: qui pubem & coxas & inguina & plagam ipsam contectam eodem ante se linteolo protegat, hisq; subinde oleo tepido madefaciendus est, ut neque frigus ad uesicam admittat, & neruos leniter molliat. quidam cataplasmatibus calefacientibus utuntur: ea plus pondere nocent, quæ uesicam urgendo uulnus irritant, q̄ calore proficiunt. ergo ne uinculum quidem ullum necessarium est: proximo die si spiritus difficiliter redditur, si urina non excedit, si locus circa pubem mature intumuit. scire licet in uesica sanguinem concretum



## LIBER

remansisse. igitur demissis eodem modo digitis leuiter pertractanda uesica est, et discutienda, si qua coierunt. quo fit ut per uulnus postea procedant. non alienum etiam est oriculario clystere acetum nitro mixtum per plagam in uesicam compellere. nam sic quoque discutiuntur, si qua cruenta coierunt. eaque facere etiam primo die conuenit. si timemus ne quid intus sit: maximaque ubi ambulando id elicere imbecillitas prohibuit, cetera eadem facienda sunt, ut demittatur in solium: ut eodem modo panniculus eadem lana super iniiciatur: sed neque saepe, neque tandiu in aqua calida puer habendus, quam adolescens est, infirmus, quam ualens: leui quam grauiore inflammatione affectus, is cuius corpus digeritur, quam his cuius astrictum est. inter haec uero si somnus est, et aequalis spiritus, et madens lingua, et sitis modica, et uenter imus, sed et mediocris est cum febre modica dolor, scire licet recte procedere curationem. atque in his inflammatio fere quinto uel septimo die finitur. qua leuata solium superuacuum est. supini tantummodo uulnus aqua calida fouendum est, ut si quid urinae rodet, abluatur. imponenda autem medicamenta sunt pus mouentia, et si purgandum ulcus uidebitur, melle linendum. id si rodet, rosa temperabitur. huic curationi aptissimum uidetur *εὐεραφάριον* emplastrum. nam et seuum habet ad pus mouendum, et mel ad ulcus repurgandum: medulla etiam maximeque uitulina: quod in id ne fistula relinquatur, praecipue proficit. linamenta uero tum super ulcus non sunt necessaria, super medicamentum ad id continendum recte imponuntur. at ubi ulcus purgatum est: puro linamento ad cicatricem perducendum est. quibus temporibus tamen, si felix curatio non fuit, uaria circa pericula oriuntur. quae praesagire protinus licet: si continua uigilia est, si spiritus difficultas, si lingua arida est, si sitis uehemens, si uenter imus tumet, si uulnus hiat, si transfluens urina id non rodit, si similiter ante tertium diem quaedam liuida excidunt, si is aut nihil, aut tarde respondet, si uehementes dolores sunt, si post die quintum magnae febres urgent, et fastidium cibi permanet, si cubare in uentrem iocundius est. nihil tamen peius est distentione neruorum, et ante nonum diem uomitus bilis. sed cum inflammationis sit metus, succurri abstinentia modicis et tempestiuis cibis, inter haec fomentis, de quibus supra scripsimus. oportet.

De cancro qui excisa uesica nascitur, et qua curatione uti deceat.

Caput XXVII.

**P**roximus canceri metus est. is cognoscitur, si et per uulnus, et per ipsum colem fluit sanies mali odoris, cumque eo quaedam a concreto



concreto sanguine non abhorrentia, tenuesq; carunculae lanulis simili-  
les: praeter haec si orae vulneris aridae sunt: si dolent inguina: si febris  
non defuit, eaq; in noctem augetur: si inordinati horrores accedunt.  
Cōsiderandum autem est, in quam partem cancer is tendat. si ad co-  
lem indurescit his locus & rubet, & tactu dolorem excitat, testicu-  
liq; intumescunt. si in ipsam uesticam ani dolor sequitur, coxae dure-  
sunt, non facile crura extendi possunt. at si in alterutrum latus oculis  
id expositum est, paresq; utrinq; easde notas sed minores habet. pri-  
mum autem ad rem pertinet corpus recte iacere, ut superior pars  
semper eadem sit in quam uicium fertur. ita si ad colem it, supinus  
his collocari debet. si ad uesticam, in uentrem, si in latus, in id quod  
integrius est. Deinde ubi uerum fuerit ad curationem, homo in aqua  
demittetur: in qua marrubium decoctum sit, aut cupressus, aut myr-  
tus, idemq; humor clystere intus adijciatur. tum super ponetur lenti-  
cula cum malicorio mixta, quae utraq; ex uino decocta sint, uel ru-  
bus, aut oleae folia eodem modo decocta, aliaq; medicamenta, quae ad  
cohibendos, purgandosq; caneros proposuimus. ex quibus si quae erunt  
arida, per scriptorium calamum inspirabuntur. ubi stare coeperit ca-  
cer, mulso uulnus eluatur. uitabiturq; eo tempore ceratum quod ad  
recipiendum id malum corpus emollit, potius plumbum elotum cum  
uino inungetur. super quae idem linteolo illitum imponetur: sub qui-  
bus perueniri ad sanitatem potest. cum eo tamen quod non ignoremus  
orto cancro saepe affici stomachum, cui cum uestica quoddam confor-  
tium est: exq; eo fieri ut neq; retineatur cibus, neq; si quis retentus est,  
concoquatur: neq; corpus alatur: ideoq; ne uulnus quidem aut pur-  
gari, aut ali possit: quae necessario mortem maturant. sed ut his suc-  
curri nullo nodo potest, sic a primo tamen diu tenenda ratio curatio-  
nis est. in qua quaedam observatio ad cibum quoq; potionemq; perti-  
nens necessaria est: nam cibus inter principia non nisi humidus dari  
debet. ubi ulcus purgatum est, ex media materia olera, & salsamen-  
ta semper aliena sunt. potione opus est non modica: nam si parum  
bibitur, accenditur uulnus, & uigilia urget, & uis corporis minui-  
tur. si plus aequo assumitur, subinde uestica impletur, eoq; irritatur.  
non nisi aquam autem bibendam esse manifestus est, quoniam ut subin-  
de dicendum sit. solet uero sub eiusmodi uictu uenire ut aluus non  
reddatur. Haec aqua ducenda est, in qua uel foenum graecum, uel mal-  
ua decocta sit. idem humor rosa mixtus in ipsum uulnus oriculario  
clystere agendus est: ubi id rodit urina neq; purgari patitur. Ferè ue-  
ro primo per uulnus exit haec, deinde eo sanescente diuiditur, et pars  
per colem descendere incipit, donec ex toto plaga claudatur: quod in-



terdum tertio mense, interdum non ante sextum, nonnunquam exacto quoque anno fit: neque desperari debet solida glutinatio vulneris, nisi ubi aut uehementer rupta ceruix est, aut ex cancro multæ, magnæque carunculae, simulque nervosa aliqua exciderunt. sed ut uel nulla ibi fistula, uel exigua admodum relinquatur, summa cura prouidendum est. Ergo cum iam ad cicatricem uulnus intendit, extētis iacere foeminae, et cruribus oportet: nisi tamen molles, harenosiue calculi fuerunt. sub his enim tardius uesica purgatur. Ideoque diutius plagam patere necessarium est: et tum demum ubi iam nihil tale extra fertur, ad cicatricem perducitur quod si antequam uesica purgata est: orae se glutinarunt: dolorque, et inflammatio redierunt, uulnus digitis uel aduerso specillo diducendum est, ut torquentibus exitus detur: hisque effusis tum diutius pura urina descendat. tum demum quæ cicatricem inducant, imponenda sunt: extendique ut supra docui pedes quam maxime uincti. quod si fistulae metus ex his causis, quas proposui, subesse uidebitur, quo facilius claudatur ea, uel certe coaguletur, in anum quoque danda plumbea fistula est: extentisque cruribus foemina, taliq; inter se deligandi sunt, donec qualis futura est, cicatrix sit.

Si naturalia foeminarum concubitus non admittunt, quo modo curari conueniat. Cap. XXVIII.

**I**n hoc quidem commune esse maribus, et foeminis potest. proprie uero quedam ad foeminas pertinent, ut in primis: quod earum naturalia nonnunquam inter se glutinatis oris concubitus non admittunt. idque interdum euenit protinus in utero matris: interdum exulceratione in his partibus facta, et per malam curationem his oris sanescendo iunctis. si ex utero est, membrana ori uulvae opposita est. si ex ulcere, caro id repleuit. oportet autem membranam duabus lineis inter se transuersis incidere ad similitudinem litterae X. magna cura habita ne urinae iter uioletur. deinde undique eam membranam excidere: ac si caro increuit, necessarium est recta linea patefacere. tum ab ora, uel uulsella, uel hamo apprehensam tanquam habenulam excidere: et intus implicatum in longitudinem linaamentum, ῥήμιονον graeci uocant, in aceto tinctum demittere: superaque succidam lanam aceto madentem deligare: tertio die soluere ulcus, et sicut alia ulcera curare. cumque iam ad sanitatem tendet, plumbeam fistulam medicamento cicatricem inducente illinere, eamque intus dare. superaque idem medicamentum inijcere, donec ad cicatricem plaga perueniat.



Qua curatione partus emortuus ex utero excutitur. Cap. XXIX.

Si concipit autem aliqua si iam propè maturus partus in-  
 tus emortuus est, neq; ex cadere per se potest, adhibenda cu-  
 ratio est, quæ numerari inter difficillimas potest. nam &  
 summam prudentiam, moderationemq; desiderat: & maximum pe-  
 riculum affert. sed ante omnia uulvæ natura mirabilis, cum in mul-  
 tis alijs, tum in hac re quoq; facile cognoscitur. oportet autem ante om-  
 nia resupinam mulierem transuerso lecto sic collocare, ut feminibus  
 eius ipsius ilia comprimantur. quo fit ut & inus uenter in conspe-  
 ctu medici sit: & infans ad os uulvæ compellatur: quæ emortuo par-  
 tu id comprimit: ex intervallo uero paulum dehiscere. hac occasione  
 usus medicus unctæ manus indicem digitum primum debet inferere,  
 re, atq; ibi continere, donec iterum ad os aperiatur: rursusq; alterum  
 digitum demittere debebit, & per easdē occasionēs alios, donec tota  
 esse intus manus possit. ad cuius rei facultatem multum confert &  
 magnitudo uulvæ, & uis neruorum eius, & corporis totius habitus,  
 & mentis etiam robur: cum presertim intus nonnunq; etiā duæ ma-  
 nus dari debeant. pertinet etiā ad rem quàm calidissimum esse im-  
 ventrem, & extrema corporis, neq; dum inflammationem cœpisse,  
 sed recenti re protinus adhiberi medicinam. nam si corpus iam in-  
 tumuit, neq; demitti manus, neq; educi infans nisi ægerrime potest, se-  
 quiturq; sæpe cum uomitu & cum tremore mortifera neruorum di-  
 stentio. uerum intus emortuo corpori manus iniecta protinus habitū  
 eius sentit. nam aut in caput, aut in pedes conuersum est, aut in trās-  
 uersum iacet: ferè tamen sic, ut uel manus eius, uel pes in propinquo  
 sit. Medici uero propositum est, ut cum manu dirigat uel in manus,  
 uel etiam in pedes. si forte aliter compositus est, ac si nihil aliud est,  
 manus uel pes apprehensus, corpus rectius reddit: nam manus in ca-  
 put, pes in pedes eum conuertet. tum si caput proximum est, demitti  
 debet uncus undiq; leuis acuminis breuis, qui uel oculo, uel auri, uel  
 ori, interdum etiam fronti recte iniçatur, deinde attractus infantem  
 educit: neq; tamen quolibet his tempore extrahi debet. nam si com-  
 presso uulvæ ore id tentatum est, nō emittente eo infans abrumpitur:  
 & unci acumen in ipsum os uulvæ delabitur: sequiturq; neruorum  
 distentio, & ingens periculum mortis. igitur compressa uulua, conge-  
 scere. hiantē, leniter trahere oportet: & per has occasionēs paulatim  
 eum educere. trahere autē dextra manus uncum, sinistra intus posi-  
 ta infantem ipsum: simulq; dirigire eum debet. Solet etiam euenire,  
 ut is infans humore distendatur: exq; eo profluat fœdi odoris sanies



quod si tale est, indice digito corpus illud forandum est, ut effuso humore extenuetur. tum id leniter per ipsas manus recipiendum est. nam uncus iniectus facile hebeti corpusculo eleuabitur. in quo quid periculi sit, supra positum. sed in pedes quoque conuersus infans non difficulter extrahitur: quibus apprehensis per ipsas manus commode educatur. si uero transversus est, neque dirigere potuit, uncus alae iniiciendus, paulatimque attrahendus est. sub quo ferè cervix replicatur, retroque caput, ac reliquum corpus spectat. remedio est cervix præcisa, ut separatim utraque pars auferatur, id unco fit, qui priori similis in anteriorem tantum partem per totam aciem exacuitur: tum id agendum est, ut ante caput, deinde reliqua pars auferatur: quia ferè maiore parte extracta, caput in uacuam uulnam prolabitur, extrahi que sine summo periculo non potest: si tamen id incidit, super uentrem mulieris duplici panniculo iniecto, ualens homo non imperitus à sinistro latere eius debet assistere, et super imum uentrem eius duas manus imponere, alteramque alteram premere. quo fit ut illud caput ad os uulnæ compellatur. idque eadem ratione quæ supra posita est, unco extrahitur. at si pes alter iuxta repertus est, alter retro cum corpore est, quicquid protractum est, paulatim abscidendum est: et si clunes os uulnæ urgere cœperunt, iterum retro repellendæ sunt. conquiritusque pes eius adducendus. aliaque etiam num difficultates faciunt, ut qui solidus non exit, concisus eximi debeat. quotiens autem infans protractus est, tradendus ministro est. is eum supinis manibus sustinere, medicus deinde sinistra manu leniter trahere umbilicum debet, ita ne abrumpat, dextramque eum sequi usque ad eas, quas secundas uocant. quod uelamentum infantis intus fuit. hisque ultimis apprehensis uenulas, membranulasque omnes eadem ratione manu diducere à uulna, totumque illud extrahere. et si quid intus præterea concreti sanguinis remanet, tum compressis in unum feminibus, illa conclauis collocanda est, modicum calorem sine ullo præstatu habente. super imum uentrem eius imponenda lana succida in aceto, et rosa tincta. reliqua curatio talis esse debet, qualis in inflammationibus, et in his uulneribus, quæ in nervosis locis sunt, adhibeatur.

## De ani uicijs, et eorum curatione. Cap. XXX.

Ni quoque uicia ubi medicamentis non uincuntur, manus auxilium desiderant. ergo si qua scissa in eo uetustate induruerunt, iamque callum habent, commodissimum est ducere aluum: tum spongiam calidam admoovere, ut relaxentur illa, et foras prodeant. ubi in conspectu sunt, scalpello singula excidere, et ulcera remouere.



remouere. deinde imponere linamentum molle, & super linteolum illitum melle, locumq; eum molli lana implere & ita vincere altero die, deincepsq; cæteris lenibus medicamentis uti: quæ ad recentia eadē uicia necessaria esse aliās proposui: & utiq; per primos dies sorbitionibus eum sustinere paulatim: deinde cibis adijcere aliquid generis tamen eius, quod eodem loco præceptum est. si quando autem ex inflammatione pus in his oritur, ubi primum id apparuit incidendum est, ne anus ipse suppuret. neq; tamen ante properandum est. nam si cridum incisum est, inflammationis multum accedit: & puris aliquanto amplius concitatur. his quoque uulneribus lenibus cibis, hisdemq; medicamentis opus est.

#### De condylomatum curatione.

**T**ubercula, quæ κονδυλώματα appellantur, ubi induruerunt, hac ratione curantur. alius ante omnia ducitur. tum uolsella tuberculum apprehensum iuxta radices exciditur. quod ubi factum est eadem sequuntur, quæ supra post curationem adhibenda esse proposui. tantummodo si quid increſcit squama aeris coercendum est. ora etiam uenarum fundentia sanguinem sic tolluntur. ubi sanguini, qui effluit, sanies adijcitur: alius acrius ducitur, quo magis oræ promoueantur. eoq; fit, ut omnes uenæ, quasi capitula cōspiciantur. tum si capitulum exiguum est, basimq; tenuem habet, astringendum lino paulum supra est, quam ubi cum ano committitur. imponenda spongia aqua calida est, donec id libeat. deinde aut ungue, aut scalpello supra nodum id exulcerandum est. quod nisi factum est, magni dolores subsequuntur. interdum etiam urinae difficultas. si id maius est, & basis latior, hamulo uno aut altero excipiendum est: paulumq; supra basim incidendum: neq; relinquendum quicquam ex eo capitulo: neq; quicquam ex ano demendum est. quod consequitur his, qui neq; nimium, neq; parum hamos ducat. qua incisum est, acus debet immitti: infraq; eam lino id capitulum alligari: si duo, triaue sunt, unum quodq; primum curandum est. si plura, non omnia simul, ne tempore eodem undiq; teneræ cicatrices sint. si sanguis profluit, excipiendus est spongia: deinde linamentum imponendum. ungenda foemina, & inguina, & quicquid iuxta ulcus est. ceratumq; super dandum est. farina ordeacea calida implendusq; is locus est. sic deligandus est. postero die is desidere in aqua calida debet: eodemq; cataplasmate foueri. ac bis die, & ante curationem, & post eam ceruices, ac femina liquido cerato perungenda sunt: tepidoq; is loco continendus: interpositis quinque, aut sex diebus oriculario specillo linamenta edu-



cenda. si capitula simul non exciderunt, digito promouenda. tum lenibus medicamentis hisdemq; quæ alibi posui, ulcera ad sanitatem perducenda. finito uicio quemadmodum agendum esset, iā aliās superius exposui.

De uaricum curatione. Cap. XXXI.

In his ad crura proximus transitus est. in quibus orti uarices non difficili ratione tolluntur. huc autem et earum uenularum, quæ in capite nocent, et eorum uaricum, qui in uentre sunt, curationem distuli: quoniam ubiq; eadem est. igitur uena ois, quæ noxia est, aut adusta tabescit: aut manu exciditur. si recta est, si quauis transversa, tamen simplex: si modica est, melius aduritur. si curua est et uelut in orbes quosdam implicatur, pluresq; inter se inuoluuntur, utilius eximere est: adurendi ratio hæc est. cutis super inciditur. tum patefacta uena tenui, et retuso ferramento candente modice præmitur: uitaturq; ne plagæ ipsius oræ adurantur: quas reducere hamulis facile est. id interpositis ferè quaternis digitis per totum uaricem fit: et tum superimponitur medicamentum, quo adusta sanantur: at exciditur hoc modo. cute eadem ratione super uenam incisa hamulo oræ excipiuntur: scalpelloq; undiq; à corpore uena diducitur: caueturq; ne inter hæc ipsa lædatur: eiq; retusus hamulus subiicitur, interpositoq; eodem ferè spacio. quod supra positum est, in eadē uena idem fit, quæ quo tendat, facile hamulo extento cognoscitur. ubi iam idem, quacumq; uarices sunt, factum est, uno loco adducta per hamulum uena præciditur: deinde qua proximus hamus est, attrahitur, et euellitur: ibi rursus absconditur. ac sic undiq; uariabus crure liberato, tum plagarum oræ committuntur: et super emplastrum glutinans iniicitur.

Curatio digitorum coherentium. Cap. XXXII.

Si si digiti uel in utero protinus, uel propter communē exulcerationem postea cohæserunt, scalpello diducuntur. dein separatim uterq; non pingui emplastro circundatur. atq; ita per se uterq; sanescit. si uero fit ulcus in digito, posteaq; male indurata cicatrix curuum eum reddit, primū malagma tentandum est. dein si id nihil prodest, quod et in ueteri cicatrice, et ubi nervi læsi sunt, euenire consuevit: uidere oportet nervi ne id uicium, an cutis sit. si nervi est, attingi non debet, neq; enim sanabile est. si cutis, tota cicatrix excidenda est: quæ ferè callosa efficit, ut extendi digitum non patiatur: tum rectus sic ad nouam cicatricem perducendus est.



Angrena inter ungues, alasq; aut inguina nasci: Et si quan-  
do medicamenta unctur, membrū præadi oportere, alio  
loco mihi dictum est. sed id quoq; cū periculo summo fit.  
nam sæpe in ipso opere, uel profusione sanguinis, uel animæ defectio-  
ne moriuntur. uerum hic quoq; nihil interest an satis tutum præsi-  
dium sit: quod unicum est. igitur inter sanam, uitiatamq; partem in-  
cidenda scalpello caro usq; ad os est sic, ut neq; contra ipsum articu-  
lum id fiat: Et potius ex sana parte aliquid excidatur, quàm ex æ-  
gra relinquatur. ubi ad os uentum est, reducenda ab eo sana caro, Et  
circa os subsecanda est, ut ea quoq; parte aliquid os nudetur: dein id  
ferrula præcidendum est, quàm proxime sanæ carni etiam inhæren-  
ti. ac tum frons ossis, quam ferrula exasperauit, lenanda est, supraq;  
inducenda cutis, quæ sub eiusmodi curatione laxa esse debet ut quā  
maxime undiq; os contegat. quo cutis inducta non fuerit id linamen-  
tis erit contegendum, Et super id spongia ex aceto deliganda. cætera  
postea sic faciēda, ut in wulneribus, in quibus pus moueri debet, præ-  
ceptum est.

## LIBER OCTAVVS.

## De positu, Et figura totius humani corporis. Caput primum.

Uperest ea pars, quæ ad ossa pertinet. quæ quo faci-  
lius accipi possit, prius positus, figurasq; eorum indi-  
cabo. Igitur caluaria incipit ex interiore parte conca-  
ua, extrinsecus gibba, utrinq; leuis, Et qua cerebri  
mēbranam contegit. Et qua cute capillum gignente  
contegatur. eaq; simplex ab occipitio Et temporibus, duplex usque in  
uerticem à fronte est. ossaq; eius ab exterioribus partibus dura, ab  
interioribus, quibus inter se connectuntur, molliora sunt. interq; ea  
uenæ discurrunt, quas his alimentum subministrare credibile est. ra-  
ro autem caluaria solida sine suturis est. locis tamen æstuosis facilius  
inuenitur. Et id caput firmissimum, atq; à dolore tutissimum est: ex  
cæteris, quo suturæ pauciores sunt, eo capitis ualetudo commodior est.  
neque enim certus earum numerus est, sicut ne locus quidem: ferè  
tamen duæ super aures, tempora à superiore capitis parte discer-  
nunt. tertia ad aures per uerticem tendens, occipitium à summo ca-  
pite diducit. quarta ab eodem uertice per medium caput ad frontem



# LIBER

procedit, eaq; modo sub imo capillo desinit: modo frontem ipsam secans inter supercilia finitur. ex his ceterae quidem suturae in unguem committuntur. haec uero quae super aures transversae sunt, totis oris paulatim extenuantur: atq; ita inferiora ossa superioribus leniter insidunt. crassissimum uero in capite os post aurem est, quia capillus uerisimile est, ob id ipsum non gignitur. sub his quoq; musculis, qui tempora connectunt, os medium in exteriorem partem inclinatum positum est. at facies suturam habet maximam, quae a tempore incipiens per medios oculos, naresq; transversa peruenit ad alterum tempus: à qua breues duae sub interioribus angulis deorsum spectant. et malarum quoq; in summa parte singulae transversas suturas habent. à medijsq; naribus, aut superiorum dentium gingivis per medium palatum una procedit: aliaq; transversa idem palatum secat. Et suturae quidem in plurimis haec sunt. foramina autem intra caput maxima oculorum sunt: deinde narium, tum quae in auribus habemus: ex his quae oculorum sunt, recta, simpliciaq; ad cerebrum tendunt. narium duo foramina osse medio discernuntur. siquidem haec primum à supercilijs, angulisq; oculorum osse inchoantur ad tertiam ferè partem: deinde in cartilagine uersae quo propius ori descendunt, eo magis caruncula quoq; molliuntur. sed ea foramina quae à summis ad imas nares simplicia sunt, ibi rursus in bina itinera diuiduntur. aliaq; ex his ad fauces peruia spiritum et reddunt, et accipiunt: alia ad cerebrum tendunt. In ultima parte in multa, et tenuia foramina dissipantur, per quae sensus odoris nobis datur: in aure quoq; primo rectum, et simplex iter procedendo flexuosum fit. quod ipsum iuxta cerebrum in multa et tenuia foramina diducitur, per quae facultas audiendi est: iuxtaq; ea duo parui quasi sinus sunt. superq; eos finitur os: quod transversum à genis tendens ab inferioribus ossibus sustinetur: iugale appellari potest ab eadem similitudine à qua id graeci ὑψώδες appellant. Maxilla uero est molle os, eaq; una est, cuius eadem et media, et etiam ima pars mentum est: à quo utrinq; procedit ad tempora: solaq; ea mouetur. nam malarum cum toto osse, quod superiores dentes exigit, immobiles sunt. uerum ipsius maxillae partes extremae quasi bicornes sunt. alter processus intra latior uertice ipso tenuatur: longiusq; procedens sub osse iugali subit: et super id temporum musculis illigatur. alter breuior, et rotundior, et in eo sinus qui iuxta foramina auris est, cardinis modo fit: ibiq; huc, et illuc se inclinans, maxillae facultatem motus praestat. duriores osse dentes sunt. quorum pars maxillae, pars superiori ossi malarum haeret. ex his quaterni primi quia secant, τετράγωνοι à graecis nominantur. hi deinde



quatuor caninis dentibus ex omni parte cinguntur. ultra quos utrinque  
 ferè maxillares quaterni sunt, præterque in his, in quibus tres ultimi, qui  
 sero gigni solent: non increuerunt. ex his priores singulis radicibus,  
 maxillares utique binis, quidam etiam ternis, quaternis uel nituntur.  
 Ferèque longior radix breviorē dentem edit: rectique dentis recta etiam  
 radix, curui flexa est: exque eadem radice in pueris nouus dēns subit:  
 qui multo sæpius priorem expellit: interdum tamen supra, infra uel  
 eum se ostendit. caput autē spina excipit. ea constat ex uertebis qua-  
 tuor et uiginti. septem in ceruice sunt: duodecim ad costas. reliquæ  
 quinque sunt proximæ costis. hæ teretes, breuesque ab utroque latere pro-  
 cessus duos exigunt. mediæ perforatæ, qua spinæ medulla cerebro com-  
 missa descendit. circa quoque per duos processus tenuibus canis peruiæ,  
 per quæ à membrana cerebri similes membranulæ deducuntur. om-  
 nesque uertebæ exceptis tribus summis à superiore parte in ipsis  
 processibus parum desidenti sinus habent: ab inferiore alios deorsum  
 uersus processus tenuibus, cuius peruiæ per quæ à membrana ce-  
 rebri similes membranulæ deducuntur. omnesque uertebæ exceptis  
 tribus summis à superiore parte in ipsis processibus parum desiden-  
 tis sinus habent: ab inferiore alios deorsum uersus processus exigunt.  
 summa igitur protinus caput sustinet, per duos sinus receptis exiguis  
 eius processibus. quo fit, ut caput sursum deorsum uersum tuberculis  
 exasperetur: secunda superiori parti inferiore. quæ ad circuitum perti-  
 net, pars summa angustiore orbe finitur. Itaque superior summæ cir-  
 cundata, in latera quoque caput moueri sinit. tertia eodem modo secun-  
 dam excipit: ex quo facilis ceruicæ mobilitas est. ac ne sustinere quidem  
 caput posset, nisi utrinque recti, ualentesque nervi collum continerent: quos  
 ζεύοντες græci appellant. siquidem horum inter omnes flexus alter  
 semper intentus ultra prolabi superiora non patitur. iamque uerte-  
 bra tertia tubercula quæ inferiori inserantur, exigit. cæteræ proces-  
 sibus deorsum spectantibus in inferiores insinuantur: ac per sinus  
 quos utrinque habent, superiores accipiunt: multisque nervis, et multa  
 cartilagine continentur. ac sic uno flexu modico in promptum dato,  
 cæteris negocijs homo, et rectus insistit: et aliquid ad necessaria ope-  
 ra curuatur. infra ceruicem uero summa costa contra humeros sita  
 est: inde undecim inferiores usque ad imum pectus perueniunt: hæque  
 primis partibus rotundæ, et leniter quasi capitulatæ uertebrarum  
 transuersis processibus ibi quoque paulum insinuatim inhaerent. inde  
 patefunt: et in exteriorē partem recuruatæ, paulatim in cartilagi-  
 nem degenerant. eaque parte rursus in interiora leniter flexe commit-  
 tuntur cum osse pectoris. quod ualens, et durum à faucibus incipit, ab



## LIBER

utroque latere lunatum, & à præcordijs iam ipsum quoque cartilagine mollium terminatur. sub costis uero prioribus, quinque quas ῥόθας græci nominant, breues, tenuioresque, atque ipsæ quoque paulatim in cartilagine uersæ, extremis abdominis partibus inhaerescunt. imaque ex his maiore iam parte nihil nisi cartilago est. rursus à ceruice duo lata ossa utrinque ad scapulas tendunt. nostri scoptula operta, ὠμοπλάτας græci nominant. ea in summis uerticibus sinuata, ab his triangula, paulatimque lateſcentia ad spinam tendunt: & quo latiora quaque parte sunt hoc hebetiora, acque ipsa quoque in imo cartilaginosa posteriore parte uelut innatant, quoniam nisi in summo nulli ossi inhaerescunt. ibi uero ualidis musculis, nervisque constricta sunt. at à summa costa paulo interius quam ubi ea media est, os excrescit: ibi quidem tenue, procedens uero quo propius lato scapularum ossi fit, eo plenius, latiusque, & paulatim in exteriora curuatum. quod propius, altera uerticis parte modice intumescens, sustinet ingulum. id autem ipsum recuruum, ac neque inter durissima ossa numerandum: altero capite in eo quod posui, altero in exiguo sinu pectoralis ossis insidit, paulumque motu brachij mouetur: & cum lato osse scapularum infra caput, eius nervus, & cartilagini connectitur. hinc humerus incipit extremis utrinque capitibus tumidus, mollis, sine medulla cartilagosus. medius teres, durus, medullosus, leniter gibbus, & in priorem & posteriorem, anteriorem & posteriorem partem. prior autem pars est quæ à pectore est, posterior quæ ab scapulis, interior quæ ad latus tendit: exterior quæ ab eo recedit. quod ad omnes articulos pertinere in ulterioribus patebit. superius autem humeri caput rotundius quam cætera ossa, de quibus adhuc dixi, uerticillatis scapularum ossibus paruo excessu inseritur: ac maiore parte ex transitu nervus deligatur. at inferius duos processus habet: inter quos quod medium est, magis etiā extremis partibus sinuatur. quæ res sedem brachio præstat: quod constat ex ossibus duobus. radius, quam ῥαδίς græci appellant, superior, breuiorque, & primo tenuior rotundo, & leniter cauo, capite exiguum humeri tuberculum recipit: atque ibi nervus, & cartilagine continetur. cubitus inferior, longiorque, & primo plenior in summo capite, duobus quasi uerticibus extantibus in sinu humeri, quem inter duos processus eius esse proposui, se inserit. primo uero duobus radijs brachij ossa iuncta paulatim dirimuntur: rursusque ad manū coeunt modo crassitudinis mutato: siquidem ibi radius plenior, cubitus admodum tenuis est. dein radius in caput cartilagosum consurgens, in uerticem eius sinuatur. cubitus rotundus in extremo, parte altera paulum procedit. ac ne sæpius dicendum sit, illud ignorari non oportet. plu-



rima ossa in cartilagine desinere: nullum articulum non sic finiri. neq; enim aut moueri posset, nisi leui inniteretur: aut cum carne, neruisq; coniungi, nisi ea media quaedam materia committeret. in manu uero prima palmæ pars ex multis, minutisq; ossibus constat, quorum numerus incertus est. sed oblonga omnia, & triagula structura quadam inter se connectuntur: cum inuicem superior alterius angulus, alterius planities sit: eoq; fit ex his unius ossis paulum in interiora conuerti species. uerum ex manu duo exigui processus in sinus radij coniunguntur. tum ex altera parte recta quinque ossa ad digitos tendentia palmam explent, à quibus ipsi digiti oriuntur: qui ex ossibus ternis constant: omniumq; eadem ratio est. interius os in uerticem sinuatur: recipitq; exterioris exiguum tuberculum, neruiq; ea continent, à quibus orti ungues indurescunt. ideoq; non ossi, sed carni magis radicibus suis inhaerent. ac superiores quidē partes sic ordinatae sunt. ima uero spina in coxarū osse discedit, quod transuersum, longeq; ualentissimum uulnam, uesicam, rectum intestinum tuetur, idq; ab exteriori parte gibbū ad spinam, resupinatum à lateribus, idest in ipsis coxis sinus rotundos habet: à quibus oritur os quod pectinem uocat. idq; super intestina sub pube transuersum uentrem firmat rectius in uiris: recuruatum magis in exteriora in foeminis, ne partum prohibeat. inde foemina oriuntur: quorum capita rotundiora etiam quā humerorum sunt, cum illa ex cæteris rotundissima sint. infra uero duo os processus à priore, & à posteriore parte habent. dein dura, et medullosa, & ab exteriori parte gibba habent: rursus ab inferioribus quoq; capitibus intumescunt: superiora in sinus coxæ sicut humeri in ea ossa, quæ scapularum sunt, coniunguntur. tum infra introrsus leniter intendunt, quo aequalius superiora membra sustineant. atq; in ea inferiora quoq; capita media sinuantur, quo facilius excipi à cruribus possint: quæ commissura osse paruo molli cartilaginoso tegitur: patellam uocant. hæc super innatans, nec ulli ossi inhaerens, sed carne, et neruis deligata, pauloq; magis ad femoris os tendens, inter omnes crurum flexus iuncturam tuetur. ipsum autem crus est ex ossibus duobus. & enim per omnia femur humero, crus uero brachio simile est. adeo ut habitus quoq; & decor alterius ex altero cognoscatur. quod ab ossibus incipiens, etiam in carne respondet. uerum alterum os ab exteriori parte supra positum est, quod ipsum quoque sura recte nominatur. id breuius, supraq; tenuius ad ipsos talos intumescit. alterum à priore parte positum, cui tibiæ nomen est, longius, & in superiore parte plenius, solum cum femoris inferiore capite committitur: sicut cum humero cubitus. atq; ea quoq; ossa infra, supraq; commun-



## LIBER

*Et media ut in brachio dehiscunt. excipitur autē cruris infra ossa ex transverso talorum, idq; ipsum super os calcis situm est, quod quadā parte sinuatur: quadam excessus habet: & procedentia ex talo recipit: & in sinum eius inseritur. idq; sine medulla durum, magisq; in posteriorem partem proiectum teretem ibi figuram representat. cætera ossa pedis ad eorum quæ in manu sunt similitudinem instructa sunt. plantæ palmæ, digiti digitis, ungues unguibus respondent.*

*Ossa uiciata, & corrupta quibus signis cognoscantur: & quæ ratione curentur. Cap. II.*

*¶ Hinc autem os ubi iniuria accessit, aut uiciatur, aut finditur, aut frangitur, aut foratur, aut colliditur, aut loco mouetur. id quod uiciatum est, primo ferè pingue fit: deinde uel nigrum, uel cariosum: quæ super natis grauibz ulceribus, aut fistulis: hisq; uel longa uetustate, uel etiam cancro occupatis eueniunt. Oportet autem ante omnia os nudare ulcere exciso. & si latius eius uicium est, quàm ulcus fuit, carnem subsecare, donec integrum os undiq; pateat: tum id quod pingue est semel, iterum'ue satis est admoto ferramento adurere, ut ex eo statu secedat: aut eradere donec iā aliquid cruoris ostendatur: quæ integrioris nota est. nam necesse est aridum sit id, quod uiciatum est. idem in cartilagine quoq; læsa faciendum est. siquidem ea quoq; scalpello radenda est, donec integrum id sit, quod relinquatur. deinde siue os, siue cartilago rasa est, nitro bene trito respergendum est. neque alia facienda sunt ubi caries, nigrities'ue in summo osse est. siquidem id uel paulo diutius eodem ferramento adurendum, uel radendum est. qui radit hæc, audacter imprimere ferramentum debet, ut & agat aliquid: & maturius desinat. finis est, cum uel ad album os, uel ad solidum uentum est. albo finiri ex nigritie uitium, soliditate quadam ex carie manifestum est: accedere etiam cruoris aliquid integro supra dictum est. si quando autem altius descenderit, utrunlibet dubium est: in carie quidem expedita cognitio est. specillum tenue in foramen demittitur. quod magis, minus'ue intrando, uel in summo cariem esse, uel altius descendisse testatur. nigrities colligi quidem potest etiam ex dolore, & ex febre. quæ ubi mediocria sunt, illa alte descendisse non potest: manifestior tamen ad acta terebra fit. nam finis uicij est, ubi scobis nigra esse desit. igitur si caries alte descendit, per terebram urgenda crebris foraminibus est: quæ altitudine uicium æquent. tum in ea foramina demittenda candētia ferramenta sunt: donec inde siccatum os ex toto fiat. simul enim post hæc & resoluetur ab infirioe osse quodcunq; uiciatum*



est: & his sinus carne replebitur: & humor aut nullus postea feretur, aut mediocris. sin autem nigrities est, aut si caries ad alteram quoque partem ossis transit, oportet excidi. atque idem in carie quoque ad alteram partem ossis penetrante fieri potest. sed quod totum uiciatum, totum eximendum est. si inferior pars integra est, catenus quod corruptum est, excidi debet. item siue capitis, siue pectoris os, siue costa cariota est, inutilis uicio est: & excidendi necessitas est. neque audiendi sunt qui osse nudato diem tertium expectant, ut tunc excidant. ante inflammationem enim tutius omnia tractantur. itaque quantum fieri potest eodem momento & cutis incidenda est, & os detegendum: et omni uicio liberandum est. longeque perniciosissimum est, quod in osse pectoris est: quia uix etiam si recte cessit, curatio uera sanitatem reddit.

Quomodo os excidatur, & de modiolis, & terebris feramentis ad id paratis. Cap. III.

Exciditur uero os duobus modis: si paruum est, quod læsum est, modiolis, quem *κοινὸν* greci uocant. si spaciosus, terebris. utriusque rationem proponam. Modiolus ferramentum concavum, teres est imus oris ferratum, per quod medium clauus ipse quoque interiore orbe cinctus demittitur. Terebrarum autem duo genera sunt: alterum simile ei quo fabri utuntur. alterum capituli longioris, quod ab acuto mucrone incipit, deinde subito latius fit: atque iterum ab alio principio paulo minus quam equaliter sursum procedit. si uicium in angusto est, quod comprehendere modiolus possit, ille potius aptatur. & si caries subest, medius clauus in foramen demittitur. si nigrities, angulo scalpri sinus exiguus fit, qui clauum recipiat, ut eo insistente circumactus modiolus delabi non possit. deinde uis habena quasi terebra conuertitur. estque quidam premendi modus, ut & foretur, & circumagatur. quia si leuiter imprimatur, parum proficiat. si grauius, non mouetur. neque alienum est instillare paulum rosæ uel lactis, quo magis lubrico circumagatur. quod ipsum tamen si copiosius est, aciem ferramenti hebetat. at ubi iam iter modiolis pressum est, medius clauus educitur: & ille per se agitur. deinde cum sanitas inferioris partis scobe cognita est, modiolus remouetur. at si latius uicium est, quam ut illo comprehendatur, terebra res agenda est. ea foramen fit in ipso sine uiciosi ossis atque integri: deinde alterum non ita longe. tertiumque donec totus is locus, qui excidendus est, his cauis cinctus sit. atque ibi quoque quatenus terebra agenda sit, scobis significat. tunc ex alio foramine ad alterum malleolo ada-



## LIBER

Etus: id quod inter utrunq; medium est, excidit: ac sic ambitus similis  
 ei fit, qui in angustiore orbem modiololo imprimitur. utro modo ue  
 ro id circumductum est, idem exaforius scalper in osse corrupto pla  
 nus summam quanq; testam laesit, donec integrum os relinquatur.  
 Vix unquam nigrities integrum, caries per totum os perrumpit: ma  
 ximeq; ubi uitiata caluaria est. Id quoq; signi specillo significatur, qui  
 depressus in id foramen, quod infra solidam sedem habet: & ob id  
 renitens aliquid inuenit, & madens exit. si peruium inuenit, altius  
 descendens inter os, & membranam nihil oppositum inuenit: educa  
 turq; siccus, non quo non subsit aliqua uitiosa sanies, sed quoniam  
 ibi, ut in latiore sede diffusa sit. Siue autem nigrities, quam terebra  
 detexit: siue caries, quam specillum ostendit, os transit: modiololi quide  
 usus ferè supernacius est: quia latius pateat necesse est, quod iam alte  
 processit. terebra uero ea, quam secundo loco posui utendum, eaq; ne  
 nimis incalescat, subinde in aquam frigidam demittenda est. sed tum  
 maiore cura agendum est: cum iam aut simplex os dimidium perfo  
 ratum est: aut in duplici, superius. illud, spacium ipsum, hoc sanguis  
 significat. ergo tum lentius ducenda habena: suspendaq; magis sini  
 stra manus est, & sæpius attollenda: & foraminis altitudo conside  
 randa: ut quandocunq; os perrumpitur sentiamus: neq; periclitemur,  
 ne mucrone cerebri membrana laedatur: ex quo graues inflammatio  
 nes cum periculo mortis oriuntur. factis foraminibus eodem modo me  
 dia sæpe, sed multo circumspectius excidenda sunt: ne forte angulus  
 scalpri eandem membranam uiolet: donec fiat aditus, per quam me  
 branae custos immittatur: *μηνωροφύλακας* græci uocāt. lamina aenea  
 est firma, paulum resina, ab exteriori parte læuis, quæ demissa est,  
 us exterior pars eius cerebro propior sit. subinde ei subiicitur quod  
 scalpro discutiendum est. ac si excipit eius angulum, ultra transire  
 non patitur: eoq; & audacius, & tutius scalprium malleolo subinde  
 medicus ferit, donec exasum undiq; os eadem lamina leuetur: tolliq;  
 sine ulla noxa cerebri potest. Vbi totum os eiectum est, circum raden  
 da, leuandaq; sunt ora: & si quid scobis membranae insedit, colligen  
 dum. ubi superiori parte sublata, inferior relicta est, nō ora tantum,  
 sed os quoq; totum lauandum est: ut sine noxa postea cutis increseat.  
 quæ aspero osse innascens protinus non sanitatem, sed novos dolores  
 mouet. patefacto cerebro qua ratione agendum sit, dicam, cum ad fra  
 cta ossa peruenero. si basis aliqua seruata est, superimponenda sunt  
 medicamenta non pingua, quæ recentibus uulneribus accommodan  
 tur: supraq; imponenda lana succida oleo, atq; aceto madens. ubi tē  
 pus processit, ab ipso ore caro increscit, eaq; factum manu sinum cō



plet. si quod etiam os adustum est, à parte sana recedit: subitq; inter integram atq; emortuam partem caruncula: quæ quod abscessit, expellat. eaq; ferè quia testa tenuis, & angusta est: squama, idest λεπίς à græcis nominatur. Potest etiam euenire, ut ex ictu neq; findatur os, neq; perfringatur: sed summum tamē collidatur, exaspereturq;. quod ubi incidit, radi, & lauari satis est. hæc quauis maxime fiunt in capite, tamen cæteris quoq; ossibus communia sunt: ut ubicunq; idem incidet, eodem remedio sit utendum atq; cum ea fracta, fissa, forata, collisa sint: quasdam proprias in singulis generibus, quasdam communes in pluribus curationes requirunt. de quibus protinus dicam, initio ab eadem caluaria accepto.

## De caluariæ curatione.

## Cap. IIII.

i Citur ubi ea pertusa, protinus requirendum est, num bilis homo uomuerit: num oculi eius obæcati sint: num obmutuerit: num per nares, aures uel sanguis ei effluerit: nū coniderit: num sine sensu quasi dormiens iacuerit. hæc enim non nisi osse fracto eueniunt. atq; ubi inciderunt, scire licet necessariam, sed difficilem curationem esse. si uero etiam torpor accessit, si mens non constat, si neruorum uel resolutio, uel distentio secuta est: uerisimile est etiam cerebri membranam esse uiolatam: eoq; in angusto magis spes est. at si nihil horum secutum est, potest etiam dubitari an os fractum sit. & protinus considerandum est, lapide, an ligno, an ferro, an alio telo percussum sit. et hoc ipso leni, an aspero, mediocri, an uastiore: uehementer, an leniter. quia quo mitior ictus fuit, eo facilius os ei restitisse credibile est. sed nihil tamen melius est, quàm certiore id nota explorare. ergo qua plaga est, demitti specillum oportet, neq; nimis tenue, neq; acutum: ne cum in quosdam sinus naturales incidet, opinionem fracti ossis frustra faciat: neq; nimis plenum, ne parum le rimulæ fallant. ubi specillum ad os uenit, nihil nisi lene, & lubricum occurrit: integrum id uideri potest. si quid asperi est, utique qua suturæ non sint, fractum os esse testatur. à futuris se deceptum esse Hippocrates memoriæ prodidit more scilicet magnorū uirorū, & fiducia magnarū rerum habentium. nam leuia ingenia, quia nihil habent: nihil sibi detrahunt. magno ingenio, multaq; nihilominus habituro conuenit etiā simplex ueri erroris confessio, præcipueq; in eo ministerio quod utilitatis causa posteris traditur. ne qui decipiatur eadē rōne, qua quis ante deceptus est. sed hæc quidem alioquin memoria magni professoris uti interponeremus effecit. potest aut futura eo no-



mine fallere. quæ æque aspera est, ut aliquis hanc esset, etiam si rima est, existimet eo loco, quo subesse hanc uerisimile est. ergo eo nomine decipi non oportet. sed os aperire tutissimum est. nam neque utique certa sedes ut supra posui, suturarum est: et potest idem, et naturaliter commissum, et ictu fissum esse: iuxta uero aliquid fissum habere. Quin aliquid etiam, ubi ictus fuerit uehementior, quamuis specillo nihil inuenitur: tamen aperire commodius est. at si ne tum quidem rima manifesta est, inducendum super os attramentum scriptorium est: deinde scalpro id detrahendum. nigritiem enim continet si quid fissum est. solet etiam euenire, ut altera parte fuerit ictus, et os altera fiderit. itaque si grauiter aliquis percussus est, si mala inditia subsecuta sunt, neque ea parte qua cutis discussa est, rima reperitur: non incommodum est parte altera considerare, nunquis locus mollior sit, et tumeat: eumque aperire. si quidem ibi fissum os reperietur. nec tamen magno negotio cutis sanescit, etiam si frustra detecta est. os fractum nisi succursum est, grauius inflammationibus afficit: difficiliusque postea tractatur. raro, sed aliquando tamen euenit, ut os quidem totum integrum maneat: intus uero ex ictu uena aliqua in cerebri membrana rupta, aliquid sanguinis mittat. isque ibi concretus magnos dolores moueat: oculos quibus obcecet. sed ferè contra id dolor est, et eo loco cute incisa pallidum os reperitur. ideoque id quoque os excidendum est. quacumque autem de causa curatio hæc necessaria est, si nondum satis cutis patefacta est, latius aperienda est, donec quicquid læsum est, in conspectu sit. in quo ipso uidendum est, nequid ex ipsa membrana, quæ sub cute caluariam cingit, super os relinquatur. si quidem hæc scalpro, terbris uero lacerata uehementes febres cum inflammationibus excitat. itaque eam commodius est ex toto ab osse diduci. plagam, si ex uulnere est, talem necesse est habeamus, qualem acceperimus. si manu facienda est, ea ferè commodissima est, quæ duabus transversis lineis litteræ X. figuram accipi: ut deinde à singulis procedentibus lingulis cutis subsequatur. inter quæ si sanguis fertur, spongia subinde in aceto tincta cohibendus est: occupandusque obiectis linamentis. et caput altius excitandum. neque id uicium ullum metum, nisi inter musculos, qui tempora continent, affert: sed ibi quoque nihil tutius fit. In omni uero fisso, fracto uero osse protinus antiquiores medici ad ferramenta ueniebant: quibus id exciderent. sed multo melius est, ante emplastra experiri, quæ caluariæ causa componuntur: eorumque aliquid oportet ex aceto mollium per se super fissum, fractum uero os imponere. deinde super id aliquanto latius quam uulnus est, eodem medicamento illitum lintolū, et præterea succidam lanam aceto tinctam. tunc uulnus deligare, et quotidie



quotidie resolvere, similiterq; curare usq; ad diem quintum. à sexto die etiam uapore aquæ calidæ per spongiam fouere. cætera ex eadem facere. quod si caruncula increfcere cœperit, & febricula, aut soluta erit, aut leuior & cupiditas cibi reuerterit, satisq; somni accedet: in eodem medicamento erit perseverandum. Procedente deinde tempore emolliendum id emplastrum adiecto cerato ex rosa factum, quo facilius carnem producat. nam per se reprimendi uim habet. hac ratione sæpe rimæ callo quodam implentur, estq; ea, ossis uelut cicatrix. & latius fracta ossa, si quā inter se non cohærebant, eodem callo glutinantur: estq; aliquanto melius uelamentum cerebro, quā caro quæ exciso osse increfcit. si uero sub prima curatione febris intenditur, breuesq; somni, & idem per somnia tumultuosi sunt, ulcus madet: neq; alitur: & in ceruicibus glandulæ oriuntur: magni dolores sunt: cibiq; super hæc fastidium increfcit: tum demum ad manum, scalpriumq; ueniendum est. duo uero sub ictu caluariæ pericula sunt, ne uel findatur, uel medium desidat: si fissum est, possunt oræ esse compressæ: uel quia altera super alteram excessit: uel etiam quia uehementer rursus se commiserunt. ex quo euenit ut humor ad membranam quidem descendat, exitum uero non habeat: ac sic eam irritet, & graues inflammationes moueat. ubi medium desedit, eandem cerebri membranam os urget. interdum etiam ex fractura quibusdā uelut aculeis pungentibus: his ita succurrendum est, ut tamen quam minimum ex osse dematur. ergo si ora alteri insedit, satis est id quod eminet plano scalprio excidere. quo sublato iam rima hiat quantum curationi satis est. at si oræ inter se comprimuntur, à latere eius interposito digiti spacio, terebra foramen faciendum est: ab eoq; scalper duabus lineis ad rimam agendus ad similitudinem. C. litteræ, sicut uertex eius à foramine basis ad rimas it: quod si rima longius patet, ab altero foramine rursus similis sinus fieri debebit: & ita nihil latens in eo esse concitum est: abundeq; exitus datur intus lædentibus. ne si fractum quidem os desedit, totum excidi necesse est. sed siue totum perfractum est, & ab alio ex toto recessit, siue circumpositæ caluariæ inhæret, exigua parte ab eo quod naturaliter se habet, scalprio diuidendum est. deinde in eo quod desedit, iuxta rimam quam fecimus, foramina addenda sunt. si in angusto noxa est, duo. si latius patet, tria, septaq; eorum excidenda: & tum scalper utrinque ad rimam agendus sic, ut lunatum sinum faciat: imaq; pars eius intus ad fracturam, cornua ad os integrum spectent. deinde si qua labent, & ex facili remoueri possunt, forfice ad id facta colligenda sunt, maximeq; ea quæ acuta membranam infestant: si id ex facili fieri non po-



## LIBER

rest: subiicienda lamina est, quam custodem eius membranæ esse pro-  
 posui: & super eam quicquid spinosum est, & intus eminent, excidē-  
 dum est, eadem lamina quicquid deorsum insedit, attollendum. hoc  
 genus curationis effiat, ut qua parte fracto ossa tamen inhaerent, soli-  
 dentur. qua parte abrupta sunt, sine ullo tormento sub medicamento  
 tempore excidant. spatiumq; inter hæc satis illi magnum ad extra-  
 hendam sanem relinquatur: plusq; in osse propugnaculi cerebrum  
 habeat, quàm habiturum fuit eo exaso. his factis ea membrana acri  
 aceto respergenda est, ut siue aliquid sanguinis ex ea profluit, cohibe-  
 atur: siue intus concretus cruor remanet, discutiatur. tum idem me-  
 dicamentum eodem modo, qui supra positus est, mollitum ipsi mem-  
 branæ imponendum est. cæteraq; eodem modo facienda sunt, quæ ad  
 linteolum illitum, & lanam succidam pertinent. collocandusq; in loco  
 intepido: & curandum quotidie vulnus, his etiam æstate. quod si mē-  
 brana per inflammationem intumuerit, infundenda erit rosa tepi-  
 da si usq; eo tumebit, ut super ossa quoq; emineat: coercebit eam bene  
 trita lenticula, uel folia uitis contrita, & cum recenti uel butyro, uel  
 adipe anserino mixta, ceruixq; molliri debet liquido cerato ex iri-  
 no facto. at si parum pura membrana uidebitur par modus eius em-  
 plastri, & mellis miscendus erit, idq; superinfundendum, eiusq; con-  
 tinendi causa unum, aut alterum linamentum iniiciendum, & super  
 linteolo, cui emplastrum illitum sit, contegendum. ubi plus pura mem-  
 brana est, eadem ratione adiiciendum emplastro ceratum, ut carnē  
 producat quod ad abstinentiam uero & primos, ultioresq; cibos, po-  
 tionesq; pertinet. eadem quæ in uulneribus præcepi, seruanda sunt:  
 eo magis, quo periculosius hæc pars afficitur. quin etiam cum iā nō  
 solum substineri, sed aliis his quoq; apparebunt: tamen erunt uitanda  
 quæcunq; mandenda sunt. item fumus, & quicquid exdat sternuta-  
 mentum spem uero certam faciunt membrana mobilis ac sui coloris,  
 caro increfcescens rubicunda, facilis motus maxillæ, atq; ceruicis. mala  
 signa sunt. membrana immobilis nigra, uel liuida, uel aliter coloris  
 corrupti, dementia, acris uomitus, neruorum uel resolutio, uel disten-  
 tio: caro liuida, maxillarum rigor, atq; ceruicis. cæteraq; quæ ad so-  
 mnium, cibi desiderium, febrem, puris colorem attinent: eadem quæ  
 in cæteris uulneribus, uel salutaria, uel mortifera sunt: ubi bene res  
 cedit, incipit ab ipsa membrana, uel si os eo loco duplex est, inde  
 quoq; caro increfcescere: eaq; id, quod inter ossa uacuum est, replet. non-  
 nunquam etiam super caluariam excrescit. quod si incidit, insper-  
 genda squama æris est, ut id reprimat, cohibeatq; ea carni superdā-  
 do quæ ad cicatricem perducat. omnibusq; ea locis commode inducas



tur, excepta frontis ea parte, quæ paulum super id est, quod inter supercilia est. ibi enim uix fieri potest, ut non per omnem ætatem sit exulceratio, quæ linteolo medicamentum habente contingenda sit: illæ utiq; capite fracto seruanda sunt: ut donec iam ualida cicatrix erit soluenda, uidentur frequens balneum, maior uini modus.

De narium fractarum curatione. Cap. V.

*i* N naribus uero & os, & cartilago frangi solet, et quidem modo aduersa, modo à latere: si aduersa fracta sunt, alterum'ue ex his, nares desidunt, difficulter spiritus trahitur. si à latere os fractum est. is locus cauus est. si cartilago, in alterā partem nares declinantur. quicquid in cartilagine incidit, excitandū leniter est, aut subiecto specillo, aut duobus digitis utrinq; compressis. deinde in longitudinem implicata linamenta & molli pellicula cineta, circumfutaq; intus adijcenda sunt. aut eodem modo compositum aliquid ex arido penicillo. aut grandis pinna gummi, uel fabрили glutine illita, & molli pellicula circumdata, quæ desidere cartilagine non sinat. sed si aduersa ea fracta est, æqualiter utraq; naris implenda est. si à latere, crassius esse debet ab ea parte in qua nasus iacet, ab altera tenuius in id quod inseritur. extrinsecus autem circumdanda habena est mollis media illita mixtis inter se similia, & turis fuligine. eaq; ultra aures ducenda, & fronti duobus capitibus agglutinanda est. id enim corpori quasi gluten inhaerescit: & cum induruit nares commode continet sin quod intus inditum est, lædit: sicut maxime fit, ubi interior cartilago perfracta est, excitatae nares eadem tantummodo habena continendæ sunt. deinde post quatuordecim dies id ipsum demendum est. resoluitur autem aqua calida: eaq; tum is locus quotidie fouendus est. sin os fractum est, id quoq; digitis in suam sedem reponendum est. atq; ubi aduersum, ut dictum est, utraq; naris implenda est. ubi à latere, ea inquam os impulsum est. imponendūq; ceratum, & paulo uehementius deligandum est: quia callus eo loco non ad sanitatem tantummodo, sed etiam ad tumorem increscit. à tertio die fouendum id aqua calida est: tantoq; magis, quanto propius esse sanitati debet. quod si plura erunt fragmenta, nihilominus extrinsecus singula in suas sedes digitis erunt compellenda: imponendaq; extrinsecus eadem habena, & super eam ceratum, neq; ultra fascia adhibenda est. at si quod fragmentum undique resolutum cum cæteris non glutinabitur, intelligetur quidem ex humore, qui multus ex uulnere feretur: uol sella uero extrahetur. finis



## LIBER

tisq; inflammationibus imponetur aliquod medicamentum ex ijs, quæ leniter reprimunt. peius est ubi aut ossi, aut cartilagini fractæ cutis quoq; vulnus accessit. id admodum raro fit: si incidit, illa quidem nihilominus eadem ratione in suas sedes excitanda sunt. cuti uero super imponendum emplastrum aliquod ex his, quæ recentibus vulneribus accommodata sunt: sed insuper nullo vinculo deligandum est.

### De aurium fractarum curatione. Cap. VI.

i N aure quoq; interdum rumpitur cartilago. quod si incidit, antequam pus oriatur, imponendum glutinans medicamentum est. sæpe enim suppurationem prohibet, & aurem cōfirmat. illud & in hac, & in naribus ignorari non oportet: non quod eam cartilaginem ipsam glutinari, circa tamen carnem incrementum solidariq; eum locum. itaq; si cum cute cartilago rupta est, cutis utrinq; sinitur. nunc autem de ea dico, quæ cute ita frangitur. in ea uero si iam pus natum est, aperienda altera parte cutis: & ipsa cartilago cōtra lunata plaga excidenda est. deinde utendum est medicamento leniter supprime, quale lycium est aqua dilutum, donec sanguis fluere desinat. tum imponendum linteolū cum emplastro sic, ut pingue omne uideatur: & à parte posteriore lana mollis auri subiicienda est: quæ, quod est inter hanc & caput, compleat. tum ea leniter deliganda est: & à tertio die uapore, ut in naribus posui, fouenda. atq; in his quoq; generibus abstinentia primi temporis necessaria est, donec inflammatio finiatur.

### De maxillæ fractæ curatione, deq; quibusdam ad omnia ossa pertinentibus. Cap. VII.

a B his ad maxillam uenturus indicanda quædam puto communiter ad omnia ossa pertinentia, ne sæpius eadem dicenda sint. Omne igitur os modo rectum ut lignum in longitudinem finditur: modo frangitur transuersum: interdum obliquum, atq; id ipsum nonnunquam retusa habet capita: nonnunquam acuta. quod genus pessimum est: quia neq; facile committuntur, quæ nulli retuso inmittuntur, & carnem uulnerant: interdum neruum quoque, aut muscolum: quin etiam aliquando plura fragmenta à fragmento fiunt. sed in alijs quidem ossibus ex toto sæpe fragmentum à fragmento recedit. Maxillæ uero semper aliqua parte, etiam uexata ossa inter se coherent. igitur in primis digitis duobus utrinq; prementibus, & ab ore, & ab cute omnino ossa in suam sedem compellenda sunt. deinde



inde si trasversa maxilla fracta est, sub qua casu ferè dēs super proximum dentem excedit: ubi ea in suam sedem collocata est: duo proximi dentes, aut si hi labant, posteriores inter se seta deligandi sunt. id in alio genere fracturæ supernacuum est. cætera eadem facienda sunt. nam linteolum duplex madens uino, & oleo super iniiciendum cum eadem simila, & eadem turis fuligine est. deinde aut fascia, aut mollis habena media in longitudinem inosa, ut utrinq; mentum complectatur, & inde capita eius supra caput adducta ibi deligantur. illud quoq; ad omnia ossa pertinens dictum erit: famem primum esse necessariam: deinde à die tertio humidum cibum, sublata inflammatione paulo plenior: eumq; qui carnem alat, per omne tempus uinum esse alienum. deinde tertio die resolui debere: foueriq; per spongiam uapore aquæ calidæ: eademq; quæ primo fuerunt super dari. item die quinto fieri, & donec inflammatio finiatur: quæ uel octauo die, uel septimo ferè resoluitur. ea sublata, rursus ossa esse tractanda, ut si quod fragmentum loco suo non est, reponatur. neq; id esse soluendum, nisi duæ partes eius temporis, intra quod quæq; ossa conseruntur, transierint. ferè uero intra quartumdecimum & unum et uigesimum diem sanescunt maxilla, malæ, iugulum, pectus, latus, os scapularum, costæ, spina coxarum, os tali, calx, manus, planta. inter uigesimum & trigesimum diem crura, brachiaq;: inter septimū & uigesimum & quadragesimum humeri, & foemina. sed in maxilla illud quoq; adiiciendum est, quod humidus cibus diu assumendus est. atq; etiam cum tempus processit, in lagano, similibusq; alijs perseuerandum, donec ex toto maxillam callus firmarit. item utique primis diebus habendum silentium.

De iuguli fracti curatione. Cap. VIII.

iugulum uero si transversum fractum est, nonnunquam per se rursus recte coit: & nisi mouetur, sanari sine iunctura potest. nonnunquam uero, maximeq; ubi motum est, elabitur. ferèq; id quod à pectore, sub id quod ab humero est, in posteriorem partem inclinatur. cuius ea ratio est, quod per se non mouetur: sed cum humeri motu consentit. itaq; eo subsistente sub id humerus agitur. raro uero admodum in priorem partem iugulum inclinatur: adeo ut magni professores nunquam se uidisse memorie mandarent. sed locuples tamen eius rei auctor Hippocrates est. uerū ut dissimilis uterq; casus est, sic quædam dissimilia requirit. ubi ad scapulas iugulum tendit, simul dextra manu planè propellendus in posteriorem partem humerus est, & illud in priorem attrahendum. ubi ad



pectus conuersum est: ipsum quidem retro dandum: humerus autem in priorem partem adducendus est. ac si is inferior est, non id quod à pectore est, deprimendum est, quia immobile est: sed humerus ipse attollendus. si casu superior est, id quod à pectore est: implendum lana: & humerus ad pectus deligandus est. si acuta fragmenta sunt, incidi contra cutis debet: ex ossibus ea, quæ carnem vulnerant, præcidenda sunt. tunc retusa ossa cõmittenda sunt. si quod ab aliqua parte eminet, opponendum ei triplex linteolum est in uino, & oleo tinctum si plura fragmenta sunt, excipienda sunt ex ferula facto canaliculo, eodemq; intus incerato, ne fasciâ diducatur. quæ iugulo composito circumdanda est sæpius, potius quàm ualentius. quod ipsum quoq; in omnibus ossibus fractis perpetuum est. à dextro uero iugulo, si id fractum est, ad alam sinistram: à sinistro ad dextram: rursusq; sub ala sua fasciari debet. post hæc si iugulum ad scapulas inclinatum est, brachium ad latus. si in partem priorem, ad ceruicem deligandum est. supinusq; homo collocandus: cæteraq; eadem facienda, quæ supra comprehensa sunt. sunt uero plura ossa ferè immobilia uel dura, uel cartilaginosa, quæ uel franguntur: uel forantur: uel colliduntur: uel finduntur. ut malæ, pectus, latus, os scapularum, costæ, spina costarum, os tali, calx, manus, planta. horum omnium eadem curatio est, si supra uulnus est, id suis medicamentis nutriendum est. quo sanescente rimas quoq; ossis, aut si quod ferrumen est, callus implet. si cutis integra est, & os læsum esse ex dolore colligimus: nihil aliud, quàm quiescendum: imponendumq; ceratum est, & leniter deligandum, donec sanitate ossis dolor finiatur.

## De costarum fractarum curatione. Cap. IX.

**P**roprie tamen quedam de costa dicenda sunt: quia iuxta uiscera est: grauioribusq; periculis is locus expositus est. hæc quoq; igitur interdum sic finditur, ut ne summum quidem os, sed interior pars eius, quæ rara est, lædatur: interdum fit, ut eã totam is casus perruperit. si tota fracta nõ est, nec sanguis expuitur: nec febricula sequitur: nec quicquam suppurat, nisi admodum rare, nec dolor magnus est: tactu tamen is locus leniter indolescit: abunde est eadem, quæ supra scripta sunt, facere: & à media fasciâ incipere deligare, ne in alterutram partem hæc cutem inclinet. ab uno uero & uigesimo die quo utiq; os esse debet glutinatum, id agendum. cibis uberioribus est utendum, ut corpus quampleniissimũ fiat: quo melius os uestiat. quod illo loco tenerũ, adhuc iniuriæ sub tenui cute ex-



positum est. per omne autem tempus curationis vitandus clamor, sermo quoque, tumultus, ira, motus uehementior corporis, fumus, puluis: et quicquid uel tussim, uel sternutamentum mouet. ne spiritum quidem magnopere continere expedit. at si tota costa perfracta est, casus asperior est. nam et graues inflammationes, et febris, et suppuratio, et saepe uitae periculum sequitur: et sanguis spuitur. ergo si uires patiuntur ab eo brachio, quod super eam costam est, sanguis mittendus est. si non patiuntur, alius tamen sine ullo acri ducenda est: diutiusque inedia pugnandum. panis uero ante septimum diem non assumendus: sed una sorbitione uiuendum: imponendumque ei loco ceratum ex lino factum: cui cocta quoque resina adiecta sit: aut Polyarchi malagma, aut panacis ex uino, et rosa, et oleo: superque imponenda lana succida, mollis, et duae fasciae à medijs orsae, minimaeque astrictae. Multo uero magis omnia uitanda, quae supra posui, adeo ut ne spiritus quidem saepius mouendus sit. quod si tussis insistat, ad id potio sumenda erit, uel ex tryxagine, uel ex ruta, uel ex herba stycheae, uel ex cumino, et pipere. Grauioribus uero doloribus urgentibus cataplasma imponi quoque conueniet, uel ex lolio, uel ex hordeo, cui pinguis sit tertia pars sui adiecta. et id quidem interdum superiacebit nocturno uero idem aut ceratum, aut malagma, aut pannus: quia potest cataplasma decidere. ergo quotidie quaeque resoluatur, donec iam cerato, aut malagmate pessimus esse contenti. et decem quidem dies us extenuabitur fane corpus. ab undecimo uero alii incipit idcircoque etiam laxior quamprimum fasciae circumligabitur: fereque ea curatio ad quadragesimum diem perueniet: quae si modus erit suppurationis, plus malagma quam ceratum ad digerendum proficiet. si suppuratio uicerit neque per quae suprascripta sunt discuti potuerit, omnis mora uitanda erit, ne os infra uicietur. sed qua parte maxime tumebit, demittendum erit candens ferramentum, donec ad pus perueniat: idque effundendum si nusquam caput se ostendit: ubi maxime pus subit, sic intelligimus: creta amolia totum locum illinimus, et si cari patiemur. quo loco maxime humor in ea persuerauit, ibi pus proximum erit: eaque uti debet. si latius aliquid abscedet, duobus aut tribus locis erit perforandum: demittendum erit linamentum, aut aliquid ex penicillo. quod summum lino sit deuinctum ut facile educatur. reliqua eadem, quae in caeteris adustis facienda sunt. ubi purum erit ulcus, ali corpus debet, ne tabes perniciose futura id malum subsequatur. nonnunquam etiam leuius ipso osse affecto et inter initia neglecto, non pus, sed humor quidam mucus similis intus coit: mollescitque contra tactum, in qua simili uestione utendum est.



## LIBER

### De spinæ curatione.

**I**n spina quoque est quod proprie notemus. nam si id quod ex uertebra excedit, aliquo modo fractum est: locus quidem concavus fit: punctiones autem in eo sentiuntur, quia necesse est ea fragmenta spinosa esse. quo fit ut homo in interiorem partem subinde nitatur. hæc noscendæ rei causa sunt. medicamentis uero hisdem opus est: quæ plurima parte huius capitis exposita sunt.

### De humerorum, brachiorum, femorum, crurum, digitorum fracturâ, uel euulsorum, communibus curationibus. Cap. X.

**S**imiles rursus ex magna parte casus curationes quæ sunt humeris, & femoribus: communia etiam quædam humeris, brachijs, femoribus, cruribus, digitis. si quidem ea minime periculose media franguntur. quò propior fractura capiti uel superiori uel inferiori est: eò prior est. nam & maiores dolores affert: & difficilius curatur. ea maxime tolerabilis est simplex, transuersa. peior ubi fragmenta, atque ubi obliqua. pessimum ubi eadem acuta. nonnunquam autem fracta in his ossa in suis sedibus remanent: multo sæpius excidunt: aliudque super aliud effertur. idque ante omnia considerari debet. & sunt notæ certæ. si suis sedibus mota, resima, punctioisque sensum representant, tactu inæqualia sunt. si uero non aduersa, sed obliqua iunguntur, quod fit, ubi loco suo non sunt: membrum id altero latere breuius est: & musculi eius tument. ergo si hoc depressum est, protinus id membrum oportet extendere. nam nerui, musculique intenti per ossa contrahuntur: neque in suum locum ueniunt: nisi illos per uim aliquis intendit. rursus si primis diebus id obmissum est, inflammatio oritur: sub qua & difficile, & periculose uis nervis adhibetur. nam distentio nervorum uel cæcer sequitur: uel certum, ut mitissime alatur, pus. itaque si ante reposita ossa non sunt, postea reponenda sunt. intendere autem digitum, uel aliud quoque membrum: si adhuc tenerum est, etiam unus homo potest, cum alteram partem dextra, alteram sinistra prendit. ualentius membrum duobus eget: qui in diuersa contendant. si firmiores nerui sunt, ut in uiris robustis, maximeque eorum feminibus, & cruribus euenit: habenis quoque uel linteis fascijs utrinque capita articularum deliganda, & per plures in diuersa ducenda sunt. ubi paulo longius quam naturaliter esse debet membrum uis fecit. tunc demum ossa manibus in suam sedem compellenda sunt: inditumque ossi repositi est dolor sublatus. & membrum alteri parti æquatum inuoluendum duplicibus triplicis panni, & in uino, & oleo tinctis



quos linteos esse commodius est. ferè uero his sex opus est. prima bre-  
uissima adhibenda, quæ circa fracturam ter uoluta sursum uersum  
feratur, & quasi in coelea serpat: satisq; est eam ter hoc quoq; modo  
circuire. altera diuidio longiore, eaq; qua parte os eminet, ab ea si to-  
tum æquale est, unde libet super fracturam debet incipere priori  
aduersa: deorsum a tendere, atq; iterum de fractura reuersa in superio-  
re parte ultra priorem fasciam desinere. super has iniiciendum latio-  
re linteo ceratum est, quod eas contineat. ac si qua parte os eminet,  
triplex ea pannus obijciendus eodem uino & oleo madens. hæc ter-  
tia fascia comprehendenda sunt: quartaq; sic, ut semper insequens  
priori aduersa sit: & tertia tantum inferiore parte tres in superio-  
re faciant: quia satius est sæpius circuire, quàm adstringi. si quidem  
id quod adstrictum est, alienatur: & cancro opportunum est: articulum  
autem quamminime uincire opus est. sed si iuxta hunc os fractum est,  
necesse est. deligatum uero membrum in diem tertium continendum  
est. eaq; iunctura talis esse debet, ut primo die nihil offenderit: non  
tamen laxa uisa sit: secundo laxior: tertio iam penè resoluta. ergo tunc  
rursum id membrum deligandum: adiiciendaq; prioribus quinta fa-  
scia est: iterumq; quinto resoluendum est: & sexta fasciis inuoluen-  
dum sic, ut tertia & quinta infra ceteræ supra finiantur. quotiens-  
cunq; autem soluitur membrum, calida aqua fouendum est. sed si iux-  
ta articulum fractura est: diu instillandum uinum est, exigua par-  
te olei adiecta, eademq; omnia facienda donec adeo inflammatio sol-  
uatur: uel leuius quoq; quàm ex consuetudine id membrum fiat: quod  
si septimus dies non dedit, certe nonus exhibet. tum facillime ossa tra-  
ctantur. rursus ergo si parum commissa sunt, committi debent. si qua  
fragmenta eminent, in suas sedes reponenda sunt. deinde eodem mo-  
do membrum deligandum, ferulæq; super acomodandæ sunt: quæ fi-  
scæ, circumpositæq; ossa in sua sede contineant: & in quam partem  
fractura inclinat, ab ea latior, ualentiorq; ferula imponenda est.  
easq; omnes citra articulum esse oportet resimas, ne hunc lædant: nec  
ultra astringi, quàm ut ossa contineant, & cum spatio laxentur: tertio  
quoq; die paulum habenis suis coartari: ac si nulla prurigo, nullus do-  
lor est, sic manere donec duæ partes eius temporis quod quoq; os cõ-  
seruet, compleantur: postea leuius aqua calida fouere: quia primo di-  
geri materiam opus est: tum euocari. ergo cerato quoq; liquido id ple-  
niter est unguendum: perfricandaq; summa cutis est: laxiusq; id deli-  
gandum est. tertio quoq; die soluendum sic, ut remota calida aqua ce-  
tera eadem fiant. tantummodo singulæ fasciæ quotiens resolutæ fue-  
rint subtrahantur.



## LIBER

### De fracti humeri curatione.

**N**ec communia sunt: illa propria. siquidem humerus fractus non sic, ut membrum aliud intenditur. sed homo collatur alto sedili: medicus autem humilior aduersus: una fascia brachium amplexa ex ceruice ipsius, qui latus est, id sustineat. altera ab altera parte super caput data, ibi accipit nodum. Tertia iuncto imo humero deorsum denattitur, ibi quoque capitibus eius inter se iunctis: deinde ab occipitio ipsius minister sub ea fascia, quam secundo loco posui: correpto si dexter humerus ducendus est dextro: si sinister, sinistro brachio demissum inter femina eius, qui curatur, baculum tenet. medicus super eam fasciam de qua tertio loco dixi, planam inijcit dextram: si sinister, sinistram, si dexter humerus sumatur. simulque alteram fasciam minister attollit: alteram premit medicus. quo fit ut leniter humerus extendatur. fasciis uero, si medium aut inuolutum fractum est, breuioribus opus est: si summum, longioribus. ut ab eo sub altera quoque ala perfectus, & scapulas porrigantur. protinus uero brachium cum deligatur, sic inclinandum est, id quod afficit, ut ante fascias quoque sic figurandum sit, ne postea suspensum aliter aliter cum deligabatur, humerum inclinet. brachioque sustinens ipse quoque humerus ad latus leniter deligandus est. perque fit, ut minime moueatur: ideoque ossa sic se habent, ut aliquis composuit. cum ad ferulas uentum est, extrinsecus esse earum longissimae debent, à lacerto breuiiores: sed sub ala breuissimae. saepiusque eae resoluendae sunt, ubi in uicinia cubiti humerus fractus est: ne ibi nervi rigescant: & inutile brachium efficiant. quotiens soluae sunt, fractura manus continenda: cubitus aqua calida fouendus, & molli cerato perfricandus: ferulaeque uel omnino non imponendae contra eminentia cubiti: uel aliquanto breuiiores sunt.

### De brachij fracti curatione.

**S**i brachium fractum est, in primis considerandum est alterum os, an utrumque comminutum sit: non quo alia in eiusmodi casu curatio admouenda: sed primum ut ualentius extendatur, si utrumque os fractum est: quia necesse est minus nervos contrahi altero osse integro, eosque intendente. deinde ut curiosius omnia in continendis ossibus fiant: si neutrum alteri auxilio est. nam ubi alterum integrum est, plus opis in eo, quam in fasciis, ferulisque est. deligari autem brachium debet paulum pollice ad pectus inclinato: siquidem is maxime brachij naturalis habitus sit: idque inuolutum scapula commodissime excipitur: quae latitudine ipsi brachio per angu-



his capitibus collo inijcitur: atq; ita commode brachium ex ceruice suspendum est. idq; paulum supra cubiti alterius regionē pendere oportet. quod si ex summo cubito id factum sit, glutinare id uinciēdo alienum est. fit enim brachium immobile. ac si nihil aliud quam dolori occursum est, idem qui fuit eius usus est.

De crurum femorumq; fractorum curatione.

**i** N crure æque ad rem pertinet alterum saltem os integrum manere: commune uero ei femoriq; est. quod ubi deligatum est, in canalem coniiciendum est. is canalis & inferiori parte foramina habet: per quæ si quis humor excesserit, descendat: & à planta moram, quæ simul & sustineat eam: et delabi non patiatur: & à lateribus cana, perq; loris datis mora quidem, crus, femurq; ut collocatum est, detineat. esse etiam is debet à planta si crus fractum est, circa poplitem. si femur, usq; ad coxam. si iuxta superius caput femoris sic, ut ipsa quoq; ei coxa sit. neq; tamen ignorari oportet si femur fractum est, fieri breuius: quia nunquam in antiquum statum reuertitur: summisq; digitis postea cruris eius insisti. sed multa tamē femori debilitas est: ubi fortunæ negligentia quoq; accessit.

De fracti digiti curatione.

Digitum satis est ad unum furculum post inflammationem deligari.

Communes curationes ad humeros, brachia, crura, femina, digitosq; confractos pertinentia.

**h** Is proprie ad singula membra pertinentibus, rursus illa communia sunt, primis diebus fames: deinde tum cū iā increcere callū oportet, liberalius alimentum. longa à uino abstinentia: fomentum aquæ calidæ. dū inflāmatio est, liberale. cum ea desit, modicum. tum etiam longior ulterioribus et liquido cerato membris, et mollis tamen unctio. neq; protinus exercendū id membrum: sed ad antiquos usus reducendum est. grauius aliquanto est, cum ossis fracturæ carnis quoq; uulnus accessit: maximeq; si id musculi femoris, aut humeri senserunt. nam & inflammationes multo grauiiores, & proptiores caneros habent. ac femur qdem si ossa inter se cesserunt, ferè præcidi necesse est. humerus uero quoq; in periculum uenit: sed facilius conseruatur. quibus periculis etiam magis id expositum: quod iuxta ipsos articulos ictum est. curiosius igitur agendum est: et musculus qdem per mediam plagam transversus præcidendus. sanguis uero, si parū fluxit, mittendus. corpus in media extenuandum: ac reliqua qdem



## LIBER

membra lentius intendenda: & lenius in his ossa in suam sedem reponenda sunt. his uero neq; intendi nervos, neq; ossa tractari satis expedit. ipsiq; homini permittendum est, ut sic ea collocata habeat: quæ admodum minime lædunt. Omnibus autem his uulneribus imponendum primo linamentum est uino madens: cui rosæ paulum admodum adiectum sit. cætera eadem deliganda fasciis sunt, aliquanto quàm uulnus latioribus, laxius scilicet, quàm si ea plaga non esset. quanto facilius & alienari, & occupari cancro uulnus potest numero potius fasciarum id agendum est: ut laxæ quoq; æque contineant. quod in femore, humeroq; sic fiet, si ossa forte recte concurrerint. sin aliter se habebunt, eatenus circumdari fascia debet, ut impositum medicamentum contineat. cætera eadem quæ supra scripsi: facienda sunt: præterquam quod neq; ferulis, neq; canalibus, inter quæ uulnus sanescere non potest. sed pluribus tantummodo, & latioribus fasciis opus est: ingerendumq; subinde in eas est calidum oleum, & uinum: magisq; in primo, fame utendo uulnus calida aqua fouendum: frigusq; omni ratione uitandum: & transeundum ad medicamenta, quæ puri mouendo sunt: maiorq; uulneri quàm ossi cura agenda. ergo quotidie soluendum, nutriendumq; est. inter quæ si quod paruum fragmentum ossis eminet, id si retusum est, in suam sedem dandum: si acutum, ante acumen eius longius est præcidendum: si breuius limandum: et utrinq; scalp pro limandum. tum ipsum recondendum est. ac si id manus facere non potest, uolsella, quali fabri utuntur, iniicienda est. recte se habenti capiti ab ea parte, qua si ma est: ut ea parte qua abra est, eminens os in suam sedem compellat. si id maius est, membranulisq; cinguntur, sinere oportet ea sub medicamentis resolui: idq; os, ubi iam nudatum est, abscidere: quod maturius scilicet faciendum est: potestq; ea ratione & os coire: & uulnus sanescere. illud suo tempore: hoc prout se habet. nonnunquam etiam in magno uulnere euenit ut fragmenta quædam uelut emoriantur: neq; cum cæteris coeant. quod hic quoq; ex modo fluentis humoris colligitur. quò magis necessarium est, sæpius ulcus resolvere, atq; nutrire. sequitur uero ut id os per se post aliquot dies excidat: cum tam misera antea conditio uulneris sit. tamen id interdum maius, diutiusq; facies. sæpe enim integra cutis osse abrumpitur: protinusq; prurigo, & dolor oritur. quæ soluere, si accidit, maturius oportet: & fouere aqua per æstatem frigida: per hyemem egelida: deinde ceratum myrtum imponere. interdum fractura quibusdam uelut aculeis carnem uexat: quo à prurigine, & punctiõibus cognito, aperire id melius, eosq; aculeos præcidere necesse habet. Reliqua uero curatio in utroque hoc casu eadem



est: quæ ubi ictus protinus intulit puro iam ulcere. cibus hic quoque utendum est carnem producentibus: si breuius adhuc membrum est, & ossa loco suo non sunt, paxillus tenuis quàm leuissimi generis inter ea demitti debet sic, ut capite paulum supra ulcus emineat: usq; quotidie plenior adigendus est, donec par id membrum alteri fiat. tum paxillus remouendus, vulnus sanandum est: cicatrix inducta fouenda frigida aqua est, in qua myrtus, hedera, alie'ue similes uerbenæ sint: illinendumq; medicamentum, quod siccet: & magis etiam hic quiescendum, donec id membrum confirmetur. si quando uero ossa non cõferbuerunt, quæ sæpe soluta, sæpe mota sunt: in aperto deinde curatio est: possunt enim coire. si uetustas occupauit, membrum extendendum est, ut aliquid lædatur. ossa inter se manu diuidenda, ut concurrando exasperentur, ut si quid pingue est, eradatur: totumq; id quasi recens fiat. magna tamen cura habita, ne nervi, musculi'ue lædantur. tum uino fouendum est, in quo malicorium decoctum sit: imponendumq; id ipsum oui albo mixtum. tertio die resoluendum, fouendūq; aqua, in qua uerbenæ, de quibus supra dixi, decoctæ sint. quinto die idem faciendum, ferulæq; circumdandæ. cætera & ante, & post eadē facienda, quæ suprascripsi. Solent tamen interdum diuersa inter se ossa conferuere: eoq; & breuius membrum, & indecorum fit: & si capita acutiora sunt, assiduæ punctiones sentiuntur. ob quam causam frangi rursus ossa, & dirigi debent. id hoc modo fit. calida aqua multa membrum id fouetur: & ex cerato liquido perfricatur: intenditurq; & inter hæc medicus ptractans ossa, ut adhuc tenero callo manibus ea diducat: compellitq; id quod eminet in suam sedem. & si parum ualuit, ab ea parte in qua os se inclinat, inuolutum lanā regulā obijcit. atq; ita deligando assuescere iterum uetustæ sedi cogit. nonnunquam autem recte quidem ossa cœperunt. superincreuit uero nimius callus: ideoq; locus intumuit. quod ubi incidit, diu, leuiterq; id membrum perfricandum est ex oleo, & sale, & nitro: multumq; aqua calida salsa fouendum: & imponendum malagma quod digerat: astringensq; alligandum: oleribusq; et prætereauomitu utendum. per quæ cum carne callus quoq; extenuatur. confertq; aliqd de sinapi quod cū ficu in alterum par membrum impositum, donec id paulum erodat, eoq; euocet materiam. ubi his tumor extenuatus est, rursus ad ordinem uitæ reuertendum est.

## De luxatis ossibus.

## Cap. XI.

¶ C de fractis quidem ossibus hactenus dictum sit. mouetur autem ea sedibus suis duobus modis. nã modo quæ iuncta sunt



## LIBER

inter se dehiscunt: ut cum latum scapularum os ab humero recedit: & in brachio radius à cubito. & in crure tibia à sura: interdum à saltu: calcis os à talo: quod raro tamen fit. modo articuli suis sedibus excidunt. ante de prioribus dicam. quorum ubi aliquid incidit, protinus is locus cernis est: depressusq; digitus sinum inuenit. deinde grauis inflammatio oritur: atq; in talis præcipua. siquidē febres quoq; & cancri, & nervorum uel distentiones uel rigores, qui caput scapulis annectunt: mouere consuevit. quorum uitandorum causa facienda eadem sunt, quæ in ossibus mollibus læsis aliquid ubi incidit protinus his locis proposita sunt: ut dolor, tumorq; per ea tollantur. nam diducta ossa nunquam rursus inter se iunguntur. & ut aliquid decoris eo loco sit, nihil usus admittitur. maxilla uero & uertebra, oēsque articuli cum ualidis nervis comprehendantur: excidunt aut ui expulsi, aut aliquo casu nervis, uel ruptis uel infirmatis: faciliusq; in pueris & adolescentulis quàm in robustioribus: hiq; elabuntur in priorem, & in exteriorē partem, quidam omnibus modis, quidam certis: suntq; quædam communia omnium signa: quædam propria sunt cuiusq; siquidem semper ea parte tumor est, in qua os prorumpit. ea sinus, à qua recessit. & hæc quidem in omnibus deprehenduntur, alia uero si in singulis. quæ simul atq; de quoq; dicam, proponenda erunt. sed ut excidere omnes articuli non possunt, sic non omnes reponuntur. caput enim nonnunquam compellitur: neq; in spina uertebra, neq; ea maxilla, quæ utraq; parte prolapsa anteq̃ reponeretur, inflammationem mouit. rursus qui nervorum uicio prolapsi sunt, compulsi quoq; in suas sedes iterum excidunt. at quibus in pueritia exciderunt, neq; reposita sunt: minusq; cæteri crescunt. omniūq; quæ loco suo nō sunt: atro ea increfcit: magisq; in proximo membro, q̃ in ulteriore. ut puta si humerus loco suo nō est, maior in eo ipso fit, quàm in brachio: maior in hoc quàm in manus acie. tum pro sedibus & pro casibus qui inciderunt, aut maior, aut minor usus eius mēbri relinquitur: quoq; in eo plus usus superest, eo minus id extenuatur. quid autem loco suo motum est, ante inflammationem reponendū est. si illa occupauit, dum conquiescat. tunc lacessendum est. ubi finita est, tentandum est in his membris quæ id patiuntur. multum autem eò cōfert & corporis, et nervorum habitus. nam si corpus tenue, si humidum est, si nerui infirmi, expeditius os reponitur. sed & primo facilius excidit: & postea minus fideliter continetur. quæ contraria his sunt, melius continēt. sed id quod expulsū est, difficulter admittunt. oportet autem ipsam inflammationem leuare, super succida lana ex aceto imposita. à cibo si ualentioris articuli casus est, triduo: interdum



etiam quinque diebus abstinere debet. bibere aquā calidā dū sitim finiat. curiosiusq; hæc facere his ossibus motis, quæ ualidis, plenisq; musculis continentur. si uero etiam febris accessit, multo magis deinde ex die quinto fovere aqua calida: remotaq; lana ceratum imponere ex cyprino factum, nitro quoq; adiecto, donec omnis inflammatio finiat. tunc infractionem ei membro adhibere: cibis uti bonis: uti uino modice: iamq; ad usus quoq; suos id membrum promouere: quia motus ut in dolore pestifer, sic aliàs saluberrimus corpori est. hæc cōmunia sunt, nunc de singulis dicam.

De maxillæ luxatæ curatione. Cap. XII.

*m* Axilla in priorem partem propellitur: sed modo altera parte, modo utraq; si alteram in contrariam partem, modo utraq; ipsa mentumq; inclinatur: dentes paribus non respondent: sed sub his qui secant canini sunt. At si utraq; totum mentum in exteriorem partem promouetur: inferioresq; dentes longius quàm superiores excedunt: intentiq; super muscoli apparent: primo quoq; tempore homo in sedili collocandus est sic, ut minister à posteriore parte caput eius contineat uel sic, ut iuxta parietem is sedeat, subiecto inter parietem, & caput eius scorteo puluino duro, eoq; caput per ministrum urgeatur, quo sit immobilius. tum medici digiti pollices lintheolis, uel fasciis ne dilabantur inuoluti in os eius coniiciendi: cæteri extrinsecus admouendi sunt. ubi uehementer maxilla apprehensa est, si una parte procidit: concutiendum mentum, & ad guttur adducendum est. tunc simul & caput apprehendendum, & excitato mēto maxilla in suam sedem compellenda, & os eius comprimendum est sic, ut omnia penè uao momento fiant. si in utraq; parte prolapsa est, eodem omnia facienda, sed æqualiter retro maxilla agenda est. reposito osse si cum dolore oculorum, & cervicis iste casus incidit, ex brachio sanguis mittendus est. cum omnibus uero quorum ossa mota sunt, primo liquidior cibus conueniat, tum his præcipue, adeo ut sermo quoq; frequenti motu oris per nervos lædat.

De capite luxato. Cap. XIII.

*c* Aput duobus processibus in duos sinus summæ uertebrae demissis super cervicem contineri in prima parte proposui. hi processus interdū in posteriorem partem excidū: quo fit ut nervus sub occipito extēdatur: mētū pectori agglutinetur, neq; bibere is,



## LIBER

neq; loqui possit: interdum sine uoluntate semen emittat, quibus celerime mors superuenit. ponendum autem hoc esse credidi, non quo curatio eius rei ulla sit, sed ut res inditijs cognosceretur: & non putarent sibi medicum defuisse si qui sic aliquem perdidissent.

### De spina luxata. Cap. XIII.

i Dem casus manet eos, quorum in spina uertebra exciderunt. id enim non potest fieri, nisi ex medulla quæ per medium, & duabus membranulis, quæ per duos à lateribus processus feruntur: & nervis, qui continent ruptis. Excidunt autem & in posteriorem partem, & in priorem, & supra septum transversum, et infra. si in utranq; partem exciderit, à posteriore parte uel tumor, uel sinus oritur. si super septum id incidit, manus resolvuntur: uomitus, aut distentio nervorum insequitur: spiritus difficulter mouetur: dolor urget: & aures obtusæ sunt. si sub septo, foemina resolvuntur: urina supprimitur: interdum etiam sine uoluntate prorupit: ex eiusmodi casibus ut tardius quam ex capitis, sic tamen intra triduum homo moritur. nam quod Hippocrates dixit uertebra in exteriorem partem prolapsa, pronum hominem collocandum esse, & extendendum tum calce aliquem super ipsum debere consistere: id intus impellere: in his accipiendum est, quæ paulum excesserunt: non in his, quæ toto loco motæ sunt. nonnunquam enim nervorum imbecillitas efficit, ut quamvis non exciderit uertebra, paulum tamen in priorem partem promineat: id non iugulat. sed ab interiore parte non contingit quidem posse: ab exteriore, si propulsum est, plerumq; iterum reddit: nisi quod admodum rarum est: uis nervis restituta est.

### De humero luxato. Cap. XV.

h Umerus autem modo in alam excidit. modo in partem priorem. si in alam delapsus est, et uictus cubitus recedit ab latere, rursum iuxta eiusdem partis aurē cum humero porrigi non potest: longiusq; altero id brachium est. si in priorem partem summum quidem brachium extenditur, minus tamen quam naturaliter, difficiliusq; in priorem partem q̃ in posteriorem cubitus porrigitur. Igitur si in alam humerus excidit, & uel puerile adhuc est corpus, uel molle certe, & imbecilibus nervis intentum est, satis est collocare id in sedili: & ex duobus ministris alteri imperare, ut caput late scapularum ossibus leniter reducat alteri ut brachium extendat, ipsum



dat, ipsum posteriore parte residentem renum sub ala eius coire: simulq; & ille os & altera manu brachium eius ad latus impellere. At si vastius corpus, nerviue robustiores sunt, necessaria est spatula lignea: & quæ crassitudinem duorum digitorum habet, longitudine ab ala ad digitos pervenit. in qua summa capitulum est rotundum & leniter cavum, ut recipere particulam aliquam ex capite humeri possit. in ea bina foramina tribus locis sunt inter se spacio distantibus, inq; ea lora mollia coniunguntur. eaq; spatha fascia involuta quo minus tactu lædat ad alam à brachio dirigatur sic, ut caput eius summæ alæ subijciatur. deinde loris suis ad brachium deligatur: uno loco paulum infra humeri caput, altero paulum supra cubitum, tertio supra manum. cui rei protinus inter ualla tunc quoq; foraminum aptata sunt. sic brachium deligatum super scalæ gallinariæ gradum traicitur, ita alte ut consistere homo ipse non possit. simulq; in alteram partem corpus demittitur: in alteram brachium intenditur. eoq; fit ut capite ligni caput humeri impulsus in suam sedem modo cum sono, modo sine hoc compellatur. multas alias esse rationes scire facile est uno Hippocrate lecto, sed non alia magis usu comprobata est. at si in priorem partem humerus excidit, supinus homo collocandus est: fasciaq; aut habena media ala circumdanda est: capitaq; eius post caput hominis ministro tradenda, brachium alteri: præcipiendumq; ut ille habenam, hic brachium extendat. deinde medicus caput quidem hominis sinistra debet repellere: dextra uero cubitum cum humero attollere: & os in suam sedem compellere. faciliusq; id in hoc casu, quàm in priore reuertitur. reposito humero lana alæ subijcienda est. si interiore parte os fuit, ut ei opponatur. si in priore parte, ut tamen commodius deligatur: tum fascia primùm sub ala obvoluta, caput eius debet comprehendere: deinde profectus ad alteram alam: ab eaq; ad scapulas: rursusq; ad eiusdem humeri caput tendere. sæpiusq; ad eandem rationem circumagi, donec bene id teneat. uinctus hac ratione humerus commodius continetur: si adductus ad latus sit. ad id quoq; fascia deligatur.

De cubiti luxati curatione. Cap. XVI.

i N cubito autem tria coire: ossa humeri, & radij, & cubiti ipsius ex his, quæ prima parte huius uoluminis posita sunt, intelligi potuit. sed cubitus qui innexus humero est, ab hoc excidit. radius qui adiunctus est, interdum trahitur: interdum subsistit. in omnes uero quatuor partes excidere cubitus potest. sed si in  
Aurelij Cor: t



## LIBER

priorem prolapsus est, extentum brachium est: neq; recuruatur. si in posteriorem, brachium curuum est, neq; extenditur: breuiusq; altero est. interdum febrem, uomitumq; bilis mouet. si in exteriorem, interioremue brachium porrectum est, sed paulum in eam partem à qua os recessit recuruatum, quicquid incidit, reponendi ratio una est. neq; in cubito tantum est: sed in omnibus quoq; membris longis, quæ p articulum longa testa iunguntur. utrunq; membrum in diuersas partes extendere donec spaciū inter ossa liberum sit. Tum id os quod excidit ab ea parte in quam prolapsum est, in contrariam impellere. Extendēdi tamē alia atq; alia genera sunt, prout nervi ualēt: aut ossa huc, illucue sederunt. ac modo manibus solis utendum est: modo quædam alia adhibenda. ergo si in priorem partem cubitus prolapsus est, extendi per duas manus: interdum etiā habenis iniectis satis est. deinde rotundum aliquid à lacerti parte ponendum est. & super id repente cubitus ad humerum impellendus est. at in alijs casibus cōmodissimum est eadem ratione brachium extendere: quæ fracto cubito supraposita est, & tum ossa reponere. reliqua curatio eadem est, quæ in omnibus. celerius tantum & sæpius id resoluendum est: multoq; magis aqua calida fouendum: diutius ex oleo, & nitro ac sale perfricandum. in cubito enim celerius quā in ullo alio articulo, siue extra remansit, siue intus reuertit, callus circundatur: usq; si per quietem increuit, flexus illius postea prohibet.

### De manu luxata. Cap. XVII.

**M**anus quoq; in omnis quatuor partes prolabitur: si in posteriorem partem excidit, porrigi digiti nō possunt: si in priorem, non inclinantur: si in alterutrum latus, manus in contrarium: idest aut ad pollicem, aut ad minimum digitum conuertitur. reponi non difficillime potest super durum locum & renitentem ex altera parte intendi manus, ex altera brachium debet sic, ut prona sit. si in posteriorem partem os excidit, supina: si in priorē, si in interiorem, exterioremue, in latus. ubi satis nervi diducti sunt, si in alterutrum latus procidit manus, brachium in contrarium repellendum est. at his, quæ in priorem, posterioremue partem prolapsa sunt, superimponendum durum aliquid: idq; supra prominens os manu urgendum est: per quod uis adiecta facilius in suam sedem compellit.

### De palma. Cap. XVIII.

**I**n palma quoq; ossa interdum suis sedibus promouentur, modo in priorem partem, modo in posteriorem. in latus enim



moueri paribus ossibus oppositis non possunt: signum id solum est, quod omnium commune est. tumor ab ea parte, in quam os uenit: sinus ab ea à qua recessit. sed sine intento digito, tantummodo bene pressum os in suam sedem reuertitur.

## De digitis. Cap. XIX.

**I**n digitis totidem ferè casus, eademq; signa sunt: quæ in manibus. sed in his extendendis non æque ui opus est, cum et articuli breuiiores, et nervi minus ualidi sint. super me sam tantummodo intendi debent, qui uel in priorem uel in posteriorem partem exciderunt. tum iam palma compelli: atq; id quod in la tus elapsum est, digitis restitui.

## De femore. Cap. XX.

**V**m de his dixerim: de his quoq; quæ in cruribus sunt, uideri possum dixisse. siquidem etiam in hoc casu quædam similitudo est femori, et humero, et tibiæ, et cubito, pedi et manui: quædam tamen separatim quoq; de his dicenda sunt. femur in omnes quatuor partes promouetur, sæpissime in interiorem, deinde in exteriorem, raro admodum in priorem, aut posteriorem. si in interiorem partem prolapsum est crus, longius altro, et uastius est. extra enim pes ultimus spectat. si in exteriorem, breuius, rarumq; fit, et intus inclinatur. Calx ingressu terram non contingit, sed planta ima. meliusq; id crus superius corpus quam in priore casu fert, minusq; baculo eget. si in priorem crus extensum est, implicariq; non potest, alteri cruri ad calcem par est sed ima planta minus in priorem partem inclinatur: dolorq; in hoc casu præcipuus est: et maxime urina supprimitur. ubi cum dolore inflammatio quieuit, commode ingrediuntur: totusq; eorum pes est. sed et si in posteriorem extendi non potest crus, breuiusq; est, ubi constitit: calx quoque terram non contingit. Magnum autem femori periculum est, ne uel difficulter reponatur: uel repositum rursus exadat. quidam iterum semper excidere contendunt. sed Hippocrates, et Diocles, et Philotimus, et Nileus, et Heraclides Tarentinus, clari admodum authores, ex toto se restituisse memorie prodiderunt. neque tot genera machinamentorum quoque ad extendendum in hoc casu femur Hippocrates, Andreas, Nileus, Nymphodorus, Protarchus, Heraclides, Faber quoque quidam repperissent, si id frustra esset. sed ut hæc falsa opinio est: sic illud uerum est. cum ibi ualentissimi nervi, musculiq; sint, si suum robur habent, uix admittere: si non habent, postea



## LIBER

non contineri. Tentandum igitur est, & si tenerius membrum est, satis est habenam alteram ab inguine, alteram à genu intena. si ualidius, melius adducant, qui easdem habenas ad ualida bacula deligant: tumq; eorum fustium imas partes oppositæ mire obiecerint: superioresq; ad se utraq; manus traxerint: etiamnum ualentius intenditur membrum super scannū, cui ab utraq; parte axes sunt: ad quos habenæ illæ deligantur. qui ut in torcularibus conuersi, rumpere quoq; si quis perseuerauerit: non solum extendere nervos, & musculos possunt. collocandus autem homo super id scannum est, aut pronus, aut supinus, aut in latus sic, ut semp ea pars superior sit, in quam os prolapsum est: ea etiam inferior, à qua recessit. nervis extentis si in priorem os uenit, rotundum aliquid super inguen ponendum: subitoq; super id genu adducendum est eodem modo, eademq; de causa, qua idē in brachio fit: protinusq; si complicari femur potest, intus est. In cæteris uero casibus, ubi ossa per uim paulum inter se recesserunt, medicus debet id quod eminet retro cogere: minister contra inde coxā propellere. posito osse nihil aliud noui curatio requirit, quàm ut diutius his in lecto detineatur: ne si motum adhuc nervis laxioribus femur fuerit, rursus erumpat.

### De genu. Cap. XXI.

g Enu uero & in exteriorem, & in interiorem, & in posteriorem partem excidere notissimum est: in priorē nō prolabi pleriq; scripserunt. potestq; id uero proximum esse, cū inde opposita patella, ipsa quoq; caput tibiæ contineat. Meges tamen eum cui in priorem partem excidisset, à se curatum esse memoriæ prodidit. in his casibus intendi nervi rationibus hisdem, quas in femore retuli possunt. & id quidem quod in posteriorem partem excidit, eodem modo rotundo aliquo sup poplitem imposito, adductoq; eo crure, reconditur. cætera uero manibus simul tum ossa in diuersas partes compelluntur.

### De talo. Cap. XXII.

t Alus in omnes partes prolabitur. ubi in interiorem partem excidit, ima pars pedis in exteriorem partem conuertitur. ubi huic contrarius talus contrarium etiam signum extat. si in priorem partem erumpit à posteriore, latus nervus durus, & insanus est: minusq; is opus est. si in posteriorem lanx penè conditur, plaga maior fit. Reponitur autem his quoq; per manus, prius in diuersa pede & crure diductis. & in hoc quoq; casu diutius in lectulo perseverandum



perseuerandum est: ne his talus qui totum corpus sustinet, parum confirmatis nervis ferendo oneri cedat: rursusq; prorumpat. calciamen-  
tis quoq; humilioribus primo tempore utendum, ne iunctura talum  
ipsum laedat.


De planta. Cap. XXIII.

Plantæ ossa hisdē modis quibus in manu prodeunt, his, his-  
demq; conduntur. fasciā tantūmodo calcem quoq; debet com-  
prehendere: ne cum mediam plantam, inuicemq; eius uinciri  
neesse est, liber talus in medio relictus, materiam pleniorē recipiat:  
ideoq; suppuret.

De digitis. Cap. XXIIII.

In digitis nihil ultra fieri debet: q̄ quod in his, qui sunt in  
manu, positum est. Potest tamen conditus articulus medius,  
aut summus canaliculo aliquo contineri. hæc facienda sunt  
in his casibus ubi sine ulnere ossa exciderunt. hic quoq; & ingens  
periculum est: & cogruius quo maius membrum est: quo'ue ualidio-  
ribus nervis, aut musculis continetur. ideoq; humeris, femoribusq; me-  
tus mortis est: ac si reposita ossa sunt, spes nulla est. Non repositis ta-  
men, nonnullum periculum est. eoq; maior in utroq; timor est, quo  
propius uulnus articulo est. Hippocrates nihil tuto reponi posse: præ-  
ter digitos, & plantas, et manus dixit. atq; in his quoq; diligenter es-  
se agendum, ne præcipitarent. Quidā brachia quoq; & crura repo-  
suerunt: & ne cancri, distentionesq; nervorum orirentur, sub quibus  
in eiusmodi casu fieret mors matura: sanguinem ex brachio mise-  
runt. uerum ne digitus quidem, in quo minimum ut malum, sic etiā  
periculum est, reponi debet ante inflammationem: aut postea cum iā  
uetus res est. si quoq; reposito osse nervi distenduntur, rursus id pro-  
nus expellendum est. Omne autem membrum, quod cum uulnere loco-  
motum, neq; repositum est: sic iacere conuenit, ut maxime cubantem  
inuat, tantum ne moueatur: ne'ue depēdeat. in omniq; tali morbo ma-  
gnū ex longa fame præsidium est. deinde ex curatione eadem quæ  
proposita est ubi ossibus fractis uulnus accessit: si nudum os eminet,  
impedimento semper futurum est. id quod excedit, abscidendum est:  
imponendaq; super arida linamenta sunt, & medicamentū non pin-  
guia, donec quæ sola esse in eiusmodi re sanitas potest, ueniat. nam &  
debilitas sequitur: & tenuis cicatrix inducitur: quæ necesse est, facile  
noxæ postea pateat.







## QVINTI SERENI MEDICINA.

P

Hæbe salutiferum quod pangimus assere carmen:  
 Inuentumq; tuum prompto comitare fauore.  
 Tuq; potens artis, reduces qui tradere uitæ  
 Nosti: atq; in cælum manes reuocare sepultos.  
 Qui colis ægæū, qui pergama, quiq; epidaurum:  
 Qui quondam placida tectus sub pelle draconis

Tarpeias arces, atq; incluta templa petisti  
 Depellens tetros præsentī numine morbos  
 Huc ades: & quicquid cupido mihi sæpe rogatus  
 Firmasti, cunctum teneris expone papyris.  
 Membrorum series certo deducta tenore  
 Vt stet, & assimilis medicinae defluat ordo:  
 Principio celsa de corporis arce loquamur.

Capiti medendo.

BALSAMA si geminis instillans auribus addas,  
 Tum poteris alacrem capitis reparare uigorem.  
 Vel quæ septenis censentur gramina nodis  
 Utiliter neces: uel corno ex arbore sertum,  
 Puleiumue potens una super aure locabis.  
 Aut illud mixto coctum clementer aceto  
 Cauta nare trahes: seu uisco lintea nexo  
 Induces fronti: seu tritæ gramina mentæ.  
 Spongia cum tepidis annexa liquoribus imbris  
 Profuit: aut hederæ ex oleo decocta uetusto.  
 Profuit: aut cochleis frontem tractare minutis.  
 Si nocuit cerebro uiolentia solis aperto  
 Sæpe chelidonia ex acido perducta liquore  
 Sanauit: prosunt & amica papauera somno.  
 Si prius in lento madefacta terantur oliuo.

Hemicraneo medendo.

PORCIO si capitis morbo tentetur acuto  
 Allia diuersam lana contexta per aurem  
 Inducta prosunt: & eodem balsama pacto.  
 Allia uel ternis piperis terna addita granis  
 Trita lines: certam dabit hæc tibi cura salutem.

Porrigini depellendæ.

EST insensibilis morbus, sed noxius formæ  
 Cum caput immensa pexum porrigine ningit,

Q. Serenus.

H



Q. SERENI

Copia farris uti frendentibus edita saxis:  
Hanc poterit malue radix decocta leuare.  
Aut tu foeniculum, nitrumq; & sulphura uina  
Contere. deinde caput permixtis ablue cunctis:  
Furfuribus'ue nouis durum miscebis acetum,  
Ut uarios crines tali des unguine puros.  
Prodest & tarda demptus testudine sanguis:  
Et prodest cedro demissus ab arbore succus.  
Desinet interea glomerari farrea nubes:  
Cessabitq; grauis crebrae porrignis imber.

Capillo tingendo.

QV O S pudet ætatis longæ, quos sancta senectus  
Offendit: cupiunt properos abscondere canos:  
Et nigrum crinem fūco simulare doloſo.  
His prodest acri contrita cupressus aceto,  
Vel frons lentisci, uel tristia poma sabuci:  
Lumbrici quoq; terrestres miscentur oliuo:  
Et iuuenem præstant rediuiuo flore capillum.  
Præterea niueum poterit depellere crinem  
Rhesina ex facili cæra, uiscoq; coacta:  
Ad rutilam speciem nigros flauescere crines  
Vngento cineris prædixit Tullius auctor.  
Si prægnans artus captiui sororis edit,  
Dicuntur foetus nigrantia lumina fingi.

Ithiriasi arcendæ.

NOXIA corporibus quædam de corpore nostro  
Progeniuit natura uolens abrumpere somnos  
Sensibus: & monitis uigiles intendere curas.  
Sed quis non paueat pherecidis fata tragædi,  
Qui nimio sudore fluens animalia tetra  
Eduxit: turpi miserum quæ morte tulerunt.  
Sylla quoq; infelix tali languore peresus  
Corruit: & fœdo se uidit ab agmine uinci.  
Sæpius ergo decet mordax haurire sinapi:  
Vel nitro, ac sale permixtis, acidoq; liquore  
Laxatis, ut sint simul allia tangere corpus:  
Aut lachrymis hederæ, aut succo perducere cedri.  
Quin etiam furfur mixto medicatur aceto.  
Vnda maris lendes capiti deducat iniquas:  
Et quicquid crebri defendit silua capilli.

Prurigni,



Prurigini, papulis, & scabiei arcendis.

ILLOTVS sudor, uel copia nobilis escæ  
Sæpe graui scabie correptos asperat artus.  
Ergo lutum prodest membris adhibere frictis;  
Quod facit ex asino siccatus corporis humor.  
Nec pudeat tractare finum quem bucula fudit.  
Stercoris ex porco cinerem confundito lymphis;  
Sic pauidum corpus dextra parcente foueto.  
Proderit ex oleo pulvis, quem congerit alte  
Dulcibus ex latebris patiens formica laborum.  
Conuenit hinc tepido litæ iradere corpora soli.  
Feruantes papulas oleo curato liquenti;  
Aut acido baccho miscbis farræ lupini:  
Atq; hinc in calido percurres membra lauacro.  
Pruritus autem salsos leuat humor aceti:  
Sine mari lauidus sudor, cochleæq; minutæ:  
Quarum contactu perimetur acerba libido.

Frenesi, ac capiti purgando.

EX uitio cerebri frenesis furiosa mouetur,  
Amissasq; refert frendens amentia uires:  
Siue calens febris iactatos exedit artus:  
Siue meri gustus, seu frigoris efficit aura.  
Conuenit hic calidis pecudum pulmonibus apte  
Tempora languentis medicæ redimire corona.  
Illotis etiam lanis suffire memento:  
Ceritum sæpe horrendi medicantur odores:  
Atq; ideo insanos etiam curarier est par.  
Purgatur cerebrum mansa radice pyretri.  
Vngitur & succis, dederit quos parua sabucus,  
Expressusq; hederæ mandatur naribus humor.  
Aut mixtum rutæ crebro instillatur acetum.  
Non semper præsens dolor est sanabilis: ergo  
Cura magis prodest uenturis obuia morbis.

Fluori capillorum, & maculis capitis tollendis.

DEFLUIT expulsus morbo latitante capillus  
Si raro lauitur: seu uis epotæ ueneni est:  
Seu salamandra potens, nullusq; obnoxia flammis  
Eximium capitis tactu deiecit honorem.  
Nonnunq; uariant maculæ: paruisq; parumper  
Orbibus aspersum ducit noua uulnera tempus.



Q. SERENI

Vipereæ pellis cineres his addito rebus,  
Roboreas'ue pilas, ursino'ue ungitoseuo:  
Vel testudineo mage permulceto cruore.

Frigori sedando.

SAEPE ita peruadit uis frigoris, ac tenet artus,  
Vt uix quæsito medicamine pulsa recadat.  
Si ranam ex oleo decoxeris, abijce carnem:  
Vnguine membra foue: parili ratione ualebis  
Vrticæ semen: percepta'q; frigora uincet:  
Et ceruina potest mulcere medulla rigorem.  
Decoctum raphani semen cum melle uorabis:  
Sive fel ursinum tepefacta dilue lymphæ  
Proderit hoc potu: seu cassis ostrea testis  
Vsta dabit cinerem: qui pro sale sumptus in escis,  
Decutiet gelidum tepefacto uertice uirus.  
Nonnullus liquidum summit, mulsu'q; sinapi'q;  
Atq; palato agitat pariter, retinens'q; mouens'q;.  
Allia nonnulli mandunt: olei'ue liquore  
Perfundunt calido cerebrum, nasi'q; latebras.  
Quidam lactucæ credunt prodesse sapes.  
Curandi modus hic & suauis, & utilis idem est.

Elephantiasis propellendæ.

EST Elephas morbus tristi quoq; nomine dirus,  
Non solum turpans infandis ora papillis,  
Sed cita præcipitans funesto fata ueneno.  
Huic erit aduersus cedri de cortice succus,  
Mustellæ'q; cinis: uel fusus sanguis ab illa.  
Nonnulli dixere serum, prodesse bibendo.  
Mentastri folium potu, appositu'q; salubre est.  
Nec frustra bulbos, & sulphura iungis aceto,  
Qui cupis horribiles ad pristina reddere uultus.  
Prætere a nitrum debes cum melle iugatum  
Spargere lacte bouis: uarias sic ungere frontes.  
Cerusam, & chartam, quam gens ægyptia mittit  
Thure simul misce atq; oleo, quod flore rosarum  
Conditum est: line sic faciem, sic redde salutem.

Cutis, & faciei uitij propellendis.

INVIDA si maculet faciem lentigo decoram,  
Nec prodesse ualent naturæ dona benignæ,  
Erucam, atq; acidum laticem simul illine malis.

Proderit



Proderit & bulbus mellis dulcedine victus,  
 Crudâ ue dulcâido miscetur cepa liquori:  
 Sanguine uel leporis morbus delebitur oris.  
 Frons salicis cum flore suo contrita medetur.  
 Sæpiolæ cineres ex ossibus omnia tollunt.  
 Cygneos adipēs hilari misceto lyæo:  
 Omne malum propere maculoso ex ore fugabis.  
 Horrebit si liuor atrox, aut nigra cicatrix,  
 Attrito sapone genas purgare memento.  
 Rugarum sulcos lentisci mastice tendes.  
 Si uero uitium est, quod ducat ab impete nomen  
 Hoc matutina poteris cohibere salina:  
 Seu folio platani, quod mansum mane domabis.  
 Fœda fluunt curui quæ purgamenta cameli  
 Vrentur, cineremq; dabunt: iungentur aceto  
 Mascula thura simul: diuinaq; cura ualebit.

Aurium uitijis succurrendis.

CVM scæuus teneras dolor alte sauciat aures,  
 Fraxinea in flammis fundit, quem talea suctum  
 Infilles: siue obscænos ex uirgine rores:  
 Aut suctum ex folio dederit, quem populus alba.  
 Sæpe chelidonie rabidum sociatur acetum,  
 Adiunctoq; nitro procedit cura salubris.  
 Mentastri liquor expressus conducere fertur.  
 Infectum uiolis oleum bene consulit auri.  
 Annosa rubros si legeris arbore uermes  
 Ex oleo tere: sic tepidos infunde dolenti.  
 Si uero obstrusa sensus morietur in aure,  
 Lumbricos terræ, scæuumq; ex anseris rauco  
 Excoque: sic ueterem poteris depellere morbum.  
 Felq; bouis surdis etiam prodesse loquuntur:  
 Si iungas olidæ graue quod minxere capellæ.  
 Si uero intactas animal penetrauerit aures  
 Proderit admixto pauidi fel muris aceto.  
 At si lymphæ nocens peruasit: anseris aptus  
 Immittetur adeps ceparum non sine sucto.  
 Qui grauis est oculis sensum tamen auribus auget.  
 Vis & phœbigenæ diuinam discere curam:  
 Sitq; uel annosis confecta doloribus auris:  
 Allia tum septem numero, septemq; lupinas

Q. Serenus.



Q. SERENI

Cretaceam dabis in testam: tum delphica frondis  
Addatur: mixto totum feruescat aceto:  
Doctus eris tepidos illinc immittere rores.

Oculorum dolori mitigando.

S V M M A boni est, alacres homini contingere uisus.  
Quos quasi custodes, defensoresq; pericli  
Prospiciens summa natura locauit in arce:  
Sic tamen ut nullos paterentur desuper ictus:  
Atq; supercilio pauidi tegerentur opaco.  
Sed dolor immeritum lumen si forte lacessit,  
Lana madens oleo noctu connectitur apte,  
Viuentis'ue nepae lumen gestatur amicum:  
Ex folio caulis cineres, confractaq; thura,  
Et laticem bacchi foetæ cum lacte capellæ  
Desuper inducas: atq; una nocte probabis.  
Hyblæi mellis succi cum felle caprino  
Subueniunt oculis dira caligine pressis.  
Vettonicæ mansus si cabit lumina suauis.  
Si tenebras oculis obducit pigra senectus.  
Expressæ marathro guttæ cum melle liquenti  
Detergere malum poterunt: uel uulturis atris  
Fella, chelidonicæ fuerint quis gramina mixta:  
Hæc etiam annosis poterunt succurrere morbis.  
Fel quoq; de gallo molitum simplice lymphæ  
Exacuet pueros dempta caligine uisus.  
Sine columbarum finus admiscetur aceto:  
Seu fel perdicis parili cum pondere mellis:  
Vina chelidonicæ simili ratione iungantur,  
Efficiuntq; suo præclaros unguine uisus.  
Aspera quinetiam mulcent, & rupta reducant.  
Si genus est morbi miserum quod lumen adurit,  
Hic calor infuso mitescit lacte canino:  
Anguibus ereptos adipēs ærugine misce:  
Hi poterunt ruptas oculorum iungere partes.  
Si uero horrendum ducent glaucomata peplum:  
Spiritus alterius prodest: qui grana cumini  
Pallentis madens uisus exalat in ipsos.  
Si tumor infestat, rufos & gliscit in orbes,  
Turgentes oculos uili circumline cœno.

Dentium



Dentium uitio, & oris fautori medendo.

HAVD facile est acrem dentis tolerare dolorem:  
 Quo magis est æquum medicam pernoscere curam:  
 Cum baccho uiolas decoxeris, ore teneto.  
 Mansus item prodest succis oleaster acerbis.  
 Hinc obsædo fugit: lingue quoq; uulnera cedunt.  
 Cum uino piper, & nitrum tepido inde dolenti.  
 Sæpe chelidoniæ succo, uel lacte capellæ  
 Sanescunt dentes: aut tauri felle iuuantur.  
 Aut acidi latices clauso uoluntur in ore  
 Manditur apta rubus ginguiis, & bona labris  
 Lentiscus, myrtusq; emendant oris odorem.  
 Quod uero assumpsit nomen de dente fricando  
 Cernino ex cornu canis est: aut ungula porcæ  
 Torrida: uel cinis ex ouis, sed non sine uitro:  
 Muricis aut tosti: uel bulbi extincta fauilla:  
 Ambitiosa putas: sunt ista salubria cunctis.  
 Exesos autem dentes si forte quereris,  
 Vre finum muris, patulisq; & hiantibus adde.  
 Vel anerem dentis cernini extinguere aceto  
 Conuenit: atq; canis immittere partibus apte.  
 Prodest & pulvis lumbrici corpore tosto.  
 Ora ambusta cibo sanabis lacte canino.  
 Sæpe etiam gelida ginguias collue lymphæ:  
 Dentibus ut firmum possis seruare uigorem.  
 Si uero infandum proserpit ad intima uulnus,  
 Permisco salem parili cum pondere iuris:  
 Hinc tractato locum: miram experiere medellam.  
 Aut tu sume pilam, quæ caudis hæret cunis:  
 Hæc sicata dabit molles, & fracta farinas.  
 Huius & attritu tetrum mulcebitur ulcus.

Vnæ faucibus, & quæ mollienda sunt medendis.

EGRESCUNT teneræ fauces, cum frigoris atri  
 Vis subiit: uel cum uentis agitabilis aër  
 Vertitur: atq; ipsas flatus grauis inficit undas:  
 Vel rabidus clamor fracto cum forte sonore  
 Planum radit iter: sic est Hortensius olim  
 Absumptus: causis etenim confectus agendis  
 Obtinuit: cum uox domino uiuente periret:  
 Et nondum extincti moreretur lingua disertæ.



Q. SERENI

Ergo omni studio quæres inhibere dolorem:  
 Simplicibus lymphis confunditur aerium mel:  
 Additur excussus nucæ similagine fursur:  
 Decocta hæc clauso simul exercentur in ore.  
 Præterea fauces extrinsecus ungere prodest  
 Ursino & tauri seuo, cærisq; remissis:  
 Omnia quæ geminis æquabis lancibus ante.  
 Disce etiam miram ex humili medicamine curam:  
 Actiaco melli iungas agreste papauer,  
 Decoctumq; simul mandes, mansumq; uorabis.  
 Crinitæ porri radices quinque coquantur:  
 Hinc aqua non feruens uoluatur fauce sonora:  
 Nec tamen in stomachum descendat gutta patentem.  
 Si uero afflictam langor deiecerit unam,  
 Tunc horas aliquot pronus recubare memento:  
 Aut illam pulvis tostus releuabit aneti,  
 Aut cinis ex cochlea: uel torrida brassica flammis.  
 Verum angina sibi mistum sale poscit acetum.  
 Quod prodest clauso uersatum agitare palato.

De rigore cervicis.

AT SI ceruices, duratq; colla rigeant,  
 Mira loquar: geminus mulcebitur unguine poples:  
 Hinc longos pariter nervos medicina sequetur:  
 Anseris aut pingui torpentia colla fouebis:  
 Illitur & ualido multum lens cocta in aceto  
 Aut capræ finus & bubuli, aut ceruina medulla  
 Hoc etiam immotos flectes medicamine nervos.  
 Quos autem uocitant colles attingere dextra  
 Debebis, qua Gallus erit pressante peremptus.

Tussi, & coleribus medendis.

NOXIA si penitus colerum scuire uenena  
 Perspicias, cocta lactucæ fronde leuabis.  
 Proderit & caules assumere sæpe madentes.  
 Interdum fauces tussi quatiuntur atroci:  
 Allia tum sumes & cocta, & melle peruncta:  
 Semina uel raphani permixto dulcia melle:  
 Aut si fraxinea semen de fronde reuellis:  
 Interiora uora, uetitus contingere dente.  
 Orum melle teres, domitum feruentibus undis,  
 Marrubiumue potens: hæc faucibus optima sumes,

Frenabisq;



Frenabisq; grauem facili medicamine tussim.

Digestioni, & stomacho.

QVI stomachum regem totius corporis esse  
 Contendunt, uera uiti ratione uidentur.  
 Huius enim ualidus firmat tenor omnia membra:  
 At contra eiusdem franguntur cuncta dolore.  
 Quin etiam nisi cura iuuat, uitiare cerebrum  
 Fertur, & integros illinc auertere sensus.  
 Lactucæ semen nigræ, quod lignea pila  
 Triuerit: admixto ieiunus sumito melle.  
 Sed cochlear trinum gustu tibi sufficit uno:  
 Aut tritum semen raphani, mulsumq; iuuabit:  
 siue duæ partes absinthii, ac tertia rutæ  
 Decoctis potantur aquis, siliquæq; madentes:  
 Semina uel marathri foetæ cum lacte capellæ:  
 Puleium quoq; decoctum curabit amice:  
 Et potu, & fottu stomacho conducit anetum:  
 seu cochleas undis calefactas, ac propè iunctas  
 Suppositis torrens prunis: uinoq; garoq;  
 Perfusas cape: sed prodest magis esse marinas.  
 At male digestis si crapula sæniet escis,  
 Ex pipere, & calida florem de rore marino  
 Ebibe: seu salibus piper adde, & tenue cuminum:  
 Quæ coctis tanges epulis, ac rapta uorabis:  
 Aut cubitum pergens suauem cape tristis aneti.  
 Venterculum Mergæ sale iacto contere nalde  
 Tosto pane super piperis quæ puluere multo  
 Miscentur: capies diuinum munus in istis.  
 Grana peregrini piperis diffindito quinq;  
 Niliaco melli: quæ mane inserta capeffes.  
 Proderit hoc stomacho, uictas & conquoquet escas:  
 Felli uomitu, uel phthisi arcendis.

LVTEA si crescunt, præcunctis noxia fella:  
 Allia parua nouem, piperis tot permole grana:  
 Quæ cyatho diluta gari mandesq; bibesq;  
 Hæc iterum septena capis post deniq; quina.  
 Præterea caulem, frondet si parua sabucus,  
 Decocto sale permisceas: ac iungis oliuo:  
 Tunc capis, ac tali auxilio fella horrida purgas.  
 Prosunt & pelagi latices, quos pondere iusto.



Q. SERENI

Dulcibus associas lymphis, melliq; liquenti:  
 Et niueus prodest ex ubere succus asellæ:  
 Si tepido uino infundas, ac mella, piperq;  
 At uomitum radix narossi pota mouebit.  
 Si uero phthisis annoso sedet improba morbo,  
 Inuitas uino cochleas hausisse iuuabit.  
 Proderit & ueteris seui pila sumpta suilli:  
 Quæ capulas quoq; producit medicina salubris.  
 Mammis sanandis, uel stringendis.

VBERA fecundo multum lactantia succo  
 Sæpe sibi noxæ nimium manando fuerunt.  
 Fecit igitur ualida duri reprimuntur aceti.  
 Post partum tumidas iniuste assurgere mammas  
 Interdum aspicias: harum mala commemoratur  
 Murinus finis ex pluuio sedare liquore.  
 Sin autem clausas penitus dolor angit acerbus,  
 Lumbricis terræ turgentes unge corymbos.  
 Si castigatas studium est præstare papillas,  
 Ex hederæ fertis ambas redimere memento:  
 Protinus, & raptas flammis mandare coronas:  
 Anseris aut seuum pariter cum lacte tepente:  
 Aut ouum illinito tulerit quod garrula perdix.  
 Præterea pluuio decocta papauera rore  
 Hærescant multis post absoluenta diebus.  
 Vis & phæbigenæ cœlestia sumere dona,  
 Vbera cum tetris laniata doloribus horrent:  
 Nauis ramentum, & quæ nomine prassion herba est:  
 Et quæ uulgari sermone insana uocatur:  
 Græcus ὀκράμων propria scit dicere lingua:  
 Necnon & calami radix, lapathiq; legumen  
 Mixta dabunt miras experto crede medelas.

Reiectioni cibi, aut sanguinis abstinendæ.

SI stomachus nondum concoctas expuit escas,  
 Sed magis atq; magis uitium reuomendo ualescit:  
 Allia cedemus, crebrumq; trahemus odorem.  
 Sin etiam rutilus fertur de pectore sanguis,  
 Sorbitum mentæ, raphanus uel cœta iuuabit.  
 Sæpe lapis teritur: specularem nunc mine dicunt:  
 Et mixtis lauritur aquis sistiq; cruorem.  
 Vritur interdum raptus de subere cortex:



Et cinis ex calido prodest epota lyæo.  
 Quorum cinis, aut coclearum, aut deniq; pellis.  
 Aut cinis è salicum ramis prodesse putatur:  
 Aut platani pilulas acri infundemus aceto:  
 Nullus erit sanguis, quem non abus iste moretur.  
 Iecoris, & lateris uitijs medendis.

SI mollis iecoris fibras dolor hauriet acer,  
 Protinus ex malsa potanda eleliphacos herba est:  
 Sumitur & semen quod fraxinus alta profudit:  
 Vulturis atq; iecur: uel ius perdici apricæ.  
 Præterea simili dragma pix dura, piperq;  
 Franguntur: sic in mollito puluere iuncta  
 Egclidis miscentur aquis: recreantq; bibentem.  
 Abscynthi quoq; decocti potabitur humor.  
 Si latus immeritum morbo tentatur acuto,  
 Accensum extingues lapidem stridentibus undis:  
 Hinc bibis: aut aceris radicem tundis, & un. è  
 Cum uino capis: hoc præsens medicamen habetur.  
 Quid referam multis composta philonia rebus:  
 Quid loquar antidotum? uanus quis ista requirat?  
 At nos pauperibus præcepta feramus amica.  
 Necnon & iecoris quæretur fibra lupini:  
 Iungenturq; simul costum, poliumq;, piperq;:  
 Quæ diluta mero dantur potanda lyæo.  
 Est & uis morbi, quod telum commemoratur:  
 Cum subito dolor insanus furit incitus ictu:  
 Persicus huic potum è nucleo dabit interiore:  
 Quæ mihi cura satis casu monstrante probata est.  
 spleni curando.

QUANDO lyen tumido circumligat ilia uinclo,  
 Et plenum splenis demonstrant membra rigorem,  
 Mollibus ex hedera tornantur pocula lignis:  
 Hinc trahet assuetos æger quoscunq; liquores:  
 Aut uiridis coctorum olerum potabitur unda.  
 Proderit exucto fluminalis hirudo cruore:  
 Sine mirica potens: seu ros cum pane marinus:  
 Aut hederae succus potu, apposituq; iuuabit.  
 Necnon intactam ferro, quam uideris alnum,  
 Huic liber eripitur, ferro sine decoquiturq;:  
 Donec uictarum pars tertia subsit aquarum.



# Q. SERENI

Hinc medico potu pulsus dolor omnis abibit.  
 Nonnulli memorant consumi posse lienem,  
 Erunt si semper ieiuno sumpserit ore.  
 Arida ficus item feruente domatur aceto:  
 Et trita illinitur: vel splen apponitur hædi.  
 Marrubium in uino potum prodesse loquuntur.  
 Præterea piper, ac nepete cum flore, & anetum,  
 Capparis, atq; Apium, buglossaq; iungitur una:  
 Horum decoctos latices potare salubre est.  
 Puleium, abrotanum nitida cum mastice coctum,  
 Ac thymbræ speciem, quam commemorant cephaloten:  
 Prædixit spleni deus idem posse mederi.  
 Dulcia Plautus ait grandi minus apta lien:  
 Splen tumidus nocet: & risum tamen addit ineptum:  
 Ut mihi sardois uideatur proximus herbis:  
 Irrita quæ miseris permiscet gaudia fatis.  
 Diatur exectus faciles auferre carchinos,  
 Perpetuoq; æuo frontem præstare seueram.

Præcordijs sanandis.

LANGVIDA si duro turgent præcordia morbo,  
 Miscetur mulsæ farris sextarius unus:  
 Necnon & lini tunsus, siliquæq; legumen:  
 Hæc decocta simul, nondumq; tepentia nectis:  
 Aut quæ poma cydon creteis misit ab oris  
 Cocta lines: durum ut possis mollire tumorem.  
 Ocina præterea, bulbiue linuntur amari.  
 Proderit & lymphis corpus mersare marinis.  
 Quin etiam catulum lactantem apponere membris  
 Conuenit: atq; malum transcurrere fertur in illum;  
 Cui tamen extincto munus debetur humandi.  
 Ne iunctus uitium ducat de coniuge coniunx.  
 Quod superest styraci iunges ramenta carinæ.  
 Quodq; decem ex rebus decatartyma rite uocatur.  
 Mastice addentur cum puluere mollia farræ:  
 Talibus auxilijs præcordia tuta resident.

Lumbis, & renibus sanandis.

CUM scuit penitus hærens iniuria lumbis,  
 Igne lapis candens datur exultantibus undis:  
 Hoc poteris potu tristem superare dolorem.  
 Aut pice cum molli nitrum, sulphurq; & acetum



Hinc medico potu pulsus dolor omnis abibit.  
 Proderit hanc aegris erebro perducere membris.  
 Aut caput asparagi cum uino sume uetusto:  
 Seu manus appone: modus conduit uterque.  
 Aut adipi mixtum lumbis inducito sulphur.  
 Sæpe chelidonium cum succo palladis addes,  
 Farræq; quæ tremulis prosunt sudantia flammis.  
 Fertur amigdalinae succus nucis esse bibendus:  
 Pinsitur, & tepidis sorbebitur addita lymphis.  
 Aut tres ex uino cochleas feruescere coges:  
 Cumq; suis domibus franges, piperis quoq; grana  
 Ter quinq; adijcies: potuq; iuuaberis illo.  
 Furfur item parca fuerit cum feruidus unda,  
 Post oleo madidus succis immittitur aptis:  
 Quæ uix passuris urentia iungito membris.  
 Prodest ceruinæ medicans natura medullæ.  
 Nec nocuit ciceris cocti potasse liquorem:  
 Aut mistam teneris mandisse lilis facta maluis:  
 Contritumq; simul cum mastice confer anetum.  
 Quodq; decem rebus componi ex nomine clarum est:  
 His continge locum. deus hæc mihi certa probauit.

Ventris dolori mitigando.

SI DOLOR insanus tota desceit in aluo,  
 Heministibus in lymphæ ualidam quoque rutam,  
 Aut apium: donec pars duplex desit aquarum.  
 Potus erit medicus non detrectante palato.  
 Præterea niuei sterilis testa uritur oui,  
 Quæ postquam in tetram fuerit conuersa farinam,  
 Ex calidis potatur aquis: & pota medetur.  
 Nec non iungenda est utero noua uirga miricæ  
 Illæsa hæc ferro, terræq; intacta geratur:  
 Aut medio uentris prodest aspergere terram:  
 Quam signauerunt uestigia pressa rotarum.  
 Proderit & puluis facili sub cardine raptus.  
 Quin etiam & lymphis coctum potare cuminum  
 Conueniet, quod iam nobis documenta probarunt.  
 Menta quoque hoc pacto medicos dabit hausta sapes.  
 Cæliacos autem recreabis pane salubri,  
 Quem madido farre efficies, ac mollibus ouis:  
 Quorum testa fero prius euanesceat aceto.



Q. SERENI

Refert & teretes bulbos mollire terendo:  
Cumq; his lenei clarum potare fluentum.

Hydropisi depellendæ.

CORRUPTI iecoris uitio, uel splenis acervo  
Crescit hydrops: aut cum siccata febre medullæ,  
Atq; auidæ fauces gelidum traxere liquorem.  
Tum lymphæ intercus uitio gliscente tumescit,  
Secernens miseram proprio de uiscere pellem.  
Conueniet teneræ radix decocta sabuci  
In geminis calidi cyathis potanda lyæi.  
Fraxineum semen cum bacchi rore bibendum est.  
Aut calido filicis radicem mollit iaccho,  
Qui subito raptos uentos, succosq; reuellit.  
Nec non appposito curantur dropace membra:  
Vngvine quo frangit uirus langoris aquosi.  
Nec non in tepidis conuolues corpus arenis.  
Apposituq; leues Nepetæ, gustuq; iuuabunt.  
Sæpe & scyllino pelluntur noxia baccho.  
Helleboro bene purgatur lymphaticus error.  
Aut huius uice quod fert semen lenta genista  
Miscetur: mulsis coctusq; educitur undis.  
Est qui præualidum nitro sale miscet acetum:  
Atq; olei succo refricat turgentia membra.

Ventri molliendo.

SAEPE cibi specie, uitio uel corporis ipso  
Potibus, aut duris restricta morabitur aluus.  
Vincetur talis mora gramine mercuriali,  
Cuius aquam cocti minimo cum melle bibemus.  
Prunæq; conueniunt quæ mittit clara Damascus.  
Multos præterea medici componere succos  
Assuerunt: preciosa tamen cum ueneris emptum  
Falleris: frustra q; immensa nomismata fundes.  
Quin age, & in tenui certam cognosce salutem.  
Aut igitur tectum lana supponis alumen:  
Aut edis in patinis teneræ decocta sabuci:  
Vel salsum mulsam capræ cum lacte capessis.  
Crede tamen potum meliorem lactis equini:  
Dicitur & ualidos asinæ lac uincere succos.  
Syluestris fici lachrymam prodesse loquuntur:  
Quodq; satis melius uerbis dicemus Horati.



- » Mitulus & uiles pellent obstantia conchæ:  
 » Sed choceleas prius urtica, aut fursure pasci  
 » Purior hinc gustus noxa sine mouerit alium.  
 Sæpe thalassomeli iunctum cumulauimus hymbri:  
 Hæc purgant parili fuerint si pondere mixta.

Solutioni uentris, & dysenteriae compefcendæ.

TAM uarij casus mortalia sæcla fatigant  
 Ut sint diuersis obnoxia corpora morbis.  
 Sæpe etenim nimio cursu fluit impetus alui:  
 Frenat commixto cum feruet brassica uino:  
 Aut cerasi uictum longo iam tempore pomum.  
 Suauis amineæ uitis cum pane medetur:  
 Mel bene permixtum calido potatur aceto.  
 Vile quidem facili factò, tamen utile opinor,  
 Si lentent medica data purgatori & dextra,  
 Adiecto piperis medicatur puluere calda.  
 Sin autem longo decurrent intima fluxu,  
 Atq; immane malum multo iam tempore gliscit,  
 Torridus ex uino cortex potabitur oui.  
 Ramentum niuei credunt prodesse Elephantì.  
 Arbore pyramæa cortex direpta medetur  
 Axe sub atrito pix nigro mixta lyæo.  
 Immensum poterit potu retinere fluorem:  
 Numinis aut iussu cedrum cum mastice mîscet:  
 Mollitamq; picem, & rasum de nauibus unguen  
 Languida quo fidens medicamine membra fouebis.  
 Proderit & pueris quos dentis origo fatigat  
 Castaneas coxisse nûces, & sorba uetusta,  
 Atq; apium, caulesq; rubus quos fundit acuta:  
 Potio quæ fluidam consumpta morabitur aluum.

Lumbricis, & tineis purgandis.

QV ID non aduersum miseris mortalibus addit  
 Natura? interno cum uiscere tinea serpens,  
 Et lumbricus edax uiuant inimica creentq;.  
 Quod genus assiduo laniat præcordia morsu.  
 Sæpe etiam scandens oppletis faucibus hæret:  
 Obsessasq; uias uitæ concludit hanelæ.  
 Ergo cinis cornu ceruini proderit haustus:  
 Vel nepetæ tritum ex uino, uel lacte capellæ:  
 Necnon & suauis medici potatus aceti.



Q. SERENI

Prodest prætereacum baccho persica frondis:  
Democritus memorat mentæ conducere potum.  
Sumitur abrotanum, necnon & uile melanthum:  
Allia per sese sanant: aut ius coriandri.  
Quin & marrubium decoctum, haustumq; iuuabit,  
Puleium'ue potens, & agreste iugatur anetum.  
Synthesis hæc prodest unda mollita calenti.

Colo sedando.

CUM COLVS inuisum morbi genus intima carpie  
Mande galeritam uolucrem, quam nomine dicunt:  
Aut puidi leporis madefacta coagula pota:  
Sine apio tritas nepetas cum mastice iunges.  
Necnon & species ambas redolentis aneti,  
Quarum decoctos patiens haurito liquores.

Vesicæ, & calculo purgando: & urinae prouocandæ.

SI CUI uesicæ tardus cunctabitur humor  
Hæc mora rumpetur uino peruieta uetusto.  
Prodest & paruos acidos potare sabuci.  
Aut hederæ suauis: aut lachrymosi trita synapi.  
Necnon resinas ex oricia terebintho  
In speciem eruiiæ paruos glomerabis in orbes:  
Quos ternos tepida mixtos hausisse medella est.  
Quondam etiam nimio præceps urina fluento  
Irrigat exuias, obscenoq; inficit hymbri.  
Ergo cinis nepetæ suauis uel proderit haustus:  
Et uino tritus datur, aut cum lacte capellæ  
Tum leporis cerebrum ex uino potare decebit.  
Si dolor internam uesicæ concoquit aluum  
Subueniet radix & frons epota cypressi:  
Puleium'ue potens domitum feruentibus undis.  
Si uero in lapides densus conuertitur humor  
Qui retinet cursus, gemitumq; dolore frequentat,  
Saxifragam, seu sarxeiphagon: suaurere credunt.  
Præterea semen myrti syluestris iaccho,  
Atq; oleo mixtum bibitur: nec defit acetum:  
Vinaq; sumantur fricto condita cumino.  
Sine palumborum capitur finis aëriorum  
Dulcacidis sparsus succis, trituq; solutus.  
Necnon obscœnus capræ potabitur humor:  
Obruit hic morbum, labefactans saxa remittit.

De conceptione,



De conceptione, & partu.

IRRITA coniugij sterilis si munera languent,  
Nec sobolis spes, multos iam uana per annos  
Foemineo fiat uitio res: nec ne silebo.

Hoc poterit magni quartus monstrare Lucreti.

Sed natura tamen medicamine uicta potenti

Sæpe dedit foetus studio curante paratos.

Aut igitur leporis consumit foemina uulnam:

Aut onis in stabulis fractas cum ruminat herbas

Pendentem spumam molli deducit ab ore,

Atq; illam meminit mixto potare falerno:

Mercurialis item capitur communiter herba:

Sic cubitum noctu coniunx festinat uterq;

Ast ubi iam certum spondet prægnatio foetum,

Vt facili uigeat seruata puerpera partu,

Dictamnium bibit: & cochleæ manduntur edules.

At si per menses minus octo moratus in aluo

Irrumpit thalamos: & nexus soluit inertes,

Pulei bene purgati tunc conuenit humber,

Cuius opem ueram casus mihi sæpe probarunt.

Quin etiam sterqus supponunt uulturis atri:

Sentiat ut minime partus qui proximus urget.

Oua etiam rutæ, & fragili miscentur anetho:

Quæ diluta simul uino, atq; exhausta medentur.

Profluvio cuiusq; sanguinis, & matrici.

SI modicus pleno manat de corpore sanguis

subuenit: at nimius cum uita funditur ipsa.

Quapropter multo naris completa cruore

Cum fluit, attritus cimex conducat odore:

Lana oleo madefit, sed nondum lota rosato:

Hæc datur in nares, uel claudit densius aures.

Contritis prodest cochleis obducere frontem:

Aut galli cerebro, uel sanguine mitte columbæ.

Quod nisi supprimitur, sanguis potandus & ipse est.

Præterea pharys caput emetire papyris:

Detrahe quod superest, aliò genitalia necte.

Foemineas prodest illinc uincire mamillas.

Menstruus immenso si profluit impete sanguis,

Succida lana malos remoratur subdita cursus.

Mortua quin etiam producit corpora partu.

Q. Serenus.



Q. SERENI

Sed quaecunq; fluit uis immoderata cruoris,  
 Subernus cortex calidis potatur in undis,  
 Ante minutatim studio uincente terendus.  
 Sed si forte cruor clausa cunctabitur aluo,  
 Puleij calido purgatur foemina potu.  
 Aut molles nepetæ, aut rutæ quaecunq; bibentur.  
 At si puniceos fundit uestigia liquores,  
 Marrubium ex passo tritum persunditur undis:  
 Hi poterunt haustus rutilum purgare liquorem.  
 Reliquias partus dictami detrahit herba.  
 Quod si foeminei properabit sanguinis hymber,  
 Est qui frustra molæ percussu decutit uno:  
 Quorum aliquod lanis tectum ad præcordia neffit  
 Hæc simul incantans sisti debere cruorem,  
 Vt lapis ille uia solitos iam destitit orbes.

Pilis qbuscunq; internecadis, quæ oculos impediunt.

NOBILIS hirsutas horret lasciuia setas,  
 Et gaudet raptò nudari flore pilorum:  
 Sed bona nonnunquam uellendi causa uidetur,  
 Corpora cum releuat ratio manifesta salutis.  
 Nanq; oculos infesta pilorum tela laceffunt:  
 Quodq; illis dederat uallum natura tuendis  
 Inde inimica seges proprios desceuit in orbes.  
 Ergo locum crinis uulsi continge cruore,  
 Quem dat auis tremulis simulat quæ pellibus alas:  
 Sanguine uel Ricini, quem nigro de cane uelles.  
 Præterea quasunq; uoles auertere setas,  
 Atq; in perpetuum rediuiua obcludere tela,  
 Corporibus uulsi saniem perducito ranæ.  
 Sed quæ parua sita est, et rauco garrula questu,  
 Necnon quæ stagnis cessantibus hæsit Hirudo  
 Sumitur, et uiuens samia torretur in olla:  
 Hæc acidis ungit permixta liquoribus artus,  
 A uulsa mq; uetat rursus per crescere syluam.  
 Omnibus obscænis medendis.

DICENDVM Et quæ sit membris medicina pudendis.  
 Languidus antiquo purgatur penis iaccho:  
 Ac super illinitur foecundæ felle aspellæ:  
 Mane nouo myrti frondes commandere prodest.

Qui



Qui dolet, atq; illas in vulnus despuat ipsum.  
 Fece etiam uini genitalia lauta leuantur:  
 Et tumidos testes nereia lymphæ cohercet.  
 Vel bulbi ex mulso, uel cera immista cupresso:  
 Aut faba cum tepidis baccho decocta fluentis  
 Ramis immensum fertur cohibere tumorem.  
 Far madidum lymphis: medica cum fronde cupressi:  
 Vnde etiam potu frons hæc memoratur amica.  
 Sin autem existit durum tibi glandibus inguen,  
 Proderit induci coclæas cum melle minutas.  
 Obscænos si ponè locos noua uulnera carpent,  
 Horrentum mansa curantur fronde ruborum.  
 Aut si iam ueteri succedit fistula morbo,  
 Mustellæ anere immisso purgabitur ulcus.  
 Sanguine tum ricini, quem bos gestauerit ante  
 Herba chelidoniæ fertur cum melle mederi:  
 Herbaq; cum seuo folijs de mille uocata.

Scies, & articulari morbo.

S A E P I V S occultus uicta coxendice morbus  
 Perfurit, & gressus diro languore moratur:  
 Populus alba dabit medicos de cortice potus:  
 Necnon & teneræ gracili de fronde genistæ.  
 Arreptos caules, acidoq; liquore madentes  
 Sumere conueniet, rubiæ quoq; ducere potum:  
 Aut ex irino cochleas haurire lyæo.  
 Si uero articulos tabes inimica per omnes  
 Hæserit: ex ficu betas ac melle ligabis  
 Vel pelagylatices, simul & baccheia dona  
 Sumere curabis: nimio sed parato uino.  
 Ennius ipse pater dum pocula siccant iniqua,  
 Hoc uitio tales fertur meruisse dolores.

Furunculo medendo.

C V M sanguis nimius puri commistus atroci  
 Aestuat: & papulas alte sustollit acutas,  
 Resinam misces, & saxis ordea fracta  
 Consperfa hæc tepidis apponere conuenit undis:  
 Vis & hyoscyami cæra, seuoq; iugatum  
 Nectere: non minus hæc poterit medicina iuuare,  
 Prætereaq; finum ex gillo, quem legeris albo,  
 Imbribus ex acidis fidens appone dolenti.



Q. SERENI

Auribus aut pecudum molles expromito sordes:  
Vngvine quo fotis dabitur mediana papillis.

Carboni medendo.

HORRENDVS magis est, perimit qui corpora carbo  
Vrit hic inclusus, vitalia rumpit acerbis.

Hunc ueteres quondam uarijs pepulere medelis

Tertia namq; titi, simul & centesima liui

Charta docet ferro talem candente dolorem

Exectum: aut poto raparum semine pulsum.

Ni fieret dicens uix septem posse diebus

Vitam produci, tanta est uiolentia morbi.

Dulciacidum, laticemq; cumini semine iunges:

Atq; finum pariter paphiae compone columbae:

Hinc line duratas partes: & clausa uenena.

Præterea triti referant adoperta lupini.

Nonnullus calcem uinam dissoluit aceto:

Fumantemq; niuem papulis apponit acerbis.

Est qui gallinae perducit stercore corpus:

Allia uel piperi paræ commixta linuntur

Pythagoræ cognata leui condita cumino

Proderit, & madida fermentum polline turgens.

Pani, uomicae, & strumæ depellendis.

SUNT alij, quos dura mouet natura tumores

Non minus horrendi, sed non ita perniciosi:

Vomica qualis erit: uel eidem proxima quædam.

Simplice resina miscentur hordea tinsa:

Et mulsos amnes: & purgamenta columbae:

His bene decoctis languentia membra fouentur.

Mollis odorato faba iungatur coriandro

Proderit appositum: mollitq; aperitq; tumorem.

Aut de phasgano radix decocta palustri:

Quæ salis admixto tondetur condimento.

Proderit & mansum, quod traxeris arbore uiscum.

Gramen Hyoscyami ceræ, seuq; uetusto

Concilia: mixtisq; locos perduce dolentes.

Exercere etiam corpus medicina potens est.

Onum defundis in fictile, deinde putamen

Marrubij suco implebis, post melle liquenti:

Omnia consociata tepenti prospera potu

Sumuntur, referantq; malum, purgantq; leuantq;.

Igni



Igni sacro medendo.

EST etiam morbi species, quæ dicitur ignis:  
Languida quo multo torrentur membra calore.  
Vel tu vicino serum bonis igne remittis,  
Mollitumq; lines: dederis uel fotibus ova:  
Sed non cocta dabis: sic torrida membra fouebis.  
Lumbricus terræ mixto inducetur aceto:  
Aut parili noua Ruta modo: sed iungis oliuum:  
Ouaq; cum betis profunt super illita tritis.  
Allia dant anerem sociandum oleoq; garoq;  
Vnguine quo gliscens deponet flamma furorem.  
Sæpe chelidoniæ pars candida iungitur oui,  
Quæ medico potu, sed uili trita capesses:  
Admiscere memor lymphas, amnemq; falerni.  
Podagræ depellendæ.

QVAEDAM sunt rabidæ medicamina summa podagræ  
Cui ter tricenæ species epidaurius ipse  
Dixit inesse deus: requiem tamen huic dare morbo  
Fas erit: & tristem saltem mulcere dolorem.  
Ergo age, & arreptam salicis frondemq; librumq;  
Cum uino tere: sic contractos perline nervos:  
At cum prima mali sese ostentabit origo,  
Fervida non timidis tolera cauteria plantis:  
Seminecis'ue hirci reſerato pectore calces  
Insere: sic diræ reprimes primordia pestis:  
Aut si corruptus perſederit altius humor:  
Trita cupressus ibi baccho iungetur acerbo,  
Panibus & teneris cohibebunt addita questus.  
Parua sabucus item est hircino collita ſeuo:  
Triticeæq; acido manantes amne farine:  
Aut nitidum ranæ decoctum uiscus oliuo:  
Sine chelidoniæ suavis ſale mixtus aceto.  
Sunt quibus appoſita ſiatur hirudine ſanguis:  
Non audita mihi ſit ſas, ſed lecta referre.  
Hoc quidam rabidus morbo per tempora miſſis  
Vicino plantas frumenti preſſit acervo:  
Enaſitq; grauem caſu medicante dolorem.

Vulneribus ferro, aut uerberibus factis.

NATVRÆ uitæ medicas obiecinus artes:  
Nunc & fortunæ iaculis obſiſtere par eſt.

Q. Serenus.



Q. SERENI

Si cui forte lapis teneros uolauerit artus,  
Necte adipēs uituli, simul & tritam chamæcisson.  
Nec pudeat luteæ sterco producere porce.  
Sin autem seuo est laceratum uerbere corpus,  
Tum lexiva cinis ceras dissoluit, & oua:  
Admixtoq; oleo uibices comprimit atras.  
Si uero infrenus manat de uulnere sanguis,  
Purpura torretur conchili perlita succo:  
Huius & atra cinis currentem detinet undam  
Verrucæ quoq; defectæ frenare cruorem  
Dicitur ambustus tyrio de uellere puluis.  
Præterea nimios reserati uulneris amnes  
Feniculi cinis astringit, uel fimbria porri:  
Siue finus manni cum testis uritur oui,  
Et reprimit fluidos miro medicamine cursus.

Vulneribus quibuscunq; casibus actis.

CVM magna humanæ sint pondera conditionis:  
Tam multæ innumeri species mihi uulneris adsunt.  
Ut nequeam proprijs cunctis adscribere curas.  
Iisdem igitur monitis casus sanabimus omnes  
Sic tamen, ut nullus medicinam eluserit error.  
Ergo modus quicunq; obtingit uulneris atri,  
Contritus cum melle dabit medicamina bulbus:  
Herbaq; quæ folijs nomen de mille recepit.  
Apposita prodest adipi permixta uetusto  
Succida cum tepido nectetur lana lyæo:  
Ambustus uel cinis complebit uulneris ora.  
Concludit uero, uel frons, uel ramus ab ulmo.  
Ut succis hederæ pulchrescit foeda cicatrix.  
Ab homine, uel simia morsis.

SIVE homo, seu similis turpissima bestia nobis  
Vulnera dente dedit: uirus simul intulit atrum  
Betonicam ex puro prodest assumere baccho.  
Necnon & raphani cortex decocta medetur:  
Si trita admorsis fuerit circumlita membris.

Serpentū morsibus, & uenenis pellendis.

CVSPIDE non quisquā, longe neq; cæde larissæ  
Fulmine non gladij, uolucris nec felle sagittæ,  
Quam cita uipereo potis est affligier ictu.  
Quare aptam dicamus opem, succosq; medentes.

Cui



Cui nocuit serpens, fertur caput illius apte  
 Vulneribus iungi: sanat quæ sauciat ipsa  
 Ut larissæa curatus Telephus hasta.  
 Proderit & caulem cum uino haurire sabuci:  
 Aut coctum raphani librum, tritumq; ligare:  
 Sive etiam excelsa folium de mole cupressi  
 Mandabit lactens caprifici succus opellam:  
 Aut tithymalus atrox vulnus contrita perungit.  
 Carduus est nondum doctis fullonibus aptus,  
 Ex illo radix tepido potatur in amni.  
 Ceruino ex foetu commixta coagula uino  
 Sumuntur: quæ res membris agit atra uenena.  
 Aut ferulæ radix potatur in hymbre lyæi.  
 Betonicæ uel leues, gallinæ aut iura uetustæ.  
 Si uero horrendum vulnus fera iecerit aspis,  
 Urinam credunt propriam conducere potu.  
 Varronis fuit ista senis sententia: necnon  
 (Plinius ut memorat) sumpti iuuat hymbër acet.  
 Dicendum & quæ sit præcorx, medicina timenti:  
 Cautio nanq; potest diros peruertere morsus.  
 Si iecur exectum tardo de uulture portes  
 Erucis, uel si totos perduxeris artus,  
 Quas prius attritas uehementi spargis aceto:  
 Aut tu ceruina per noctem in pelle quiescis:  
 Aut genere ex ipso dentem portabis amicum.  
 Toxicæ præterea qua sint pellenda medela  
 Expediam: sanguis poterit prodesse caninus:  
 Qui facili potu antidotos imitatur honestos.  
 Vis & mirificos cautus prædiscere odores:  
 Accensis quibus arcetur teterrima serpens,  
 Aut styracem torres: aut duri uulturis alam:  
 Vel nepetam: aut frondem rigida, stirpemq; miricæ.

Ictibus Scorpj, & morfibz Muris cæci, uel Aranei.

SUNT minimæ species: sed diræ uulnere pestes.  
 Quæ magis in tenui latitantes corpore fallant:  
 Scorpheus ut grauis est, & araneus hæc mala semper  
 Captant securos multa iam nocte sopores,  
 Et documenta dedit nobis prostratus orion,  
 Magna quod exiguis perimantur membra uenenis.



Q. SERENI

At qui vulnus atrox incussit scorpius ardens  
 Continuo capitur: tunc digna cedere retusus,  
 Vulneribusq; actus fertur reuocare uenenum:  
 Aut calidis pelagi lymphis loca læsa fouentur:  
 Sine meri potu dissoluitur improba pestis.  
 Ad cunctos autem morsus, ictusq; minorum:  
 Caseus aptus erit pauidæ de lacte capellæ:  
 Cunq; hoc assumi debet origanus herba:  
 Hæc duo mirificis curabunt icta medellis.  
 Necnon feniculo calidum annectatur anethum  
 Aut uiuum sulphur sicca cum fece lyæi:  
 Exiguo piperis cerebrum conspergito galli:  
 Quo lita sanescunt depulso membra dolore.  
 Sin autem muris nocuit uiolentia cecum,  
 Quæ sola signauit uoluendis orbita plaustris,  
 Illine: mira datur uili de puluere cura.

Subitaneo dolori, feбри, atq; ostocopo.

NON nunq̃ existit subiti noua causa doloris:  
 Cuius origo latet, ueris reprimenda medellis.  
 Nanq; chelidonium mixto sale nectere prodest:  
 Velleraq; infuso recalentia sulphure sanant.  
 Ostocopon lento conducit melle perungi.  
 Sin autem calidæ depascent corpora febres,  
 Tunc apij succus leni sociatur oliuo:  
 Membra lines: focuq; ferus mulcebitur ignis.  
 Nec spernendus adeps, dederit quem bestia Melus.  
 Seminecis cerui lachrymam miscere liquori  
 Conuenit: atq; artus illinc mulcere calentes:  
 Febribus at longis galli des iura uetusti.

Ad Typum quartanæ.

NEC tu crede leuem dilato tempore febrem:  
 Quæ spacium sibi dat magis, ut cessando calescat  
 Lentato quæ crassatur quartana calore:  
 Ni medicas adhibere manus discamus & herbas,  
 Allia non pudeat terno cum amice trita,  
 Et diluta mero medijs haurire diebus.  
 Aut facilem iecoris murini ducere fibram.  
 Quatuor & duri iungantur scrupula bacchi:  
 Mira est absinthii cum simplice potio lymphe.  
 Sume tribus digitis apprehensum semen anethi,

Tantundem



Tantumdem marathri, mulsum nec desit aceto,  
In cuius cyatho prædicta salubriter hauris.  
Iliā quinetiam spartum suppone tumentī.  
Aut leporis trepidi diluta coagula trade.  
Prodest & potus sed mulsus doridis humor:  
Quidam etiam miranda ferunt ueniente calore  
Iurantes ludum ueneris, munusq; petendum.  
Sed prius est oleo partus feruescere ranæ  
In triuijs, illoq; artus perducere suato.

Ad Typum tertianæ.

EST etiam alternis febris rediuiua diebus:  
Tempora discernens quasi iustæ pondera libræ:  
Ut possis igitur talem prohibere furorem,  
Tu uolues cera sine caudis grana cumini,  
Puniceæq; indes pelli, colloq; ligabis.  
Pulei ramus lanæ uelatus amictu  
Tempore suspecto medicos præbebit odores.  
Præterea amex potatur tritus in ouo,  
Horridus attractu, sed gustu commodus apte.

Ad Typum quotidianæ.

AT qui continuis non cessat adire diebus,  
Sed tantum certas morbus discriminat horas,  
Triticum metuit granum (si credere dignum est)  
Quod latitans fracto fuerit sub pane repertum.  
Nec non ossa iuuant septis inuenta domorum:  
Conuenit hæc tereti pendentia subdere collo.  
Multaq; præterea uerborum monstra silebo:  
Nam febrem uario depelli carmine posse  
Vana superstitio credit, tremulæq; parentes.

Hemitritæo depellendo.

MORTI ferum magis est, qd̄ græcis hemitritæum  
Vulgatur uerbis: hoc nostra dicere lingua  
Non potuere ulli: puto nec uoluere parentes.  
Inscribis chartæ quod dicatur abraza abraza  
Sæpius, & subter repetis, sed detrahe summam:  
Et magis atq; magis desint elementa figuris:  
Singula quæ semper rapies, & cætera figes,  
Donec in angustum redigatur littera conum.  
His lino nexis collum redimire memento.  
Nonnulli memorant adipem prodesse leonis.



Q. SERENI

Corallum uero, si collonectere uelles:  
Ne dubites illo ueros miscere smaragdos.  
Talia languentis conducent uincula collo:  
Letalesq; abiget miranda potentia morbos.

Fracturis, & luxis sanandis.

INFANDVM dictu cunctis procul absit amicis:  
Sed fortuna potens omen conuertat in hostes.  
Vis indigna nouo si sparserit ossa fragore,  
Conueniet cerebrum blandi canis addere fractis:  
Lintea deinde, superq; inductasnectere lanas:  
Sæpius & suatos conspargere pinguis oliui:  
Bis septem credunt coalescere cuncta diebus:  
Aut ueteri baccho capræ finus inde petulcæ:  
Hoc aperit clausum, trahit hærens, sanat apertum.  
Sin uero caput infestus colliserit ictus,  
Ex oleo necti uestis debet arachnes:  
Nesciet hæc illinc, nisi cum sanarit, abire.  
Quod si luxa suo decedent membra tenore,  
Vrere foemineos crines, ac iungere senum  
Congruet, ac tali medicamine mota ligare.  
Aut maluam ex pingui tritam apposuisse iuuabit:  
Aut si conclusum seruauit tibia uulnus.  
Stercus ouis placidæ iunges, adipēs q; uetustos:  
Pandere quæ poterunt ulcus, patuloq; mederi.

Neruis incisis, & dolentibus, atq; contractis.

HAVD quisquam credet disiectos uulnere neruos  
Ad solitum rursus reuocari posse uigorem:  
Sed prodest tetræ lumbricos indere tritos:  
Quis uetus, & rancens sociari axungia debet.  
Si uero occultus neruos dolor urit inertes,  
Vulturis excisos adipēs, rutamq; remitte:  
Aut ceram, & tali recreabis languida fotu.  
Conuenit & pelagi calidis perfudier undis.  
Caricat cum betis lento uel melle iugatur:  
Aut baccho madefacta ceres cum fronde cupressi:  
Quo poteris potu recreare rigentia membra.  
Sin autem subito replicantur corpora morbo,  
Contractos reuocat neruos atro sumpta columbæ.

Aegris somno asciscendo.

NON solum miseros teterrima febris adurit:



Sed super optato pergit uiduare sopore:  
 Ne prosit placidi coelestia munera somni.  
 Charta igitur, varijs quam pinxit littera uerbis  
 Vritur, inde cinis calido potatur in amni.  
 Prodest puleium capiti substernere saepe.  
 Proderit & mixtam lymphis potare cupressum  
 Palladijs itidem succis, quos flore rosarum  
 Iungis, & immisces madidum, tritumq; papauer:  
 Quo lita frons facilem præbebit nocte quietem.  
 Necnon mandragoræ gustu sopor additur altus.  
 Dilue præterea glomeratam quam gerit intus  
 Lanam aries inter geminae coxendicis umbras:  
 Inde soporati ducentur gutture potus.

Lethargiae expellendae.

DIXI mus hanc sortem miseris mortalibus esse,  
 Ut sint saepe mala inter se contraria morbi,  
 Deniq; nonnunq; somno sic membra grauantur,  
 Ut coniungantur letho sopor altus acerbo.  
 Ergo leui flamma torrentur cornua caprae:  
 Quo nidore grauem depellent lumina somnum.  
 Aut ueneris labrum, quæ dicitur herba bibetur:  
 Quæ teritur prius: & uino confusa liquecit.  
 Conueniunt acidis euphorbia mixta fluentis:  
 Gramina uel rutæ, gemina si nare trahuntur.  
 Quidam dira inbent septeno cimice trito  
 Ut uitientur aquæ, cyathusq; bibatur earum:  
 Hæc potiora putant, quam dulci morte perire.

Comiciali morbo medendo.

EST subiti species morbi, cui nomen ab illo est,  
 Quod fieri nobis suffragia iusta recusant.  
 Sæpe etenim membris atro languore caducis:  
 Consilium populi labes horrenda diremit.  
 Ipse deus memorat dubiæ per tempora lunæ  
 Conceptum, talis quem saepe ruina profundit.  
 Prodest cum ueteri baccho fel uulturis atri,  
 Sed cochlear plenum gustu tibi sufficit uno:  
 Aut cruor ex prognæ mixtus cum polline thuris:  
 Aut apium elixum: aut conditum melle fel agni:  
 Marrubium'ue pari confusum pondere mellis:



Q. SERENI

Cui tu terna dabis gustu cochlearia in uno.  
Aptus mustelæ cinis est, & hirundinis una.  
Præterea pluvias hominis quas calua supina  
Excepit proiecta sinu, consumere prodest:  
Aut lapis ex nido uaga quem congeffit hirundo  
Vellitur: ex nexu fouet, attollitq; iacentem.  
Pellitur (ut fama est) gustu quoq; langor anethi.

Regio morbo pellendo.

REGIVS est uero signatus nomine morbus:  
Molliter hic quoniam celsa curatur in aula:  
Huic rubia ex mulsâ fertur conducere lymphâ.  
Allia trita dabis uino madefacta calenti.  
Vellera cum uino suffiri sulphure prodest.

Detibus, uel strigis inquietatis infantibus.

NVDVM hoïem primû mûdi natura profudit:  
Insper excruciat, niueis cum dentibus armat.  
Collo igitur molli dentes nectentur equini,  
Qui primi fuerint pullo crescente caduci.  
Aut teneris cerebrum gingiuis illine porci:  
Aut leporis niueo bibitur cum lacte caprino.  
Præterea si forte premit stryx atra puellos,  
Virosa immulgens exertis ubera labris,  
Allia præcepit Titini sententia necti:  
Qui ueteri claras expressit more togatas.

Combusturis igne, uel frigore factis.

SVNT diuersa quidem mala frigoris, atq; caloris:  
Sed tamen amborum simili nocet ulcere uirus.  
Illa quoq; uisti putas, quæ sunt niue læsa rigente.  
Conuersa in cinerem platani pila curat utrumq;  
At uero ambustum flammis qui candidus oui  
Sucus inest: penna inductus sanare ualebit.  
Aut tu succosæ cinerem perducto lanæ:  
Aut uiuam ex oleo ueteri composito calcem:  
Ordea uel franges, atq; cui candida iunges:  
Adsit adeps porcæ: mira est hæc forma medelæ.  
Iunge chelidonijs, ac sic line uulnera succis:  
Quodq; recens uisit glacies, axungia simplex  
Mulcet: & ex facili grata est medicamine cura.

Venenis prohibendis.

VT tutus fias infestæ fraude nouerca,



Vel quicumq; tuo arpetur liuidus auctu,  
 Non expectatis eat obuia cura uenenis.  
 Ante cibos igitur inglandis foetus edatur.  
 Profunt electri uariantia pocula uirus.  
 Præterea coctæ querno cum cortice lymphæ  
 Conueniunt potu: demersa'ue ficus oliuo.  
 Sæpe etiam raphanum prædixit numen edendum.  
 Antidotus uero multis mithridatia fertur  
 Consociata modis: sed Magnus scrinia regis  
 Cum raperet uictor, uilem deprehendit in illis  
 Synthesin, & uulgata satis medicamina risit.  
 Bis denu rutæ folium, salis & breue granum,  
 Inglandesq; duas, terno cum corpore ficus  
 Hæc oriente die parco conspersa lyæo  
 Sumebat, metuens, dederat quod pocula matri.  
 Venenis datis.

SI nequit infandum præsertere cautio uirus,  
 Proximus ille gradus data pocula pellerè cura.  
 Lac asinæ, placidæq; bonis prodesse loquuntur.  
 Betonicam ex paruo sumunt pleriq; lyæo  
 Quod si hederæ succos, quæ truncos implicat altos  
 In stilles paruis, poterunt haud ulla nocere  
 Pocula, quæ quisquam seuis uitiauerit herbis.  
 Si quis Hyoscyamum gustarit lacte capellæ  
 Exhausto rabidos poterit mulcere furores.  
 Vulneribus, & rei dubiæ curandis.

V V L N E R A tabescunt spacio uitiata dierum:  
 Curaq; nil prodest, nec ducitur ulla cicatrix:  
 Sed tamen herbarum tam mira potentia pollet,  
 Vlceris annosi sinus ut coalescere possit:  
 Marrubium si tu recoquas, illoq; liquore  
 Vulnus atrox foueas, cineres uel hirundinus alte  
 Inducas: leporis'ue aspersa coagula uino:  
 Aut hederam baccho decoctam, & semen anethi:  
 Aut cineres alni tardo cum melle ligentur.  
 Lumbrici terræ poterunt conducere uulnus:  
 Aut facilis lapathi coma latior ulcera purgat:  
 Et comixtus adeps, sed nonnullo sale tactus.  
 Pineæ præterea uiuo cum sulphure cortex:  
 Et pice cum spissa iam perditâ membra reponit.



Q. SERENI

Et pice cum spissa iam perdita membra reponit.  
Verrucas tollendis.

INTERDUM existit turpi verruca papilla  
Hinc quondam fabio uerum cognomen adhæsit:  
Qui solus patræ cunctando restituit rem.  
Id poterit uitium sanguis curare lacertæ:  
Aut urina canis cum terra inducta madenti:  
Aut herbae succus, quæ fertur nomine lichen.  
Est tithymalus item tali satis apta medellæ,  
Si rupta immensos fundit uerruca cruores,  
Purpureo tritici cinere de uellere prosunt,  
Quod fuerit uero conchyli sanguine tinctum.  
Hæmorrhoidis medendis.

EXCRV ciant turpes anum si forte papillæ,  
Agrestis prodest radix super addita porri:  
Ne uiolet, sana, in iuglandis fragmine clausum.  
Sal niueum sumes, bethicum quem nomine dicunt,  
Dulcia cumq; nigra iunges fuligine mella,  
Apponesq; super: pellit medicina dolorem.

Sequuntur. XXVI. uersus, qui in alijs impressis  
codicibus desiderantur.

Paralysi depellendæ. primo die ita agendum.

HVNC quicumq; cupis citius depellere murbum,  
Protinus antidotum studio tu perfice mirum:  
Scilicet ut ualeas languenti ferre medelam.  
Castoreas siliquas bis sex perquirere cura:  
Tristis item digitis lympham metire duobus.  
Deniq; tunc capies phyalam, quæ iustior extat:  
Aut equidem flammæ sed prunas subijce sollers.  
Proderit interea tepidum potantibus illud:  
Ieiunis sed enim potius præbere memento.

Secunda ita medendum est.

CVNQVE secunda dies orbi peruenerit omni  
Haud alijs rebus prudens adiungere cures.  
Castoris, atq; nouem siliquas appendito statim:  
Atq; duos semis digitos metire memento.  
In calice atq; probo lympham miscere duobus  
Qui patitur tepidum languens hinc sorbeat ipse.



*Tertia die ita curandum est.*

GRATIOR atq; dies ternus cum uenerit imo,  
Rursus in aegroto constanter fer medicamen,  
Castoreas siliquas iterum quæ pondere sint sex:  
Hinc etenim binos digitos metire memento  
De lymphâ liquida sed enim subiungere cura  
Et simili debes tepidum præbere modo tunc.

*Ita peragendum est à quarta die usq; ad sextam,  
Et à septima usq; ad nonam, à decima usq; ad  
duodecimam, Et mirifice prodest.*

*Quid quarta die, Et reliquis peragendum sit.*

QUARTVS Et ille dies consentit. nec ne priori  
Quintus Et est similis percellens nanq; secundo.  
Sextus itemq; simul concordat deniq; terno:  
Septimus usq; nonum percurritur ordine primo:  
Sic decimas currens conscenditur ad duodenum.


\* a b c d e f g h i k l m n o  
p q r s t u x.  
Omnes sunt quaterniones, præter t. duernionem.

VENETIIS IN AEDIBVS ALDI, ET AN-  
DREAE ASVLANI SOCERI MENSE  
MARTIO. M. D. XXVIII.
















Aldine  
528  
C394i

by











